

رواية

أين وجدت

دار روعة للنشر والتوزيع

إسلام عبد الحليم

أينوچت

أينوچت
إسلام عبد الحلیم
تصمیم الغلاف: إسلام عبد الحلیم
تصویر الغلاف: أحمد عاصم

دار روعة للطباعة والنشر

مقدمة

قابلته بملابس خاصه، زي الباليه، الذي يتجلى بياض جلدها منه، ويوضح الفرق بين وجهها المكسو بالحمرة الوردية آثار خجلاً متوارث في ملامحها، أطرافها لا تختلف ارتعاداً عن قشعريرة السماء حين رعداً، في ذلك الوقت احتقنت السماء تلبداً بسحاب كثيف، وقف مذهولاً ينظر إلى أعلى عبر السقف المفتوح، المطر على وشك أن يتدلى إلى سطح الثرى، ذهوله يجعله ساكناً في شكله المستاء، بعدما أنهت ما قد روت من كلمات مشذبة، تهباً لسؤالها بصوت دافئ حتي لا تصير كلماته مهينة لصاحبة الكرسي المتحرك ...

- هو أنتي ليه بقى لابس كده؟

- تقدر تقول إني نفسي أرجع طفلة تاني في آخر شوية ليا في الدنيا.
اقترب منها وارتكز على قدميه في وضع القرفصاء، فشبك يده بيدها في تلاحم العشق، فقال في صوت هادئ
- ليه بتقولي كده ...

تنادت بصوت البراءة تطلب مساعدة، يشدو في عيونها الأمل، جبال من اليأس داست أطراف أصابعها، فراشات من النور تخطف نظراتها في هذه اللحظات، مدت يدها فلمعت أطرافها تحت الضوء المنسدل من نافذة بيتها، وعندما حاول لمس كفيها صرخت في حدث لم يواكب أفكاره، هل جن جنونها، أرتعش ذلك الجسد النحيف كأن البرودة التحمت به في شتاء فبراير، حبات الكريستال ارتسمت حدقات عيونها، في تلك اللحظات لم يقف هكذا يشاهد، فأطلق ساقيه باحثاً عن غطاء ثقيل، يحاول أن يضمها إليه وباله مشغول بما تردد على مسامعه "هي فعلاً حاسه بالبرد زي ما قالت" هذا ما تتمم به في خاطره.

الفصل الأول

حكايات الطفولة في الإسكندرية ...

كان يشعر بالامتنان عندما يقف صباحًا، مستنشقا هواء ذلك الحي الفقير، ففر مدقع يعلم ذلك ولكنه لا يريد تفصيلاً فلا يرفق لذلك تدويناً، ولم يرد أخبار عن هيكلة أثاثات متحطمة، وأخشاب نوت أن تسند حوائط الهم، وما كتب في أجندة مذكراته عن رائحة زهور حديقة البيت القديم الذي يقبع في تلك الساحة الواسعة في نهاية ذلك الحي، لعائلة ثرية كان، وأكثر ما نوه به انتفاضة جوارحه، شرود الذهن بالحماس، مفعم بخيال وصدق الطفولة، منتظراً كل صباح، مستمعاً إلى تغريد الطيور، عيونه تحكي عن مراسم الاحتفال عندما يسمع صوت أقدام مع صوت احتكاك وصرير ذلك الكرسي المتحرك، شاغلة الشاغل قابضة الكرسي، فتلمع أسنانه بشمس ترمي أشعتها إليه عبر السماء، تسرع قدماه الملهوفة وترضى يدها برفع ذلك الحمل الثقيل على ظهره الضئيل متوجهاً إلى باب البيت مودعاً أمه القانطة بالمطبخ بصوته العال:

- سلام يا ماما أنا رايح المدرسة.

فتعلو حنجرة الأم بهتاف أسمع كل من في الحي ...

- يا بني اصبر خذ السندوتشات معاك.

ولكن يسبق انتهاء كلامها صوت انغلاق الباب، فيلاحقها من نافذة مراقبته لأميرته التي تقع في الردهة الأرضية مطلاً برأسه للداخل قائلاً في عجالة:

- هبقى أشتري من الكانتين ... باااي

وسط الشوارع والحرارات الغير متناسقة البيوت، تشحن الطاقة قدماه ليلحق بملاكه البريء، وهو على دراية بالطرق المختصرة والمؤدية للطريق الممهّد إلى مقصدهما الصباحي، عندما تلاحظه على مقربة منها يبطيء خطواته لوهلات، وسرعان ما يرجع إلى وضعه السابق لتراقبها عيونه مجدداً، وإذا تلاقت العيون علت الحمرة وجنتيه فصار

مسرعًا أكثر فأكثر في خطوات يشوبها الارتباك، أحيانًا ما كان يخفي مشاعره في النظر إلى السماء، أو يخفض رأسه إلى الأرض فهكذا هي المغامرة حتى باب المدرسة.

يرجع إلى بيته وكأي طفل صغير يسند ظهره على وسادة سريره أمام مسلسلات الرسوم المتحركة، "أينوچت"، اسمًا اختاره لحبيبه بعد عشقة الخاص لبطلة أولى مسلسلاته المفضلة، ارتضى بلقب وهمي، حينئذٍ وقف أمام المرأة يرفع ستار عن خياله ليصنع مسرحية ويجرب اسمها الجديد، في ذلك الوقت حاول مواكبة أحداث تخيلاته، فاتجه إلى المرحاض أولاً، محضراً فوطة، ثم لفحها حول رقبته، في هيئة سوبر مان، تخيل شيء مختلفاً، فوقف أمام المرأة معبراً عن كواليس مسرحه العجيبة، ينادي بصوتاً تمثيلي مبالغاً فيه ...

- أينوچت.

فيجيب على نفسه بصوت رقيق ليحاكي صوت الفتيات:

- هل تفصدي أنا يا حبيبي؟

تنزلق قامته داخل مقعده مفكراً ومحللاً لوضع دقائق قلبه الحائرة، وسط تلك الجدران المتباينة الألوان أثير شخبطة ولهو الصغار، أسماء حفرت بسننون الأقلام الحبرية، قلوب وأسماء وهمية أو مصدقة في أوساط جمعهم، ومن يدري حال قلبه المرفرف داخل قفصه، أخيراً قرر البوح بسره، إلى صديقه أحمد، رفيق مقعده داخل الفصل، أمن بصفاء قلب وسلامة نية، ففي اليوم التالي لاحظ ضحكات من حوله وتغامزهم بالأقوال ووضع أيديهم على فمهم أثناء الحديث عند رؤيتهم له، صارت الدهشة تخفق بدخلة خفقان غير منتهي، وما تبينت حيرته إلا عندما جلس في مقعده ووجه رأسه إلى السبورة فوجد قلباً وسهما ومكتوب بجانبه، "عمر يحب فتاة عاجزة"، تحكم الذهول في ملامحه، ثم تبين

الغضب في صوت أسنانه المحتكه، برم قبضته ولكم المقعد الخشبي أمامه ليحدث صوتًا مهيبًا، استفاقت قدميه من غفلتها ليتجه سريعًا صوب السبورة، توالت يداه ملطخًا الكتابات المكتوبة محدثًا صرخات عالية، سكت الجميع ولم يجب أحدًا مطلقًا، أمسك قطعة طباشير ونطقت يداه بالكلمات:

- محدش ليه دعوة بيا.

كلمات بيضاء من قلبٍ شفاف، ما أظهر لونها غير لون السبورة الداكن، انطلق إلى مقعده ودمه الثائر يغلي، درجة حرارته تجاوزت الحدود المسموحة لجسم الإنسان، رغم أنه طفلًا صغير إلا أنه كبير في تعبيرات وجهه المتخمة بالرجولة المبكرة، جالسًا بجوار صديقه الخائن ناظرًا إلى الطبشورة الصغيرة التي يمسكها، أغلق قبضته عليها بعنف وفتح يده نافخ بترابها في عيون ذلك الخائن والنافث للأسرار، وبصوت الغضب تلجج لسانه في قعره المغلي ...

- عشان تبطل فتنة.

وعلى صوت هيبات الشجار في فصلٍ من الصغار، تناوبا الزميلان اللكلمات، يصطف الأطفال حولهم في دائرة المشجعيين، لا أحد يفض العراك فالكل يشاهد بعيونٍ متلذذة وقلبٍ شغوف، وفي النهاية فض ذلك الموقف أستاذ محمود مدرس اللغة العربية، ولولا طيبة قلبه الممزوجة بحلاوة لسانه لوبخهما أسوء التوبيخ بل لنعنوا بأسفل الصفات، أو تصعد الأمر إلى استدعاء أولياء الأمور وهذا ما يخشاه أطفال سنهم، كل ما فعله هو التفكير في حل النزاع وليس المعاقبة بالعصا، أخرجهما خارج ساحة العراك، ليستجوبهما في الممر الواسع خارج الفصل، المدرسين ينظرون ويتسائلون، الناظر لم يتدخل في الأمر ظل كظلٍ خافت يراقب من بعيد، وفي يده تلك الخزانة التي فاقت مستوى طوله بمراحل، وهنالك رؤوس مطلة خارج باب فصلهما تبغي متابعة الأحداث ولا

يستطيعون سماع النقاش الحالي، فبدأ أستاذ محمود باللوم بعد نحنحة طويلة المدى ...

- ينفع يا ولاد اللي عملتوه ده ... كنتوا بتتخانقوا ليه؟

رد أحمد بكل ثقة رافعاً عيناه إلى أستاذ محمود:

- والله يا مستر هو اللي ضربني الأول ... ونفخ الطباشير في عيني.

كان الصمت يربط لسان الصغير المكلوم، حتى سأله أستاذ محمود ...

- ليه عملت كده يا عمر دنا حتى بقول عليك طالب مجتهد وشاطر.

رد عمر بصوتاً لا يشوبه خوفاً وثقة تملأ صدره المرتفع في عزة:

- هو عارف عمل إيه.

- ممم، طب قولي عملك إيه يا عمر.

سكت عمر لو هلات ولا يعرف هل عليه أن يعترف بحبه أمام الأستاذ أم

يعوض عن ذلك بحجج واهية قد تجري الأمور، لكنه اقتات الإجابة الوجيزة ...

- فتن عليا.

- على إيه بالظبط؟

- كنت قولتله سر ... جيت النهاردة الصبح لقيت كل الفصل عارف

سري.

- الكلام ده بجد يا أحمد؟

رد أحمد متلجلجاً ...

- أنا مفتنتش لحد حاجة.

هرش الأستاذ محمود في لحيته الشمطاء متخللاً خصلاتها ونظر نظرة

لا تفنقر إلى الحكمة ...

- ممم ... بس شكل كلام عمر صح ... الكذب باين على وشك

خصوصاً أنا عارفك مشاغب وبتاع مشاكل ... وعمر معروف إنه

مجتهد ومش بتاع مشاكل على العموم لو حصل أي حاجة منك تاني

يا أحمد هعملك استدعاء ولي أمر ... والفتنة أشد من القتل وأنت عارف كده كويس ... وأنت يا عمر مش كل حاجة تاخذ حقك بأيدك، ولو في مشكلة تعالى قولي أنت عارف أوضة المدرسين، يالا ارجعوا على فصلكو.

لا يكف عن مراقبتها في الفناء في وقت الفسحة، من الواضح أنها أخذت ركنًا خاصًا وهي أيضًا تراقب، تراقب تلك الأقدام المبعثرة للغبار، أقدام تركض فتصنع تراب حائلًا للرؤية مما يجعل من الصعب على عمر مشاهدة وجهها، وعندما تتضح الصورة من جديد، يرى عيونًا ممتنة ملبدة بحبات لامعة، ابتسامة هادئة شقت طريق الأمل وسط ملامحها، لقد ظن أنها سوف تكون حاقة تحمل الأسي أطنان على عاتقها، حاولت إخفاء دررها الغالية، فنكست رأسها إلى الأرض، ولكن الحظ يكتب لها رسالة بأمطار السماء، فاختلط المطر بدموعها وصار الأمر محض مصادفة، فباتت رافعة وجهها إلى الطرائق، تستجدي الأمل وقلبها مملوء بالتمني، حتى جاء أمر الناظر بإخلاء الفناء لتلك الأمطار الغزيرة، أمسكت العجلات وحاولت أن تحرك الكرسي، ولكن أبت عجلات كرسيها أن تتحرك عندها؛ الطين ظل عائقًا ويدها تلطخت، فانطلق عمر والرعدة تسكن ركبتيه الضئيلتان، اقترب أكثر فأكثر فأكثر، والخوف تشبث بقدميه محاولاً إبقاءه، فبات الصراع قائمًا ما بين التمني والفعل، وعندما حاول أن يمد يديه أظبقت الرهبة عليهما، وقبل وصول كفوفة المرتعدة، زميلها في الفصل أنهى كل الصراعات بطعنه من الإحباط وانطلق بها صوب الفصل، لقد ظن عمر أنها لم تلاحظه لأنه كان يقف خائبًا يبعد عنها بضع خطوات، ومع تلك الرياح الباردة لاح شعرها يمينًا ويسارًا، وفجأة التفتت تلك الرأس مبقية عيونها عليه في تأمل، ابتسمت ابتسامتنا العريضة، فنظر حوله يمينًا ويسارًا متسائلًا: "هي بتبصلي أنا!!!"، يبدو أن كل من في الفناء غادروا إلا هو،

فأشار إليها بالسلام مع ابتسامتي الرقيقة، فردت عليه يدها الشاحبه بإشارة سلام أخرى، أخيراً تأكد بأنها لاحظته، فصار الأمل عنوانه، والحب غطاءً حائلاً لصقيع أمطارٍ تخللت خصلات شعره المبتلة، "ياهووووووو، ياهووووو" هكذا تنادى صوته بالفرحة، بات يقفز عاليًا كطفل نجح في الامتحان عقب تفاني واجتهاد، بسط جناحيه وأطلق ساقيه فأصبح هنا وهناك ككسر الأسير لكلايبه، رضي الإله عنه بعد سخط، وما أوقفه سوى صياح ناظر المدرسة:

- أنت يا ولد أرجع فصلك.

عاد إلى فصله بروح التفاؤل، يتغنى صوته بأي أغاني يحفظها عن ظهر قلب ...

- بحلم بيك أنا بحلم بيك ... وبهواك واتمنى لو أنساك وانسي

روحي وياك ... وأنا لك على طول خليك ليا

- وديه أغنية جديدة لعبدو الحليم، رايق أنت ومش فاهم، أنت فاكسر خلاص لما شاورلنتك يبقي بتحبك لا متفرحش أوي كده، يا بني دي في تالته إعدادي يعني أكبر مننا بتلت سنين؛ أنت بالنسبها أخوها الصغير، ويدوبك تأكلك المصاصة في بوقك.

سكت عمر بعض الوقت ليقلب الكلام بداخل جمجته، بات قلبه يكذب الأقاويل لينتصر عقله على قلبه بالإقناع، سلبت منه الفرحة من جديد ولكنه رد على الماكر قائلاً في شدة:

- قلتك ملكش دعوة بيا.

- ياعم أنا بنصحك، دي كلها السنادي والبنت ديه هتسيب المدرسة وتروح مدرسة ثانوي، وأنت هتقضيها لوحك هنا.

- برضه ملكش فيه، ولا نسيت العلقة بتاعت المرة اللي فاتت ... فاكسر الطباشير؟

- خلاص ياعم أنت حر.

وبعد انتهاء العام الدراسي لم يرها مجدداً، فظل طوال الوقت على سطح البيت، متذكراً ماضيه، متأملاً حاله الحزين، حتى مرت الشهور وظل باله بها مشغول، وكالعادة أماله بنراً عميقاً محاطاً بصخور من التفاؤل، استمر في حالته حتى عامه الدراسي الجديد وكالعادة يقف في الشباك ملهوف، منتظر صوت الصرير، ولا أمل فيما هو مأمول، ذهب إلى مدرسته منكسراً، "هي اختفت فين؟! " سؤال رده قلبه كثيراً، ولكن من أجا به هو الماكر اللئيم ففي يوم استبشر وجه أحمد بشيئاً من الشرور وما إن سأله عمر عن أسباب سروره الغير مسبوق ...

- ها مالك كده النهاردة؟

فأجا به في صوته البارد الرتيب:

- فرحان أوي ... جداً ... فوق متخيل.

رد عمر باستهزاء:

- فوق متخيل!!

- مش عاوز تعرف ليه؟

رد عمر في عزة نفس:

- مش هيفرق معايا.

باغته بقول خبيث و عيون أخبث ...

- لأ هو بصراحه هيفرق معاك.

- مش عاوز أعرف حاجة واسكت بقي.

الإلحاح من وسائله المتكررة لنبذ الارتفاع لدى عمر.

- لا لا لازم تعرف ... أصل كنت ماشي الصبح بجيب قلم رصاص

من عم أيوب فشوفت البنت اللي كانت معانا في المدرسة.

أول من جالت خاطره هي أينوچت وكان عليه التأكد دون أن يظهر

لهفته فتصنع المكر قائلاً:

- تقصد مين؟

- يعني هيكون مين غيرها ... حبيبة القلب.
- ...!
- كنت شايف أبوها كان بيشيل شنط في عربيته، وشكله كده مسافر
المفاجأة كانت كالصاعقة على أذنيه الصغيرة ...
- مسافر!!
- منا سمعت شوية طرايطش كلام وأنا بلمع أوكر ...
- سمعت إيه؟!
- طب اتحايل عليا شوية وأنا أقلك.
بدأ عمر في فقدان أعصابه واتزانه:
- قول يا أحمد علشان خاطري.
- وتديني سندوتش الكفته اللي معاك؟
- ماشي بس قول ...
- ياسلام مننا مكنتش طابق تكلمني وعاوز تنقل في ديسك ثاني جنب
محمد ... هقلك بس مش عشان خاطرك ... عشان خاطر
السندوتش.
لهفة عمر بدت آثارها على ملامحه
- هاللا
- مسافرين بره علشان يعالجوا بنتهم.
انتابت ملامحه الدهشة المفرطة ...
- ده النهاردة؟!
- النهاردة الساعة ١٢ هيركبوا سفينة تقريباً رايحة أوروبا.
الحزن يسيطر على عمر شيئاً فشيئاً.
- أوروبا! ... أنت أكيد بتفتي.
- يابني ده الكلام اللي سمعته، وأنا مبقتيش، هنشوف بقى أنت
هتعمل إيه.

ضحك الماكر وزفر زفيرًا مخرجًا معه ضحكات متتابعة ثم قال في سخرية:

- أه صح نسيت انبهك لحاجة ميعاد المرواح الساعة اتنين ... ودلوقتي ...

سكت قليلاً متأملاً ساعة يده، ثم نظر لعمر في دهاء:

- الساعة ١١؛ يعني لو عملت إيه مش هتلقهم، الموضوع خلص خلاص يا حلو

رد عمر في حزن ونبض قلبه نبض المرتعد:

- أنت متأكد من القصة ديه؟

- أكيد يا عمر مش هضحك عليك دننا صاحبي حبيبي ... أب بقى بسندوتش الكفتة

أخرج عمر سندوتشاً غطى رائحته اللذيذة رائحة عرق الأطفال ...
- بالسم الهاري.

التفكير السريع دربًا من دروب الارتباك، فما إن جاءت الفسحة، انطلق عمر سريعًا نحو سور المدرسة، وبدأ يراقب من هم أكبر منه في العبور للخارج في خفة مبتكرة، لذا قرر المحاولة ونظرًا لقصر قامته بدا الأمر كالنحت على الصخور، فحاول أن يمسك أول السور وتندرج قدميه في الصعود ولكنه سقط سريعًا، فقفزاته بالكاد تجعله يصل إلى أطراف السور، فحاول ثم حاول ثم حاول بلا فائدة؟؟؟ نظر إلى ساعته مذعورًا، لقد أصبحت الحادية عشر والنصف، هل يظل هكذا محطم مكلوم، تمنى لو كان لديه قدمان قويتان يستطيعان حمله، فيلحق بها، قعيد الأمانى، صاغر لليأس، ولكن هنالك من حول بصيص الأمل إلى نور أقوى من لهيب شمس، أحدهم مد يده إليه لمساعدته بعد ملاحظته لإخفاقه المتكرر، فنادى عليه قائلاً:

- يالا تعالى وأنا هشدك.

- ربنا يخليك.

- يالا بسرعة مد إيدك ... جرس الحصاة قرب يضرب وهنتققش.
ومع تعثره الشديد استطاع أن يجتاز الحاجز أخيراً، وعندما لمست قدميه أرض الشارع، أدرك أنها أقدار الله، أجنحته الرفرافة جعلته أسرع من البرق، يطير ويطير، مفادياً كل الحواجز، يملؤه الحب طاقة صاروخ، الحق بمن كانت لديك رقيقة عقلك وقلبك، ومع تلك السرعة الجنونية ظن الناس من حوله أنه مذعور هارب من المنية، أصبحت الثانية عشر إلا خمس، يزيد من سرعته أكثر فأكثر وأكثر، وهناك صوت بوق سفينة يهرب أوصاله، أصبح سهماً جامح يجول الشوارع والحارات والممرات، وأمل راجي في موقف حرج، واستجابت أوصاله لطلب طفل بائس، والآن أصبح أمام تلك السفينة المغادرة، وبعيون الصقر بات يفتش عن مبتغاه وبعد معاناة لمح ابتسامة ملاكه البريء فقفز عاليًا ملوحًا بيديه، فلاحظته أخيراً وأشارت له بمثل ما أشار لها، وما هي إلا دقيقة واحدة وبدأت السفينة في المغادرة، خاطفة الدمع من عيونه مراقباً إياها حيث ذهبت، فباتت صورتها تصغر وتصغر حتى اختفت عن عينه، واضمحلال الرؤية قد يلاشي سرا.

الفصل الثاني

لم يكن المكوث طويلاً في حي السيدة زينب يكسبه التعارف على من حوله، إنما ابتغى صديقاً ورفيقاً واحداً، محمود، صاحب قصة رجل الديك، كما يطلق عليها هو، طبيب في مستشفى القصر العيني، جار عمر في نفس المجال، مجال الجراحة العامة، يتمتع بخفة الدم التي تذيب العيون دمغاً، ويسلب الألسنة طمغاً في ضحكات مديدة، طريقته العشوائية في لهجته مع تعليمه العالي يصنعان مزيجاً مختلفاً، أفكاره المفتوحة للجنس الناعم لا يستهان بها، فالمرأة المثالية في وجهة نظره هي من تحمل أنابيب غازية تحت رقبتها، ووسادتين هوائيتين لسيارة فارهة أسفل ظهرها، عبث تفكيره يجعل منه مفكراً يلهث طمغاً في كل جسد رهيب، المثير في الأمر أنه لم يتزوج رغم بلوغه الثلاثين، وإذا سألته يجيب بسهولة راوي حكايات خيالية في مسلسل إذاعي ممل بحجج ليس لديها مدلول، أغلب ما يحكيه عن معرفته بالجنس الآخر ربما حكايات أشخاص آخرين ينسبها إليه، أو حكايات قد مرت على عقله في أحلامه، مقارنة بعمر فمحمود لا يزال يتمتع بطيش الشباب، وشبقهم نحو الفتيات وأغلب أحاديثه على الممرضات اللواتي يقطن في العمل معه، حتى في جلسته مع عمر في قهوة سعيد حلاوة، القهوة التراثية، علم من أعلام حي السيدة زينب، حيث تجد أناساً من جميع الطوائف، مهندسين، أطباء، تجاريين، حتى أجانب المعهد الفرنسي صاحبي البشرة المحمرة والشعر الذهبي الذي يذيب القلب والعقل، وحيثما يوجد الأجانب، تستطيع أن تصنع بوصلة تشير إلى اتجاه محمود الذي لا يترك لي الشيشة من فمه، ولا يهوى إلا الشيشة القص أو السلوم، وإذا ذكرت أمامه الشيشة التفاح يرد عليك بسخرية قائلاً:

"دي بتاعت فرافير".

كعادة أي يوم يطلب محمود شيشته ويصبح كمدخنة كباجي بجانب
عمر يستمع ويرشف بشفتيه بالدخان الكثيف الذي يخنق أنفاس صديقه
فبباغته بالسب واللعن، فيرد محمود قائلاً:

- عيل فرفور ...

تعصب عمر لوهلات وكاد أن يلفظ لسانه بالسباب ...

- يعني من وجهة نظرك المبجلة، اللي مبيشر يش شيشة أو سجاير
بيقي فرفور، مكنتش دكتور يا أخي وعارف البلاوي اللي بتخش
صدرنا، وبعدين نفخ دخانك بعيد عني.

- إيه رأيك بقي إن الشيشة بطول النفس؟

نظر عمر إلى محمود بحدة قائلاً في استغراب ...

- لا ياراجل!!

ضحك محمود مشاركاً بلي الشيشة في ضحكاته:

- فوكك فوكك، المهم قولي إيه حكايته، قافش ليه النهاردة؟

ضحك عمر ضحكة هادئة ساخرة ...

- أفاك إيه بس؟

بدت الثقة على محمود حينما يتوقع أمور عمر ليتأمله قائلاً:

- يبقى المدام قرفاك كالعادة ... ميت مرة قلتك ... هنتجوز يبقى

لازم تعرف إنك سلمت حريته عند باب المأذون، واستحمل بقي

ياريس، واللي يفرط في حريته ممكن يفرط في حاجات كتير بعد

كده.

سكت عمر لوهلات ليتابع قائلاً:

- مبدأياً كده ... المدام زناة ... كل شوية تقولي خرجني ...

قرفانة ... والجوده، دي كده أبسط حاجة.

- عادي ... خرجها.

نظر عمر إلى محمود باندهاش شديد ...

- هو أنت متعرفش احنا بنتنفخ إزاي في الشغل وبنروح مهدودين،
ولا أنت شغال في حته تانية؟!!

لم تتبدد نظرة الثقة والتفاخر في عيون محمود منذ جلوسهم في القهوة

...

- اتكلم عن نفسك، أنا بروح أخدلي شاور، أفوق وبعد كده أنزل
الجيم والعب شوية أيروبكس، مليش دعوة بيك.

- أيروبكس ... الله يرحم ... المهم، أنا بقى ياسيدي بقولها مينفعش
نروح في حته النهاردة وكمان مفيش دماغ؛ تروح قالبه وشها
والبوز يطلع وأجارك الله ... نكد.

- حقها، الست في أول الجواز بتقعد بين أربع حيطان؛ فبتتخنق
وتطق.

- ماشي حقها بس تقدر إني ساعات بروح خلصان ده غير إنها كل
يوم عاوزة تخرج وأنت عارف الخروج مصاريف تانية لوحدها،
مش مشكله عدي ديه، مشكلة وتعلم، تعالى للتقيلة ألومها على حاجة
تقعد ثقلي أنت عاوز تنكد وتحسني إني نكدي وهي مبتشوفش
نفسها وهي مخنوقة بتبقي عاملة إزاي.

سحب محمود نفساً عميقاً من شيشته، نفساً يخبر عن كم الدخان الذي
يعقبه ليتحدث من جديد بغم مغرق بالدخان الكثيف:

- كبر مخك معاها ... عدلها ... فوتلها كده، مش كل حاجة تحاسبها
عليها.

- مهو لما ابلع كام حاجة كده بتخنق برضوا؛ الواحد ليه طاقة.

- ماشي بس تلاقيك لما بتلومها زي مبنقول بتلومها بطريقة وحشة،
ز عيق وشخط ونظر

رد عمر في حده:

- مهني بتوصلني لكده يا محمود.

- معلش بقى إهدا كدا وروق.

- بكرة تتجوز وتعرف.
- لا لسا حبة حلوين، أنا مشيلش مسؤولية بيت و عيال، أنا كده عنب أوي.

سكت عمر قليلاً متأملاً الناس من حوله ليتابع قائلاً في هم:
- اسمع ديه كمان ... أمها بقى كل شوية تنظنا وأنا غلطان إن احنا سكننا قريب من أهلها أصلاً، غير إنها بتحكها على كل صغيرة وكبيرة رغم إني مفهمها إن حياتنا الخاصة محدش ليه دعوة بيها ... حتى أهلك

هز محمود رأسه وفي نظرة محلل رد قائلاً:
- روق يا ابني ... وحاول تفهمها وتعرفها إنك بتضايق من إيه ... بس براحه كده وفي ساعة صفا.
باغته عمر سريعاً في رده ...

- مين قالك إني معملتش كده، دنا مجرد افتلحها السيرة ديه؛ تقلب عليا ونتخانق وأنا في الآخر المفروض أهديها واحيلها ومبقاش عندي طولة بال للكلام ده.

- ممم ...
- وياسلام بقى لو أنا محايلتهاش ... خد عندك ... قمصة ولوية بوظ لحد تاني يوم الصبح، وده عبال متبتدي تتفرد شوية، وتقعّد تقلي سبتني أنام زعلانة والجو الرخيص اللي أنت عارفه.
- تمام.

تجهم عمر قائلاً:
- والله الواحد كتب على نفسه بلوة، مالها العذوبية؟! واحنا اللي كنا هنموت على الجواز.

ضحك محمود وعقب ضحكته تفاعل الدخان مع الرئتين مصدره سعال ديكي قوي ...

- افكرت دلوقتي لما كنت بتجهز شفتك وهاري نفسك ومبتخرجش كل ده عشان تحوش وقعدت أقولك هيتحط عليك حطة الكلاب مكنتش بتصدق.

- مهو مكنتش عاوز أقضيها عطريك.

- وماله العط محنا زي الفل أهو.

ضحك عمر في استهزاء متسائلاً:

- نجس.

وفجأة بدون أي مقدمات عدل محمود جلسته في وضع جدي ثم وضع يده على فخذ عمر قائلاً في صوت خفيض:

- ولا يا عمر بمناسبة النجاسة ... نسيت أقولك على حاجة.

- إيه؟!!

- فاكّر الرجل اللي في عنبر تسعة ده اللي اسمه سيد جمعة؟

ضاق ما بين حاجبيه تذكرًا لذلك الرجل المشار إليه ...

- لا مين ده؟

- الرجل الكبير أبو سنة فضة اللي بيقعد يضحك على الفاضي

والمليان، عقله على أده كده.

- أه اللي اتحجز من يومين.

- أيوة عليك نور.

- ماله بقي؟

- كنا قاعدين فجأة لقينا البيت سناء الممرضة بتصرخ ... و قاعدة

تشنمه يا حيوان يا اللي مش متربي، شوية شتايم كيوت زيها كده.

- ليه عاملها إيه ده؟

- مسك رجليها وهي معدية ... قفش في السمانة الوسخ.

دهش عمر من واقع كلام صديقه ...

- يا راجل!!!!!!

- اه والله.

تناوبوا لعب الطاولة والزهر بات صداه متحدثاً إلى حديثهم.
- الواحد قرفان أوي ياعم محمود ... الدنيا بقت غالية أوفر اللي
باخده بيتصرف كله، ويدوبك بيكفي، ولا عارف أشيلي قرشين
للزمن ولا أي حاجة.
- كانوا بيقولوا إنهم هيعلو كادر الأطباء.
- كلام بنسمعه كل شوية ... مفيش تغيير ... الدنيا ثابتة
مبتتحركش، وأديني اتجوزت ورجلي وقعت في الخية.
- مهني دي سنة الحياة هنعمل إيه.

كان لزهرة الطاولة صوتاً له صدى بسبب اللاعبين من حولهم.
- دو يك ... سايس أمورك ياعم عمر ... أنت عشان لسا متجوز
جديد في حاجات حاسس إنها اختلفت، بكره هتعود وهتستم نفسك.
لم تكن ليلتهم مابين القيل والقال ومابين فلان وعلان ولكن إذا تحدث
محمود فإن لسانه يسبق أفكار رديدة في عقل عمر، تنهال على مسامعه
كلمات فوجائية سافلة أو يشوبها أسلوب عربي لا يجيد قيادة عربة
بحمارين، لديه أخبار كل من دخل المشفى إلى أخبار فراشي العنابر
أيضاً، ولا تتأكد من صحة مايقوله فكيف لك التأكد ما دمت لا تسأل،
ربما يباغتك القول بالتأليف بدلاً من الصدق بالقليل، هكذا كان يكسب
الكثيرين في صفه، فأحياناً ما يستغيث به الأطباء الشباب في معرفة
الحالة الاجتماعية لصغار الطبيبات، فيبدي رأيه في شخصياتهم فضلاً
عن إجابة السؤال، وأحياناً ما يرتبك قبل أي تفاصيل كاذبة، ومن لا
يعرفه جيداً يقع في شباك خداعة كسمكة لم تلد فراراً من شبكة صياد،
كل ما يفعله عمر أن ذاك يسمع وتتحكم الضحكات في فمه، يعلم متى
يكذب محمود ومتى يتخذ الصدق سبيلاً، عشرة عشر سنين.

يعتبر عمر إن حياته رتيبة، لا ترتقي إلى جو الإثارة أو المغامرة، حياة
باهته، لا تزورها النسمات الحانية ولا الظروف، حتى توقف نبضه ولا

تسمع لقلبه صدى، حتى الأحلام تلاشت بأيدي أعباء الحياة، لا يلوم نفسه لومة لائم إنما يتذكر ما قد كان، عندما كان يمتطي قدميه للذهاب للكورنيش ويستقبل الهواء البارد القادم من الديب فريزر، يتذكر شريطاً مهترئاً واندثر وراء الزمان، وقتما كان صغيراً، فترة الجامعة حيث كان شاباً يافعاً، يخلط كيس جيل فئة الواحد جنيه في خصلات شعره ليكسبه لمعاناً براقاً، وقتما كان لا يرتضي أن تعارضه أي خصلة في إرادته، وقتما كان يرتدي نظارة ريبان هاي كوبي قد اشتراها بمعرفة صديقه بعد أن سمسر عليه في عشرين جنيه، ولا هذا ولا ذاك قد يفرق معه، إنما كان يود أن يظهر بصورة حسنة أمامها، أمام حبيبته التي لم يفصح بما يتواجد في داخله من عشق، يحرق عروقه، تسمى نور وهي نور القمر في ليلة سطوع البدر، حيث كانا في كلية طب القصر العيني، حيث يتواجد نوعين من الفتايات، إما تبهرك بجمالها، أو لا تلحظها مطلقاً، ونور كانت من النوع الأول، قواماً مشوق كجيتار أملس مصنوع من خشب الجوز، يعتليه شعرها البني الكستنائي الذي يميل إلى الاصفرار مع أشعة الشمس، عيونها العسلية اللامعة التي إذا واجهتهما تسقط كما يسقط البعض في الهوية، دائماً ما تضع نظارتها السوداء لتعتلي رأسها لتزين جمالاً اختمر في قلوب كثير من زملائها، وأحياناً ما يحاول التقرب إليها معيدي الكلية، الذين لديهم الحق في الكلام معها بحجة التدريس، ورغم هذا فهناك الكثير من الخجلاء، حديثي التخرج من الثانوية العامة، لا يستطيعوا التأقلم مع الأوضاع، فصعود الجبال بالنسبة لهم أهون من مخاطبة الفتايات، ومن حاول منهم أن يخترق الأوضاع تجد كل من حوله يلحظه بعيون باردة، فنتشقق شفاهه خجلاً، ويتصبب الدم في وجهه، ويتشفى العرق في جبهته.

المحاضرات تعج بالطلاب المتنافسين، أصوات الأقلام دائماً تغطي على أصوات الهمسات والثرثرات الجانبية حتى قبل دلوفا الدكتور إلى

القاعة، المدرجات تكتظ بطلاب السنة الأولى، تلك الحرارة الخانقة مع احتقان القاعة بغاز ثاني اكسيد الكربون لا يفصلان عمر عن هدفه، فالبداية كانت رتيبة، تكررت في مئات الجامعات، تكررت في مئات ذكريات رجال السبعينات، طلب المحاضرات، اسهل الطرق للتعرف وأكثرها حجة، فتيات هذا الجيل يعلمن جيداً ما وراء المحاضرات، فمن البديهي أن يطلب المحاضرات من زميلاً له، فلما اختارها هي، ومعظم الفتيات حين مكوث هذا الطلب أمامهن جلياً، لا تتجلى الدهشة عليهم، فتكرار تلك الفعلة مرات عديدة، وكلما تصبح الفتاة أجمل، كلما زاد طلب المحاضرات منها كالأمطار سيلاً، تلك الطريقة تدون ضمن لوائح الكلية الأساسية، حتى محمود بدا عليه السخرية حينما عاد صديقة بدفتر التدوين، ولكن إذا نظر حوله سوف يجد البعض يحملون دفتر تدوين نسائي روزي اللون، ولم يفوت محمود فرصة للتشفي من فعلته بمزاحه فعندما جلس بجانبه في المدرج همس في أذنه قائلاً:

- خطها حلو.

- ملكش فيه.

- بص كده وراك، شايف الواد أحمد أبو نضارة هتلاقيه قاعد ببيلاغي البننت، على فكرة ديه أول مرة يكلمها، شاطر وجاب معاها سكة.

نظر عمر خلفه فهمس محمود مرة أخرى إليه ...

- أستاذ يعني.

امتعض عمر قائلاً:

- صدق أنت قفلتني.

- ياعم ولا قفلتلك ولا نيلة، الفكرة إن طريقتك قديمة وأقدم من الجبنة الرومي.

- وأنت عرفت منين إن أحمد أول مرة يكلمها؟

- كان قاعد جنبي قبل متيجي وقعد يقولي أنا مليش دعوة، لازم
أكلهما النهاردة، كان هيتجنن وأديه أهو ربنا فتحها عليه وشرخ.
- كل واحد وطريقته.
- طب تقدر تقولي هتعمل إيه بعد لما تاخذ المحاضرات؟!!!
- تلجج عمر وهم في تقليب الصفحات يميناً ويساراً متأماً جمال
الحروف المنسوبة للورق الأبيض المسطر ثم قال:
- معرفش بصراحة.
- هقولك أنا تعمل إيه ...
- ...!
- بسيطة، بعد متصور روح اسألها اسمك إيه؟ سكتش كام؟ إنتي
خطك حلو ومنظم؛ ممكن أبقى أصور تاني لو معندكيش مانع، سلك
أمورك يعني.
- والله فكرة.
- أصل أنت لو معملتش كده، مش هيبقي عندك حجة تكلمها تاني.
- أنت عارف يامحمود، أنت دماغك حلوة في حاجة واحدة بس ...
الحريم.
- ضحك محمود قائلاً:
- أنا دماغي حلوة في كله بس أنت اللي مبتخدش بالك.
- حينئذٍ لمح عمر كشكولاً بجانب يد محمود ملفوف بدعامة سلكية
حلزونية يتوسط غلافه صورة باربي صاحبة الشعر الذهبي وترتدي
نظارة لونها بمبي، ويتوسط وجهها ابتسامة عريضة مرتدية زياً
بنفسجي ... فضحك عمر حينما لاحظ ذلك الكشكول ذو الملامح
الأنثوية فقال:
- كشكول مين ده يا فالج يا بتاع المواعظ والنصايح، اللي أنت قاعد
تفتح وتقفل فيه؟
- اه ده كشكول هبة.

- مين هبة ديه؟

رد محمود في فخر.

- واحدة اتحايلت عليا آخذ الكشكول بتاعها هدية.

- ولا يا محمود ... بكره الاشتغالات ... خليك دوغري.

- ملكش دعوة.

ضحك عمر في سخرية شديدة قائلاً:

- هي واضحة أصلاً ... ديه البنت اللي عاوز تظبطها فقلت تصور

محاضرتها ... وأنا اللي أقدم من الجبنة الرومي برضو؟!!

- لا يا عم دي ادنتي الكشكول هدية فلتلك ... ليه فاكرني زيك؟

- عامل جامد وأنت طلعت خايب زيي.

قاطعهم صوت رفيع ساحر لفتاة تبعد عنهم مقدار خمسة عشر سنتيمتر

...

- ممكن أقعد؟

رد محمود قائلاً في جنتله غير مسبوقه بعدما أراح الكشكول عن

المكان:

- اتفضلي، حاجلك من الصبح، إنتي كنتي فين؟

انتزعت مجموعة من الورق الباكي الذي اعتصرته بين يديها وصدرها

...

- كنت بصور محاضرة دكتور رؤوف اللي فاتتنا وديه نسختك.

- ربنا مايحرمني منك.

اندلعت حرب أهلية بين كرات الدم الحمراء وبعضها وسط خديها قائلة

في صوت فئراي:

- شكرًا

لم تكن رأس محمود بالنسبة لعمر سوا حائل الرؤية بينه وبين هبة فكان

يود أن يراها عن كثب، وعن الحوار الدائر بينهم فكل ما رآه هي فتاه

ذات بشرة بيضاء يخفي نصف وجهها نظارة عريضة سوداء إستايل

الخمسينات وعدسات زجاجية سميكة ولكن عندما حاول الرؤية أكثر وجدها فتاة تحمل من الرقعة الكثير مع شحاحة جمالها، خصوصاً عند ضحكها يتضح مقدار أسنانها العريضة، أسنان أرنب مسعور، حينئذٍ وكز عمر ذراع محمود قائلاً في استهزاء وفي صوت خفيض:

- صدق باربي اللي على الكشكول أحلى.

- ملكش فيه.

- هي ديه اللي طلعت بيها من هنا؟

امتعض محمود ليقول في خنق ...

- انت دماغك ضيقة، وأديك شوفت المحاضرات اللي ببلاش.

همس عمر في أذن صديقه ...

- صدق أنت واطي، يعني مصاحب البنت عشان محاضرات.

- ياعم أنت شايفني بحب فيها؟

- بس البت شكلها غلبانة وخام وممكن تتعلق.

- مش ذنبي.

نظر لمحمود نظرة استعطاف قائلاً:

- حرام عليك والله.

- خلاص هعرفها عليك عشان مايبقاش عرفت واحد بس ويبقي ليها

حرية الاختيار.

- أنت بتهزر؟!!

بينما كانت هبة تعبت بما أمامها من محاضرات وترتب أوراقها التي

تحمل المعاني القويمة للاجتهد، لفت انتباهها محمود قائلاً:

- هبة أعرفك بحبيبي وصديق عمري ... عمر.

ابتسمت هبة ابتسامة فأر رأى قطعة جبن رومي، فقالت في صوتها

المبحوح:

- أهلاً وسهلاً.

رد عمر في شيء من الضيق:

- أهلاً بيكي.

أخيراً يأتي الدكتور ليلقي محاضراته ليقطع حديثاً غير مرغوب فيه،
وعمر مازال يداوم التسبيل لحبيبتة التي تلقى قدراً كبيراً من أفكاره.

انقطع شريط ذكرياته مجدداً، ليرجع إلى زمانه الرتيب، وسط جدران ذات لون أبيض في غرفته في ذلك الجو المكتوم والرائحة العطنة، لم يفتح شباك غرفته منذ أقرب صباح، يتأمل ذلك الكرسي ذو الكسوة القطيفة، يقطن كرسي مكتبه الخشبي ويجاور يده فنجان قهوة بارد لا يتذكر تاريخ إنتاجه ولا يعلم تاريخ نهاية صلاحيته، دس يده بين الهواء الفاصل بين الدرج ومقبضه كي يتسنى له فتح معالم الذكريات الأثرية، أخرج علبة كرتونية سميكة القوام ومزينة ببضعة قلوب حمراء، لا بد أنها تنتمي لعصر الحب الجميل، عصر ما قبل الزواج، فزجاجة برفيوم كيفن كلاين فارغة، ما زالت تحتفظ برزاز عطرها الفواح بعدما أزال الغطاء عن بخاقتها، فاندھش لما يبدو، فالحب لم يدم كالرائحة العطرة تلك، العشق ولى مسرعاً خارج حياتهم، وأثناء تفحصه للعلبة لاحظ ورقه تتوارى خلف الزجاج، ورقة تحوي إحدى الذكريات، ورقة مطوية منذ عقد كامل، تناساها لدرجة أنه كان يقرأها لأول مرة، في ذلك الوقت الهادئ من صباح يوم الجمعة، صوت الباب أفقده تركيزه، عادت حبيبتة السابقة، يرتسم على وجهها الامتعاض، أنزلت الحقيبة من يدها قصرًا دون أن تنحني، أصدرت صوتًا اقتحم ذلك الهدوء الصباحي، فانتهبه عمر ليوبخها:

- ما براحه يا هانم.

نظرت إليه نظرة كئيبة وسكنت، فباغتها بالقول ...

- مدام أنتي لسا أعصابك مهديتش جيتي ليه!!

اتجهت إلى غرفة النوم كي تبدل ملابسها دون أن تنطق بنصف كلمة، ليقف عمر عند فوهة الباب ...

- إيه مبترديش إيه؟ نسيتي لسانك عند أمك؟
 ردت نور بعصبية مفرطة ...
 - هرد أقول إيه، وبعدين بعد إذتك عاوزة أغير.
 قال عمر في برود شديد ...
 - بقيتي تتكسفي مني؟!
 لم ترد نور لتتابع تغيير ملابسها ...
 - ماشي يا نور برحتك.
 - عمر أنت عارف يا عمر إنك ظالمني وأنا مليش نفس أتكلم.
 - ظالمك في إيه نفسي أعرف؟!
 - شوف تصرفاتك المستفزة معايا ... أنت أصلاً مبتحسش بنفسك.
 - فهميني ... جيت عليكي في إيه؟
 تعاتبه بنفس لائمه ...
 - بسيطة حابسني بين أربع حيطان، دي أقل حاجة أنت بتعملها، ده
 غير معاملتك لماما آخر مرة لما جتلنا، وعصبيتك على أخويا لما
 قال رأييه بصراحه، مبقتش تطيق أي حد من أهلي.
 - مش هرد عليكي.
 - مهو طبعاً مش هترد ... معندكش حاجة تقولها.
 أخرجت مشطها من درج التسريحة وتابعت تمشيط شعرها بسرعة في
 غضب ...
 - أنا عاوزاك كده يا عمر متردش، مننا متجوزني عشان تعذبني.
 - لا حول ولا قوة الا بالله.
 نظرت نور بحدة وأوقفت تمشيط شعرها لوهلات فقالت في صوت عال
 نسبياً.
 - نفسي أعرف أنت اتغيرت كده ليه، أنت مبقتش عمر بتاع زمان،
 كأنك واحد تاني معرفوش.
 نظر إليها نظرة باردة يصحبها ابتسامه استغزازية دون أن يتكلم ...

... -

ضحكت نصف ضحكة ...

- لما بتزق مبتعرفش تتكلم.

- لا أصل مبقاش فيا دماغ نقعد نتخانق زي الديوك.

اتجه عمر إلى الكنبه مريحاً لنصف جسده وممسكاً الريموت ليعبث بين القنوات في برود تمثال غير ناطق مصنوع من الجرانيت المثقل، غضبت نور كثيراً وبدأ صوتها في العلو أكثر، ووقفت أمامه لتحجب عنه رؤية التلفاز ...

- ولا على بالك ... سايني أغلي وخلص.

- لو سمحت صوتك ميعلاش أكثر من كده يأما هيبقى ليا تصرف تاني معاكي.

لم تستطيع نور حبس دموعها فتسللت دمعتين من قاع عيونها، تلك الدمعتين تستغيث من واقع النكد المستفعل ...
- ماشي يا عمر ... شكراً أوي.

اتجهت نور إلى حجرتها وأغلقت الباب بعنف.

- أستغفر الله العظيم ... طب أعملها إيه ديه؟!!

استمرت نور في المكوث في حجرتها لما يقرب من ساعة مما جعل القلق يتسلل لعقل عمر، قام من موضعه كمن شلت قدميه، يسحب ساقيه كجثتين هامدتين، وصل إلى باب الحجرة بدأ في الطرق المتواصل محاولاً في أن يشق صدره بسكين حاد كي تنبثق منه الكلمات اللطيفة

...

- نور إفتحي الباب يا حبييتي.

ردت نور بصوت مبجوح ...

- مش هفتح يا عمر.

- لا يا حبييتي متضقيش نفسك، وأوعدك إني هرجع عمر بتاع زمان.

قالها وهو واثقاً أنه لن يتغير أصلاً.

- سبني شوية مع نفسي.

- إفتحي بجد ... كده هتتفرز ياروحي ...

- مش هفتح يا عمر.

- إفتحي ... علوزك في موضوع.

-

- ها.

- موضوع إيه؟

- إفتحي وهتعر في.

- ثواني طيب.

وماهي إلا ثواني وفتحت نور الباب ولكنها كانت ترتدي زيها الذي خلعتة منذ حوالي ساعتين، حملت نفس الحقيبة التي لم تفرغها منذ عودتها ...

- يالا أنا هقعد مع ماما شوية.

استوقفها عمر ممسكاً يدها قائلاً في صوت هادئ ...

- إستني رايحة فين؟؟

حاولت نور أن تستخلص يدها منه ...

- مش هتروحي في حته.

- سبني يا عمر أرجوك ... أنت أصلاً كنت سايبني وبتتفرج على

الماتش ... روح الحق بقيت الشوط الثاني، يالا أنا ماشية.

أمسك يدها بقوة أكبر ولاح شعرها بعدما أخرجها من تحت الحجاب وبدأ

في إفلات الحقيبة من يدها بفعل تمرد الحب على السجية، حينئذ انبعثت

أنفاساً هادئة من الفم الباكي وقالت في هدوء أكثر ...

- سبني يا عمر قولتلك.

تفقد عمر ملامحها بأصابعه فجفف كل ما تبقى من دموعها، تشبث في

النهاية بشفتها السفلية قائلاً بصوت عاشق:

- فكي بقى المية واحداشر دول ... وتعالى نقعد مع بعض.
وانحنى كي يوجه لها قبلة فرنسية تعلمها منذ أن كان في المهدي، أبعدت
عمر عنها بكلتا يديها رغم اختمار وجنتيها بالشبق، أطبق عمر يده على
كتفيها بقوة، بدأ في تقبيلها مجدداً ولكن بصراوة أكبر من سابقتها، في
باديء الأمر حاولت مقاومته، وماهي إلا دقائق ولم تتمكن نور من
الإفلات من تأثير ذلك السحر، تجولا الشقة كلها تقبيلاً، حتى استقبلت
الكنبة المنسية في الركن في إحدي الغرف جسديهما بالحب، وبما أنها
منسية فقد كان أزيزها يان في كل أرجاء الشقة إثر احتمال ثقل
الجسدين.

- نفسي ترجع زي زمان يا عمر ... قالتها بصوت رتع الشبق.
قبلها عمر تقبيل الحرمان مرة بعد مرة ...
- وأنا كمان نفسي ترجعي زي زمان، نور اللي كانت مبتفارقنيش
لحظة، دلوقتي لما نتخانق تخدي ديلك في سنانك على أمك.
ردت بغنج طفلة لم تتجاوز العشر سنوات ...
- عشان بقيت عصبي، تاخذ كل حاجة على صدرك، مبقتش تاخذني
في حضنك الدافي وتقعده تفهمني غلطي بهدوء، إنما دلوقتي شخط
ونظر وزعيق، ليه اتغيرت
- الدنيا بتغير يا نور، بتشيلنا هموم فوق طاقتنا، ده بيخليني
tension، رغم إني كنت طول حياتي relax.
- على فكرة أنا ضعيفة قدامك، ممكن تخطفني بكلمة واحدة منك،
عاوزة أحس بحنيتك ورومانسيتك اللي دايمًا كنت بقول إنهم أهم
ميزة فيك.
ابتسم مقبلاً يدها ...

- أوعدك إني أتغير، وأحاول أبقى هادي، بس أنت اوعديني إنك
تستحلميوني وتحاولي ترجعيني في المود لما أكون متضايق، مش
ترعلي أنتي كمان و تزودي البله طين.

- حاضر يا عمر ساعتها هخدك في حضني على طول، مبسوط
كده؟! ..

- بحبك ...
لم يكن عمر هذا الشخص الكئيب، صاحب الروتين ولكن أعباء الحياة
تعكر الذهن الصافي.

الفصل الثالث

في إحدى الأيام كان يقطن عيادة الاستقبال في القصر العيني، يحتسي فنجان قهوة مع محمود ويتحدثون عن مؤتمر لندن المنعقد في شهر سبتمبر المقبل أي بعد ثلاث شهور ...

- إيه يا بوب، إن شاء الله فاضل تلت شهور ونسافر نظيط في لندن.

رد عمر في جدية:

- أعمل حسابك إنه شغل.

- قشطة ممكن كده نزوغ شوية.

- فاهم دماغك أنا، بتحب المليطة، بس أنا راجل لسا متجوز جديد،

دنا حتى متضايق؛ كده هسيب المدام لوحدها أسبوع ولا أسبوعين،

صحيح احنا هنفعد أد إيه هناك؟

- والله معرفش بس ...

فجأة يقطع سمرهم هذا صوتاً منحور قدم إلى مسامعهم، أطلق عمر قدميه صرعاً ليتفقد ما يحدث، عيناه تجوب الممرات باحثاً هنا وهناك، وما خلع قلبه تلك الدماء المتناثرة على قماش ذلك القميص الأبيض الذي يرتديه الرجل حامل الفتاة الصغيرة، صوته المرتعش الحزين أثقل رعبه وأفرض عليه الخوف، "حد يلحقني يا جماعة"، أسرعت يدا عمر لحملها على الترولي، وبجانبه أباً حزين تزدهم الدموع في عيونه ازدهام السيارات في شوارع يوم الخميس، الطفلة مغمضة العينين تقبع في عالم آخر لا يعلم تفاصيله إلا خالقها، انتفض عمر مسرعاً نحو غرفة العمليات هو وصديقة، أرتمى ثوباً أخضر اللون واغُتصب فمه بكمامة بيضاء، وطفلة وجهها أبيض ملطخ بلون أحمر، صارت يديه للدماء زائلة، يعتليهم ذلك الكشاف المضيء، ورائحة التعقيم تنتسل إلى أنوفهم، اهتزت ساقيه رغم اعتياده على مثل تلك الأمور، فحركت لديه مشاعر أبوة مخفية بداخله، تصيب عرقه وتهدج صوته طالباً لأدوات

جراحة من صديقه، مشرط، مقص، خيط، تنافرت أعصابه متقلبًا في حزنه خائفًا بشدة، ترائت لديه الشكوك فتوقف قلب البراءة، فلم يعد النبض يسري، ولا الدماء تجري، فأحضر صدمات كهربية إلى يده، توالت يداه مسرعة بكهرباء تسري في جسد الصغيرة، حاول رفيقه منعه عن فعل متكرر ممسكًا يداه لتكف عن ذلك بعدما حاول كثيرًا ...

- خلاص يا عمر ... وقف اللي بتعمله ... خلاص.

صرخ محمود في أذن عمر ...

- خلاص يا عمر قلناك.

كأنه أصم، ليكمل تلك الصدمات الكهربائية، يتلوى جسد الطفلة انحناءً لأعلى، وهببت المعجزة بأطارها لتغرق أرض أمل جافة بعد سماع كلمة يا رب، عاد الدم يسري في عروقها، مد يد العون ممسكًا بأطرافها خوفًا عليها أن تسقط في قاع مجهول، تحول من شاب عادي إلى أب في لحظات أرتوى بها صدره، وبعدها رتع جسد الفتاة عينات الدم تحول جسدها من لونه الأزرق إلى الأبيض من جديد، ليعي للحياة معنى.

"بنتك دلوقتي في العناية المركزة وحالتها مستقرة والحمد لله " قالها ببريق ابتسامه، فأسكن في أبيها الاطمئنان، وما أعلى لديه الفخر انتقال سكون والدها إلى سجوده شكرًا لله.

طلب الأب رقم هاتف عمر، ليكون صديق ممتنًا لذلك، لم يجد الرفض لديه سببًا، يشغل بال عمر تلك الحالة الغريبة التي جاءت عليها تلك الفتاة الصغيرة، كل ما أخبرته أذناه هو مجرد حادثة فقط أثناء عبورها شارعهم، ما أبدى الرعب في عينيه هو الكذب، فهناك آثار جرح عميق نتج من سكين عانق جدار المعدة المبتور.

- أنت ممكن تستريح وأنا مخلي بالي منها، جملة نطقها عمر في إشفاق ...

رد الوالد بابتسامة خافتة رافعًا عيونه إليه.

- أنا بس قلقان عليها.

- لا حالتها بقت مستقرة، وإن شاء الله هتبقى تحت عنيا.
سكت عمر قليلاً ثم أردف قائلاً:
- قولي يا أستاذ حسام ... بنتك اتصابت كده إزاي؟ واضح إن كان
في آثار آلة حادة اخترقت جدار المعدة، وكمان في طعنة في ناحية
الكتف اليمين قرب رقبتها.
- بدا الارتباك على وجهه فواجه صعوبة بلع ريقه كأنه يبلع الصخر وسط
حلقة ...
- بما أن حضرتك عرفت أنا مش هلف وادور ... منة كانت
مخطوفة.
- مخطوفة؟!؟
- كانوا طالبين فدية مليون جنية ...
- نطق فم عمر مذهولاً
- مليون!!!..طب واتصرفت إزاي؟
- سلمتهم المبلغ؛ بس سلموني منة في الحالة ديه زي منته شوفت.
- وتعرف اللي عملوا كده؟!؟
- معرفش، بس أنا راجل أعمال ناجح وليا أعداء في السوق.
- أعداء ... لا لا دول كلاب ... ميتقالش عليهم أعداء ... يحاولوا
يقتلوا طفلة ملهاش ذنب ... مش فاهم بصراحة.
- أنا لو عرفت مين عمل كده مش هيستنى على وجه الأرض ساعة
كمان، قالها معتصراً قبضته، مرتكزاً على الحائط، وكاظمًا غيظه
رغم ظهور فكيه يلمعان شراً.
- أنا لازم أصعد الموضوع للشرطة وهمه يخذوا الإجراءات.
- لأ بلاش.
- أنا متأسف جداً مش هينفع، انا لازم أعمل محضر، دي مسؤولية
عليها.
- ترجى حسام عمر قائلاً:

- أنا مش عاوز شوشرة أرجوك.
- بس أنت كده بتضيع حقك.
- أنا عارف هاتصرف إزاي.
- بينما كانا يتحدثان جاءت الممرضة – منة تستلقي في نوم كامل وتحمل الأسي على وجهها.
- أردف عمر قائلاً للممرضة:
- ولاء، علقها جلوكوز ٥٠٠، وحطها سيبروفار ١ جرام ومعاها فولتارين.
- حاضر يادكتور.
- وفي نفس الوقت كانت منة تهزي ببعض الكلام الغير مفهوم، فاتجه حسام إليها سريعاً فقال في لهفة ...
- أنا هنا يا حبيبتي.
- تمتمت منة بصوت صعب تفسيره، سرعان ما انقطع صوتها وغطت في ثباتها السابق، فقال حسام في لهفة:
- هي كويسة يا دكتور؟
- اقترب عمر منها متفحصها في صمت، فقال بعدها بثواني:
- هي بس نامت وحالتها مستقرة، خلاص مفيش قلق.
- أنا ممكن أنقلها من هنا، الفكرة إن دي كانت أقرب مستشفى ليا ساعة الحادثة.
- لا لا هي هتبقى زي الفل، متقلقش يا أستاذ حسام.
- طب الحمد لله.
- يالا هروح أشوف شغلي أنا بقي، وهبقى أعدي عليكم من وقت للتاني.
- ربنا يخليك يا دكتور.
- ده واجبي يا أستاذ حسام.

انصرف عمر ولكن هناك أسئلة تجول في ذهنه، تحولت رأسه إلى بيت للعناكب، طريقة حسام تقول أنه يعي الفاعل ومع ذلك لا يريد الإبلاغ عنه، فطاوعه عمر دون أن يخشي شيئاً.

أخيراً فتحت عيني الطفلة بالشفاء، مشرقة بابتسامة خافتة تحمل للقلق معنى، حدقات تميل نحو أركان الغرفة، تبحث وتبحث، ترتعد فرائصها، تهتم بتحريك فاها صراخاً، وأب مد كفيه للربع عنها مبعده، تنفست الصعداء، والتساؤل يفيض بعلاماته، يبدو أن هنالك أمور في سماء الإبهام، لا تنوي بإنزال التفسير مطراً، صرخة، عيون، ربع، اندهاش، كل تلك الأمور تشغل بال عمر كثيراً يحاربها في نزال حامي الوطيس، يصرفها منتصراً حتى عادت عيناه في مراقبة يد ابنة تلتحم بأصابع أبيها، ماهي إلا أيام يظهر فوارق حجم أثناء سيرهما نحو بوابة المغادرة، كم من أشياء مريبة امتزجت بالعقل والقلب، صاغت بداخله إحساس مختلف، لا يعرف مصدره، أبعيد أم قريب إجابة عن درب في الأفكار اتضح حينما رأى تلك الطفلة.

"أبوة يا أستاذ حسام ازيك ... تمام ربنا يكرمك ... لا أكيد جي يا باشا متقلتش ... العنوان بقى ... تمام ... ١٢٠ تمام ... خلاص جي ... وأخبار منة إيه ... طب الحمد لله " وبعد انتهاء المكالمة تساءلت نور التي جاورتها على نفس السرير ذو الأغطية القطنية

- ميين منة ديه؟

تعجب عمر ضاحكاً وتتعلق عيونه بعيونها ...

- يعني إنتي سايبية الحوار كله وقفشتي في منة؟!!

- أه، مين منة ديه بقى؟

- دي ياستي تبقى بنوثة صغيرة عملتلها عملية من كام يوم ...

فأبوها بيكلمني عازمني على الغدا، تيجي معايا؟

- إمتى؟
- دلوقتي.
- والغدا اللي محضرا هولاك؟؟
- في اختراع اسمه التلاجة ... تعالي معايا عشان متقوليش مخرجكيش.
- همه ساكنين فين؟
- المعادي.
- ابتسمت لأنها سوف تكسر روتيناً قد غرقت فيه ...
- ماشي، هقوم أغير.
- انطلق عمر ليركب سيارته الـ ١٢٨ البيضاء وكعادته عندما يكون لديه بالأرائق، يذهب ليفتح الباب لزوجته وينظرة رومانسية يطلب إليها التواضع وركوب تلك السيارة الأنتيكة، وفي خلال طريقهما دار الحديث حول حادثة الطفلة، فباغتته بأسئلتها ...
- أكيد حسام متورط في حاجة مع حد عشان كده عملوا في بنته اللي عملوه ده.
- رد عمر في هدوء:
- معرفش بصراحة هو حوار يحير.
- سكت قليلا لتتابع قائلة
- ممم، بس أنا متأكدة إن الحوار مش خطف وفدية والجو ده ...
- الحوار أكبر من كده بكثير.
- الله أعلم.
- قالت بغم لائم:
- الراجل ده المفروض إننا منخطلتش بيه أصلاً يا عمر.
- رد عمر بجدية هزلية:
- المفروض عند المكوجي على فكرة.
- يا عمر بكلمك جد.

- يعني ألف وارجع ثاني عادي أعملها.
سكنت قليلا فقالت:

- أنت حر.

- على فكرة إحنا رايعين فيلا.

- إيه المشكلة؟!

- يعني يعتبر خروجة جامدة ... والراجل عزمي على الغدا ...
قدر وقفني جنب بنته ... فمتخفيش يعني
نظرت له بحب قائلة:

- أنا معاك يا حبيبي بس أنت عارف الناس ديه ممكن تدخلنا في
مشاكل إحنا في غنى عنها.

ابتسم لها بقلب راضي ...

- ربنا يستر ياستي، وبعدين عاوزك النهاردة تفكك من القلق ده
وتتبسطي.

ردت في حب فائض:

- ماشي يا عمر ... أنا هتبسط طول منته مبسوط ياروحي.

- أهم حاجة متفتحيش الموضوع ده قدامه ... أوك؟؟

- أوك

كان الانبهار يفتحهم قلوبهم حينما دخلو الفيلا، كيف كانت عربتهم التي
سكنت المدخل منبوذة بجانب البي أم دابليو الفئة السابعة الفارهة، بريق
لمعان إكصدامها يكفي لأن يخفي الوجود من حوله، وكم كان اللون
الأزرق لحمام السباحة القريب من البصر يلمع كلمعان الشمس في كبد
السماء، وفي الانتظار امرأة تجاوزت الأربعين من عمرها جاءت
لترافقهم حتى باب المنزل، ترتدي فستانًا أبيض قصير نسبيًا لا يكشف
عن ركبتيها إنما يظهر سمانتها البيضاء، قوامها المشدود ينوي أن
يخبرك بأنها مازالت في الفورمة، وشعر أشقر يكشف بأنها ليست
مصرية الأصل، بينما هي تطلب إليهم مرافقتها فكانت تسبقهم بحوالي

نصف متر، جعلت تلك المسافة لعمر القدرة على ملاحظة قوامها والغرق في ساقبها النحيلتان فكم يعشق القوام الفرنسي الذي كان تعهده زوجته قبل الزواج، قبل أكل المحشي والاتكاء على الكنبه أمام التلفاز، وما شئت تركيزه سوا كوعاً بدا كسهما خرق جدار معدته في لحظة فوجائية، فقال عمر في امتعاض:

- في إيه؟

- عنيك رايحة فين؟

- ياستي ولا رايحة ولا جاية أنت دماغك غريبة.

قطع مناكفتها حسام الذي كان يقف أمام باب المنزل، يرتدي بدلة سوداء وقيصاً أبيض من دون كرفاته، معدول القامه على عكس انكساره يوم الحادثة، يرتدي نظارة سوداء ماركة بوليس كافيه لحشد الحقد داخل قلوب من يراها، تخفي آثار تورم تحت العين جراء إرهاباً طويلاً، والأرض تحت قدميه تلمع لتلقي تحية للقدامين ...

- أهلاً وسهلاً ... اتفضلوا.

طلب مرافقتها إلى المكتب، دخلا الزوجين حتى شاهدا مالا عين رأت ولا أذن سمعت ولا خطر على قلب بشر من الطبقة المتوسطة أو تحت المتوسطة، فالانبهار يتحكم بدوره في عيون تصطك، منذ أن دخلا خطف بصرهما تلك النجفة صاحبة الكرسنالات البراقة، التي تزن أطنان، ومحملة تحمياً محكماً بسلاسل كثيفة لحمل ذلك الثقل، وما هي إلا لحظات حتى كانت اللوحات التي تبدو لفنانين مشهورين تتحكم في جفونهم، الإضاءة الهادئة تشعرك بجو رومانسي خاص، حينئذ جاءت منة الصغيرة ومن حولها التماثيل التي تزين الممر المؤدي للمكتب تتحني لها بالترحيب على الأميرة التي ولدت محشور في فمها ملعقة ألماس، حينئذ ابتسم حسام قائلاً:

- حبيبتي جت.

فأحتضنها بعطف الأبوة وجعلت من ساقبه مقعداً لها أردف قائلاً:

- دي بقى كانت هتروح مني لولا ربنا وبعد كده جوزك يا مدام.
ردت نور بأبتهاج ...
- الحمد لله ربنا عداها على خير ... قدر ولطف.
أردف عمر قائلاً في تواضع رتيب.
- الواحد معملش غير الواجب والحمد لله ربنا سترها.
عم الصمت بحكم أنهم ليسوا أصدقاء فقاطع الصمت طلب حسام قائلاً:
- منة ... روجي سلمى على عمو عمر.
مدت منه يدها قائلة:
- أزيك يا عمو؟
رد عمر مبتسماً
- أزيك يامنة عاملة إيه؟
- كويسة.
- مدت نور يدها ...
- أزيك يا حبيبتي؟
- كويسة.
- قال عمر:
- عندك كام سنة بقى؟
أشارت بيدها قائلة ...
- خمسة.
ردت نور قائلة:
- أنتِ لسه صغونة أوي.
- لا أنا كبيرة على فكرة.
قالت نور ممازحة:
- كبيرة إزاي يعني؟
فتحت منه ذراعها لتشير بكبرها.
- آااا كده ... أكبر من الدبوب اللي بيجي في التلفزيون.

رد عمر قائلاً:

- ما شاء الله عسولة.

نادى حسام الخادمة لكي تأخذ منة إلى حجرتها كي ترتاح.

- يالا يامنة يا حبيبتى اطلعي ريحي شوية.

قالت نور باستغراب ...

- مش هنتغدي معانا ولا إيه؟!!

ابتسم حسام قائلاً:

- لا هي سبقتكو ... يالا سلمى على عمو وطنط.

- مع السلامة ياعمووو مع السلامة يا طنططط.

وعندما انصرفت الصغيرة فتح حسام الخزانة التي تعج بالأموال

فأخرج ظرفاً وأعطاه لعمر، ثم أدلف قائلاً:

- اتفضل.

- إيه ده.

- ده أقل حاجة ممكن أقدمهالك.

تغيرت ملامح عمر عندما فتح الظرف ثم سكت لبرهه فقال:

- لا لا إيه اللي حضرتك بتعمله ده ... أنا معملتش غير اللي يمليه

عليا ضميري.

- أوك بس ديه هدية بسيطة.

- لا حضرتك مش هقدر، قالها وترك الظرف على المكتب.

بينما نور تلمح الموقف ولا تخطو شفاهاها كلاماً، حتى قدمت الخادمة

لتشير إليه من فتحة باب المكتب، حتى نطق حسام قائلاً:

- أوك على راحتك، يالا الغدا جاهز.

أصناف الأكل كانت مجهولة لدى عمر ونور، لمح عمر وجود البيتزا

في وسط السفرة، الأكلة الوحيدة يعلم هويتها، وما قطع الصمت غير

جملة تبعثرت في فراغ الغرفة من حسام ...

- شكلكم لايق على بعض.

ردت نور في استحياء:

- ربنا يخليك.

- متجوزين بقالكوا أد إيه ... عرسان جداد ولا ظني مش في محله؟

رد عمر مبتسمًا:

- مش جداد أوي ... داخلين على السنة.

رد حسام رافعًا حاجبيه ومحرغًا رأسه بالرضى ...

- أهأ، تمام تمام، عمر.

- نعم.

- الواحد بيفكر يعمل مشروع خيري.

- زي؟

- أبني مستشفى ... لأنني فهمت اليومين اللي فاتوا حجم المعناه اللي

ممکن أي إنسان يعيشها لما ابنه أو بنته يبقى في خطر، إحساس

صعب أوي.

- بس مشروع مستشفى محتاج فلوس كتير.

- لا من ناحية الفلوس اطمئن، أنا يهمني اختيار الدكاترة اللي يراعوا

ضمايرهم، ياريت تساعدني في حاجة زي كده.

- إن شاء الله.

عم السكون بعض الشيء حتى نطق عمر ...

- حضرتك بتشتغل إيه؟

- أنا عندي مصانع لإنتاج آلات الرفع والجر.

رد عمر في هدوء:

- شيء جميل.

- الحمد لله فاتح كذا فرع هنا في مصر، فرع بديره بنفسي، إنما

الفروع الثانية سواء جوا أو برا مصر، معين ناس ثقة يديروها وأنا

من وقت للتاني بتابع البنس بتاعي؛ فبساقر واجي ... يعني حياة

متعبة شوية، وبعدين مهم أوي الناس الثقة.

- طبعًا.

- وخلص أنت بقيت حد ثقة عندي.

- ربنا يخليك.

تابع حسام كلامه بينما يرتشف رشقات من الشورية المتدللة أمامه.

- عاوز الفترة الجاية أشوف الأرض والمكان اللي هنبني فيه

المستشفى ... وأنت كل اللي عليك إنك تساعدني في شوية حاجات

بس الكلام ده بعد الإنشاء، بس حبيت ألفت نظرك للموضوع.

- أوك مفيش مانع.

وما إن انتهت الزيارة حتى كان الذهول بات بداخلهما إثر الانبهار لما

كانو فيه، وركب عمر سيارته المهترئة، عيناه تبصقان عليها بعدما

شاهد اللي أم دبليو الفارهة التي تغار منها سيارته، الروقان الذي يقطن

بداخله تبعثر، بدأ في الثرثرة مع زوجته في حديث أشبه بالحقد الطبقي،

وبينما يراقب صوت موتور سيارته أثناء سيره، فقال في استهزاء.

- راكب كارثة والله.

ضحكت نور حتى ظهرت أسنانها.

- أه والله كارثة كارثة يعني، أنت شوفت العربية اللي أم اللي كانت

جوا تهبل، أنا كان نفسي اتصور جنبها بس قلت الراجل هيقول

علينا إيه ... محرومين ... تخيل أنا والبي أم بروفایل بيكتشر على

الفيس، ساعتها مريم هيجلها ساكتة قلبية.

- أنت شوفتي الفيلا عاملة إزاي ... الناس ديه بتعرق فلوس ولا

إيه؟!!

ضحكت نور لترد مراحة:

- أتصل واطمن عليه عشان بعد القر ده زمانه بيقابل وجه كريم.

ضحك عمر ثم قال

- بس عارفه يا نور رغم كده تحسي إن حسام شايل هم كبير، وده

اللي بيخليني أقول مش كل حاجة الفلوس.

- عندك حق بس الفلوس مهمة برضه.
- أهم حاجة ربنا يخليكي ليا ويرضيكي عليا يا أميرة يابنت الأمرأ.
- أنت لما بتكون كويس معايا الدنيا بتبقى حلوة ... صح بس أنت عجبتي لما مخدنتش الظرف ... كان فيه كام؟! أجاب عمر بينما تجحظ عيناه ...
- روزم، بتاع خماشر ألف جند.
- جند، سواق ميكروباص، بس برضه تستاهل ديه.
- قبلت عمر في خده الأيمن، ضحك عمر فأردف مازحًا
- لا لا مش قد الحركات ديه وبعدين احنا على طريق عيب ... بوسة زي ديه بتغير فيا حاجات فسيولوجية.
- يعني إيه.
- يعني هاتي واحدة تانية عشان الأولى مكنتش بضمير.
- ابتسمت نور ابتسامة محمله بعشق تسرب من قلبها ثم ردت في غنج:
- لا هي واحدة بسسسسس وكل لما تخرجني ليك واحدة زيها.
- خلاص أنت حره ... مش عاوز حاجة منك.
- قولي بحبك وأنا أديك واحدة تاني.
- مش هقول.
- خلاص مش هديك.
- بحبك ... فين بقى.
- ولم يحصل عمر على قبلته الثانية فقاطعه استفراغ نور المفاجيء، توقف عمر عن القيادة، بات يتفحصها في قلق يلتهم حذقتا عيوننه، ظل يدلك ظهرها في حب وخوف في آن واحد.
- مالك يا حبيبتى!!?
- معرفش، تعبت فجأة.
- حاسه بأيه طيب؟
- نفسي غمت عليا.

أمسك عمر يدها متفحصاً نبضها وبات يتفحصها لدقائق، لترتع الفرحة
عيونه ...

- لا كده بقى بكره أخذك معايا المستشفى واعملك تحاليل ونتأكد إن
الوحش هيشرف.

- وحش مين؟

- أكيد هيطلع وحش زي أبوه.

- أنت بتكلم جد!!!

- خير إن شاء الله.

كانت مثلما اصاب عمر حامل في ثلاث شهور، فعم الفرح بيتهما
وشاءت الأقدار أن تحمل لهم مولوداً يسكن رحم أمه.

الفصل الرابع

يدًا مرتعشة للملابس معدة، ترفع كل لباس فتستنشق منه عبير زوجها
إثر زجاجة عطر تركيب ارتوت به معظم قمصانه، تفيض عينًا تشفق
على نفسها، ستترك وحدها بين أربع عوازل، حزناً يصنع حيرة الأمر
كأنها تحسبه وداع، أتصرخ أم تكتم ألمًا للحفاظ على رغبة حبيب، وقبل
بكاءًا التمسست كتفيها يدًا حانية، بكل ما كتب على الأرض من شوق
تقابل جسدين بدفئ جاني، يقتل كل معاني الخوف، أصابع تجول
خصلات شعر وكلمات تسقي من العشق نهور، بنفس مرتعش أضى
ارتعادًا لدى الزوج، فاحتضنها بكل قوة الغرام لدرجة انعدام فراغ،
ليردف عمر قائلًا

- هتوحشيني أوي.

وبعدما فرغ من حضنها ...

- مش هناخر هناك، ليه بقى الدموع اللي في عنيني ديه؟

...

- لالا أنا عاوز اشوف ابتسامتك الحلوة، مش هعرف أسافر وأنتي
كده.

لتصنع ابتسامتنا جوا دافيء ...

- أيوة كده ... بتبقي أجمل بكثير.

- هتوحشني يا عمر.

- وأنتي كمان أوي أوي يا حبيبي ... يالا أجهزي أنتي كمان، كده
هتأخر على الطيارة، أوك؟؟!

السكوت يقتلها ...

- متخفيش مش هسيبك لوحديك، هكلمك كل يوم، وبعدين احنا كده

هناخد بريك من بعض ... تجديد ... مش كده ولا أيه؟

- اه انت مبتصدق... اوعي يا عمر تبص هنا ولا هنا ..

بيدأ نفاق الزوجية الرتيب

- انت عارفة ان محدش بيملّي عيني غيرك
- خلي بالك من نفسك وكل كويس ونام كويس ومترهقش نفسك .. و
متناساش تظمني عليك لما توصل

يرتاح ظهره في ذلك الكرسي المبطن بالقطن الكثيف، يتأمل صفوف
الشبابيك المصفوفة في صفوف بجانب المقاعد، يروق له اللون الأبيض
المنير بالشمس الخارجية، شارد الذهن يجول وسط حقول أفكاره، وكزه
محمود وكزة ضعيفة في صدره، يعلم رد فعل عمر فأخذ وضع
الاستعداد، رفيق إفاقه من درب الأحزان الكئيب تحول الآن متنبهًا
لحديثه، وسرعان ما تعالت الضحكات وتحرك فكيهما كلامًا، سافرت
الثرثرة بجوارهم، ورغم ما كان فهناك عينان تراقب جمال الابتعاد عن
الأرض والخوض في سير السماء، إبداع خالق فماذا بشأن الجنان،
تصفح معالم أماكن لم يكن متوقعًا بحال ابتعاد عنها، ومحمود بجانبه
يلاحظ سيقان المضيفات في تلهف، عيناه صقرًا يلتنذ التحليق في
الأركان، فقال في فم مشبوق ...

- إيه الحلاوة ديه يا عمر، أنا مشفتش كده قبل كده يا عمر.
- أرحم أنت حيحان على نفسك كده على طول، أومال لما ننزل لندن
هتعمل إيه؟!!!

عيون محمود تجول أرجاء المكان ...

- المنّي چيب مجنن أمي، وبعدين منته كنت بتهزر مع المضيفة من
خمس دقائق ومحدش قالك حاجة، هي جت عليا أنا.
- مكنتش كلمة يعني، أنت هتحاسبني على كلمة ولا إيه، ميبقاش
قلبك أسود.

- أنا هقول لمراتك.

رد عمر في ثقة مبالغ فيها:

- قولها هو أنا هخاف، في الآخر هتخرج نفسك ومش هتصدقك،
وشكلك هيبقى وحش.

أشار محمود برأسه فقال في صوتٍ خفيض:

- بقالك إيه شايف الفرصة اللي واقفة هناك؟

- أنهي؟

- المضيفة اللي جنب الراجل الأصلع اللي لابس أسود.

بدأت عينا عمر تبحتان عنها ...

- أه شوقتها.

- بفكر اتحجج بأي حاجة عشان أكلمها.

- مليش دعوة بيك مش ناقصة فضايح.

- أهدي أنت ملكش دعوة.

وعندما اقتربت المضيفة من كرسي محمود ناداها بصوت هادئ ...

- لو سمحت.

- أفندم؟

- هو فاضل أد إيه على لندن؟

ابتسمت المضيفة قائلة ...

- إحنا مبقلناش خمس دقائق يا فندم.

همهم عمر بصوت غير مسموع

- غبي منه فيه فعلاً.

رد محمود على المضيفة:

- معلش بقى أول مرة أركب طائرة، وبصراحة مش عارف

المسافة بين القاهرة ولندن.

ردت المضيفة بابتسامة توضح لمعان وصغر أسنانها الأمامية ...

- المسافة بين القاهرة ولندن حوالي ثلاث آلاف وخمسميت كيلو

حضرتك، والرحلة بتبقى حوالي خمس ساعات.

رد محمود مادحاً:

- ما شاء الله، بحترم أنا أوي الست الجميلة اللي تفهم في شغلها
كويس، شكلك ذكية smart، بجد هايلة مش كده يا عمر؟!
قابل عمر الموقف بابتسامه عريضة، ليتابع محمود قائلاً:
- هو الحزام ده معرفش ماله، حاسه محشور ممكن حضرته
تشوفيه.

وعندما انحنت المضيفة لتتفقد الحزام، بات محمود يتأمل أجزاءها
المنتفخة في شبق واضح، وعمر يتفحص الموقف كاتمًا لضحكاته.
- مفيهوش حاجة يافندم.

- طب تمام، أصل حاسه قافش شوية، بطني هتفرقع، وسعيه أكثر.
انحنت المضيفة لئُصنع فوهة في ملابسها مما جعل محمود يتطلع على
معظم أجزاء صدرها.

- أهوه كده تمام يافندم؟

- ضيقه درجة واحدة بس، مش أكثر من كده.

- كده كويس؟؟!

- تسلم إديكي، بجد ميرسي أوي أوي أوي ليكي.

- تحت أمرك يافندم.

وعندما غادرت أردف عمر قائلاً:

- استفتدت إيه والنبي؟

- ريحة البرفيوم.

- يعني إيه؟

- تجنننننننن.

ارتفعت قهقهة عمر فقال:

- أنت مجنون والله.

- مشفتش اللي شوفته وهم، أنت فكرك إنني هنزل من الطائرة إلا لما

يكون معايا رقمها؟؟!

- مليش في السكة ديه.

- منته عارف إني بحب أظبط نفسي على راحتني أنت كده خلتنني مستعجل.
- طب يالا إنجاز وبطل رغي كتير.

الفصل الخامس

وجاء الميعاد المنتظر، مع اقترابه من موقع المؤتمر كانت تخالطه
امتزاجات أشواقٍ غريبة، أصوات من صدَى تحت أقدام حاضري
المؤتمر تذييه شوقاً، الهدف ما سعى إليه وتحمس، دراسة المشاكل
الصحية للعالم النامي، أمر هام بالنسبة لبلده، يسعى أن يكون من
الأساس الراسخ للتطوير، وما كان يشغله هو الوهلة الأولى بعد أن
ينقضي الممر الذي يجوبه في صمت وحيرة، هواء الممر الطويل
يخدش وجنتيه في صراعٍ، فتح الباب المؤدي إلى قاعة المؤتمرات
كانت الرهبة تقتنص قلبه حتى توجهوا إلى المقاعد العامة، الثرثرة
دامت جلية وقلبه ينجل داخله، المقاعد تذكره بأيام الجامعة في التفافها
وتألق دورانها، أمام كل مقعد يتدلل مايك لكل متحدث كي يسهل على
الجميع المشاركة بسهولة في الآراء، لم ينسوا المعدين زجاجة المياه
التي سوف تشفي تحجر الحناجر عطشاً، وإذا نظرت إلى شبابيك المكان
تجد الستائر البيضاء المسدولة لتحجب جزء كبيراً من أشعة الشمس
الهاربة عبر الزجاج، الانتظار مرهوناً بقدم رئيس المؤتمر، فجأه
هبطت الأصوات العالية، لقد انقرع الباب الخلفي الموازي لعرش
الرئيس المنتظر، تنبه الجميع بحضوره العاصف لكل تركيز مشتت،
امتدت يد العامل ليفتح باب السدود، صوت صرير بات صدها مخترقاً
أذنا عمر، علا الاندهاش ملامح وجهه لقد تذكر حرفاً من حروف
الماضي، نفس صوت الكرسي القديم بات صدها أرجاء القاعة، أيعاود
كتابة عنوان سحيق، ها هي قدمت رئيسة المؤتمر، لترتكز بمكانها،
الرابضة في كرسيها وتتجمع عيون المحمّلين حولها، تفانت في عدم
الانحناء للرهبة رغم الجمع الكبير الذي احتشد أمامها، هي من صنع
تلك المبادرة، فلا خوف موجود ولا رهبة تضي على وجهها الشاحب،
إنما الثقة ما تجمعت بداخلها، تعانق أطراف أصابعها المايك المرتجف

أمامها وتقتل ما بداخله من رهبة، يفوق حدسها عجزها على ذلك الكرسي، لم تنزعج لتباين الحاضرين، فمنهم من يطل ببصره بطريقة المشفقين ومنهم من كان لديه جراءة المستهترين، ثباتها يفوق وصفاً، كي لا تكون لقمة سائغة، نظرت إلى الجمع من خلال بصيرتها، لتبدو الرؤية أوضح، في تلك اللحظات بعدت خصلات شعرها عن أذنها اليسرى لكي تستقر سماعة بيضاء بجوف صوانها، السلك المنسدل بات مشدوداً على كتفها، بدانتها الضيقة تسدل الستار عن أذرعها النحيلة، خصلاتها الطويلة تخفي رقبتها فليديها شعراً طويلاً يصل إلى ركبتيها قعوداً، لم تقص منه شيء منذ عهد طفولتها، وعمر يقبض يد كرسيه منذ أن رأى وجهها، ذاق للمفاجأة قشعرة، محملاً بلا جدال، أصارت تلك اليوم مصادفة، بعد قرابة العشرين عاماً تتجمع صورتها أمامه، أ تلك هي من ذاقت مراقبته، ملوحة الأيدي مبتسمة الفاه، علت شفاهه صعوداً وهبوطاً باسمها "أينوجت"، ذاك الوجه تلك العينين لم يتغيرا كثيراً، تطرب أذناه لسماع صوتها يجول أركان المكان.

"أرحب بجميع الحاضرين ... معكم آية صدقي رئيسة ذلك المؤتمر ودكتورة في جامعة كامبردج ... جنّت اليوم لنناقش قضية غالية علينا ... لنبدأ في وضع حلول تساعد عالمنا النامي في الحصول على حياة أفضل وبصحة أفضل ولا يضيفو المرض على أطفال لا زالو يفتحتون كورود البساتين ... إنني اليوم نظمت ذلك المؤتمر ليكون شرارة البدء في نظام جديد ... نظام عالمي في مجال الطب يخدم مرضي العالم النامي ... العالم الذي يحفه الأوبئة من كل صوبٍ وحذب ... ليكون الفجر الجديد مشرقاً على نقيض سابقة ... وفي بداية المؤتمر أحب أن ألقى التحية الطيبة لقدم بعض الوزراء من عدة دول فأبدأ بتحية السيد الدكتور محمود الطيب وزير الصحة بمصر، وأشكر السيد الدكتور فهد بن يزيد وزير صحة المملكة العربية السعودية، وأشكر وزير صحة السودان السيد الدكتور عثمان محمود، وأشكر وزير صحة البحرين

السيد رشيد بن عمرو، وأشكر أيضًا الأطباء من جميع المنطقة العربية، وكل من ساعد ليكون جزءًا لا يتجزأ من هذا المؤتمر "نطق فم أينوچت باسمها الحقيقي، ارتعش عمر ارتعاشًا غريبًا ليدوق من الذهول صاعًا، أتلك من كنت ملهوفًا لمعرفة حقيقة من حقائب أسرارها.

ساكنًا ويراقب، ممسك قبضته المرتعشة توترًا، وأوراق أشجار تغدو حوله بنسمات حانية، ما إن استنشق الهواء وجد انبعاث رائحة زهور معبئًا، مالت الأغصان للتعبير عن مراسم احتفالية للجميلة الهادئة، تحركت قدماء معبرة عن ما هو مكتوم، تنظر إلى النافورة التي تتوسط الحديقة، لا يشغل بالها هجوم رزاز المياة على وجهها الأملس، المنظر دام الأفضل هناك، أسوار حديدية تحيط بالمكان ويعانقها الورد الملفوف بأغصانه، في عيونها كلمات تتراقص الكلمة خلف أخرياتها، لا تستطيع قراءة ما بداخلها فالعمق يقودك إلى الغياهب، لن تعلم ما يصير من جدال بداخل نفس ساكنة، لأول مرة سوف يفعلها ويكسر صمت صخر غير بالي، اقترب واقترب أكثر فأكثر حتي لاحظت ورفعت وجهها تسائلًا بعينيها، فلينفي واقع كان في السابق مكتوب ولكن كما اعتاد نطق باسم غير معروف.

- أينوچت ... قالها بارتباك ملحوظ.

علت الدهشة تعابير وجهها، ونطقت بكلماتها الأولى معه بابتسامة الساحرة.

- حضرتك بتكلمني أنا؟

اضطرب عمر قائلاً:

- أه.

حملت آية في وجهه محاولة التعرف عليه ولكن بلاجدوي تذكر ...

- حضرتك تعرفني؟

- أه أكيد أعرفك ... وأحب أشكرك الأول على كل كلمة قلتيها في المؤتمر ... بجد كنتي هايلة.

- ميرسي.

- أنتي بقى مش فكراني.

- لا متأسفه مش واخدة بالي.

- ممم ... شكلي اتغير أوي كده ... طب استنتي كان معايا صورة قديمة ليا.

أخرج محفظته وباتت أصابعه تعبت باحثة عن صورته، حتى لاذت تلك الصورة في الفرار من ذلك السجن منذ سنوات ليصبح لها قيمة، أعطاهما لها بابتسامته الخالصة، تفحصت الصورة لتظهر ملامحًا مختلفة، فهكذا تسرق الدهشة ملامح السكون؛ فابتسمت قائلة:

- أنت عمر، صح؟

- أه عمر ... افكرتيني!! وكمان فاكرة اسمي ... مش معقول ... ده حظي حلو أوي.

نظرت له بأستغراب قائلة:

- حظك حلو!! ... ليه يعني؟

- أيوة حظي حلو إنك تقضلي فاكرة اسمي لحد دلوقتي، وبعد كل السنين ديه يا دكتورة أية

نظرت إلى الصورة وإلى وجه عمر فقالت:

- شكلك متغيرش كثير عن وانت صغير يا عمر.

- ممم ... شوية.

- أنت كنت حاضر المؤتمر!!

- أه ...

نظرت له مبتسمة تلك الابتسامة التي عشقها منذ أن كان صغيرًا، منذ أول نبض حب انتاب قلبه، حبه الأول الذي رفر فببرائته أرجاء شقته وأرجاء مدرسته.

- عشان كده بيقولوا الدنيا صغيرة.
- كانت الفرحة تبدو واضحة على وجهه
- بجد صدفة حلوة أوي.
- طبعًا.
- وأنتي عاملة إيه وأخبار حياتك ودينيتك وعملتي إيه لما سافرتي
لندن بجد نفسي أعرف كل حاجة عنك.
- بدا اليأس يمتزج بنظرتها ...
- لا لندن خلاص ... أنا بفكر أستقر في مصر، أكمني محققنش اللي
كنت عاوزاه؛ فملهاش لازمة الغربية.
- كل ده ومحققتيش اللي أنتي عاوزاه أكيد بتهزري، يكفي إنك
رئيسة مؤتمر كبير زي ده.
- في طموحات أهم من كده.
- في ذلك الحين رن هاتفها، ليبدو التوتر عليها من أول وهلة في
المكالمة، وحينما فرغت من حديثها في الهاتف ...
- معلش أنا مضطرة أمشي.
- ماشي بس هشوفك إزاي تاني.
- أنا نازلة مصر إن شاء الله كمان يومين؟
- لم يتردد في قوله:
- ممكن رقمك طيب لو مفيش مشكلة؟
- أخرجت من الحقيبة التي تستريح على فخذها كارت به رقم هاتفها
وعنوان عيادتها في القاهرة ...
- ده رقمي الشخصي، والعنوان ده عنوان العيادة.
- ميرسي ليكي، هكلمك إن شاء الله.
- باي باي.

الرجوع إلى الوطن ...

وكما أسماه من باب الفضول اتصل بها لأطمئن عليها.

- ألو إزيك عاملة إيه؟؟

ردت آية بصوت مخطوف:

- الحمد لله تمام، مين معايا؟

- أنا عمر.

تغير منهاج صوتها وبدأت البهجة على ذلك الصوت:

- إزيك يا عمر عامل إيه؟

- الحمد لله، رجعتي مصر؟

- أه رجعت بقالي يومين أهوه.

- حمد الله على السلامة.

- الله يسلمك.

سكت قليلاً محاولاً التعرف على جملته التالية

- كنت عاوز نتقابل نتكلم شوية، بقالي زمن مشفتكيش أنتي عارفة.

- أوك نتقابل في العيادة.

- ماشي أوك ممكن بكرة؟؟

- أنا موجودة من الساعة ٣ العصر لحد ٩ ليليل.

- خلاص أوك، ميرسي ليكي.

- bye bye ... you are welcome

- مع السلامة.

إحساس موهوم يتغمده فحنينه إلى الماضي قد يقتل رتابة حالية، شيء أشبه بمغامرة في عمره عند العقد الأول البالي، وأناشيد الصباح التي لم يطبقها أحد، وترديدات من تنهيداته عندما كان لم يبلغ الحلم، عندما كان لا يعي للجنس شيئاً، عندما كانت الطهارة عنوان حياته، ماذا عن الآن بعدما تعمق في معنى العالم، فتنبه للواقع الأليم، الحياة المملة، الضيق الذي يقبض ببيده على عنق فرائسه، كل تلك الأمور تجعل له حق التجربة، لذا قرر أن يخوض شيئاً جديداً، يرتدي بدلته السوداء، وكرفته

التي يرخيها من عنقة حتى لا يرى العالم أسودًا في ظل الاختناق، بياض قميصه تستحق أن تنال عليه نور تقبيلة يد، لكنه غادرها في صمت مرير، دون عنوان المقصد، فعندما سألته إلى أين سوف يذهب أجابها "ميتنج شغل"، وما هو إلا اتباع الهوى، ركب سيارته ذات الموتور ١٣٠٠ سي سي، تحشرجت ونطقت باللسان أبكم، فعلم بأنها لن تذهب إلى أي مكان، الغضب يسرق عيون عمر، وبعد عناء المحاولة، استوقف تاكسي إلى مصر الجديدة، حيث العداد الذي بات يحسب ويحسب دون توقف أو تثائب، حتى وصل إلى ميدان تريومف، وصل العداد إلى خمسة وخمسون جنيهاً دفعهم حقاً لتلك التجربة، للفضول المحكم، وحيث رست أقدامه أمام عيادتها كان الباب مغلق، موشوم عليه اسمها بخط أسود يتوسط سبيكة ذهبية، فتأكد وطرق الباب لينفتح، فيتسم عمر في هدوء قائلاً كلمات التحية، طلبت إليه الدخول، فتوجهت إلى مكتبها وهو قبع على الكرسي المواجه للمكتب، يراقب كل ما حوله، لم تكن العيادة تتسم ببزخ الديكور إنما اتسمت بالبساطة، تحتوي على كثير من الكراسي والكنب ذو غطاء جلدي بني اللون، الحوائط بيضاء ناصعة، اللوحات المعلقة على الحوائط البيضاء كانت لرسومات شحيحة التفاصيل، وأضاف السكوت ديكوراً آخر للعيادة للحظات، بعدها سألها عمر قائلاً:

- أنتي قافلة العيادة يعني؟!!!

- أه مهو محدش عارف إني رجعت ... بايته هنا ومروحتش البيت.

نظر إليها بتمعن قائلاً:

- ممم، شكلك بتحبي الاستجمام، بس أنتي قولتيلي أنا فاتحة من

الساعة ثلاثة لتسعة؟!!!

- كنت ناوية أفتح النهاردة بس حسيت إني عاوزة أقعد لوحدي شوية

أكثر.

- ليه كده؟

- ابتسمت بوجهها الرائق.
- عاززة أرتاح شوية من السفر، من شوية لخبطة عندي، يعني، من حبة حاجات مضيقاني.
- نظر إليها نظرة مرضية لأعماقه ...
- ممم ... أنتي عارفة من ساعة مسافرتي زمان وأنا مازلت عاوز أعرف عنك كل حاجة.
- إسمعنا؟!!
- فضول، والفضول هو اللي جابني هنا.
- ممم ... أنت فضولي يعني؟
- أحياناً، ومش مع كل الناس، أكيد اللي يهمني بس.
- nice.
- سكت للحظات ثم أردف قائلاً:
- المهم إنتي راكبة أنهي عربية في القطر دلوقتي؟
- قطر إيه؟!!
- قطر الحياة ... حياتك عاملة إزاي يعني؟
- ردت مباحة مزاحاً يكشف عن هم متأصل في أعماقها ...
- مفيش، زي أي حد ... الدنيا ساعات بتخديني في حضنها، وساعات بتديني دهرها، وأنت؟
- زيك تمام، هي الدنيا كده غدارة، ممكن تقلب في أي وقت، معندهاش واسطة، ميهماش نسب أو محسوبية.
- أكيد.
- باغتها بقوله ...
- غير الموضوع بدل جو التراجيديا اللي دخلناه ده ... هقلك حاجة ... أنتي عارفة إني ساعات بقرأ مذكراتي أصل أنا من النوع اللي بيكتب حياته على ورق ... فراغ بقي ... وأول خمسين صفحة

تقريباً كلها عن ذكريات قديمة وهتلاقي اسمك مكتوب ... لا لا ...

هو مش اسمك بالظبط؛ ده اسم كنت مسميهولك

- كنت مسميني إيه؟

- أينوچت.

اقتربا حاجبيها تعجباً ...

- أينوچت، ممم إسمعنا يعني؟!!

- لا منا مسميكي كده من زمان ... مكنتش أعراف اسمك الحقيقي.

قام من مكانه وتوجه إلى كولدري المياة وابتسم إليها قائلاً:

- ينفع أشرب؟

- أكيد طبعاً العيادة عيادتك.

أمسك كوب المياة مسترشفاً رشفة رشفة قائلاً:

- أينوچت ... مش فاكرة الاسم ده ... ولا مكنيتش بتتفرجى على

تلفزيون؟

- هو أنا ممكن أكون سمعته قبل كده بس مش فاكرة.

- لا ده كان اسم بطلة مسلسل كارتون قديم كنت بتفرج عليه زمان

فسميتك كده ... سيبك سيبك ... المهم إحكي لي حكايتك بقى.

- مفيش حكاية ... كله ملل.

الاندهاش تعلق بلامحه لتجحظ عينيه.

- ملل!!! ... دكتورة في جامعة كامبردج ... عارفة يعني إيه

جامعة كامبردج ولا عشان عايشة هناك مش واخدة بالك.

- المظاهر بتخدع أحياناً ... في حاجات كتير بتبقى في حياة الإنسان

بتتغص عليه حياته كلها.

- بس مش غريبة شوية إنك توصلي للـ level ده وتقولي ملل ...

أومال أنا أقول إيه؟!!

ردت في هدوء ...

- منا قتلتك الفكرة في راحة البال ... الملل منهج حياة، بيرافقتنا من
واحنا صغيرين.
- على رأيك، أنتي عارفة فعلاً كان نفسي أقابل حد أعرفه من زمان
نحكي لحد الصبح، أهو نقتل الملل اللي مسوحنا معا.
جال خاطرها للحظات بالذكريات الماضية.
- هو إحساس حلو، نرجع بيه أيام زمان، أيام إسكندرية.
- هو في أحلى من أيام إسكندرية، يا على ديه أيام.
ابتسمت آية وكان للكلام وقعاً على ملامحها فقالت:
- متتنسيش.
- كنت لسا صغير لما كنت بستناكي كل يوم في الشباك ... كنتي
بتاخدي بالك؟!!!
قالت في قهقهة خفيضة:
- أه ... أكيد كنت باخد بالي، ده كان every day.
- عارف كنت لازقة وغلس.
- أكيد.
- أكيد؟! بقي كده?
علت قهقهتها ...
- مليش دعوة أنت اللي بتقول ... أنا مقلتش حاجة.
ضحكت آية واكتفت بالصمت متذكرة أشياء مبهمة على عقل عمر
الذي لا يعلم الكثير عنها فقاطع صمتها قائلاً ...
- ليه من زمان وأنا بحس إن عيونك مليانة حزن ... ملايين
غموض ... في شيء مش قادر أفهمه.
- ودلوقتي حاسس بكده?
اقترب عمر منها بعدما كان يقف بجانب كولدير المياة كي يستقي أكواباً
تشفي عطشه لينظر إلى عينيها في سكون ...
- بقيتي مهمومة أكثر.

- واضح أوي كده؟! -
 - جداً ... وعلى فكرة تقدرني تثقي فيا وتفضضني بكل اللي جواكي.
 - لا مش عاوزة أفضض أنا كده أحسن.
 - ليه؟ أكيد هتستريحي لما تطلعي همومك.
 عبرت عن رفضها برأسها وشعرها الذي لاح يميناً ويساراً في تمرد ثم
 نطق لسانها المهموم:
 - معرفش بس حاسه إنني عاوزة أبتدي صفحة جديدة ... أعوض
 كل اللي راح، أسيب الجامعة واعييش هنا في مصر ... أرجع
 عشرين سنة وراء، عاوزة أحس إنني رجعت طفلة تاني.
 - أنا برضو بقول الواحد كل لما يكبر سنة يحس اللي قبلها كانت
 أحلى.
 - أه فعلاً.
 ابتسم ابتسامة حانية تخلّي فيها عن جمود وجهه ...
 - أنتي برج إيه؟
 - القوس.
 - يعني نقدر نقول ... شخصية متفائلة، متسرعة أحياناً، ذكية
 ولماحة، كتومة، وده فعلاً حاسه ينطبق عليكي بالملي.
 ردت ممزحة ...
 - أنت دجال مش كده؟! !! ميقتنعش بالأبراج.
 - ساعات بتبقي صح ... مش مشكلة ... تيجي نرجع صغيرين
 تاني.
 - إزاي.
 - بسيطة أنتي وراكي حاجة؟
 - لا خالص.
 - هي الساعة كام دلوقتي؟
 نظرت آية إلى ساعة الحائط كانت قد بلغت الثامنة مساءً ...

- ٨ -

- ممم يعني ممكن نقول قدمنا ساعتين نرجع فيهم أطفال تاني.
ضحكت آية قائلة:

- لو هنرجع اليوم كله معنديش مانع.

- دنني فاضية بقي؟!!

علت قهقهة انثرت من قلبها ...

- مش قلتك كله ملل.

انقضى أكثر من ساعتين نسوا فيها بعضهم وتناسوا بعضًا من الهموم،
وما أفاقوا إلا على اتصال نور، فلاذ بضغطه على الزر ليبقيه أصمًا
أبكم، فقال عمر في ارتباك.

- اياا دي الساعة بقت عشرة ونص بالسرعة ديه، ملحفتاش نتكلم
وأنا لازم أمشي.

- الأيام جايه كتير.

- أوك ... وعلى فكرة لازم نتقابل تاني.

- أكيد.

اتصالاً هاتفيًا من أستاذ حسام، الصديق الجديد، يود أن يأخذ إجراءات
جدية لتأسيس المستشفى الخيري، فعل أب ذاق من المر صاعًا، أخيرًا
كان بينهم ميعادًا في القهوة المعتادة، تجمع عمر ومحمود لملاقة حسام،
أحضر محمود شيشته القص وكوتشينة لامعة تبدو أنها تخلت عن كيس
احتفاظها منذ وهلات، عمر يحتسي كوبًا من الشاي ويراقب المارة في
انتظار، متأملًا أحيانًا محمود الذي يرتضع اللي بداخل حنجرته ويخرج
دخانًا كثيفًا كفيلاً أن يسقط العديد من ضحايا الناموس، لحظات واقتربت
سيارة بي أم دبليو الفئة السابعة، زجاجها معتم لتخفي وجه صاحبها،
تقف أمام الكراسي ليرمقها كل من في المكان بحسدٍ مهيب، حتى نزل
صاحبها المحسود.

- اتفضل يا أستاذ حسام ... قالها عمر بعدما قام من موضعه وأشار إلى الكرسي المحجوز
 نزع محمود اللي من فمه مسلماً على حسام في هدوء دون أن يتفوه بكلمه إنما اكتفى بالابتسام، فقال حسام بينما كانت يديه تعانق يديه ...
 - إزيك يا دكتور محمود؟
 - الحمد لله تمام.
 قال عمر في رتبة القول ...
 - منور المكان كله.
 - ده نورك.
 قال عمر في يقين
 - طبعاً أنت مش متعود تقعد على قهوة بلدي؟
 - هو أنا بقالي زمن فعلاً مقعدنش على قهوة بلدي؛ عشان كده أصريت إني آجي أقعد معاكو.
 نطق محمود بكلام معبأ بالدخان ...
 - إيه أخبار منة؟
 - والله كويسة الحمد لله نشكر ربنا.
 سأل عمر في صوت هادئ ...
 - وأخبار حضرتك إيه؟
 - أهو الحمد لله، عاوز بقى آخذ خطوات عشان المستشفى، أنا كنت كلمت عمر في الموضوع ده قبل كده، وده اللي أنا جايلكو فيه.
 رمق محمود حسام وقال:
 - أمرنا.

- بصو ياجماعة أنا كل اللي محتاجكو فيه إنكم تجمعولي stuff دكاترة زمايلكو وطبعاً الناس الكفاءة واللي بنتقوا فيهم، وكمان STUFF ممرضات والوضع هيكون كالاتي ... إن الناس اللي هتختاروهم ممكن يشتغلوا معانا PART TIME أو FULL TIME

والموضوع هيبقى مفتوح بحيث اللي عاوز يشتغل معايا ويسيب
القصر أوك واللي عاوز يفضل ويشغل فترة مسائية أوك برضو،
أنتو اللي هتديروا الموضوع ده وهتبقوا مديرين جوا مش مجرد
دكاترة عادية وأنتو برضو ليكم حرية الاختيار بالنسبة PART
TIME أو FULL time ... ها إيه رأيكم؟

رد عمر في رزانه ...

- كلام جميل بس ده هيتوقف على المرتب، يعني على أساسه الناس
ممكن تختار FULL TIME أو PART TIME.

دعم محمود رأي عمر ...

- أه كلام عمر تمام.

- أنتو معاكو حق بس أنا لسا بحسب الميزانية وبظببت الموضوع،
هو المرتب هيبقى كويس، عامة أنتو ممكن تختاروا الدكاترة بينكو
وبين بعضكو لحد لما أعرف نظام المرتبات وأقولكم تبدأوا تكلموا
الناس، هو الموضوع طبعًا هياخد شوية وقت بس إن شاء الله في
خلال السندي هنفتح المستشفى وأنا فعلاً خلاص اشتريت الأرض
اللي هبني عليها، واتفقت مع شركة مقاولات كبيرة وهنبتي الشغل
على أول الشهر.

رد عمر باستعجاب:

- ياه دنت دوست جامد أهوه، ربنا يجعله في ميزان حسناتك.

- يارب، خلاص أقدر أعتمد عليكو؟

رد محمود في ثقة غير معتادة:

- إن شاء الله.

قال حسام:

- تصدقوا الجو هنا حلو، بحب الجو الشعبي، أنتو عارفين أنا في
رمضان لازم أفطر يوم على الأقل في مكان شعبي، مرة فطرت في
الحسين، وقبل كده فطرت في السيدة زينب.

رد عمر:

- طبعاً جو الأحياء الشعبية ملوش حل في المواسم.

فجأة تغيرت ملامح حسام وأصبحت أكثر مرحاً فقال:

- بالمناسبة حد فيكو بيعرف يلعب ضومنة؟

نزع محمود اللي من فمه وقال في تفاخر ...

- إحنا أساتذة يا باشا.

نادى محمود سيد القهوجي الذي كان يحمل صنية مليئة بمرطبات

الحنجرة ...

- بقلك إيه عاوزين ضومنة الله يكرمك.

انقضت معظم الليلة في لعب الضومنة حتى أصاب التثائب ملامح حسام

المهادئة فاستأذن بعدما فرجت الدعابات ما بين حاجبيه، وانقضت المرارة

عن قلبه بعض الشيء، وتنبه أن الحياة البسيطة قد تكون أسعد من حياة

مكنوزة بالكنوز، وبعدها التقى كرسي سيارته وغادر، قررا محمود

وعمر أن يكملا سهرتهم في حوار مفتوح بعدما سأل محمود عمر عن

أمر ما مما جعل الليلة تطول لبضع دقائق.

- في سؤال يا عمر عاوز أسألك عليه بس كل لما أجي أسألك أنسي

...

- ها؟

- يوم المؤتمر فجأة اختفيت ... أنت كنت فين؟

- ملكش فيه.

تأمله محمود ثم رد في ثقة:

- يبقى كنت بتعط وخايف تقول.

- وهخاف ليه ... أنت فاكرني زيك!!

- لا أصل مش عاويديك الغموض ده.

- ولا غموض ولا حاجة ده حوار كده.

- اللي هو؟؟؟

امتعض عمر

- هقلك وأمري لله أصل عارفك مش هتسيب نافوخي في حاله ...
بص ياسيدي فاكر رئيسة المؤتمر.

- أنهي مؤتمر؟!!

تعصب عمر ...

- يا دي النيلة، هو في غيره يابني ... بتاع لندن ... متركز معايا
بقي في ليلتك ديه.

- ها؟

- رئيسة المؤتمر، طلعت معرفة.

تعجب محمود ليكذب ما قاله عمر ...

- إزاي !! ... دي دكتوراة في جامعة كامبردج، يعني وش متعرفش
الأشكال دي، أنت هتشتغلني، متكلم جد.

- وهشتغلك ليه!!! الحكاية إن أنت عارف إنني كنت عايش في
اسكندرية قبل ماجي هنا، صح؟

- أه تمام.

- البننت ديه بقي كانت ساكنة في نفس الشارع اللي أنا كنت فيه،
وكنت تقريباً عندي حوالي إتناشر سنة.

حفظت عينا محمود ليرد قائلاً:

- ياديني ... ولسا فاكرها؛ دننه دماغك سم.

- شوفت بقي، فسبتك وكنت بدور عليها.

- ياراجل!

- وخذ عندك ديه، إيه رأيك إنني كنت بحبها وأنا صغير.

- بجد ... لا بتهزر ... قول كلام غير ده.

- أنا مش بكذب يا محمود.

خبط محمود كف على كف ...

- يا على الدنيا!!!

- اضيق من خرم الإبرة.
- فعلاً.
- أنا كنت معاها على فكرة أول امبارح في عيادتها.
- هي رجعت مصر؟!
- أه ياعم.
- ابتسم محمود منوهاً عن شيء هام ...
- ممممم ... قولتلي ... عيادة؛ وابتدينا مشوار الخيانة.
- خيانة إيه ياعم انت هتلبسني مصيبة.
- ابتسم محمود ناظرًا إلى عمر بعيون نصف مغلقة ...
- أصلها بتبدأ كده ... صدفة فميعاد، فالقاء، فعيادة، فحب فجواز، التطور الطبيعي يعني.
- لا هو صدفة فميعاد وكفاية على كده.
- ياخوفي يا بدران ... على كده بقى مراتك عارفة.
- قال عمر في حدة:
- أنت عبيط!!! لا طبعًا عارفة إيه، هي العملية ناقصة نكد وفكك بقى، يالا نحاسب ونمشي خلاص اتأخرت.

الفصل السادس

طريقة كلامها تدوم في الذهن ولا تنجلي عنه، كلمة عمر تخرج في غنج من شفيتها دون تصنع، عينيها تشف بريق قلبها، أنافتها تشير بفنها الملهم، لم يكن عمر يدرك نعومة أطراف يدها إلا عندما لمسهما دون قصد فهو ليس ممن يسلمون بالأيدي، كان ذلك في أولى الأيام التي يتقابلا فيها خارج عيادتها، يعزمها على العشاء ليصحبها في هدوء ويطلب إلى مارتينا خادمتها أن تذهب إلى بيتها وهو سوف يتكفل بوجودها معه، كان ذلك في حوالي الساعة الثامنة مساءً حيث كان يدفع بكرسيها المتحرك إلى الأمام دون تكلف، وتختمر عاطفتها بهذا العطف الجلي، تلك المعاملة الرقيقة لم تنلها سوى من أبيها المرحوم، وحيثما دلفت إلى مقصدهم، تلحظها عيون البعض في إشفاق كالعادة، لكنها تجاهلت من يرمقها، بل كانت تحتفظ بأنفها الأنوف، ليس تكبراً داخلياً إنما رداً لمن يظن أن حالتها يرثى لها، ليصحبها عمر إلى المنضدة الخشبية التي يرص عليها الكؤوس البراقة العاكسة للنور الهادئ الذي يصحبه المكان، تلك المنضدة المستديرة التي ارتدت مفرشاً قطني أبيض يعلوه مفرشاً آخر صغير بلاستيكيًا وسميك، ومع الموسيقى الهادئة كان هنالك بعضاً من صفاء الذهن لديهم، فيلج حالهم من حال إلى حال آخر إثر الألحان الحانية، كان مجلسهم في آخر المكان في أهدى وأبعد بقعة عن الناس، حيث الستائر المسدلة تستقيض بقماشها أرضاً خلفهم، لتوارب نور الشباك المنسدل للأسفل جراء الأنوار الخارجية، وأنفس تتمايل مع عازف الكمان الذي يرتدي البدلة السوداء، ويهيم شوقاً مع ألقانه الدافئه، يقطن في مكانه الخاص بجانب عازف البيانو يؤدي معزوفة "AVE Maria" بطريقته الخاصة، ليتبادل الأدوار في احتراف متقن مع جاره، ليناشدوا الحاضرين بالتخلي عن مشاعر الغضب ويزوبون في مشاعر أجمل، وما إن وصلت آية إلى المجلس

تنوي الجلوس على كرسي عادي، حاول عمر مساعدتها ولكنها أشارت إليه بيدها للرفض، لتحمل جسمها النحيف على ذراعيها كلاعبة أكروبات، فلم تلاقي المعناة مطلقاً، فتنقل نفسها في خفة من كرسي إلى كرسي لتبتسم وتقول:

- مساعدتك هتحسني إني عاجزة بجد.

- ليه بتقولي كده؟!!

- أنت عارف مارتينا ديه بترافقني في أي مكان من زمان بأمر من بابا الله يرحمه، موصيها عليا، بس أنا بعرف اتعامل أهوه الحمد لله.

- أنتي بجد مختلفة.

ابتسمت وسكنت للحظات ثم قالت:

- عمري م اقتنعت إني عاجزة، دايمًا بعمل كل اللي نفسي فيه وبعتمد على نفسي في معظم الحاجات، وبعدين إيه يا دكتور الشياكة ديه.

رد متصنعًا الغرور ...

- شياكة ! ... دي أقل حاجة عندي.

- وهنبندي الغرور بقى.

- مش غرور، بس أنا كل لبسي بجيبه من باريس.

- والله!

لاحظ عمر شيئاً مختلفاً عن سجيئها المطلقة.

- فوكك، بس أنتي شكلك في المود النهاردة.

- يعني إيه فوكك؟

- أنتي عشان عايشة في لندن هتتعيبيني معاكي ... على العموم فوكك يعني (فكر للحظات) أه يعني عديها.

- أعدي إيه.

- قوليلي بس أنتي مالك كده، مودك عالي النهاردة.

- أصل انا كده متقلبة.

- مزاجنجية يعني.
- بالظبط مزاجنجية، قولي يا عمر هو أنت شايفني كئيبة.
- لا عادي ... إسمعنا؟
- فاطمة أختي بتقلي أنتي بقيتي كئيبة.
- لا لا متخديش في بالك، أصل موضوع كئيبة أو مش كئيبة على حسب الظروف.

قالت ممازحة:

- مهي الفكرة في الظروفووف، قولي طيب أعمل إيه؟
- لبس رداء الجدية مع ابتسامة خفيفة ...
- أفقي قدام المراية وقولي أنا مش كئيبة عشر مرات قبل كل واجبة ...
- وصفة بقلها لأي مريض بيجلي ويسألني نفس سؤالك.
- أنت كده بقى funny.
- Yes .

- غير عمر من جلسته ليسند رأسه بين كفيه ويقول:
- معرفش ليه حاسس إني دايمًا نفسي أعر فك أكثر.
- أمسكت خصلات شعرها تدويرًا بين سبباتها و إبهامها ثم ابتسمت قائلة:
- قطعًا لكلامك في سؤال عاوز أسألهوك بما إننا بقينا friends ...
- اتفضل.

- أنت مرتبطش قبل كده؟

رد ممازحًا:

- أنا عارف إني جامد وشيك بس مش بالسرعة ديه برضو.
- لا أتكلم جد يا عمر.
- ارتبك عمر للحظة واحدة ولكنه استجمع اتزانه سريعًا بعدما هرش في فروة رأسه ...
- أه ... لا ... كنت.
- يعني؟؟!!

- اتجوزت وطلقت.

- وبعدين؟

رد مهمومًا وظل شارد النظر لا ينظر صوب عيونها مباشرة.

- كان عندي وقتها ستة وعشرين سنة ... قضيت معاها سنة، أول ست شهور كان حلوين، مليونين رومانسية، دلح وحب مشفتهومش غير في السينما ومكنتش متوقع إني أعيشهم، لحد لما ابتدت حماتي تتدخل في حياتنا بشكل مش مفهوم، باقي السنة، بقت مشاكل وهم لدرجة إني خلاص أخذت قرار الانفصال، كان صعب في الأول إني آخذ القرار ده، بس ممكن كلمة أنتي طالق تطلع مع العصبية والانفعال وبرضو هبقى قاصدها.

كان عمر يتخلي عن دبلته نظرًا للعمليات الجراحية التي يجريها حتي لا تخضب بالدماء وتفقد بريقها الفضي، أو تنسل داخل المريض دون أن يدري، فتقطن الدرج في مكتب بيته دائمًا وقلما يرتديها.

- may be .

- إيه مش مصدقاني ولا إيه؟

- أصل أنا عارفة الرجاله كلهم صنف واحد.

- أفهم من كده إنك ارتبطي وعرفتني الصنف؟

- لا مرتبطش ومش عاوزة.

تأملها للحظات، ينظر في عيونها بجراءة.

- شكل في حاجة حصلتك في حياتك وجعتك أوي، حياتك تعب

ومرمرطه، هموم كتيرة مريتي بيها، كل ده قادر أشوفه من غير ما

تتكلمي نص كلمة.

- ...

- سكوتك هو اللي بيأكد كلامي، رقتك مبتخبيش حاجة، دي بتفصح

أسرارك اللي جواكي، عشان كده لازم تحكيلي.

- أحكيك إيه؟

- من اول ما سافرتي من إسكندرية روحتي فين، حياتك مشيت
إزاي؟ بقيتي كده إزاي؟ أرغي أرغي يعني.

- هي الساعة كام؟

- الساعة ثمانية ونص.

- لسا بدري، طرطاً ودانك بقى.

- أديني مطرطاً.

فجأة قاطعهم صوت رسالة هاتفية، قرأتها عيونها فنذبت معالم
الاطمئنان، لعنت أحاسيس السعادة، تحكمت مشاعر التوتر على وجهها
غضباً، ارتعدت فرائصها، حتى باتت أطراف أصابعها ترتعش في
عنف، في ذلك الوقت طلبت إلى عمر في أن يمسك لها الكرسي
المتحرك لتنتقل إليه ولا تتوغل عجلاته إلى الأمام، أجرت اتصالاً
بأصابع مسرعة، وتحشرجت الكلمات في حلقها قائلة:

- مارتينا تعالي بسرعة أنتي فين، طب كويس، تعالي خديني.

قال عمر في تعجب ...

- في إيه؟

ردت أياه بصوت يتلهف للمغادرة السريعة

- مفيش وقت أشرحلك.

جاءت مارتينا تصحب معها سيارة جيب عيون، سوداء، تشبثت بالإستين
في ظهرها بقوة، كشفاتها فاقت ضعف شدة الإضاءة الخارجية للشارع،
ماهي إلا دقائق حتى طوت الكرسي بعدما أدخلت آية إلى السيارة، في
تلك اللحظات لاحظ عمر شيئاً يباغت عيونها، شيئاً تشهد له أعماقها،
شيئاً دفعه إلا يتفوه بشيء أثناء رحيلها، إنما راقب الموقف حتى غدت
ملوحة له بالسلام، لم يكن بوسعه أن يخرج هاتفه كي يطمئن على شيء
ولكنه بدا ملثم الفاه، متواطئ مع برود أعصابه.

وفي صباح يومٍ جديد، تناشده أشعة الشمس الحارة الهاربة من النافذة في أن يستيقظ فتقيقه قسرًا، يمد يده أمام وجهه ليضع حائلًا يحميه من لهيبها، لاحظ أن ظهره ارتاح نومًا على كنبه صالون منزله، طقطق رقبته وفك خمول كتفيه، وسرعان ما أفاقه اتصال فحاول أن يستجمع شتات بصره بعد نومة غير مريحة، لينظر إلى الهاتف فيجد مكتوب أينويجت تلمع حروف اسمها على غير المعتاد، رد في صوت مشبع بالنعاس.

- ألو

ردًا لا ينقطع منه اللهفة ...

- إزيك يا عمر.

- إزيك.

- صحبتك من النوم؟

- لا لا ... أنا لسا صاحي.

- تحب أكلمك وقت تاني؟

رد بامتعاظ غير محسوب مقداره.

- لا عادي.

- أنا بس كنت بعذرلك علشان مشيت على طول بدون مقلك في إيه

وكده.

- تمام مفيش مشكلة.

- على فكرة احتمال أسافر كمان يومين.

- لندن؟؟!!

ارتبك صوتها ليتردد ترددًا ملحوظًا.

- أه ... معلش أنا هقفل دلوقتي، في حد بيخبط على الباب ... أوك.

- أوك باي باي.

- سلام.

ومنذ تلك المكالمة مر شهر انقطعت فيه أخبار آية، بعد اتصالات مديدة لا يوجد أي رد ولا يوجد أي رسائل، تفرقت السبل وهدأت أحوال قلبه، وأخيراً وضعت زوجته طفلاً جديداً، أباً شاباً يقف بقربه قدر أنمله، يتأمل ملامح وجهه، اللون الأبيض يشب في جبهته اشتعالاً وراثه أمه مع حمرة الخدين صيغة أبيه، تناول من حنان الأبوة أطنان، نسي تلك الصديقة الجديدة لساعات بل لأيام، انشغلاً بدور جديد يشغله، وعطف جديد يعطيه، حتى جاور عقله الباطن حلماً مريباً، تعرف حساً عن من كان يحتاجه وكأنه وحى تخاطر تنبه به، لقد كان مشهداً مريبك، آية تبكي، تأخذ وضع القرفصاء وتحتضن ركبتيها، وتستند إلى جدار في أقصى ركن لغرفتها، شعرها يتصبب على جبينها وأرجلها، مما يجعل رؤية عينها أصعب، حقاً غيب لا يقدر معرفته إلا الإله، بحسه يبغى توقعاً، ولا يظن نبوغاً.

في ليلة من الندم، استندت رؤوس أزواج وسائد سرائرهم، فتشبت الحب بصدور أحدهما، وطعم الخيانة مازال له مذاق بالآخر فلا ينسى أنه انكر زواجه بنور، فالتمست نور مؤخرة رأسه بيدها لتهبط بأطرافها حتى رقبته وإلى صدره ثم تريح رأسها عليه، وتخبره عن أحزان صدرها.

- ليه حاساك متغير يا عمر؟

رد عمر في هدوء ...

- عندي ضغط شغل الأيام اللي فاتت، دماغي كل يوم مصدعة،

البنادول بقى مالي درج مكتبي

ابتسمت الزوجة، وامتدت يدها إلى وجه زوجها ملامسة لوجنتيه وقالت:

- وأنا جنبك يا حبيبي ... فضفض وقولي.

لم يشأ عمر حينئذ إلا أن يحتضن حبيبته وأم ابنه حينئذ تتم ببضع كلمات ...

- معلى لو انشغلت الفترة اللي فاتت عنكم بس ...
قاطعته بقبلة انسابت على شفثيه بطعم مختلف، جعلته ينسى جميع همومه وتعبه وضغطه.

- ليه حاسة إن في حاجة مخبيها عليا، كل لما ابص في عنيك بحس إن في حاجة محشورة في قلبك ومش عارف تطلعها.
- ولا محشورة ولا مزنوقة، أنا عمري ما بخبي حاجة عليكي.
قبلته قبلة أخرى لها وقع أقوى على عمر، فقالت نور في غنج ...
- طب بوسة زي ديه مش تخليك تقولي إيه اللي أنت مخبيه عليا.
- لو كان في حاجة أكيد كنت قلتها، مش معقول هخبي حاجة على حبيبتى.

اقتربت نور من رقبتة لتقبلها، لتتطق في غنج يذيب قلوب من لم يعرف الحب من قبل ...

- وكده برضو مش هتقول يا بيبي؟
- بجد مفيش حاجة، أنتي عنيدة على فكرة.
انتزع الغطاء عنه، ليلبي نداء الهواء في الشرفة، غضبت نور كثيرًا حتى أنه لم يستأذن في تركها إنما غادر فراشهما يحتضن برودًا كاملاً، فيقف يراقب السماء الصافية، سماء الصباح، احتضنت ظهره قائلة في صوت هادئ ...

- مالك يا عمر؟!
- والله مفيش حاجة أنا بس مخنوق لوحدي.
- طب ما تيجي نعمل حاجة جديدة بدل ما نروح لماما النهاردة.
- زي؟

- مش عارفة ... بس أي حاجة جديدة.
سكت قليلاً ليقول في حدس خاص:

- إيه أخبار مريم؟
- إيه اللي فكرك بيها دلوقتي، قلبك حاسس ولا إيه؟!
 - اطلقت؟!
 - بالتلاتة ... صعبانة عليا بجد، كلمنتي امبارح ليل بس نسيت أقولك، جوزها بهدلها شتايم وتهزيق، فرج عليها العمارة كلها، عشان ملهاش دهر.
 - اضربت على بطنها.
 - وعلى وشها كمان، ربنا يكون في عونها.
 - وعملت إيه؟
 - لمت هدموها وروحت على بيت أمها، يعني هتروح فين!
 - بس عاوزة الحق هي اللي تستاهل، دايسة في الخرة، فري زيادة عن اللزوم، وهو دماغه صعيدي، محسوش إن التركيبه ديه هتفشل!!
 - الحب ياعمر، الست مننا ضعيفة قدام الحب.
 - كان عمر يفكر في فعل مغامرة جديدة، شغلت تلك المغامرة باله لساعات عديدة، حتى أنسته حضناً دافيء من زوجته.
 - على فكرة أنا احتمال أسافر اسكندرية كمان يومين.
 - إيه ده فجأة كده، ليه بقى؟
 - حاجة كده زي مؤتمر لندن.
 - تاني!!!
 - متخفيش همه يومين وجاي فاعلمي حسابك بقى عشان تباتي عند حماتي.
 - عقت على كلامه في حنق ...
 - دنتنا لسا راجع من لندن.
 - لسا راجع، دي شهر حضرتك.
 - تساءلت بهم:

- ومحمود جي معاك؟
- لا.
- إسمعنا؟
- همه رشحوني أنا بس.
- ماشي يا عمر، رغم إني متضايقه وهطق، بس لازم أدعيلك، تروح وترجع بالسلامة يا عمر.
- قبل عمر يدي زوجته قائلًا في هدوء:
- هتوحشيني يا نور ...
- وأنت كمان.
- مش عارف حاسس إني جعان.
- في بقيت الفرخة والسلطة في التلاجة هسخنهملك في الميكرويف.
- أوك ماشي وأنا هاروح المكتب أكتب شوية تقارير.

- يجلس في مكانه يضع يده اليسرى على خده مريحًا رأسه عليها واليد الأخرى يلف قلمه على المنضدة بأطرافه المنقولة همًا، لبس أن يسرح في خياله العميق، اهتزت طاولته وعلا صوت جرس هاتفه.
- إيه أنت حاطت إيدك على الزورار.
- لا كنت بلعب جيم كده على الموبايل، لقيتك رنيتي.
- ردت بصوت مبحوح كأنها كانت تبكي منذ دقائق.
- أنا أسفة إني مكنتش برد والله غصب عني.
- شهر وتقوليلي غصب عني!!
- معلش يا عمر أنا والله متأسفة أوي.
- بجد أنت متعرفيش أنا كنت قلقان عليك أد إيه.
- I am really sorry
- المهم إنتي بخير.
- أه الحمد لله.

- أنت فين دلوقتي؟؟!! في القاهرة؟؟!!

- لا مش في القاهرة.

- أومال.

- أنا في اسكندرية.

- وبتعملي إيه هناك.

- بقعد قدام البحر من الصبح لليل.

- على شط شهرزاد؟

- أه أنت لسه فاكره؟

- عمر مالذكريات الحلوة بتتنسي.

- عندك حق.

قاطعهما نداء نور القادم من الصالة فقال عمر في ارتباك.

- ثواني كده وجيلك.

- .ok

ذهب عمر ليطل برأسه خارج باب الغرفة قائلاً في صوت خفيض ...

- معايا تلفون هخلصه وهاجي.

- ماشي يا حبيبي بس إنجز ... الأكل هيبيرد.

- أوك.

رجع عمر إلى هاتفه فوجد أن الخط قد أغلق، فحاول الاتصال ودون رد

يذكر ...

- والله البننت ديه هتجنني.

الفصل السابع

السفر إلى الإسكندرية...

كانت صامئة تتابع تلاطم الأمواج، تهيم مع الهواء العليل وتغلق عيونها، فنقشعر أكتافها، فتارة تبتسم وتارة تتجهم ويبدو عليها بوارد النحيب، في تلك اللحظات كان يراقبها عمر في هدوء ويقرب خطوة بخطوة، يشاهد أشعة الشمس التي تحيظها فهي تكمل نفسها بقبعة دائرية تحميها من حرارتها، ترتدي فستاناً أبيض مرسوم عليه وروداً حمراء، يتجلي منه لون جلدها الأبيض المختم من أشعة شمس الإسكندرية، ومع اندماجها بأفكار عبثية لم تنتبه لاقتراب عمر المتلاحق، حتي وصل إليها ليلفت انتباها بصوته الهادئ قائلاً:

- صباح الخير.

أدارت رأسها إلى اليمين لتشتعل المفاجأة بأطرفها ...

- عمر! ... إيه ده أنت جيت هنا أمتى!

- لقيت نفسي زهقان قلت آجي أفضي يومين هنا.

ردت على كلامه الغير مقنع بنظرة اندهاش ممتزجة بالجدية ...

- والله!

- ممكن أقعد جنبك.

- اتفضل ...

اتكأ عمر بجانبها على الرمال ليضم ركبتيه وسط ذراعيه

- إيه حكايتك بقى جنتيني!!

باغنته في القول ...

- أنت إيه حكايتك؟! جي اسكندرية يومين ... زهقان ... مش

مقتنعة باللي بتقوله.

- بصراحة جيت اطمن وعاوز أعرف إيه اللي حصل تقدرني تقولي

فضد ...

قاطعته:

- متقوليش فضول ثاني ... فضول يخليك تجيلي مخصوص اسكندرية!!!!
- إحنا مش بقينا أصحاب.
- أه بس ...
- لم تعرف ماذا سوف تقول ليقاطعها عمر ...
- يعني يهمني أمرك ... وبعدين أفهم من كلامك إنك متضايقه إنني جيت؟
- لا مش كده بس تسيب شغلك وحالك وتجلي هنا!!
- مش مشكلة ... المهم ... قوليلي حكايتك.
- سكتت أية للحظات وبرمت شفاها في توتر ملحوظ وقالت:
- أنا هنا جايا اهرب من مشاكلي ومنفسيش اتكلم فيها ... I am really sorry .
- تعجب عمر لحال كلماتها وضاق ما بين حاجبيه ثم سكت للحظات ...
- أوك مش هضغط عليك المهم إيه أخبارك، أحوالك؟
- لا عادي ... الحمد لله أنا كويسة زي ما انت شايف قاعدة رايقة وبتشمس.
- هتفضلي هربانة كثير؟!
- قالت في همس مسموع ...
- لحد لما أوصل لي اللي في دماغي.
- وإيه اللي في دماغك؟!
- هدأت قليلاً لتتكلم في صوتٍ شابه الألم وتتنظر إلى تلك الأمواج التي تتصارع الواحدة مع أخرياتها.
- أنت عارف يا عمر اللي قدامك ديه ... الزمن عمال يلاعبها، مرة أبترسم وعشرة أزعل ... الدنيا ملخبطاني ... فساغات بفضل إنني أبقى لواحدي.

- ابتسم عمر فقال مماًزحاً
 - يعني أقوم أمشي أنا بقي ولا إيه؟!!!
 شردت عيونها لتقول في هدوء ...
 - لا مقصدش طبعاً ... أنت عارف جو البحر وريحة اليود اللي
 طالعة بتخليني أفوق ... أنتعش ... وانسى ... الجو ده كنت
 محرومة منه وأنا في لندن.
 - في حاجات في مصر مش هتلاقها هناك!!
 عيونها تحكي عن داخلها بكلمات أبلغ من كلام اللسان.
 - حاجات كتير ... الجو هناك في انعزال ... وحدة ... صوتي كان
 دائماً ليه صدى.
 ابتسم لها ابتسامة هادئة ...
 - وأنا هنا جنبك ... فمش هتلاقي الوحدة.
 ترد له بابتسامة رقيقة، ليسكت عمر قليلاً ثم قال:
 - ممكن تغنيلي؟
 ضحكت أية قائلة:
 - أنت لسا فاكِر ... صوتي بقي وحش.
 - مظنش ... غنيلي يالا.
 - أغنيك إيه؟
 - أي حاجة على ذوقك.
 - مش عارفة.
 - خلاص هقلك ... غنيلي أغنية فيروز ... شط اسكندرية ...
 شوفتي بقي أغنية ماشية على المود أهوه ميبقاش عندك حجة.
 - خلاص أوك ... بس مش عاوزة تريقة.
 - لا لا متقلقيش ... يالا ابدئي يا فنانة.

- إحم إحم ... شط اسكندرية يا شط الهوى ... رحنا اسكندرية
 رمانا الهوى ... يا دنيا هانية وليالي رضية ... أحملها بعينية شط
 اسكندرية ... شط اسكندرية يا شط الهوى (إلى آخر الأغنية).

- إيه الحلاوة ديه!!
 ابتسمت آية قائلة:
 - ميرسي ليك.
 سادت أصوات أمواج البحر للحظات ...
 - هسألك سؤال غريب ... عمرك نمتي وأنتي صاحبة؟؟
 - نمت وأنا صاحبة!
 - أه.
 - إزاي!!
 - غمضي عنكي ...
 ردت ممزحة
 - أنت بتهزر ... لا مش هغمض يا مجنون أنت!
 - اسمعي مني ... مش هتخسري حاجة.
 حملقت في عيونه قائلة في اندهاش ...
 - أنت عايز إيه بالطبط!
 - غمضي وأنتي تفهمي.
 - ماشي لما نشوف أخرتها معاك.
 أغمضت عيناها ...
 - أهوه.
 همس بالقرب من أذنها ...
 - خدي نفس عميق ... أيوة كده ... أنسي كل حاجة ... أنسي
 الضغوط ... أنسي الألم ... اسمعي الأصوات اللي حوليكي ...
 ركزي أكثر ... ميزي صوت البحر عن صوت الطيور ... حسي
 بالهوا اللي بيلمس وشك ...

- ...

- ها كده أحسن؟

- أكيد.

تأملها لثنائي ...

- ملامحك بترتعش، يااااا دنتي تعبانة من جوا أوي، ضغوط الحياة كثيرة عليك، الدنيا مش مسعداكي ... كأنك غرقانة ومحتاجة قشاية ومش لاقياها.

- أفهم من كده إنك جراح ولا دكتور نفسي!

ضحك عمر ضحكة خفيفة موضحًا

- مش شرط أبقى دكتور نفسي عشان أفهم اللي قدامي، بس دايمًا اللي مش مرتاح في الدنيا بيحس بهوم اللي حوليه أكثر.

فتحت آية عيونها فقال عمر:

- ليه فتحتي دلوقتي ... أنا قلت فتحي؟؟؟

- لما بغمض بشوف ماضي مش عاوزة أشوفه ... عاوزة أنساه.

- هو واقع ولا ماضي.

- الاتنين.

- يبقى النسيان زي المسكن ... طالما إنك جوا الواقع يبقى بتتناسي مش بتنسي.

- اممم ... عندك حق.

وسرعان ما ابتسم عمر كثيرًا وأخبرها بفعل ما هو مجنون فساعده ذلك أن الشاطيء كان لا يسكنه ساكن، لم يكن موسم، في بواخر الشتاء ...

- بفلك إيه تيجي نجري سوا؟

قام عمر من موضعه، فك خمول ظهره، فتح حقيبتها وأفرغ محتويات جيبه فيها، خلع تيشرته، فنظرت إليه نظرة تعني "هل جن جنونك"، فجأة حملها ذراعيه دون مشقه، ليلاطم ضحكاته تلاطم الأمواج وتصرخ قائلة "يامجنون نزلني" لتوخزه يدها وخزات بالكاد مايشعر

بها، هفت قدميه بها ركضًا هنا وهناك على شاطئ البحر، توالى صرخة الفرحة تتعقب ألسنتهما، تفجر إحساس سائب، يخطو فوق أمواج بحر هائج، تناوبت الأفكار لديهم فأخذها ليجول مياه زرقاء، توغلوا إلى عمق حتى نالت المياه ملابسهم، يرتضي لقلبه عشقًا ولنفسها رضا، وتنفس غرامًا بطعم الخيانة مجددًا.

- عمر أنت مجنون!!

نظر عمر في وجهها نظرة حانية أذابتها للحظات، كان ذلك وسط المياة المالحة ...

- لا أنا بحبك.

كان لذلك أثرًا مختلفًا على وجهها المبتل، شعرها أصبح داكنًا ولامعًا أكثر من ذي قبل بفعل المياه المنشئة بخصلاتها، حلمًا ارتوت به وفاضت الأمانى بداخلها مجددًا، ليقطع عمر بكلامه سحرًا جعل من جميع أنحاء جسدها تمثالًا لا ينطق، فأردف عمر قائلاً:

- بجد هي ديه الحقيقة وهو ده اللي جبني هنا.

أحمرت وجنتيها قائلة:

- يلا نمشي من هنا.

- زي متحبي.

أوصلها إلى بيتها مبلة، لحسن الحظ كان البيت بقرب شارعين من الشاطيء، طلب إليها أن ترتاح ليخرجوا سويًا بالمساء.

بعد صمت دام لدقائق بدأت مبتسمة في الحديث من جديد بعد برمها لشفاها على بعضهما محدقة به حتى نطقت ...

- ساعات بخاف من الحب اللي بيجي بسرعة.

نظر إليها نظرة هيام ...

- ليه متقوليش أنه حب كان جوايا من زمان؟

- قصدك واحنا اطفال؟!!

- أه.

- تحركت كتفها مع كلامها معبرة عن مقصدها ...
- لا ده حب مراهقة، ملوش وزن على ميزان الحب.
- ميزان الحب ! ... ده كلام كبير عليا ... لندن خلتك فليسوفة!
- مش فليسوفة بس ده منطق.

- طب يا بتاعت المنطق ... ليه متقوليش أنه حب كبير معايا وبقي حقيقي؟
- مش عارفة.

- ذاق للموسيقى طعمًا داخل فمه ليقول بعذب ما روي عن قلبه ...
- بس ديه الحقيقة، فعلا انا حسيت ناحيتك بمشاعر مختلفة، من أول لحظة دخولك المؤتمر، حسيت إن الزمن وقف ورجعت صغير من ثاني، حب زمان حسيت نبضه جوايا كان إحساس غريب، إحساس مكنتش عارف أصله ... بس النهاردة فهمت الإحساس ده.
- ابتسمت ابتسامة لها رونق محسوس ليتابع حديثه ...
- خرجتيني من ملل كان كل يوم بيقتلني ... من زهق كان مرافقتي طول حياتي ... وأخذتيني من دنيا معرفتش أحقق اللي أنا عاوزه فيها لدنياك أنتي ... اللي دايمًا بكتشف كل يوم فيها حاجة جديدة.
- أغمضت عيونها نصف غمضة، وشفاهها لها ابتسامة رائقة، لتتحدث بعد ثواني من الهدوء ...

- أنت عارف إنك الوحيد اللي مكنش بيصلي بنظرة شفقة ... كل الأطفال في المدرسة ليهم نظرة مستخبية، محدش يفهما غيري، كانت بتوجعني أوي ... ساعتها كنت صغيرة ... وقلبي كان رقيق ... فأول لما أشوف أو أحس بالنظرة ديه ... كانت الدموع تملأ عيني على طول ... الوحيد في المدرسة اللي كان بيصلي بنظرة مختلفة كان أنت ... نظرة pure كده مشفتهاش في حد لحد دلوقتي.

- ولسا بنشوفي ده فيا؟
ابتسامتنا الرائقة اختلطت بكلامها الرقيق؟
- لسه عندك نفس الروح، الروح اللي متخرجش ولا تكسف طبيعة
حد، ممكن أطلب طلب؟
- أمري.

كانها تستجمع قوتها قبل البدء بحديثها مجددًا
- عاوزة أكون معاك إنسانة تانية، عاوزة كده أنسى نفسي، أنسى
إني دكتورة، أنسى كل حياتي اللي فاتت، أنا قررت إني أحكيك كل
حاجة عني ... بعدها هقفل الصفح القديمة كلها، وأبدأ حياة جديدة،
هفضلك وهقفل كل اللي في قلبي؛ لأنك أنت الشخص الوحيد
اللي حاسة معاه براحة، وده طبعًا بغض النظر عن الجنون اللي
عملته من شوية، بس بصراحة بقالي زمن نفسي أنزل البحر.
علت قهقهة عمر لتتابع آية حديثها ...

- أنت كنت مسميني إيه يا عمر؟

- أينوچت.

- يعني إيه؟

- ولا أعرف.

ضحكت فتابع عمر قائلاً:

- اسم غريب ... مش كده؟؟!!

- هو so weird ... بس مختلف

وجد يده تنازلت عن صفات الوفاء، اندمجت إمساكًا بيديها بعدما تسللت
لكفيها، وتحسسها عشقًا، فطابت لذة غريبة بأعماقه، الآن على يقين
مشهود، الآن اعترف بغرامه أمام حبًا قديم، لتلمح داخله بعيونها
وتغمض عيونها لثانية واحدة تستشعر فيها جمالًا مبهجًا للجو الهادئ
والدفئ المختلف ...

- دلوقتي عاوز اسمع كل حاجة عنك ... قالها عمر بشوق مبالغاً فيه.

- يلا طرطأ ودانك.

- مبلاش الجملة ديه ... مبتفائلش بيها المرة اللي فاتت قولتيها من هنا وحصل اللي حصل ...

علت الضحكة من فمها فأردفت قائلة:

- خلاص .. listen to me plz..

فقال عمر مماًزحاً، لينظر إليها بتمعن ...

OK ,I'M READY -

الفصل الثامن

كانت طفلة هادئة تميل إلى الفن ميلاً عظيماً، ولكنها لا تجيد أي نوع من الفنون إلا رقص البالية، موهبة فطرية تشاركها عطفاً، فتشغل اسطوانات السوداء العريضة المهترئة، لتتخللها أبرة التشغيل ويبدأ أزيز البداية، فيغمرها السعادة حينما تتسلل الألحان إلى أذنيها، فتملئ المكان بهجة بتمايلها هنا وهناك في خفة وتحرر، كفراشة أبت أن تترك الورود تمايلاً، فعندما يسمع أباه صوت دققة حذاءها على أرضية الباركيه الخشبية، يذهب ليستند على الحائط ويشاهدها دون علم منها فدائماً ما تغمض عينيها وتستشعر جمال الموسيقى بحواسها الأخرى، فتتناسب الألحان بداخل عروقها وتصير دمًا يكمل دورتها الدموية، فلا تلاحظ وجود والدها إلا بعد هنيهة من بدأ تصفيقه لها، فكم كان يكيل تلك الموهبة الرائعة، فلم تتعلم الرقص إلا من جراء نفسها، بعدما كان يأخذها أباه إلى المسرح فترى العروض الرائعة، فتلفظ منها أنفاس وقشعريرة اندماج مع موسيقي وحس غريب ينتاب من أول أصابع قدميها حتى أعلى رأسها، لذا حاب الوالد على جوهرة الثمينة وجمال موهبتها، فأحضر لها معلمة رقص خاصة إلى بيتها لتعلمها مباديء ذلك الفن وأصوله.

تتفانى في الإتقان ثابتة الخطى حتى حان الوقت بعد عامين من التمرين أن تنطلق لأول مرة في حفل كان يقام في الثالث والعشرين من نوفمبر في أكبر مسارح المدينة، كانت المعلمة من وجهتها لذلك ورتبت لها الأمور، لم يكن في وسع أي أحد تخيل مدى الفرحة الطائشة التي تتجلى على وجهها البريء، وكأنها تعيش رغد الجنة، فتنزلت عن معاني الخوف للحظات واندمجت سريعاً مع بروفات الحفل، في بادئ الأمر، كانت مذهولة عند دلوفها للتدريب على مسرح الحفل، هذا المكان الذي

سوف تروي الفن لديها أصوله، فما أجمل قاعات المسرح ذو الكراسي الحمراء المبطنه قطنًا، وإذا رفعت رأسها لأعلى تتضح الرؤية على يكون لكبار العائلات في المدينة، وما كان يشغل بالها وقت ارتفاع الستائر عن ما خلفها من جماهير عريضة نوت التصفيق إعجابًا، أو الصياح بتوبيخ، كل تلك الأمور تشغل مبتدأة المسرح، وهنالك أثر التعليمات لا يبدو أن عقلها شاغر منها إنما امتلأت بها كان أهمها "اندمجي مع الموسيقى وانسي من حولك فسوف تتحولين حين إذ إلى أجمل زهرة متفتحة على خشبة المسرح"، كان الموضوع يشتد غرابية، في أن تأتي فتاة مبتدأة في مثل عمرها وتجول أرض ذلك المسرح بأطراف أصابعها، فيبدو أنها مبالغة غير مقبولة لدى أعضاء الفريق، خصوصًا أنها وكلت لأن تكون في منتصف العرض بما أنها أصغرهم، فعدل السيناريو حيث دخولها المتعمد، الذي سوف يلفت الأنظار وتبدو وكأنها هي بطلة العرض، فجاء أحدهم يدعى فريد أحد الأعضاء الفحول في فريق العرض ليلوم المعلمة بامتعاض على فعلتها ...

- دي لسه عيلة صغيرة ومع ذلك مدياها دور كبير عليها!!

ردت المعلمة في حزم كبير:

- أنت أصلًا ملكش دخل بحاجة زي كده.

- أنتي مش شايفه إن آخرها فريق البراعم ... ولو هنتكلم على الحق فشادية أولى بالدور ده.

- اللي مش عجبك دي عندها أربعاشتر سنة ... وموهوبة ... وأي كلام ثاني مش عاوزة.

شوح فريد بيده اليمنى تارگًا المعلمة خلف ظهره فقال في حدة:

- بكره تكسفننا وتقولي فريد قال.

كان الحوار يشعلها ارتباكًا، يجعل قشعريرة الرهبة تتحكم في ساقبها جزعًا، ولكن الثقة مازالت راسخة في داخلها، الغضب غير مسار أفعالها، وفي ذلك الوقت كانت ترتدي ترينج أسود داكن، لا يتخلله أي

رسومات أو نقشات تشوب من عتمته، وأصابعها باتت تتحس السوستة التي تحول بين لبسها الآخر، فانتفضت يدها بغتة، لتظهر بملابس البالية وتكشف عن جزء يجعلها أكثر نضوجًا، لتحرر من لقب طفلة وتتجلى أنوثتها، تعي وعيًا كاملاً أن لولا موهبتها فلن تكون في مثل هذا المكان أبدًا، فهذا احتفال يشهده كبار البلدة لذا عليهم أن يقدموا شيء مشرفًا يليق بوطنة أقدام الأشراف إلى هناك، عليها أن تثبت لذلك المتعجرف ولكل من ظن أنها لا تستطيع، أنها قد تكون صانعة المعجزات، فتنبتهت يديها إلى مشغل الموسيقى لتمرر الإبرة على الاسطوانة مجهولة الصدى، فلا تعلم فحواها، وإلى أن تأكدت أن ذلك المتعجرف يرمقها، وقفت وقفقتها الاستعدادية، تنتظر من الألحان أداءً، ورغم أنها صغيرة فمع أول تحرك وخفته كانت تبدو كالطائر الذي يختال الحقول تفرغًا، فسكت من شأؤوا مشاكسة، وتابعوا تحركها السريع والغريب مع الموسيقى، حتى من لام أصبح الآن مهلاً بصيحات تشجيعية، فضغطت المعلمة على يده وهمست له بأن لا يفقدها التركيز، لقد لمحت آية ذهول من حولها بأطراف عينها رغم اندماجها الكامل، وطاب قلب الحاقدين وعلم كل متدرب أنها تستحق أن تلقى مكانها المشرف، لتنتهي رقصتها أمام الجميع ليعلو تصفيق المتدربين أرجاء المسرح.

واستعدت لذلك اليوم استعداد الأميرات، فقامت متخصصة الميكب برسم شفيتها وسط بياضها، أحمر الشفاه جعلها كدمية محبكة الصنع، وشعرها الأسود يشير أن لديها أصولاً آسيوية، وهدهوها يدل على كبر عقلها، فانتزعها من وسط أفكارها صوت المعلمة التي تطمئن على استعدادها، لتقترب منها وتستند على كتفها وتهبط بنصف جسدها العلوي لتقترب من أذنها.

-عارفة إنك هتشرفيني النهاردة ... ودي أكبر فرصة ليكي إنك تثبتي نفسك.

وهبط عليها وحي الكلام تحركًا، فلمست أحاسيسها أطرافها وسيطرت على فرائسها حتى تبدد ارتعادهم، فما هي تنتظر خلف الستار قبل انسداله، والرعدة تلحق ركبتها، وقبل العرض باللحظات جاء أبيها خلف الستار ليساندها، فربت على كتفها وقبل خدها وأخبرها أنها تستطيع فعل ما تبغي بموهبتها، فغولت خوفها، وانطلق الأب لمكانه في الصفوف الأولى ليراقب ابنته ويدعمها بنظراته، لتنتظر الستائر الحائلة لما خلفها، والتوتر يسرق خاطرها، مشدوهة على أهبة الاستعداد، وأخيرًا ينجلي الستار عن العرض، فيتسلل الضوء شيئًا فشيئًا إلى عيونها حتى شئت بصرها وما هي إلا لحظات حتى تجمع شتات رؤيتها كي ترى والدها الذي جلس في أول صف، فما تبغ إلا شعاع الأمل المنبثق من أحاسيس الأبوة وحنانه الذي عوضها عن حنان أم متوفاه، وعن حنية أختها المهاجرة إلى أوروبا مع زوجها.

وما إن وصلت إلى مبتها من ابتسامة ونظرة ثقة حتى استنطت أذناها إلى معزوفة بصوت مؤدية أوبرا يتخلل الألحان، تلك المغنية التي مكثت في الركن الأقصى من المسرح، ويتلأأ أمامها المايك الذي لم يلوذ من بين يديها فرارًا، تلك المرأة ذات الصوت الرقيق تعطي رونقًا خاصًا، فتواجه آية اندماجًا مع الأحاسيس المتدفقة، فتتحرك أطرافها بليونة غريبة، فتلك هي عندما تشتعل حماسة، قلبًا فارغًا انغمز ودق على غدق، فتفجرت حيلولة الرهبة، واشتعل المكان تصفيقًا حارًا في كل خطوة، فيبدو الهواء من بين كفوف الحاضرين ثائب، فتواكب مصير النجاح، حتى البعض تسائل عن من تكون وابنة من تلك الفنانة الرائعة، تتمايل في غنج مع تلك الموسيقى، وتنتقل على أرجاء الأرض بأطراف أصابعها وثبًا هنا وهناك كريشة تحملها الرياح، ويرمقها زميلاتنا بغضب وحقد بدورهم في الأداء التمثيلي، كانت قصة العرض عن أميرة تجمع حولها الحاشية والأمراء في حب ملهم، تغار منها جميع الأميرات لتتذوق كيدهن، ويجتمع الأميرات عليها ويضعون السم في

كأس شربها، بفعل إحدى خدمها، فتتلوى الأميرة ألمًا حتى جاء فريد وصديقه أحد عشاقها ليحملها في وقت احتضارها الراقص من أقدامها لتبدو انفراجة أرجلها بزاوية مئة وثمانون درجة، يحملوها إلى أركان المكان وهي تقوم بدورها بتحريك جميع أجزاء جسدها العلوي بفعل الألمان، تموت في آخر العرض محملة على الأعناق، ميتة الضعفاء، بعدما أظهرت وجهًا باكي، يغمره الكمد، وحتى انسدل الستار كانت هي نجمة الحفل ومحط أنظار الجميع، فتحول أباهما من أب قلق إلى أب فخور، وأطلق ساقاه نحوها ليغمرها بأحضانها فرحًا بتشريف جبهته أمام كل من حوله، فما إن احتضنها حتى دار بها سرورًا، فلن تنسى أجمل لحظات حياتها.

كان من حاضري الحفل أحد كبار التجار في المدينة يدعى الحاج سالم، المعروف في أوساط مجاله في تجارة الأخشاب، فقد كان من معارف أبيها، ولكنها معرفة سطحية بعد الشيء، نظرًا للأشاعات المتكومة حول ذلك الرجل، من انحطاط أخلاقه، وخبول عقله، فمن المعروف أنه يحضر ذلك الحفل ليراقب سيفان الفتايات العاريات في فقرة الباليه، وليس لينال جرعة من فن راقى، فيتضح ذوقه البلدي في ملابسه فيبدو منبوذ وسط طبعية متحضره، يفضل أن ينزوي في أقصى اليمين أو أقصى اليسار كي يتاح له الفرصة في إثارة لعاب شهوته أثناء الفرجة، وبعد انتهاء الحفل يذهب ليلقي التحية على طاقم العمل، ليكون قريبًا أكثر من تلك الأرجل الناعمة، ورغم صغر سن آية أن ذاك فلم تسلم من نظراته المخذيه، ولكنها أقصى ما تستطيع فعله هو الضغط على يد أبيها خوفًا، حتى ترك يديها ليسلم على الحاج المخبول، فينوه عن جمال ابنته الصغيرة قائلاً:

- بنتك الأمورة شرفتك النهاردة.

رد الأب بافتخار ...

- أه الحمد لله ... كنتي هاييلة يا حبيبتي.

وعلي الرغم من اقتراب الحاج سالم منها فلا تعد عينيه محدقة في ملامح أنوثتها الصغيرة الغير مكتمله، فلاحظ والدها أمره فسحب ابنته إلى غرفة تغيير الملابس كي تخبيء مفاتها تحت غطاء طويل، فمعالم البلوغ لديها أصبحت واضحة، وفي نظره هذا تهديد كي يبلغ حذره، ويحيط بابنته.

وفي اليوم التالي قابل الحاج سالم أباه في مكتبه، يرتدي جلبابه الزهري وعمته التي تعطي رأسه الضخمة، وشاربه المهنم جعله أكثر واجاهة، وفي يده اليمنى نبوته السميك يصدر صدى لخطواته، يتأمل المكتب الخشبي الذي ارتاحت عليه الزهرية التي تحمل وردًا بلاستيكيًا لا يبيث منه العطر، ينظر إلى الحوائط التي ينتصف كل ركن فيها بروازًا يحمل آيات قرآنية، وسورة الفلق تعلق رأس الوالد، وشباك الهواء يطل على بحر الإسكندرية، حيث رائحة اليود المتجولة بين الكراسي السوداء المبطنة بالإسفنج عالي الكثافة، ليشير الأب لواحد من المقاعد التي تجاور مكتبه ...

- اتفضل استريح هنا نورتنى.

ليبدأ حوار بصوته الأجنس بعدما جلس أمام الأب على الكرسي الجلدي المبطن، أمام المكتب العريض.

- إزيك يا صدقي عامل إيه؟

- تمام الحمد لله، وأنت عامل إيه؟

- نحده ... كنا جاينك في موضوع مهم.

- خير ...

- صلي على النبي.

- عليه الصلاة والسلام.

- بص يا سيدي إحنا طالبين أيد المحروسة.

- محروسة!

- أه الأمورة بتاعت الباليه.
تعجب صدقي وحملق في وجهه.
- تقصد آية!!!
- أه يا صدقي.
- أنا بنتي صغيرة على الجواز يا سالم.
- أسمعني أنت بس ...
قاطعہ قائلاً:
- أسمع إيه ياراجل أنت!!!!
- مبيقاش مخك ضلم ... خطوبة في الأول لحد لما تخلص
الإعدادية.
رد في استهزاء ...
- لمين من ولادك بقي؟ سيد ولا ماهر ... ولا ميكنش سعيد؟
- ومين قالك لحد من ولادي!!
- أو مال مين إن شاء الله.
- ليا يا صدقي، بصراحة البت عجبانى وقلت أدخل البيت من بابہ
ودي أصول عندينا.
امتعض صدقي فعنفه قائلاً:
- يظهر إنك اتجننت ... أنت مش شايف فرق السن ولا إيه
غضب الحاج سالم فقال:
- وليه بقى النعمة ديه ... مش معايا أنا ... أهدي كده وعلى العموم
مش هنعتبرو ده ردك ... نسيوبك يومين تحسبها.
- أحسب إيه مش فاهم أنت بتفكر إزاي!!
البرود لا يتخلى عن ملامح الحاج للحظات ...
- أيوه عليك يا صدقي ... أنا طلبت منك حاجة غلط لا سمح الله ...
أعملي احترام دنا جايلك مكانك ... وبعدين المهر اللي هكتبها
مش شوية.

- أنت عندك كام سنة يا حاج؟
- ماشي في الخامسة وأربعين، وبصحتي على الآخر والحمد لله.
- أنت عارف بنتي كام سنة؟!
- كام يا صدقي؟
- أربعناشر سنة.
- وإيه يعني?!?!
- إيه يعني ... لا حول ولا قوة إلا بالله.
تغير أسلوب كلام الحاج سالم ليظهر الوجه الآخر.
- بفلك إيه البت عجباتي ... ومتعودتش يعجبني حاجة ومخدهاش يا
صدقي.
عنفه صدقي ...

- يعني إيه اللي أنت بتقوله ده?!?
- زي ماسمعت ... أنت هتذلنا يا عم!!
قام الوالد من مكانه مشيراً إلى الباب قائلاً في عنف وانفلات أعصاب
...

- بره من هنا يا راجل يا ناقص.
- بتطردي أنا ... ديه معاملة تعاملها للحاج سالم ... ماشي ماشي،
ودينى لهندموك.

خرج الحاج سالم بعدما نظر إلى أبيها نظرة وعيد مغلقاً الباب في عنف
فعلى صوت ارتطام الباب ليدوي أرجاء المكتب، حقاً كما يقولون رجلاً
مخبول، ألم يرى فارق السن بينهم، أثلاثون عاماً لم يغلقوا فمه عن
طلب أهوج، فتاة لم يشأ البلوغ أن يصيبها إلا من شهور معدودة، وهو
يسير وراء غرائزة، ليكون هذا منهاج حياته، فلم يكن في وسع الحاج
إلا إن يساومه بمهر كبير، وكأب وحيد لم يعرف إلا عنواناً واحداً هو
ابنته، تبعاً لاحتياجه بكونها بجانبه أمراً لا بد منه خصوصاً بعد رحيل
زوجته من ثلاث سنوات، ورحيل فاطمة ابنته الكبرى إلى الخارج،

وأساس الرفض يجانبه حبه لابنته الذي رابط أوصاله، والحاج لم يهدأ فبدا يناشد الوالد مرات عدة في طلب يد ابنته، وفوق كل هذا وذاك بدأ يراقبها ويحاول أن يتحدث إليها في طريق عودتها إلى بيتها، فأساس تربيته أنها لا تحدث الغرباء بدا كعمود بناء صامد تأثراً بنصيحة أمها الغالية، وكل ما كانت تفعله هو أن تنتظر إليه نظرة استغراب ثم تسيير في خطى ثابتة رامية بطرف عينها لتختلس النظر إليه دون أن يلحظ ذلك، فتجده يسترق النظر إليها عبر شباك سيارته من أسفل قدميها حتى خصل شعرها الناعمة، مما يملئها ذلك رعباً، و لم تشأ أن تخبر أباهما لسبب غير واضح في أعماقها المتلوية، فلا تريد أن تشب المشاجرات في كنف العائلة المتماسكة.

وفي أحد الأيام دق جرس الانصراف مبكراً ليخبر الجميع بطلب الانصراف، ولا يلح في طلبه لأنه أمل مرجو في نفس كل طالب مصري، يوماً رياضياً كانوا يسمونه، ليهب التراب من تحت أرجل الصغار فرحاً في انقضاء فترة الحبس سريعاً، مفاجأة أذابت القلوب بأن ذلك اليوم هو نصف يوم دراسي، وفي طريق عودتها قلة الناس في الشوارع بدا متعمداً، فالمحلات نصفها منغلقة عنوة، إجازة يوم الأحد، وبينما تتجول وحيدة أمسكت يد صغيرة تنورتها المدرسية المسدلة على ساقها فسحبتها برفق، انتبهت أية لذلك، فتعجبت من عيون تلك الصغيرة قصيرة القامة، شعرها الملبد من قلة التمشيط يدل على عدم الاهتمام، وكذلك بشرتها المتسخة تشير أن المياة غادرتها منذ زمن سحيق، لم تبلغ العاشرة من عمرها بعد، فطلبت منها مساعدة مجدية، لتتعرف سبيلها، بعد ضلال قريب، فهفا قلب الابنة الرقيق غير مبالي إلا بطيبة المساعدة، فسحبتها الطفلة من يدها وطلبت أن تتفحص معها بعض الطرقات، أملاً أن تصل إلى بيتها أو تلمح أمها التي سوف تولول باكية لفقدانها ابنتها الصغيرة، وتذهب إلى الساكن من الأماكن، فبعض

الأحياء تتسم بالهدوء في تلك المنطقة، الركاب يتجمع يميناً ويساراً، وسداجة آية كانت الاتباع دون تلميح، ففي زقاق إحدى الأحياء السكنية بدء شبح التوتر يسكن نفسها الفارغة، فانتفضت انتباهاً لما حولها كان الهدوء المقبض يحيط بالفتاتين، الرياح تحمل بعض الأتربة التي ترهق العيون المنفرجة، فطلبت من الطفلة الضئيلة أن تخرج من هذا الشارع، بدأت في المشي مسرعة ساحبة لتلك الفتاة ورائها، ولكن فجأة سحبتها الصغيرة في اتجاه مخالف لتوقفها فصرخت بكلمة أمي، ويبدو أنه تَحْيَلٌ، فكمم فم آية من كان منتظراً وأطبق إحكامه عليها وسحبها إلى مدخل عمارة شاغرة، وهربت تلك المعاونة الماكرة بعد أن أقبضت كفها على تلك العملة الفضية اللامعة التي ساومت بها الحاج، في باديء الأمر لم تتوقف آية عن الصراخ المكتوم بيده الجافة التي تحيط بقمها، فلم تكف عن الصياح حتي أسند نصل السكين إلى ظهرها، فصمتت كلياً، وبدأت يده النجسه تتجول على شفاهها، فأدخل أطراف أصابعه إلى فمها ليتلمس لعابها، فنظر بعيون جاحظة إلى ما بين سبابته ووسطاه، فنطق بلسان خسيس ...

- إيه ده إنتي ريقك ناشف أوي ... متخفيش مني ... مهو العيب على أبوكي كنا عاوزين الحلال وهو رفض.

كان ارتعاشاً مترددًا، حيث أصاب كل أجزاء جسدها النحيف، بدا لها صوت نفس مسموع وارتفع صدرها وهبط بشكل ملحوظ، حتى ناحت راجية منه أن يتركها وشأنها، فكل ما قاله بكل وضاعة:

- متخفيش مش هأذيكي بس اللي هعمله دلوقتي لو أبوكي عرف بيه؛ هنفقتلوكم أنتم الاتنين بالسكينة ديه فاهمة ولا لأ ...

فأشار بالسلاح الذي يقطن في يده، وأومأت الفتاة برأسها بالموافقة خوفًا منه.

بدأ يتحسس ساقها رافعًا تلك التنورة الرمادية التي يتخفي بياض الثلج ورائها، رفست بقدميها لتبعد كفيه عنها، فأقبض يده على عنقها كي

يخمد مقاومتها له، حاولت يديه أن تتناول لفعل ما هو أقبح، ولكن يشاء القدر أن يجعل لها ملاذًا، بواسطة ابنه الكبير ماهر، الذي أطبق يده على يد أبيه وسحبه للخلف كي يبعد الفتاة عنه، والذي كان يشك في نوبات جنون احتدمت مع عقله المسن، ابنه كان يتعقبه منذ أن خرج من بيته بعدما لمحّه يخفي السكين بداخل ملبسه قبل نزوله للشارع، حتى وصل إلى مكان افتعال نجاسته، وأنقذ تلك الفتاة، بعدما وخز كتف أبيه بعنف ثم نهر في وجهه قائلاً:

- أنت اتجننت يابا حرام عليك دي طفلة ... هتجبلنا النصايب وتخلي راسنا في الوحل ...

وكل ما استطاع فعله، أنه عانقها وربت على كتفها برفق وحنية، ومسح من دموعها الكثير بيده حتى بدا لديها الفارق بينه وبين أبيه، فرق الضحى والعشى، فخفف عنها حيث كان الانهيار النفسي قاتلها، فلم تكن تستطيع التقاط أنفاسها المتقطعة حتى هون عليها ماهر ابن الحاج، ثم أوصلها إلى ناصية شارع بيتها، بعد أن غسلت وجهها لتخفي آثار البكاء وبعد أن اتخذ عليها وعدًا ارتضت به وهو ألا تخبر أحدًا بالأمر.

لم يكن الأسى سوا مسلسل قلبها التلفزيوني يعرض في الواحدة ظهرًا، والبكاء تتر البداية والنهاية، فالخزي عقد من الصبار يلتف حول عنقها، فما ذنب فتاة صغيرة مثلها أن تحمل هم جراء فعلاً رديد من مختل مثله، يثقل الحزن عليها صعودًا على الدرج، فمع كل درجة كانت تتذكر فعلته المشينة، أجنحتها أصبحت مطوية، تتحسر على فناً أثار شهوة مخبول، ولكن يبدو أنها استطردت في النواح، حاولت مسح دموعها، حيث أن أباه في طريق عودته إلى المنزل، مسحت دموعها بيدها وتابعت صعود السلم، وتلك كانت أول مرة تشعر بطول المسافة حيث أرهقت وصولًا إلى مبتغاه، فقبل دنوها من مقصدها نالت من الحظ العاثر قسطًا، فالتوى كاحلها الأيمن، فسقطت على ذلك السلم الحجري

فأرتطمت ركبتهما بالدرجة، فجرها البكاء إلى وسط السلم، فنبتت دموع الألم واضحة المعالم، لم تكن تبكي لجرح ساقها، رغم اعتكامها على حجارة صلدة، فتبادلت الكذب على أبيها عندما فوجيء بتكومها أمام باب المنزل، حجة وجاءت في وقتها تلك المرة، فأشغلت أباها بأمر ظاهري لتخفي باطنها الكئيب، وما إن جاء أبيها حتى حملها قسراً، وقبل جبينها ثم أراحها على سرير غرفتها، وما إن هدأت قليلاً، أردف أباها قائلاً:

- ده جرح صغير يا حبيبتي متعيطيش أهدي بقي ... أنا مش فاهم لازمته إيه العياط ده كله
- تلجلجت آية في توضيحها قائلة:
- أصل الأسبوع الجاي في حفلة بالية في المدرسة ... كده رجلي هتبقى شكلها وحش ومتعورة.
- ضحك الأب مقلّباً كف على كف ...
- يابنتي ده خربوش مش هياخدله يومين.
- بجد يا بابا ... ، قالتها مفتعلة الدهشة ممزوجة بالفرحة.
- أه يا حبيبة بابا.
- فتح ذراعيه ليستقبل ابنته في أحضانه، مالت إلى أبيها مطلقاً كل مشاعرها المحنقة بداخل عروقها وأراحت جسدها خدرًا بداخله.

اتصال هاتفى غير حال آية فقادها إلى الجنون، في بادئ الأمر كانت نظرتة لها أثناء حديثها في هاتفها نظرة هيام، ولكن مع ظهور الجدية على ملامحها، التحام حاجبيها، صوتها المذهول هب بداخله العاصف من الرياح لتقتلع إحساس الاطمئنان، حالة التوتر، أحداثة وفاة اقتضت عليها تلك الملامح المتغيرة، أم هو جرح غائر افتعل الارتعاد سبيله، لتحركتها، لارتباكها، لخوفها، فما هي إلا ثوان حتى مسكت خصلات شعرها بعنف غريب كأنه تأنيب قلب ارتوى من الرعب ارتواءً فهبطت

معاني الارتعاش على أطرافها ككل وما إن فرغت من المكالمة الهاتفية حتى طلبت منه أن تتصرف فعندما سأل عمر عن السبب، عنفته قائلة:
- معلش يا عمر أنا لازم أمشي ... مارتينا مستنياني بالعربية بره متخفش عليا.

سرقت الحيلة وقتاً من العشق الثائر، وعندما حاول أن يوقفها ليفهم فأمسك يدها فنفضتها بعيداً عنها، صرخت في وجهه قائلة:
- أرجوك سبني أمشي دلوقتي هبقى أشرحلك كل حاجة بعدين.
هلل عمر في وجهها محدثاً ضجة وممسكاً بالكرسي المتحرك ...
- أنا عاوز أفهم كل حاجة دلوقتي.
وفجأة لمست بكفها البارد دفئ يديه ممتصة بعضاً من ذلك الدفئ ونظرت في عينيه نظرة حزن بعيد
- أرجوك ... متخفش عليا ... هحكبك كل حاجة في وقتها.

انصرفت بلهوجة محرقة عجلات الكرسي والصرير بات يعلو علواً غريباً حتى احتدم بالأرضية محدثاً صوت احتكاك، لحق بعمر معاناة البقاء وعدم التدخل في الأمر دون فهم، يعنف نفسه، فكيف له ألا يساعدها وهي هكذا، قرع ناقوس الخطر في غيباته فيثارت لديه فضوله الأعظم، تركته غاطساً بين شقي الرحي، لا يفارقها بناظره حتى اختفت وسط غياهب الطريق الخارجي بعدما ركبت سيارتها.

وفي صباح اليوم التالي، حيث تنقله الرتيب بين ممرات العيادات في المستشفى ليصل لعيادته، زملائه ينتابون، النوم لم يسقط عن عيونهم في صباح باكر، والمرضات سكارى، ينتشلون أرجلهم من الأرض شيئاً فشيئاً، وتلك الملامح ظلت تتشبث بوجهه، كيف كان التغيير بعدما كان هدوءه به مرموز، تجلط الحزن بعروقه وأوردته لتفصل سريان الدم عن عقله، اتصال بعد اتصال دون رد، ولا يملك أحد الحق في السؤال عن أسباب تجهمه سوى صديقه العزيز محمود، أو تدخل هبة

المرضة التي تلاحقه بعيونها رغم معرفتها المسبقة بوجود دبله في يده اليسرى أحياناً، يريقها يبصر الأعمى، فتنتلع بفضولها بما ليس حق لها مما يثير غضبه أحياناً أو يطاوعها ليريح رأسه من صداع فمها المحشور بكلمات غريبة، تصيبه باشمئزاز، وقرف لا يخفي تصدع شخصية متعجبة، فمضغها للعلكة بطريقتها تلك تذكره بأفلام قديمة عن ساقطات يأخذون الجنس مهنتهم، خصوصاً مع لمعان أحمر الشفاه المتجلي ردائه بين غيره المرسوم على شفاه زميلاته الأرفع ذوقاً، فمنظرها أخذ له تعبيراً خاص في مذكراته، "المرأة التي يتلوى أمعائي فور رؤيتها"، فأحياناً ما كانت تنظف عيادته مخصوص، رغم أن هذا من اختصاص عامل النظافة ولكنها حجة بالية لا تنطوي عليه، يكشف سجيته المصطنعة في الاهتمام، ويخبرها بمكر ما تفعل فتبادله الكلام بضحكات صاخبة، مما كان يقلقه ذلك كثيراً، خوفاً من تصوراً يخطو عقولاً تعشق توهم ذلات للآخرين، والحق عندهم فماذا يفعل طبيب للمرضة في عيادته الخاصة ليجعلها تقهقه هكذا دون هواده، محرقة ذرات الهواء في المستشفى كلها ناقلة لموجاتها الصوتية، طولها الموجي كبير وترددها أكبر فتتحقق معادلة فزيائية فتزيد السرعة.

الفصل التاسع

إلى "club33" في شارع أبو الفدا بالزمالك، والنحس القهري يود أن يمتلك أقداره، صادفته الصدفة الحمقاء بصفعة نارية، فواجهها مشكلة رفع السيارة بالكريك كي يستبدلا العجلة المتكاسلة بالأخرى الاحتياطية، مما أثار غضبه، موقف جعله عبوث الوجه للحظات، يغلق باب سيارته بقوة، وكأنها ليست ملكه فيعاملها تلك المعاملة الهوجاء، وسرعان ما عدل عن جنونه، واسترد اتزانته، وما إن وصل إلى ذلك المكان المقترح من قبل صديقه، حتى استراحا في مكان أَرْضاهم وأرحوا ظهورهم وطلب محمود شيشة توت على غير عادته وبدأ الكلام يأخذهم شيئاً فشيئاً فقال عمر في هدوء ...

- حلو التجديد بدل كل مرة على القهوة ...
- بس هنكع ... أنت كان أخرك في القهوة بكبيره أوي ستة جنيه، ده لو كنت طالبلك زبادي خلاط فواكه، إنما هنا يالا مش مشكلة، المهم سيبك أنت مالك شكلك مش عاجبني.
- أنا الحمد لله تمام بس في حوارات كتيرة كده عاوز أحكيك عليها.
- أحكي يا باشا.
- نظر إلى الأرض ثم نظر إلى صديقه المنتظر بعدما هرش في فروة رأسه متابعا الهرش حتى ذقنه ...
- بدون أي مقدمات كلامك كان صح.
- تقصد إيه؟!!!
- لما قتلتي صدفة فلقاء فميعاد ...
- خنت مراتك؟؟؟!!
- أه.

الفرحة تلتهم ملامح السكون لدى محمود، كأنه انتظر سماع ذلك منذ قرون ...

- إيه اللي حصل حكي احكي ... كلي آذان صاغية.
- حبيننا بعض ومقلتلهاش إني متجوز.
- حملقت عيون محمود صائحا بصوته ...
- أوبالا ... هو الموضوع اتطور بقى وأنت ندل مبتحكليش حاجة بقالك مدة.
- منا جيت أهوه أحكيك.
- وصلتوا لإيه ... إتجوزتها ولا إيه مش فاهمك؟؟
- هدوء عمر يسبق لسانه ...
- لالا مش للدرجادي.
- عرفي طيب؟!
- لا.
- أستغفر الله العظيم، وصلتوا لكده، معندك مليون حل يا أخي.
- تعصب عمر قائلاً:
- أم دماغك ديه هتوديك في داهية، مفيش حاجة حصلت من ديه، وسبني أكمل كلامي.
- ياعم أنت مش بتقول خيانة!!
- أيوه خيانة ... كوني إن أقول لواحدة غير مراتي بحبك ... يبقى خيانة.
- تعجب محمود من كلام صديقه ...
- قلت بس!!! مفيش حتى بوسة كده؟ حضن جامد كده؟ حاجات من ديه!!
- لا.
- صخببت ضحكة محمود ...
- بتضحك على إيه دلوقتي!!
- يابني والله فكرتني بأمي، مرة كنت بشرب سجاير في الأوضة وقفشتني قعدت تقلي إيه النجاسة اللي بتعملها ديه، حسستني إنها

قفشتني مع نسوان ... أفورة بعيد عنك، أهو أنت بتأفور زيهـا ...
تقولي خيانة.
عنفه عمر بشدة ...

- تصدق أنت معندكش دم وأنا غلطان إني حكتلك، قالها ووجه
رأسه بعيدًا عن النظر إليه ومشوحًا بيده.

- ياعم أهدا بس متخدش كل حاجة على صدرك كده، قولي بس أنت
وصلت معاها لحد فين؟

- أنا مقلتلهاش غير بحبك، وهي كمان قالتلي بحبك، وبس ... فأم
دماغك الوسخة ديه متروحش بعيد؛ أنت عارفني مليش في العطـ.
قاطعهم دخول الشيشة والفحم ليصنع لمحمود شيشة مختلفة، محملة
بمعسل بطعم التوت، فجربها محمود وسحب الأنفاس ليطمئن على
جودتها ووضع اللي بداخل فمه كعادته وبدأ في السؤال ...

- أنت خلاص already بقيت overياعم عمر، وعلى فكرة مفهاش
حاجة إنك تحب حد تاني غير نور، أومال إحنا ليه الشرع محللنا
أربعة.

- ماشي بس أنت متعرفش، حاسس إني ملبوخ وزى ميكون عامل
عاملة، وبقينا نتخانق كثير أوي وأغلب الخناقات بسبب حاجات
تافهة.

- طبيعي ... قلبك بقى مشغول بحد تاني.
- آية ديه أعرفها من وأنا صغير ... حاسس إن في حاجة هتجنن
وأعرفها عنها، كذا مرة تظهر وتختفي ...

قاطععه محمود ممازحًا:

- عفريت يعني؟!!!

رد عمر في خنق:

- عفريت إيه الله يخربيتك، على فكرة أنا شكلي هقوم أمشي لو
مبطلتش ألش.

- لا أنت مش في المود خالص ... كمل كمل.
- هي ساعات متردش على التلفون بالأسابيع والأيام ومرة قعدت حوالي شهرين مبتردش خالص.
- اندهش محمود
- شهرين وأنت صابر عليها كده ليه؟
- حاسس إن عندها مشكلة كبيرة ... وعاوز أفهمها.
- عاوز رأيي؟
- أكيد.
- سحب نفساً من شيشته التي يستلذها:
- إفكس يابني وريح دماغك، أنت مش ناقص مشاكل، قلبي بيقلبي البننت ديه مش هيجي من وراها غير البلاوي، أنت وراك بيت وطفل لازم يعيش وسط أبوه وأمه عشان يتربى كويس.
- بس أنا حبتها يا محمود!!
- هي قصة الحب اللي بينكو ديه بقالها أد إيه؟
- بتاع سبع تمن شهور.
- ممم ... تمام ... طب هي لما بتغيب كده وبتكلمك ببيقي إيه السبب؟
- مبتقولش حاجة ... بس بحس إن في حد بيراقبها، بيطاردها، متفهمش.
- وإيه خلاك تقول كده.
- بص يا سيدي، ممكن نبقى قاعدين قاعدة حلوة كده، فجأة يجيها تلفون يقلب كيائها، وشها يجيب ألوان، وتقلي لازم أمشي حالاً.
- حاجة غريبة فعلاً!!
- بس انا لازم اعرف الموضوع
- أعرف يا عم روميو.. بس خلي بالك لتدخلك في مشاكل معاها
- لا متقلفش .. انت عارفني مش منهور ولا مجنون زي حلاتك

اختلط كلامه بدخانه متسائلا

- مفيش كوتشينة هنا.. ولا ضومنة ..نتسلي شوية
- مظنش

- ممم... ماعلينا... وانت دلوقتي متخاقق مع نور
- انا ونور الفترة ديه زي ناقر ونقير.. ده اخر مرة اتخنقت معاها
خناقة كبيرة اوي وسابتلي البيت
- لا والله للدرجادي.. ليه كده
- فكك ياعم والله الستات دول هم
- لا انت اللي شكك مبهدل الدنيا .. اصل طالما حبيت حد غيرها
هتتعد تتبطر عليها وتتكذ وهي ملهاش ذنب
- لا مش للدرجادي ...

رد محمود بثقة متناهيه

- هو أنا يعني مش عارفك ... أكيد بتحط الشخصيتين في مقارنة
مع نفسك دلوقتي.

- مقارنة ... هو بصراحة مفيش وجه مقارنة، أنا ونور من أول
متجوزنا وأنا حاسس إني في فروق كبيرة بينا، وكنت ساعات
بحسها من أيام الخطوبة ... كنت بعدي وأقول يمكن بعد الجواز كل
حاجة هتبقى perfect بس الحياة مشيت عكس ما كنت حاسبها،
قدري بقى أعمل إيه، طب أقولك حاجة ... أنا وآية، حاجة تانية
تمامًا، أنا وهي بنعمل ميكس كده ملوش حل.
- ميكس!

أشار عمر بيده ليعبر عن كلمة ميكس.

- بنبقى حاجة واحدة في كل حاجة، هو مش معنى كلامي إن نور
شخصيتها وحشة، لا بس نكدية أوي، حساسة جدًا، والنوع ده
عاوزك دايماً تطببط.

- أنت من حوراتك ديه بتخليني مفكرش في الجواز أصلاً، طب هقلك، تعالي نحسبها... أصل أنت كان ممكن تقابل آية الأول وتتجوزها، وبعد كده تحس إنها نكديه وحساسة، وتصادف إنك تعرف نور بعدها وتلاقي عيوبها مميزات.

- لا يا راجل!!! فيلم عربي ده ولا إيه؟!!

- بالظبط... هو كده.

- دماغك مريحاك.

- أنا برضو مش شايف سبب واضح إنك تعلق نفسك بواحدة، سوري يعني أنت فاهمني...

قاطع مهمته التي ليس لها مرمي، ليقول بإحساس ملهم:

- مختلفة جداً، ساعات بحس إنها طفلة، ضحكتها بريئة، دايمًا هي

اللي بتأخذني لدنيتها، هي غامضة بس طبيعتها هي اللي مريحاني،

عشان كده مبخافش منها، أنت رأيك إيه في البني آدم الغامض.

تعجب لكلام عمر قائلاً في اندهاش...

- إزاي علاقة حب ويبقى في حد غامض فيها، هو مش في الحب

بترمي حمولك على الطرف الثاني وبتحكيه أسرار الأسرار، ولا ده

حب مودرن؟!!

- بتقدر تهرب بطريقته، زي سمكة هربانة من شبكة صياد.

عقب محمود مازحًا...

- مش شايف إن الحب خلاك أفلاطون بتاع فلسفة ثانوي...

- بقلك إيه أنا هطلب حاجة أكلها.

- قشطة هتطلب إيه؟

- بيتزا سوبريم.

- خلاص ممكن أجييب زيك.

فأثناء حديثهما قاطعها صوت هاتف عمر، نظر إلى شاشته، جحظت

عينيه اندهاشًا، وارتجف رجة المشتاق، ثم ابتلع لعابه قبل أن يطلب من

صديقة الهدوء، حدج محمود بعيونه إلى عمر فظن أنه يعلم حقيقة الاضطراب الفرحي المختلط به رعشة الخوف المرجفة والمتنادية بين ثناياه، ينقبع الصديق الحائر فزكمت الكلمات وسط حلقة، كل ما يفعله هو مشاهدة فيلمًا رومانسيًا يحكي قصة حزينة فيتكلم البطل في صدق الحنوقائلًا:

- كده برضو؟!!

فيبدو أن البطلة تخبره أنها لا تود الحديث بالهاتف إنما تود مقابلته. فيخبرها البطل:

- "أفالك فين وأمتي؟" ... "خلاص ماشي أوك" ... "يوم الاتنين" ... "ماشي أوك" ... "سلام سلام" وانتهدت المكالمة وانتهى فيلم تخيله محمود باعتناء حميمي.

- أيوه بقى ولعانة ...

عجبًا تغير حال عمر من حال إلى حال.

- أخيرًا يا عم ...

- ماشي يا عم روميو.

امتعض عمر ...

- فكك بقى من كلمة روميو ديه، ما تظبط بقى.

- أنت مش شايف نفسك كده ولا إيه!!

- خلاص فكك من الموضوع ده ... المهم، حسام طلب مني أشوفله

stuff الدكاترة اللي طلبه قشطة ولا إيه؟

- بيس ... هو الراجل ده إيه قصته ... معاه قرش ومحيره!

- الراجل ببسعي في الخير، بطل قر على البشر بقى، أرحم.

يذهب ليلاقيها وتلك المرة حشر في قعر القاهرة، الازدحام مستعمرة من النمل، وصوت الأقدام مع ثرثرة البعض يصنع ضجيجًا، شجار أهوج التف بكل شبر في شوارعها، والكلاكسات تملئ الطرق والسب يلزم

أصحاب السيارات، ويبقى عمر في ناقوس زجاجي من صناعة "قبنوري"، وما إن وصل حتى خالطته الرهبة قسرًا، أردف إلى الداخل فسائرته تقطعات أنفاسه، عيناه تبحثان عن معشوقته، فتلك المرة لم ينتزع من قبل المكان كعادته، إنما ما ينتزعه هو أن تتحجر مقلناه لصورتها القابعة في إحدى الأركان، تعطلت أذناه عن العمل، فلا يسمع سوى خطوات أقدامه الملوية احتباسًا لمشاعر خاصة، تنهيدة سحبت من أسفل أنحاء صدره حتى أخذت طريقها نحو أنفه وفمه، لتخرج زفيرًا يتجلى فيه العشق الأكيد، اللذة المفرطة تتدلل أمامه ليتذوق منها الجديد، اقترب منها حتى وصدت باب المخاوف، مقدار من العرق بدأ يلتحم بجبينه المفعم سخونة، يعلم عن أسباب واهية فيربط ارتبাকে بحرارة الجو المثقلة، سحب الكرسي ومكث في أدنى مكان يسع له أن يتبادلا عشق العيون، في نفس المكان المعتاد، من نظرته الأولى لها علم بأن الذنب لم يعتقها منذ أن كانت معه آخر مرة، ورغم أن عيونها ارتوت بشكله فلمعت بدمع حزين، ليبدأ كلامه معها بوجه لائم.

- وكالعادة ... جننتيني معاكي؟

لنتكلم بعيون حزينة ...

- أنا أسفة بجد يا عمر أعذرنى.

- قوليلي طيب في إيه.

- المهم إزيك ... عامل إيه؟

باغتها برده ...

- أهوه زي القرد ... ها ... قوليلي بقى.

- أنت جاي سخن أوي كده ليه؟! ...

رد في جدية:

- معلش أنتي عارفة إن في حاجة مش مضبوطة ... وجه الوقت

اللي تفهميني فيه اللي أنا مش قادر أفهمه.

- حاضر هكملك الحكاية من ساعة ما وقفت آخر مرة.

رد باستهزاء ...

- أنا مش طفل هتحكيه حواديت قبل النوم، قوليلي الأول أنتي بتختفي ليه، بتهربي مني؟! ... إيه اللي في حياتك ملخبطك كده؟
- ما أنت لازم تسمعي من الأول ... وأرجوك إهدي وكل حاجة هتفهمها في أوانها.

رد عمر بامتعاض:

- أديني سامعك.

سكتت آية للحظات وبدأت تمسح دمع عيونها بمنديل أخرجته من حقيبتها البيضاء المتناسقة مع لون فستانها الأبيض المرصع بحبات كرسالية لامعة، والذي لا يكشف عن جسدها شيء سوي كفيها ورأسها، فتحشرج صوتها ألمًا وعلقت الكلمات في جدار معدتها، لم تستطع أن تنساب إلى حلقها، تماسكت وبدأت تظهر جمل غير واضحة إثر نحيبها، أمسك يدها وذهبت أصابعه تحتجز أصابعها تظلًا، تنال قسطًا من العطف، حتى تعدل صوتها ونطقت بعد أن بلعت ريقها مرات عديدة.

- أنا عاوزاك تفهم يا عمر إني والله غصب عني، وأنت لما هتسمع كل حاجة هتعدرنني ...

قاطعها عمر

- خلاص أحكي كل حاجة وأنا سامعك.

الفصل العاشر

وبدأت من جديد تتفقد سطور ذكرياتها بين أطلال العذاب، همت في الرحيل إلى ما سبق أن عاشته، امتطت آلة الزمن المحفور بابها في عقلها، فأخذتها في سبات عن الحاضر، لتفيق في يومها العابس حيث قرر أباها أن يأخذها لتبيت عند جدتها وتلتحم في حضنها الذي يعوضها حنان أمها العابق في رائحتها، رغم نعيم العيش تحت ظل والدها، انتفضت عنه في تلك الأيام البانسة، لم ترتاح إلا وسط ركاب بيت جدتها، أم أمها، لم يههما انشفاق بيت تصدع قدامة، تتأمل الفجوات المرسومة على الجدران أثناء إراحتها لأطرافها على ذلك السرير ذو الملاءات الكتانية باهتة الألوان، تتخيل تلك التصدعات كالأشجار المزروعة أمام بيت أبيها، لا تتكر راحتها النفسية رغم كل هذا الديكور الغير ممهد في عقلها، فمنذ أن ماتت أمها قلت زيارتها إلى جدتها المريضة التي لا يعولها أحد، عجوز تقطن بيتها تنتظر أن يسحب ملاك الموت روحها إلى أعالي السماء، لم تتوقع الصغيرة للحظات أن حالة الفقر تزودت بها حالة البيت الرثة إلى تلك الدرجة المعدومة، وعلى ما تظن ان أبيها قد يساعدها إن أخبرته بذلك فهو لم يدخل البيت منذ سنين مضت، حتى عندما أرسلها إلى جدتها كان من أمام البيت ولم تطأ قدماه عتبه، حشر بين الكثير من المشاغل، فطلب منها أن تستمتع بوقتها حتى يأخذها في يوم الخميس القادم.

تمنت لو دامت معاشة حالها الآن وسط جيران في مثل سنها، كانت السعادة تطرق باب فؤادها حينما تلعب مع سناء التي تظهر في مثل سنها، ولكن يبدو أنها أنضج بقليل حيث اختمرت علامات بلوغها، ولديها شعراً طويلاً بني ملمسه هو الحرير، ولونها الخمرى مع عيونها الخضراء يضيفي بريقاً لما بداخلها، كانت تبدو الأكثر جاذبية هناك، فعشقت تلك البيئة الرديئة والمعدمة، رغم أنها تنعم في بيت أبيها رغداً

وتتثائب هواءً أنقى، ليس مخلوطاً بتلك الرائحة النتنة القادمة من عشة الدجاج والماعز في أقصى اليمين من ساحة مربع البيت، لم يظفر الاشمئزاز بشمائلها، فكل ما كان يفرحها هو أن ترى "لولو" صغيرة الماعز التي لم يبلغ عمرها أسبوعاً، حظت تلك الصغيرة باهتمام زائد عن المواشي الأخرى، فكم كان يستهويها لونها الأبيض وعيونها الملفوفة بالشعر الأسود اللامع فيجعلها مزينة لكل من يشخص بصره إليها، تحتضنها وسط دفئ ذراعها كطفل صغير لم يبلغ سنة من عمره، أحياناً ما تقبلها فتصنع من صياح جدتها توبيخاً خوفاً عليها من الأمراض أن تلحق الأذى بها جراء فعلتها، ولكن من الطبيعي أن تكون أفعالها مختلفة فإن تلك البيئـة تبدو جديدة، تشاهدها كفيلم قديم لم تراه من قبل فتستشعر لذة الفرجة، وتناست ما فعله الحاج لها، وما كان ينوي فيه أن يستطيب من جسدها لدقائق، وجبة دسمة سال لعابة ليتذوقها بضراوة، تحمد الله على إنقاذه لها من ذلك النجس، ومرور الساعات التي تقضيها مع "لولو" و "سنا" التي لم تبلغ الخامسة عشر من عمرها بدا الموقف متديلاً وسط غياهب الماضي، وتمنت أن تخدر بهذا البيت العتيق.

ومرت الأيام وجاء مساء الأربعاء وفي جوف الليل، القلق يردف بداخلها، تمننت أن تبقى لأيام مديدة، وفي تلك الأثناء قلقـت الجدة على صوت نحيب المحزونة الصغيرة، ما رقة قد توصف ولا حنية قد تروى من عجوز شمطاء احتدمت صراعاً مع بؤس تخلل بنت ابنتها، ضمتها بقوة أكبر حتى شعرت بطمأنينة جففت مياه الأسى من جفونها، لم تعطها منديل كأبي شخص قد يفعل ذلك، بل أصابت داء القلب فعالجته، ابتسمت لها فلمع فكيتها مع ضوء القمر الهابط من أعالي السماء ليضيء ببصيص من النور في تلك الحجرة الكنزة، ظهرت بأسنان صفراء مهشمة وبعضاً منها غير مرصوص بأماكنه الصحيحة، مع فقدان فكيتها

لعدة ضروس وأسنان أمامية مما يجعل بعضًا من مخارج الحروف غير صحيح، ولكن هذا النطق ما يقذف في قلب الحفيدة شيء من الإحساس من الطيبة المفرطة التي يكنها صدر تلك الجدة ...

- مالك يا حبيبة تيتا؟

قلبها النقي تحدث عن آلامه

- أنا مش عاوزة أرجع البيت تاني.

قالت الجدة في جدية ...

- ليه أبوكي بيعاملك وحش؟؟ قوليلي وأنا أمصلك ودانة.

- لا يا تيتا بابا بيحبني، ومش مخليني عاوزة حاجة.

- أو مال في إيه بقي؟

لم يكن في وسع آية سوى الحجة الواهية ...

- أنا عاوزة أعيش هنا ... بقا ليا أصحاب كثير، وفي بيتنا يبقى

لوحدي ومش بلاقي حد ألعب معاه.

- أنا هقوله تقضي الإجازة عندي وفي الدراسة تفضلي هناك عشان

مدرستك.

- نفسي أعيش معاكي يا تيتا.

احتضنتها العجوز بقوة قائلة:

- يا حبيبتي ...

- أحكي لي حدوتة.

- أمرك يا عيوني.

فما إن دلفت في اندماجها في خيال تصنع به الأحداث، حتي استغرقت

الطفلة في سبات عميق قضى على تعاسة حالية ولكنه ليس له شأن

بتعاسة غدٍ الباقية.

وفي صباح غير معهود وعلى غير العادة المكتوبة في كل يوم يخطو

مضيًا، اهتز أساس رث فطوح بذرات ترابية على وجه الملاك النائم

والقابع في أقصى السرير بعد تقلب دام الليل بأسره، فبقت من غفلتها فواجهت مصيبة انهيار اصاب البيت المسجور بالذكريات، رجة يتبعها رجة، خيال غريب في مواقف عصيبة، وكأنها سكنت أعماق معدة وحش أسطوري استقيظ من نوم ممطوط، أزيز الأعمدة كزئير الوحوش الحادة في مخيلة طفلة، طفق هزيم صراخها أحياناً أخرى، بواقع الرهبة تحركت قدامها لتتفقد حال جدتها بعد أن سمعت صوت ارتطام عال، الجدة محشورة بين عمود حجري والأرض من تحتها، يسمع أنينها المقطوع، أضمرت اللفة فؤاد الطفلة، همت بمساعدتها وسحب يديها بأقصى ما تختزن من قوة، لمست شلالات من الدم أطراف أصابع قدميها تسيل من حول خصر العجوز وأرجلها المدهوسة، أشارت إليها بصوت مكلوم بأن تغادر وتتجو بحياتها، فتدفق المطر من عيون الطفلة وتنادت طالبة المساعدة، وصباحاً باكراً حيث ينام معظم من يقطن المنطقة، وفي تلك الأثناء القليلة، جدار طوبي أخذ طريقه مرتطماً بظهرها، عانقت الأرض من تحتها وظلت للحظات نصف نائمة حتي لمست نزيفا سقي حصييراً من القش تقبع عليه، أسدلت الشمس كامل أشعتها بعد أن مر ظلام الفجر الحائل لضوءها، مدت آية يدها نحو ذلك الشعاع الذي يحوي شيئاً مجهول، ما كل تلك الفرشات الصفراء التي تشع ضوءاً ذهبياً، حاولت أن تمسك إحداها ظنناً بأنها قد تأخذ بيدها لتتفدّها من وكيع عجز أصاب أوصالها، تسلل الاستسلام لداخلها، تشفى منها الألم، حتى سمعت طرق باب، أحدهم تحرك لإنقاذهم، وعلي صوت الأمل، اسودت الدنيا في عيونها، غابت عن الحاضر.

في فراش المرض في كبرى المستشفيات تتلقى علاجها، الحوائط الروزية التي تزيناها لوحات ذات ألوان مبهجة، تستريح لمبات نيون داخل السقف، ستائر بيضاء تتراقص جراء فعلات الهواء، ملائمة بيضاء قطنية مريحة الملمس تغطي المريضة، رباط أبيض يغطي معظم

جسدها النحيف، مومياء التفت بذلك الغطاء ليحافظ على جسدها لقرن طويلة، أباً يمسك كف يدها يغرقه بدمع سحبه الحزن من جوف داخله عنوة، طبيب يتفحص تلك الأشعة المقطعية التي ناولته إياها تلك الممرضة الحسنة، ليختلف هدوء ملامح الطبيب مدققاً النظر في نتائج الحادثة، وما هي إلا دقائق حتى تتم ببعض الكلمات بينه وبين الممرضة، فاصطنت إليهم الأب المسكين.

- كسور في أسفل العمود الفقري، مع قطع في الحبل الشوكي، مع شرخ بسيط في الجمجمة، مع الأسف لازم تتحجز فترة معانا.
بعدها طرأت على مسامعه تلك الكلمات زعر الأب المكلوم ...

- هي حالتها خطيرة يا دكتور؟

- بنتك اتكتبلها عمر جديد، عندها ارتجاج في المخ، دخلها في غيبوبة، وفي حاجة لازم تعرفها.

- خير يا دكتور قلفنتي ...

- طب اتفضل أقعد ...

كان يجد الأب صعوبة في بلع ريقه، ووجهه كان أصفر عابس.

- بنتك للأسف اتصابت في الحبل الشوكي؛ وده هيبقى ليه تأثير على الأطراف.

- يعني إيه؟؟

- بنتك ممكن متمشيش على رجليها تاني.

سكت الطبيب فلم يشأ أن يكمل كلامه المزعج لتفاصيل وجه الأب ...

- أنت قصدك بنتي اتشلت!!!

- للأسف.

أمسك والدها بلطو الدكتور بين يديه، ليحتكم في رقبته، ليسحبه إليه ويعنفه بقسوة شديدة ...

- أنا بنتي هتمشي زي كل يوم ... أنت فاهم.

- أنا مقدر موقفك هدي نفسك يا حضرت.

حاول الدكتور في أن يفك أصابع يد الوالد الباطشة، في ذلك الوقت جحظت عيون الوالد رعباً، أفلت الباطو من كلتا يديه، ووضع الأب يده المرتجتان على رأسه متخللاً بأصابعه خصلات شعره الذابذة أطرافها مرأً، ناظرًا إلى الأرض المتحجرة تحت أقدامه، جالساً في وضع البؤساء، حاملاً الأسي على عاتقه، يثخن الحزن ويبقي جرح لن يندمل، فتدفق من عيونه وابلاً على ابنته التي كانت تبقي بريق العالم ينحني نحوه، تلك الفراشة التي تجول مناسك حياته، تتعطش لوميض من الأمل، الآن لا يوجد غير إله يدعو أن يكتفنها برحمته ويخفف مرضها، كم يعز عليه أن يشحب وجهًا توهج بضوء الجمال، أو أنامل تخطف أبصار من حولها تحركًا، أخيرًا يسجد إلى الأرض لبيث ترابها بعنف أنفاسه المترددة دعاءً، يستجدي رب السماء، ومر أربعة أيام وشاء القدر أن يفتح عيون وصدت جفونها، حتى تلاقي مصيرًا، في بادئ الأمر ما لفت نظرها هو المكان الغير مألوف، وعندما انتبهت لنفسها بدأت في تذوق للمر طعامًا، فناقشت من يتكأ بجانبها اشتياقًا.

- انا فين؟؟

لم تجد ردًا من أباهما غير نوح عميق ليشير عن فاجعة حالتها، حاولت أن تحرك قدميها، الفشل يتبيس بها، أرتعدت فرائصها وصرخت تنادي جدتها التي لم تكن تعلم بشأن وفاتها، نطق الأب بالكذب المبرر ...

- إهدي يابنتي جدتك نائمة في الأوضة اللي جنبنا.

فقال بعيون دمعة ...

- أنا عاوزة أشوفها.

- هي كويسة متقلقيش عليها يا حبيبتني.

ملأت الشفقة عيون الأب؛ فما إن سألت آية سؤالها البريء حتى انقطع صوت الوالد بشهيق وزفير متسارعين ...

- بابا أنا مش عارفه أحرك رجلي؟؟ ... قالتها بعيون دمعة.

- عشان بس أنتي تعبانة.

- أنا مش عارفة أحركهم ومخنوقة أوي.

أمسك الأب يد ابنته فبات يقبلها، انهمرت دمعتين من عيونه غصبًا، شهر وفضح السر الكاذب شيئًا فشيئًا، عندما طلب إليها أن تستكين على ذلك الكرسي ذو العجلات اللامعة والتي كانت تشاهده في أفلام السينما، ارتجفت وسط صقيع من المخاوف، وتساءلت عن أسباب استخدامها لهذا الكرسي، والإجابة الواهية بأنها فترة مؤقتة حتى ينقشع المرض عن بدنها، فطاب خاطرها ابتلاغًا لما هو كذب، ومع مرور الوقت بدا أنها تيقنت أن هذا الكرسي هو قداماها العثرتين.

رضت بحالها وحالها استغل ذلك الرضى انقلابًا، عادت إلى المدرسة بعد إجازة مرضية وافقت عليها الإدارة، وجدت عيون الناس تغيرت منذ آخر يوم لها هناك، مما أذى مشاعرها كثيرًا، كم من أطفال يعرفونها صاروا يتغامزون على حالها، وكم من مدرسين يسألونها عن حالها كأن العمى قد صاب جفونهم ولا يرون بأمر أعينهم حالها المتفاقم، وأكثر ما كان يزعجها إعفاءها من الطابور المدرسي، مما كان يشعرها أكثر بعجزها المستفيض، فأببها يقف خلفها ليساند ضيقها، يستجدي الأمل بأن تسترد عافيتها، عجزها يسوق الدلال عليه، تجازى لعقاب القدر، أول أمانيتها أن تغادر المدرسة والحي، ما يأرقها غير تذكرها لوجوه تلوي معدتها اشمزازًا، نظرات حملت للشفقة دلائل، حملقة منافية للاندھاش، تعني ما أقبح حالها المعهود، داخل مريض، عجرفة تحمكت في أنوفهم رغم طفولتهم، ومع انتهاء باقي العام الدراسي، الذي أشبع جانبها المشطوط، ارتضى الأب أخيرًا بوسيلة الإشفاق على طلب قد يزعجه، حيث مكان عمله القريب من كعوب قدميه، تعود سنين على بيئة عايشها، والانتقال لا بد منه وأمرًا يجب تحقيقه، والمعارف الوطيدة تحل ألباز الحياة، اتصال ثم اتصال حتى نال مكان بجانب بيت جدتها المنهار، على حسب طلب الصغيرة، بيتا مهترئ ولكنه عتيق، لديه زخارف منتصبه على الواجهة، زخارف تشبه زخارف العصر

الروماني، تشابك به نبات اللبلاب صراعًا ليتشبث بأعمدة مزخرفة كللت مقدمة البيت فكان يتكون من دورين متصلين بسلم داخلي، وفي الساحة الداخلية حديقة بها ورودًا ذبلة ومقطعة تنام على الأرض نومًا، هجران السنين، في المنتصف نافورة مردومة بالتراب تراكم عقود، في أقصى اليمين شواية مصنوعة من الطوب الحراري، وحيثما دلفوا للدخل قال والدها:

- في ثلاث أوض تعالي نشوفهم عشان تختاري واحدة ليكي.
فأشارت آية بسبباتها ناحية السلم ...

- وفي الدور اللي فوق موجود كام أوضة؟

- في ثلاثة برضو.

- عاوزة أشوفهم.

- أوك اختاري الأول أوضتك.

- لا عاوزة أطلع فوق الأول.

تعجب الوالد ...

- أوك.

حملها أبيها على يديه متسائلًا في أعماقه، فنادى الخادمة:

- وفاء ... هاتي الكرسي وحصلينا على فوق.

كان الدور العلوي لم يجهز بالكامل فبعض من الأتربة تعانق أكسجين الغرف، التماثيل البيضاء التي تكال الممر لبست زياً أصفر، بدأت في دخول الغرف غرفة غرفة كي يتاح لها المشاهدة، وما إن دلفت أول غرفة كانت لا تحوي سريراً إنما كان يتخللها صالوناً مكون من كنية وكرسيان مذهبان، كلاسيكي المظهر، من عصور وسطى، تتأمل ويكتم فمها صمما مهيب وأباها يراقب تصرفاتها في ريبة، حتى دلفوا الحجرة التالية، كانت تحوي سفرة كبيرة مكونة من ثمان كراسي ويقطن في وسطها حامل شموع نحاسي، وفي آخر الغرفة شباك يسمح بدخول شمس الظهرية عبره، ولوحتان قديمتان تقطنان حائطان متقابلان،

يحملان نفس الصورة، صورة لطفل يعانق أمه، ويرتدي جلباباً رمادي وبشرته السمراء توحى بأنه من أطفال النوبة، وفي أقصى الممر الخارجي كانت هنالك غرفة انتقلا إليها، كنيبة تحوي سريرًا عجوز، سريرًا لا ينوي أن تطول فترة نصابه، ودولابًا يؤنس وحدته في الجهة المقابلة من الغرفة، وشباكًا لا يزوره شمس صيفًا ولا شتاءً؛ نظرًا لشجرة عتيقة كثيفة الورق تحجب معظم الضوء عن كل ما في الغرفة، وأثناء تفقدها تلك الغرفة قالت في هدوء ...

- هي ديه.

تعجب الأب قائلاً:

- هي ديه إيه؟!!

- عاوزاها تبقى أوضتي.

حاول تغيير موقفها فقال:

- بس يا بنتي زي ما أنتي شايفة إنها أوحش أوضة هنا، مش شايفة إنها كنيبة، ولا بيدخلها شمس على فكرة، أنا حضرتك أوضة من الثلاثة اللي تحت وملحقتش أوضب بقيت الأوض.

قالت بوجها عابس:

- لا دي عجباني.

تعجب الأب لأمر ابنته، فالتفت الأب لوفاء الخادمة التي تقطن بجوارهما ...

- حاضر، فضي الشنط بتاعتها هنا ... لا ... قبل ما تفضيها وضبي الأوضة أكثر من كده.

وفي صباح يوم مشرق هب النسيم على وجهها حاملاً لأصوات الغربان الحادة، يخلو من زقزقة عصافير وحفيف أشجار، فأغلقت وفاء شباك الفال السبيء، وانتبهت لاستيقاظ سيدتها فقالت في هدوء:

- باباكي عاوزك تحت.

فقالت بعيون كنيبة:

- أوك نزليني تحت.

حملتها وفاء على ذراعها وأراحتها على كرسيها المتحرك، لتجوب بها الممر وعندما وصلت إلى السلم، تفوهت الابنة بالغريب من المطالب كعادتها بعد مرضها، فعندما طفقت وفاء في أن تحملها قالت:

- لا متشلىنيش ... نزليني بالكرسي على السلم.

تعجبت وفاء لترد في خنق ...

- إزاي يعني!!؟

- زي ما سمعتيني ... نزليني بالكرسي على السلم.

- أنتي كده هتقعي.

ردت آية في تسلط:

- ساعتها هيبقى غلطتك وبابا هيطردك، وبرضو لو مسمعتيش

كلامي هخلي بابا يطردك.

استجابت وفاء لطلبها، فحذرت أن تنزلق العجلات على السلم الخشبي، سيدتها من اختارت أن تكون حجرتها في الأعلى، إضافة إلى ذلك جنون مطالبها، لاقت الخادمة مر الإفراط في الخوف، مع أدرينايين يعمل في باقي أطرافها، عملها قد يفنى لسقوط واحد أو أذى بسيط يلحق بالفتاة، ورغم أنها سليطة اللسان إلا أن فاها بات منغلق خوفاً من قطع الأرزاق، فكم كانت تلعن أسياها السابقين، هي معتادة على مجالسة كبار السن واستغلال ضعف السمع لديهم كي تخرج طاقاتها التمردية في السب وإلقاء اللوم على الفقر المتحجر، وفي النهاية لاقت هدوءاً مع مآلاً وفيراً آخر كل شهر، فأسكنت فيها وتفانت في عملها، وحينما كان الوالد يتفحص الجريدة الصباحية ويحتسي فنجان قهوته النصف بارد، سمع صوت ارتطام العجلات بالسلم الخشبي فنظر من تحت نظراته على الموقف وحيثما أرسلت عيونه إشارة إلى مخه بجنون فعل الخادمة، فز الأب من موضعه متجهاً إلى السلم ويحجز السباب بداخله، لقد اجتازت أكثر من نصف السلم، فعنفها قائلاً:

- إيه اللي بتعمله ده إنتي اجننتي، لو مش قادرة تشليها قوليلي وأنا آجي أشيلها.

- والله هي اللي طلبت كده حتى أسألها.

سكت الأب لبرهة متابعًا آخر ثلاث سلاام تتخطاها العجلات فوجه كلامه لابنته ...

- بجد الكلام ده!!؟

...

- ينفع كده يا حبيبتي!؟

لم ترد لتتظر إلى أبيها نظرة لوم بانسة كأنه سببًا في حالتها، تناول الأب مقبضي الكرسي من الخادمة قائلاً

- وفاء روعي أنتي ... تعالي يا آية نتكلم سوا.

...

سحبها أبيها لتقابل الكنبه التي كان يتكأ عليها قبل نزولها، فأمسك كتفيها ناظرًا إليها في حب وفيض ...

- يا بنتي أنا عارف إنك تعبانة ومتضايقه ... نفسك ترجعي تمشي وترقصي زي الأول ... عارف كل اللي بتحسيه، بس ده قدر ربنا كتبهولنا، منعرفش القدر ده هيتغير ولا هيفضل زي ما هو، المهم جواكي ميتغيرش، التربيه اللي والدتك ربتهالك الله يرحمها متتغيرش، خليكي دايمًا فاكرة إن ده اللي ربنا مقدرهولنا ومهما كنا بنقول عليه شر ... فهو أكيد خير ... وبنفهم ده في الآخر.

كانت تنظر إلى الأرض دون أن تتفوه بكلمه تسقي حزن أبيها عليها، حتى لمس ذقنها رافعًا وجهها إليه، الدموع قد أحاطت حدقاتها، فاقترب منها أكثر حتي التحم حضنيهما سويًا، فقال في صوت أجهد بكاءً ...

- حبيبتي إحنا بعد ما تخلصي دراسة السنادي هنسافر لندن عشان تكلمي علاجك.

الفرحة جاءت سريعة لتحتضن ملامح وجهها، لتجذب عيونها قائلة:

- بجد.
- أه يا حبيبة بابا.

شيئا فشيئاً يتجلى الحي القديم المهترئ، وأثناء دلو فهم دائماً بالسيارة لا يجدون متسع في الشارع لمرورها؛ فكان الأمر إلى السائق بأن يبحث عن مكان لتحتضن بعرضها أي ركن هادئ بأحد الأحياء المجاورة، الجميع يرمق ببصرة إليهم في تعجب مديد، فما أتى بهؤلاء الأثرياء إلى بئر الحرمان، البعض يتغامز والبعض صم وبكم بغتة، بل هناك من فتح الشبابيك ليرى مصدر العطر الفرنسي العالق بفردين وخادمتهم، وعيون شاخصة ترقب مرور آية من تحت الشباك الخشبي المتكسر والمخلوع ريشه فما كانت تدرج ريشة خلف الأخرى كطبيعة الحال، بل خالفت بعضهم مواقعها، وجهات المباني لمن يسمع لكل هذا وصفاً، يبدو أنه هو الطوب الأحمر المتآكل والغير مدهون بأي طلاء، ألوان جوف فرن فلاحي في بلد ريفية لأسرة متواضعة، وتابعت العيون رصد الزائر الجديد، كان من ضمن تلك الحدقات المحدقة، حدقات طفل صغير يسكن في الدور الأرضي في إحدى البيوت قريب من البيت المنشود، عينان نظرت إلى أعرق من عجز، إلى داخل قوي، ولم تحمل للشفقة غرائزها كباقي من يراقبها منذ أن اخترقت الحي، هو الوحيد بين الأطفال والشباب والعجائز من لفت نظرها وأشعل فتيلة مجهولة المعنى في قلب بريء، خصوصاً بعد ابتسامته لم تلحظ نهايتها إلا بعد أن انغمر في الخجل وغرس رأسه للأسفل ليحول بينه وبين آية الجدار، وما إن تابعت الوفود حتي مسكنها الجديد، إلا أن رأسه ظلت تطل لأعلى فيضغطها الكسوف لتهبط أسفل، وترجع الكاميرات تلتقط الأحداث للأذهان، ومع تقدمهم نحو البيت يسطع لمعان المفتاح الذي أخرجه الوالد من جيبه كي يفتح الباب، ويخرج الهواء العطن من

أحضان المكان الذي لا زال أثره موجود من أول زيارتهم، ويفيض برائحته فيغطي بعض الشيء على عبق روائح ملابسهم، ولكن بات تركيزها على ديباجة فنان الديكور الذي أحضره أباهما حديثاً لتحديث حوائط أعدت خصيصاً للاستقبال في ألوان من البهجة، غرفتها كانت في الزي الروزي كما طلبت بعد رضى، لكن أصرت أن تكون نفس الغرفة في الدور العلوي، يعلق بها بعضاً من اللوحات الفنية لمناظر طبيعية لجبال الأنديز، وأخرى عن طفلة تحتضن كلبها الصغير زو الفرو الأبيض يشبه صغار الماعز، فتراجعت ذاكرتها لأيام مضت عن ماعز صغير يدعى "لولو" وعن جدة كانت تلومها قبل أن تفارق الحياة، آلام الصدر مبرحة، الواقع الأسود بدا واضحاً حتى مع ضوء النهار، لكن بصيص من النور المتجلي في وسط الطريق، طفل صغير يدعى عمر، فبعد أن تقدمت إلى المدرسة الجديدة التي لا تقارن بسابقتها، فإن لديها ارتياح في هذا المكان حيث المعاملة المختلفة، ولا تعلم سر ذلك، فأببها دفع أموالاً كثيرة كي تعامل ابنته معاملة جيدة كباقي الأطفال دون أن تشعر بعجزها، ووصى المدير في إسعافها في أوقات اللزوم فإنها تحتاج إلى معاملة خاصة، فحضرت الطابور المدرسي، بل شاركت أيضاً في الإذاعة الصباحية مع الطلاب في مثل سنها، بدا إحساسها بالفارق معقول، وما كان يغضبها غير شيء واحد عندما يساعدها أحد في أمراً قد تقدر أن تسعف نفسها فيه، فيشعرها بالتعثر، وحال عن حال يبرز، فرغم كل هذا فالراحة تخلد في وعاءها، عسف بها الاختلاف، الفصول ليست كالسابقة، حوائطها لم تشم الطلاء منذ تاريخ إنشاءها، مساحة المدرسة برمتها لا تساوي نصف مساحة فناء المدرسة السابقة، ورغم كل هذا تكتشف حقيقة لم يلتبسها من هم أكبر سنناً منها، السعادة ليست بالمال، فما إن يحتضنك بيت في أفقر الأحياء وتجد قوت يومك، خيراً من أن تتمدد في قصر من الألماس يحفه فسائل من الدرر، وفي النهاية تموت كمداً وتفوح منك رائحة نتنة.

الأشباح كلمة روي عنها في روايات عدة، من بينهم روايات شكسبير ومسرحياته، و أفلام السينما المرعبة تحكي عنها، وهذا الحي ود أن يناقش بعض الإشاعات المرضية المتكومة في العقول، والمتراسة في قلوب الضعفاء، وأقاويل تناقلت بين السنة المرضى، حتى عند زيارة الأخت الكبرى فاطمة للبيت بعد سفر طويل، قصدت المعاونة من أحد الأطفال المارة في الحي، فالنتيجة كانت بسؤال عقيم، "أنت قصدك بيت الأشباح"، ويبدو أن من يرتعش لمقولة عابرة كهذه، ليس بعقل الأخت الناضج فبادلته الاستغراب، تابعت وصولها إلى مقصدها، المكان الغريب المذكور عنوانه في الخطاب يثير الدهشة لدى فاطمة، تناولت الاقتناع بملعقة القلق، وما هي إلا الوهلة الأولى حيث دلفت إلى البيت المقصود، تفاجأت من وضع أختها الأصغر، الخطابات البريديه القادمة من والدها لم تحسن للأمور وصفًا، خافت أن تتجرع الصغيرة كلمات المواساة الكئيبة التي تذكرها بحالها، ومع ذلك أثر في نفسية آية الشهيق المدعوم بجحوظ جفون فاطمة المبتلة، والأحضان التي تعقبها المرارة، وأسئلة تود أن تسرق إجاباتها سريعًا من أسننتهم، الوالد هو من تحمل شوك الرواية، هو من يأسى لرؤية عروق العيون الحمراء التي أخذت طريقها أنهار صوب حدقة طفلة، دون دموع، استكانة لعذاب النفس، جذب فاطمة بعيدًا ليكمل الحديث، عيناه ترمق سلوك ابنته الصغيرة، انسدل شعرها على وجهها كستائر حاجبة، خصلاتها الباقية ارتاحت على كتفيها، مؤازرة لها، لا يلاحظ أحد أناملها المرتعشة، تسعران بالدم المتردد، أحجية السحر الأسود التحقت بها، نظرت نظرة وغد منتصر، تابعت النظر إلى قدميها وانتفضت انتفاضة محارب، تناوبت الضرب على ساقها بقوة، صرخات ذبيحة منحورة، أظافرها تكوم باقيا الجلد المخدوشة تحتها، أمسكها الوالد وفاطمة للحد من روعها، لم تهدأ الفتاة

رغم تحكم الأب في جسدها، تتلوى وتصرخ صرخات مدوية، وكان هنا وقتًا للتذكير بالوعد المنحوت في الذهن والقلوب، السفر إلى لندن كي تتلقى علاجها هناك.

- متخفيش يا حبييتي هسفر ك لندن ولسا في أمل.

قالها بصوت مكوم اغتم منه الهم، جملة عهد، أثرها حقنة من البنج الكلي انسابت أطرافها العلوية ولم يصب أطرافها السفلية بشيء، الاسترخاء شيئاً فشيئاً بين ذراعي الوالد وقلباته الحانية المعهودة، وأخيراً أراحها على ظهرها في سرير من الأمان في نهاية الأمر، لتغط ليلتها في سبات غير معلوم وقته، كم عشق أن يرى ذلك الوجه البريء، بل ويلمس وجنتيها مجففاً لهذه القطرات.

في تلك الحديقة الصغيرة تريح ظهرها على مقعدها، تشاهد عالمها عبر فتحات السور الحديدي المطرز بنهايات نحاسية، الأطفال في الخارج يلعبون الكرة في حماسة لاعبي الأندية الكبرى في مباراة كأس، عيونها تلحظ ذلك ليصبها هاجس، سوف تلعب الكرة مثلهم لولا مرضها، ولكن بطبع الفتيات هواهم في دمية قطنية، تعصر بين أيديهم، حتي تتفتل وتزول الملامح المصنوعة، أو يتساقط شعرها البلاستيكي المغزول، إنما يتمنى الأسير ما قد لا يفعله لو كان طليقاً، فتوالت في المراقبة، وعيناها لم تتوقف عن متابعة من عاجت به، فعانقت الابتسامة شفثيها حين لمحته يختلس النظر إليها، فالطاقة تشتعل في ساقيه حينما وجد لنظراته تبادلاً، وأصر على أن يحرز هدفاً رائعاً، ليثير إعجابها، فكراً طفولياً، خيراً من سيجارة يرتشف منها دخاناً ليبهر صغيرة بطرق الرجولة الرتيبة، فانهزت لطريقته فصارت تقتطف من العشق وريادات مشرقة، بأوراق حمراء، أماني غير مسبوقه، في غياهب عقلها، حلماً واشق، تتنازع عليه بين عقلها وقلبها، فما اعترها ليس بالأمر الهين،

فتظن بأنه المستقبل فاحم، ولكنها ما زالت تستجدي الزمان سلاح يزهق همومها العصماء، ويبدو أنه ذلك الطفل المفعم بالطاقة النقية، يلعب ويخطو ليهر معشوقته، وعندما أطيح بالكرة خارج نطاق اللعب ودخلت الردهة الواسعة للبيت العتيق، بدأ الخوف يساور جميع الأطفال فبعضهم من صرخ وقال "الكرة في بيت الأشباح".

تلك الجملة فذفت في قلب المراقبة رعباً، فبيتها قد يكون مسكون فتملك الخوف من قلبها، حتى عنف حبيبها قول أصدقاءه، قائلاً في فم الوثائق:

- أنتو كبرتوا على التفاهات ديه.

ربما كان يريد أن يتسلح بالشجاعة، شيمة الرجال، ليهرها مرات عدة، فهدأ روعها بكلماته، فحركت آية الكرسي بطرفيها العصويتان، تنحت في الجبل لتدير العجلات من وضع السكون، تناولت الكرة من الأرض لتذفها بيديها بعيداً عن الأسوار ليتلقاها الحبيب على صدره مبتسماً لها بمعنى الشكر، ليتابع أهدافه المتلاحقة على المرمى في تألق غير مسبق.

لم تنم آية ليلتها خوفاً من الأشباح الخرافية التي تحلق فوق فراشها، لا أحد يصبرها على الأمر، تذكرها لكلام عمر المتزن، أظهر من الحكمة مقدار أكبر من عمره، لم يبدو عليه الارتعاد كباقي زملائه، ومع ذلك في بعض الأوقات تتخيل أن التحف الحجرية تلوح لها، والسرير يرتعش معها خوفاً، حتى مقبض الباب يتلوى ويصدر أزيزاً مرهقاً، فجأة فتح الباب لتخرج من خلفه يداً سوداء تعبت على الحائط كي تصل إلى زر الأنوار، أطلت رأس سوداء يحفها شعراً وبري بدا متكوماً في الظلام الدامس، وحش مذعور يريد أن يلتهم أرجل الفتاة العاجزة، فانقبض قلبها وتجمد الدم في عروقها وصار سيله بأوردتها مثل الحصى الرملي سائر في ماسورة لا يتجاوز قطرها واحد مليمتر، شعر رأسها الذي نهض من نومة استكشافاً للحقائق في رعشة وميضية،

والمراقبة تحت غطاء صوفي من فتحة لا تتجاوز سينتيمترًا واحدًا صنعتها من كرمشات غطاءها، ومع إضاءة صفراء ضاقت حدقة عيونها بعد اتساع، سرعان ما هدأت كل أوصالها بعد أن تعرفت على هوية فاتح الباب، إنها فاطمة أختها نوت أن تنام وسط أحضانها، فطردت الهواجس، مما أتاح الارتياح بأن تفصح آية عن ما في صدرها من مخاوف.

- أنتي اتخضيتي؟!!!

تلجلجت والذعر يمسك لسانها ...

- لا عادي.

- طيب خديني جنبك بقي.

- ماشي.

وما أن ارتاحت فاطمة بجانب أختها فقالت في خوف ...

- فاطمة ... عاوزة أسألك سؤال.

- أسألي يا حبيبتي، قالتها وهي تلمس على شعرها في حنية.

- هي الأشباح اللي بنقراها في القصص موجودة فعلاً؟

- مفيش حاجة اسمها أشباح ... كلها اختراعات مؤلفين روايات،

وليه بتسألني السؤال ده؟

- أصلهم بيقولوا إن عندنا أشباح.

- آاه أتاري في ولد صغير سألته على البيت وأنا جيا قالي تقصدي

بيت الأشباح، لا يا حبيبتي متقلقيش من حاجة، هبات أهوه معاكي في

الأوضة النهاردة وعلى نفس السرير كمان، مبسوفة كده.

- أه، قوليلي يا فاطمة هو أنا ممكن أرجع أمشي تاني ولا بابا بيقلني

كده وخلص؟

تستخدم الرقة لتغيير نظرة الكمد لأختها ...

- يا حبيبتي لندن عندهم الطب متقدم جدًّا، فلازم يكون عندك أمل،

وأنا حساكي فقتني الأمل ... ليه ... مش أنتي اللي تستسلمي لليأس

كده، أنتي بنت متعلمة وجميلة وعارفة إن طالما ربنا موجود هيبقى
في أمل، صح ولا إيه؟
- أه صح.

- أو مال إيه بقى!! يبقى إن شاء الله نساfer لندن ونتعالج ونبقى أحسن
من الأول، صح ولا لأ؟

قالت في صوتٍ حزين:
- أه صح.

- ونرجع نرقص باليه زي زمان ... بابا كان بيقلني إنك موهبة، أنا
عاوزاكي تحكي لي حوار البالية ده.

فطمئننها الأكثر حكمة بلسان عذب ووعدها بأنها لن تنام وحيدة بعد
اليوم، فتبدلت ملامح الذعر لدى المرعوبة بعيون ناعسة وفم متثائب،
ولم تستيقظ إلا في يومها التالي.

بعد حوالي شهر من عامها الدراسي الجديد جاء أستاذ التربية الفنية
المنتظر، عوضًا عن سابقه المريض، فمن أول العام لم تخطو يداها في
رسمة ما، ولكن ما طلبه المعلم الجديد جعلها منهمة في الفن، من أول
لحظات دخل الفصل عرف نفسه لطلابه ثم طلب منهم أن يرسموا
موقف أثر في حياتهم، استشعرت أية للمقولة معنى وأضمرت الدموع
عيونها، عندما تفانت في عمل ما هو مطلوب، فتذكرها لتلك الفرشات
ذو اللون الذهبي جعلها ترسمها في لهفة المكوم، واستبدلت اللون
الذهبي بالأصفر حيث تملك، لم يكن يرى المعلم علامات الاستفهام أثناء
تجوله وسط الصفوف إلا مع لوحة أية الغربية، باقي الطلاب قد رسموا
أشياء متوقعة، منهم من رسم طفل فلسطيني مقتول وسط الدماء، ومنهم
من رسم طفل يساعد عجوز أثناء عبور الطريق، إلا تلك اللوحة بات
مندهِشًا أمامها من معالم دفيئة بداخلها، وقف بجوارها ولم يتكلم إلا بعد
أن فرغت من صنعها، الغريب في الأمر أنه يلحظ لمعان الدرر في

عيونها رغم أن المشهد المرسوم يبعث البهجة في النفوس، حيرة
مذهول أمام لغز محير، وما إن فرغت حتى سألتها ...

- معناها إيه الرسمة ديه؟؟

- رسمة جت في بالي.

- بس أنا طلبت إنكو ترسموا موقف أثر في حياتكم؟!!!

لم ترد أية ولكنها نظرت باستكانة مديدة حتى شعر المعلم أنها لا ترغب
في الجواب، خصوصًا ما تردد في ذهنة عن أسباب عجزها.

تريح رقبتها على الكرسي وتتنظر إلى السماء الزرقاء، تلمها
بالماضي، الحزن القائم ينوح بداخالها، يلهج لسانها بالدعاء، تود من الله
لو ترى عمر في لمح بصر حتى، بوق السفينة وصوته الغاشم، رسالة
تحذرية في موجات صوتية، تناشد صدرها أنه ميعاد الرحيل، فتنزلق
دمعتين خارج جفونها، تحاكي عن فعلة الزمان، قطرات المياه المنفرجة
على جانبي السفينة بدا لها تحركًا، وصوت البوق المتصل تتقب طبله
أذنها، أביها يلاحظ ذلك دون أن يشير بمعرفته، على ظهر السفينة
أسندت يديها على السور الحديدي لتجوب عيونها الشوارع المحيطة،
ومع دموع ونحيب ترائت الآمال في صورة إنسان، "عمر" هذا
ماتمتت به فور رؤيتها له، الفرحة باتت تبدو في انفراج فكها لتظهر
أسنانها اللامعة كاللؤلؤ انشق بنوره صدفة محكمة، تلوح بيديها ويزجر
شعرها الرياح بعد تراكمه للأيام على وجهها، تمننت أن ترتجل شعرًا
مرهق الأوزان، صيحات يعلوها الامتنان، في تلك اللحظات تنبتهت
فاطمة لأفعال أختها الغربية، وذهبت لتشاركها الأمر ولكن أباهما من
أمسك قبضتها وأشار لها بالمراقبة عن كئيب من مكان آخر، فتباينت
ملاحمهم عن سابقتها، وعلموا بأمر حزنها الحقيقي.

محاولة أبيها في الحصول على ابتسامة صافية، باتت خائفة، وهانت البسمة حتى تفصلت عظام وجهها على نمط واحد، والغريب في الموضوع لم تلاحظ سوا البحر فطوال الرحلة لم يفارق نظرها تموجاته المترحلة.

اقترب أبيها منها كي يبلغ منها حوار، وفي بسمة ونظرة المشتاق قال:

- إيه الحزن ده كله اللي في عنيني يابنتي؟؟

نظرت آية في صمت، فوضع الأب راحته على شعرها الحريري، قائلاً:

- إن شاء الله هنروح لندن والذكاترة هيطمننونا.

نظرت بعيونها المتفجرة العروق، والأسى ينشب في كل جزء من أجزاء وجهها، ثم أومأت برأسها بمعنى للموافقة، وبعد دقيقة من الهدوء قالت:

- بابا إحنا مسفرنناش بطيارة ليه.

- بصراحة محبهاش.

- بتخاف منها!!!

- حاجة زي كده، وبعدين أنت نفسك تركبي طيارة؟

- لو أنت بتخاف منها يبقى منفسيش.

ضحك الأب مماًزحاً ...

- أحسن برضو

ابتسمت آية ابتسامة مقلوبة، فوجدت من شفتا أبيها تعانق جبهتها، ويده التي أسندت إلى كتفها أراحت قلبها كثيراً.

- عارفة أنا محبش الطيارة ليه.

- ليه؟

- كان ليا صاحب زمان اسمة سعيد، كان صاحب جدع كده

ميتعوضش، مات في حادثه طيارة؛ زعلت عليه اوي ومن ساعتها

حالف إن رجلي متخطيش باب طيارة أبداً.

... -

- بس لو أنتي نفسك تركبي طيارة هيبقى الموضوع مختلف.

- إزاي؟

- عادي هنركب طيارة، بسيطة.

- طب مش أنت حلفت؟

ضحك الأب قائلاً:

- هصوم تلت أيام علشان خاطر ك.

ابتسمت آية فباغتها أبيها بالقول ...

- دلوقتي السفينة اللي إحنا فيها دي فيها تلت أدوار، مش عاوزين

نسيب خرم إبرة إلا لما نروحه، إيه رأيك؟

وأخيراً ظهرت أسنانها البيضاء اللامعة ...

- ماشي.

لم تكن تعلم كم مر من الأيام لتصل إلى أراضي أوروبا، ولم توفي بذكر باقي تفاصيل الرحلة، كل ماقالته عن جمال لندن لم يتعدى كلمتين "أروع المدن"، ولكنها كانت تذكر أحد المستشفيات هناك، عندما اتطلع الطبيب على ملفاتها الطبية للنظر لحالتها، بعد صمت البحث، نضب ريق المسكينة، بحثت عنه بلسانها تجد فما مفرغاً، صخر صلد يعبر من خلاله أنفاس الملهوفة بشهيق وزفير حادين، عيون متحجرة تسترق النظر في هدوء، فجأة قام الطبيب من مقعده وتعابيره لا تبشر بالخير، أمسك أذن أبيها ليهمس همساً خافت، فحاولت أن تستنتج لتصل للكلمة واحدة تكفيها، ولكن بعد دقيقة من الحديث تبدو كسنة من اللفظة، تسائلت بنظرتها دون أن تنطق بكلمة من شفيتها الزرقواتان كأن دمها قد نفذ، قابلها الأب في عيون دمعة مقلقة، أدموع فرح تلك؟؟ أم دموع الشكوك؟؟، وهماً قال، فما لسبيل البصيرة سوى التصديق للحقيقة المطلقة، على علم شديد بالكذب الداعم للتحايل، ليس ذنبه ولكن حال

المكسورة فرض النفاق، أخبرها بأن فترة علاجها سوف تأخذ وقتًا طويلاً لذا كان عليها إكمال دراستها في لندن، وبالفعل التحقت بمدرسة هناك لم تذكر اسمها ولكنها، كانت تجتاز الاختبار بعد الاختبار في خفة لاعبة البالية، ونظراً لعبقريتها المقننة، كانت الأولى في الصفوف الطلابية، ولم تكن اللغة الإنجليزية همومًا حاشدة، فلولا فضل الله ثم معلمة الإنجليزية التي أطعمتها طلاقها منذ أن كانت في الثامنة من عمرها فلم يكن في وسعها التدارك، وفي أثناء دراستها كانت تخضع لجلسات العلاج الطبيعي السوري، تعلم هذا والنتيجة مازالت ثقبًا محفورًا في الأذهان، ربما يأتي بصيص أمل بعد أن ظلت بشائر الإنذار، وانتهى بها المطاف في جامعة كامبردج، كان يملؤها هواء التفاؤل الممزوجة بالبسمة مما أنساها عجزها الرابض، تحايل عليها القدر بسحر النسيان فارتضت به ليس عنوة بل ارتياحًا للحال، تساورها أفكار غالية تستهوي ذكاءها، أهدافًا سامية تخطف أنظارها، ولم تعرف النفس الجوفاء، أو الشباب الأهوج فارتدت دائمًا رداء الجدية والعمل المرهق.

الفصل الحادي عشر

يغمرها الشوق للتعرف على مقدمات حياتها الجامعية، فمن الناس من ظل شاخص البصر إليها يراقب تلك المجاهدة للعلم، يرى تعثرها في بعض الأحيان رغم أن مارتينا رافقتها في داخل الجامعة بموافقة قانونية، إلا أنها تود أن تبقى وحيدة في معظم أوقاتها، ترسم شفاهها منظر إبداعي مخالف لحالها، تتناقش سبباً جديداً نحو ضميرها المنقوش بالأمل، ذكاءها الحاد وقوة الملاحظة المرسخان في عقلها ينويان على أشياء لم تعرفها البشر، تعي أن الله دائماً في عون من كان الاجتهاد أصل نفوسهم، فلولا عجزها فلن تطأ قدمها كبرى الجامعات في العالم، يتردد في ذهنها اختلاف أحوال قديمة، شرودها يوقظ مخيلاتها نحو التعليم المصري، فارق السماء والأرض، وما بالها بالانبهار في أول محاضرة لها، بعد أن استجلبت أفكارها من حقيبة الذكريات المدفونة في الفناء ذو الردهة الضيقة، وقت الصيف الهادئ المبعوث بروائح وردية تنوي أن تشير عن جمال مرافق الجامعة، وتشيد بعبق الألحان المغردة بصوت من الكناريات، حتى عم الهدوء ليقدّم ذلك الرجل الشحيم نسبياً، ذو اللحية المخروطية المرصعة بشعر أبيض تخلل سوادها الكئيب، مرتدياً نظارته السوداء اللامعة، بريقها يخفي لون عينيه الواسعتين، شموخه يسير دهشتها رغم أنه لم يصنعها، "بل ريتشارد" أستاذ دكتور مادة الفسيولوجي، يبدو على ملامحه العبقريّة المطلقة، نظراته المنعرجة تشير إلى عيون تفحمت في ملاحظتها للعلم، وشعره المبعثر يميناً ويساراً يحكي عن تخليه عن واقع الحياة المزعوم في المظاهر الخارجية، وهناك بعض الشعيرات البيضاء المتشعبة في أكمامه وبنطاله تدل على هوايته الغريزية في تربية القطط الشيرازي أو أي نوع يحمل نفس الصفة الوراثية، بحثه المتكرر على القلم جعل كل من يرى حاله يضحك في صمت الادعاء، وهي الوحيدة من تراقب في ابتسامة عريضة كشفت عن ضروس داخلية، فكان مكانها في أول

القاعة دون أن تلتحق بالمدرجات كي لا تحتاج إلى أحد في أن يرفعها إلى الأعلى، دور مارتينا كان يقف عند باب المحاضرة، تسند الطالبة المجتهدة كشكول محضراتها على فخذها كي تستطيع الكتابة، وثرثرة الطلاب ليس لها حدٌ، فطرح الدكتور سؤالاً كي يخمد تلك الثرثرة الضارمة، ترفع يدها في أول سؤال طرحه الدكتور، كان سؤالاً ساذجاً بالنسبة إليها يعطي انطباعاً لدى الدكتور في أن يعرف من هو واسع الاطلاع، لذا علم من هي واسعة الاطلاع فلم يرفع أحد يده غيرها.

- ما هو علم الفيسولوجي؟

أذن لها الدكتور في تولي الحديث ...

- علم الفيسولوجي هو علم دراسة التغيرات الجسدية الطارئة على مدار حياة الإنسان، وفيه يتم دراسة وظائف الأعضاء في جسم الإنسان في مساراتها الطبيعية، وتعرفنا على طبيعة الوظائف بأولنا إلى معرفة أي اختلال مساري قد يطرأ عليها.

- أحسنتي ... اسمك إيه؟

- أية صدقي.

- أسمك غريب ... إنتي مش إنجليزية ؟؟؟!!!

- أنا في الأصل مصرية ومعايا الجنسية الإنجليزية برضو.

لفتت الأنظار كعادتها في الثقة المتصيبة من عيونها وابتسامتنا الشغفة. تمام، هناك اختلاف بين الفيسولوجي والسيكولوجي فالفيسولوجي كما قالت زميلتكم والسيكولوجي هو النقيض حيث الدراسة النفسية للإنسان.

بات التركيز يحفظ عيونها بعض الشيء، ولكن هنالك هدفاً واحداً يقع صوب عيونها المنفرجة، باتت تناشد أعماقها به، حضورها المذكور وتفانيها يوضح ما قد تنويه، فتاة تدعى سارة تراقبها في حبكة من الهدوء، في المدرج الأول على يسارها، حتى التقى الوجهان فكانت الابتسامة تسبق الكلام، ولم تتحجر ملامح أية في تلك الأثناء، أطلقت

بريق أسنانها المشع، وتعرفت إلى سارة، صاحبة النظارات صغيرة الحجم والشعر الأشقر المجدول ضفائر، حريزًا حرًا، ليس هذا فقط ما يلفت الأنظار إنما زرقة السماء تكورت في شكل عيون وسط بياض السحاب، بعد أن لمحت أية شكلها الكامل باتت تقلب الوجوه من حولها وتقارن جمال الأخريات في عجلة من أمرها، فهناك دكتور يتلذذ شرًا لذا الالتفاف ناحية السبورة كان خير الأفعال.

بعد انقضاء المحاضرة دار حوار مع أولى صديقاتها في الكلية سارة صاحبة الشعر الأشقر، تبادلوا الحديث في الردهة الواسعة أمام قاعة المحاضرة، تحتضن سارة كشكلها بين صدرها الشبه عاري.

- أنا سارة.

- وأنا أية ... أهلاً بيكي

- فهمتي حاجة؟

- أه ... الدكتور شرحه حلو أوي.

- مفهمتش حاجة، مركزتش أوي.

- منا أخذت بالي إنك كنت بتتعرفي على أصحابك الجداد.

قالتها أية بعفوية ممازحة، فقد أشارت بكلامها بذلك للفتى ذو الشعر البني اللامع الرابض بجانب سارة والمنزلق في المدرج ويضع سماعة في أذنه اليسرى يسمع فيها أغاني بوب.

- قصدك ديفيد؟!

- معرفش أسامي حد.

- هو أكيد ديفيد لأنني معرفتش غيره النهاردة ... اتعرفت عليه قبل ما أدخل المحاضرة.

- كويس.

اقتربت سارة مع وضعها يدها قرب فمها لتغطي تحركه فهمست في أذن أية:

- وسيم مش كده؟

- ممكن.

قالت سارة في حماس ...

- حاساه أحلى واحد في الكلية كلها، چنتل، بجد يجنن، تخيلي ده

حجزلي مكان جنبه من غير ما أطلب منه.

كان يشوبها الارتباك عندما تتحدث عن الجنس الآخر.

- طب كويس.

- أنت شكلك معجبة بالدكتور اللي كان بيشرح!!

- شكله عبقرى.

- مكنتش أعرف إنك بتحبي العواجيز.

قالتها في جو من المرح، فقالت آية في شيء من البساطة:

- لا بحب العلم بس ... وأنا جاية هنا عشان أتعلم.

- إذا كان كده ... أتمناك التوفيق.

قترب في تلك اللحظة ديفيد المشار إليه في حديثهما، يحمل عيونًا

متفحصة للفتيات، لم يرحها ذلك الشاب ذو النظرات الغائرة، يضع يده

في جيبه ويرتدي عقداً من الخرز الأسود يخفي معظمه داخل التي

شيرت الأبيض الذي يحمل صورة جيتار، عيونه المشدوهة وسط النظر

على المؤخرات كي يلقي نصيباً من المتعة، حتى وصل إلى مبتغاه،

سارة صاحبة الجمال الراقى، والملابس المفتوحة، فترتدي قميصاً

يظهر جزءاً من صدرها الصغير تجملاً، ويمسك فخذها شورت جينز

بالكاد يغطي عشرون سنتيمتراً من أرجلها، على نقيض آية التي ارتدت

فستاناً لا يظهر من جسدها شيئاً بل كان أقرب إلى رقبتها المرصعة

بعقد ذهبي، بل و يمتد فستانها كي يخفي ركبتيهما الخاملة، وعلى الرغم

أنه كان على مقربة من آية، تجاهلها وسلم على سارة، حتى سارة

انشغلت ولم تقدمه لصديقته الجديدة، فكان على آية الانسحاب خاصة

بعد أن تفحص وضعها العاجز في طريقة استيلاء غير مرضية لها،
وهمت في تحريك الكرسي في يأساً.

تقف في وسط الفناء في أوقات الاستراحة، الهواء يغدو ليعبث بشعر
الجميع، المقاعد الخشبية ذات اللون البني تحيي الطلبة والطالبات،
الأغضان مالت لتضلل أشعة الشمس المنبثقة، الفتيات الجميلات يلتف
حولهم الشباب ومنهم من يعيش حباً واضحاً، وآية تلملم بقايا غدائها في
كيس بلاستيكي وتلقيه في سلة القذورات، ترمق لمن حولها في دهشة
الوحدة، تسطحت الدموع عيونها وأثخنها الجرح، لولا عجزها ما لم
تلبث هناك وحيدة، أمسكت قدميها وبالغت في نبش جلدها مخترقة زيتها
بأظفرها، رغم حزنها حاولت أن تستيقظ من حالة اليأس، فتحاول إقناع
ضميرها أن عليها الاجتهاد، تعبت بأوراق المرجع الذي تحمله في
يدها، مقلبة إياه في سرعة المربوك حتي عيونها تقتل الكلمات ببشاعة
قاتل مأجور، محاولة ليست مجدبة لتصبير النفس المطعونة، لولا كف
الدكتور ريتشارد التي ربتت على كتفها لأغرقت ملابسها دموعاً، فقد
لاحظ الموقف وقابلها بابتسامته الطيبة، فأخبرها قائلاً في هدوء بعدما
مسك ذراع النظارة ليعدل وضعها المنزلق علي انفه...

- ولا يهملك ... تحبي تشوفي المعمل الخاص بيا.

فاقت آية من شرودها قائلة:

-أكيد.

- طب تعالي معايا.

ومن أول وطنه قدم ذاب حنينها وشوقها لخوض التجارب، الأوراق
المبعثرة والأنابيب الزجاجية التي يتخم بها المعمل في صورة فوضاوية
بعض الشيء، معادلات كيميائية مكتوبة على السبورة شبه بيضاء من
كثرة الكتابة، الشبابيك محكمة الغلق، بعضاً من المحاليل المسكوبة على

الأرضيات، كل هذا كان له الوقع النفسي عليها ليتأملها ريتشارد قائلاً
في فخر:

- هنا بقى بعمل كل أبحاثي ... خلاصة خمسة وتلاتين سنة.
ردت آية بذهول وبعيون تجوب المعمل من كل أركانه ...
- رائع.

ينظر من فوق نظارته إليها قائلاً:

- أنتي أول شخص يدخل معلمي بعد بنتي ... حاسك مختلفة عن
زميلك ... وده اللي دفعني إني أحبيك هنا، شايف الطموح واضح
في عنيك، مش كده ولا أنا نظرتي غلط؟
أغلقت عينها في نصف غلقة وتابعت النظر إلى قدميها ونطقت في
رأس منكسة ...

- لا أكيد عندي طموح كبير كمان.

- وأنا هنا أساعدك في طموحك وأتمنى تكوني المساعدة بتاعتي ...
خاصة بعد ما راحت مني ... بنتي

قالها مجففاً لدمع حاول الظهور من تحت نظارته فقال:

- وعلى فكرة هي كانت شبهك ... وأنتي بتفكريني بيها أوي.

ابتسمت آية متسائلة في تعجب لتتظر إلى قدميها ...

- حضرتك ممكن أبقى المساعدة بتاعتك إزاي؟!!

- لا متخافيش أنا متأكد إن وضعك مش هيعيقك ... العجز يابنتي

هنا وهنا (أشار إلى قلبه وعقله) ... أنتي برضو هتبقى تلميذتي في

نفس الوقت ... ومن دلوقتي تقدري تدخل المعمل زي ما تحبي،

وفي الوقت اللي يريحك، المهم تعالي أوريكي حاجة.

اتجهوا إلى حيث يقطن قفص في هدوء على منضدة هادئة، يحوي فرواً

أبيض في أسود، وعندما وضحت الرؤية اتضح أنه قط شيرازي أزرق

العينين، أسد في تتويج رقبتة بالشعر، يتكأ في سكون رتيب، لينادي

عليه دكتور ريتشارد:

- شبيستر ...

فيجبه القط بمواءه

- شبيستر ده بقى دراعي اليمين هنا.

- ظريف بجد

- ده بقى متنشيش تحطيله أكل لو أنا مش موجود.

- طب حضرتك حبسه ليه في قفص؟

- شبيستر ده مربيه على إيدي من وهو عنده شهرين، بس هو

فضولي، كذا مرة يحاول يخرج بره المعمل وأدوخ عشان ألاقيه؛

فحبسه ووقت لما بقلل عليا المعمل واشتغل بسببه برحته، أنتي

كمان أعلمي كده متسببهوش وتقللي المعمل إلا لما تنيميه في قفصه،

ده عزيز عليا وكان عزيز على بنتي.

- حاضر يا دكتور، طب ده بتأكله إيه؟؟

فتح دكتور ريتشارد درجًا مشبوك في المنضدة ليخرج كيس طعام قطط

وطبق مرسوم عليه قطة صغيرة تحبو.

- أكله من ده في الطبق ده.

- أوك يا دكتور.

- تعالي بقى هوريكي آخر حاجة.

اتجهوا إلى خمس أقفاص كل قفص يحوي فأرًا ذو فروة بيضاء لا يفرق

عن الآخر قدر أنملة ...

- الفار اللي في أول قفص فوق ده متقربيش منه أبدًا.

- إشمعنا.

- الفار ده عنده كانسر وأنا بقالي سنة بحاول أعالجه، أما الفار اللي

في القفص اللي بعديه برضو متجيش عنده.

- ليه؟؟!! عنده كانسر برضو ولا إيه؟

- لا لا ... ده عنده سل رئوي، لسا باديء معاه نظام علاج جديد،

سريع وفعال، أما بقى الفار اللي تحثيه ... برضو متقربيش منه.

قالت ممازحة

- متخفش مش هقرب لأي فار منهم أنا لسا مبتدأه ... مش هحاول
أعمل أي تجارب على فران دلوقتي.
- ماشي ماشي ... تبقي أسأليني قبل ما عملي حاجة.
- حاضر منقلتش.
- من بكرة تقدرني تشرفيني من الساعة سابعة الصبح لو تحبي.
ردت والفرحة تعانقها من جديد ...
- ميرسي ليك يا دكتور.

لم تنهم الفرح هكذا منذ سنين عدة، بعد أن انقضت فترات العزلة صار ريتشارد أباً روحياً، يسقيها العلم شربة هنيئة، تلازمه في معمله الذي صار فوضوياً أكثر منذ دخولها هي الأخرى فعادة العباقرة لا شعور بالتنظيم، إنما فوضويتهم أساس ترتيبهم وإذا رتب أحدهم تلك الفوضى فتح على نفسه باباً للوم الجائر، محاليل وفئران تجارب تجعل من الأمور أكثر تعقيداً، هنالك تجارب إنسانية أو تجارب تنفلت من يد قانون العقلاء، ومادام يظهر لمعان الأسنان البيضاء ليضيء القلوب فكل شيء يعني الارتياح، لا أحد يعلم عن طبيعة ما يستكشفانه، كل المعلومات المسربة من عامل النظافة هي ملصقات مكتوب عليها عبارات تشجيعية تملأ أركان المعمل، والغرض منها عدم اليأس والتواصل حتى النهاية .

صديققتها سارة المستأنسة من قبل شباب الجامعة تلاحظ صديققتها بشغف الفضول فتحاول مجاراتها في حوار إيضاح، ولكن آية فقدت ثقتها في سارة بعد مواقف عدة، معللة ندالتها بأعذار واهية، فعندما قدمت سارة بوجهها المبتسم قالت:

- إزيك يا آية؟

- كويسة.

- شكاك مشغولة الأيام ديه!

- شوية.

قالت سارة بعيون ماكرة ...

- إيه دايماً بشوفك مع دكتور ريتشارد.

قدم ديفيد من خلف سارة ليطلق جملة حمقاء

- هي تقريباً الـ girl friend لدكتور ريتشارد.

ردت آية بحدة ...

- أنا مسمحكش تقول كده ...

- تفسري بايه وجودك معاه طول الوقت؟

- وإيه دخلك أنت في حاجة زي كده ... أنت تافه وكل أفكارك تافهة

زيك.

ردت سارة ببرود:

- مهو عنده حق أنتي طول الوقت مع دكتور ريتشارد ... وكل

الكلية بتقول إنك الـ girl friend بتاعته

عنفتها قائلة:

- عقول متخلفة مريضة، متعرفوش غير التريقة، أصل ربنا خلقنا

بنعمة العقل والتفكير وأنتو معندكوش ولا عقل ولا تفكير، أشك إن

عندكم نظر كمان.

نظرت إليها آية بعنف لتبتعد بيدها المرتعشة غضباً محرقة العجلات

في توتر سكن أصابعها، سارة اتضح أنها حية منبثة، تفوق أعارها

دفي صدقها، وإذا نظرت إلى عيونها تتخدع بما يقال، فتندرج تحت

طوائف من صدقوها وإذا علمت مقصدها تتأثرت فصوص عقلك

المنذر تحت غطاء جمجمتك، لذا الابتعاد خير وسيلة للهروب من سمها

معدوم الترياق، فصار صديقها المعمل والمراجع، تنغمس في البحث

والاطلاع، وفي بعض الأحيان تتصاعد الحروف عن أماكنها إلحاحاً في

طلب الانتهاء، فالمبيت لأيام مستيقظة دون انقطاع كافية لتفجير أنوية دماغها.

وفي أحد الأيام قامت من نومها على صوت العلم المنبوح نداءً، نادى كرسيتها ذو العجلات وتوجهت في اتجاه المعمل بعد أن حازت مفاتيح لمصرعيه بعد وثوق دكتور ريتشارد فيها، وما إن انهضت في تركيبات أضافتها، فقدت إحساسها بالعالم الموجود، لم تلحظ عيون الدكتور المتابعة لعملها المتقاني ولم يشأ أن يقطع ذلك التركيز المتدفق، لذا سحب كرسياً وانزلق بداخله ليتابع تصرفاتها البهلوانية في السرعة لالتقاط الأنابيب، تستخدم عجلات الكرسي في خفة غير إرادية وما كان يساعدها سوى ذلك البلاط الأملس الذي يغطي الأرضية، ترجع لخفتها المعهودة دون قدميها، وتتبادل تجاربها في تمنع ملحوظ، وتنشق في البحث بين الصفحات والمعادلات، وتنفض صفحات المراجع الطبية باحثه عن أمور غيبية فالعين تراها تفعل أفاعيل مجهولة، تضيف وتنقص من أنبولات وأنابيب، وهكذا هي دويلاك حتى ينطفئ نور عيونها تعباً وينحني جسدها استناداً إلى المنضدة منكسة رأسها في استرخاء بعيون زائغة، لذا تقدم ريتشارد كي يتحاور مع ابنته الجديدة بعد أن توقفت عن العمل ...

- وصلتني لحاجة؟؟

- لسا هنام ساعتين وأقوم أجرب.

- هتجربي إيه؟

الحماسة واضحة على وجهها المتفائل ...

- هجرب MG53 وهدرس تأثيره.

- أنتي هتبدأي خلاص.

ابتسمت آية لتوضح ملامح جدية تعني كلمة نعم ...

الفصل الثاني عشر

ورن ذلك الهاتف المقاطع لشريط أحداث متلاحمة، أفيقت من عقلها السابق وتوقفت عن دور الراوي، ولكن عيناها لم تتوقف عن ذلك الدور تمامًا، تسرد ما بداخل قلبها من أشياء مبهمة، تعي أن هنالك الكثير والكثير، عندما تلاحقها عيون عمر تتجرف في استقطاب شيئاً محفوراً في كهف أسرارها من القديم، اضطرت إلى الاستئذان للذهاب كالسابق لتخفي أسرارها الباقية عنه ...

- انا همشي بق يا عمر وممكن نتقابل بكرة ... وهكمك كل حاجة.

تابع النظر إلى عيونها بلهفة لم تكن تعدها، لتسأله باستعجاب

- مالك؟!!

ابتسم قائلاً في صوت خفيض ...

- تعرفي دائماً قلبي بيتكلم وبسكته كثير، زنان أوي، تقريباً معرفتش أربيه.

ابتسامه رانقة سكنت جميع ملامحها ...

-أديله البوسة ديه وهو يسكت.

أمسكت يده لتقبل باطن كفه في غنج غير مصطنع، ليتأملها مرة أخرى ويلحظ عيونها

- فكرك ده الحل؟

- بحبك يا عمر ...

لتسكت قليلاً بعدما أسر لسانها بعمق نظراته لها ...

- هقابلك بكرة، أوك؟

- أكيد.

- يالا أنا لازم أمشي بقي.

- أستني هوصلك طيب.

- متقلقش فاطمة جاية وهنروح سوا.

- ماشي هوصلكم أنتو الاتنين ...

نظر إلى ساعته مستكماً ...

- الوقت سرقنا والساعة بقت واحدة يعني مينفعش أسبكم تروحوا
لوحدكم.

- مفيش داعي هنركب تاكسي.

رد عمر مماًزحاً

- أنا معايا عربيتي ... أينعم هي عرجة بس بتقضي الغرض ...
متقلقيش بقي.

- أو ك يا عمر.

كانت الساعة الواحدة بعد منتصف الليل حين دلفت أختها لداخل المكان،
فاطمة طويلة القامة بخلاف أختها التي لم تبلغ ثلاثة أرباع طولها، عوداً
فرنسياً يمشي على أرض مصرية، ترتدي فستان سواريه أسود اللون
يظهر كتفيها البيضاء اللذان نصاعتهم تغطي على نور المكان، ورقبتها
الطويلة غطى الفستان معظمها، شعرها لم يكن طويلاً كأختها إنما كان
بالكاد يغطي آخر صوان أذنها، حتى دنت منهم ليسحب لها النادل
كرسيّاً لتتكأ عليه وتأخذ آية دورها لتعرفهم على بعضهم، فأشارت بيدها
لأختها الراقصة بجانبها قائلة:

- ديه فاطمة أختي.

- أهلاً وسهلاً.

- وده عمر.

ابتسمت فاطمة وقالت:

- غني عن التعريف.

قال عمر ضاحكاً:

- يظهر إنكم كنتوا بتقطعوا في فروتي كثير.

ردت فاطمة في غنج وغمزت بعينها ...

- كل يوم وحياتك.

حملقت آية في أختها بعدها همست قائلة بابتسامة توبيخية ...

- ما خلاص يا خفيفة.

بعدها وجهت كلامها لعمر ...

- أختي بتحب الهزار أوي.

رد عمر في هدوء:

- واضح إن دمها خفيف.

ردت فاطمة بالطريقة الفرنسية واستبدلت الراء بالعين:

- merci.

- مقلتليش ليه يا آية إنها جميلة كده، هي بصراحة حكّت عليكي كتير

بس مجبتش سيرة جمالك قبل كده.

- merci على الـcompliment

ردت آية بحدّة خفيفة.

- إيه رأيكم أمشي أنا أحسن، وأنا ماشية هقول للجارسون بيعتلكم

اتنين لمون، تحب عليه كام معلقة سكر ياعمر، ولا تحب الست

فاطمة تحط صوباعها في اللمون، أصلها سكر أوي ودمها خفيف.

علت قهقهة عمر وفاطمة، فردت فاطمة:

- أنتي بتغيري ياببي ولا إيه، دنا أختك يا لولو.

رد عمر في جدية:

- أكيد لأ.

فقال آية في اشمزاز مصتّع ...

- يالا يا سكر منك ليها، الساعة بقت واحدة ومش ناقصة حرقة دم.

- أختك هتقلب علينا يا فاطمة.

أردفت آية قائلة بعدما أمسكت السكين الذي يتكأ بجوار المعلقة ...

- يالا هنمشي ولا أرتكب جناية، أنتو مشفتوش الوش الثاني على

فكرة... horrible

ردت فاطمة ممازحة:

- ده إعلان فيلم رعب ولا إيه!!!

ضحك عمر قائلاً

- يالا يافاطمة نقوم دي مجنونة.

في تلك الأثناء كان النادل مر بجوار مكانهم، ليلفت انتباه عمر قائلاً:

- ممكن ال check.

- أمرك يافندم.

قالت آية:

- متتعيش نفسك بقى واحنا هنروح أنا وهي.

- تاني ... مقلت عربيتي تحت أمركو ... وبعدين الجو مبيبقاش

أمان بليل.

ردت فاطمة قائلة:

- معاك عربية إيه يا عمر؟

- هي آية مقاتلكيش بمناسبة تقطيع الفروة!!

- لا.

- ١٢٨

- عارفاها مش ديه اللي شبهه علبة الكبريت؟!

تكلم عمر بجدية ممزوجة ببعض من الهزل ...

- لا يامدام مينفعش تقولي كده مبحبش حد يتريق على عربيتي ...

أنا بلا فخر لفيت بيها مصر كلها وشغالة زي الفل.

- على فكرة مبتريقتش، أصل جوزي كان معاه واحدة زمان، أيام لما

كنا قاعدين في مصر فديماً كنت بقله عليها علبة كبريت، برضو

كان بيضابق زيك.

جاء النادل فحاسب عمر وغادروا المكان حتى وصلوا إلى السيارة

المهترئة ففتح عمر الباب الخلفي لفاطمة حسبما طلبت أن تكون في

الخلف، وبجانبه وضعت آية بداخلها فقال عمر مماًزحاً ...

- إيه رأيكم في علبة الكبريت؟

ردت فاطمة في تكبر مصطنع ...

- مش بطالة.

ضحك عمر ليقلدها ...

- مش بطالة ... مش بطالة

حاول عمر تدوير الموتور أول مرة، لكنه على خصام مع البنزين،
حاول مرة أخرى دون أن تدور، ضحكت فاطمة قائلة:

- إيه مش ديه اللي لفيت بيها مصر ولا إيه ... يظهر إنها تعبت من
كتر اللف ... شممها بصلة ممكن تفوق.

أردفت آية قائلة ...

- سبني أنا أدورها.

مالت بنصفها العلوي كي تدور السيارة فوسع لها عمر قائلاً:

- على أساس إنك بركة مثلاً!!

دارت السيارة فاستعجب الجميع حتى آية نفسها ... فقالت في فخر:

- شوفت بقى.

قالت فاطمة ضاحكة:

- طب يالا يا عمر لتعطل تاني.

انطلق عمر بسيارته، حتى وصلوا إلى وجهتهم بالزمالك، السكون كان
زعيمًا للمنطقة، الكلاب تعوي لتثبت وجودها، الأشجار تحجب جميع
الأضواء عن الشارع عنوة، ظل الكرسي يطلق أزيزه في أرجاء المكان
ويعقبه خطوات عمر التي توصل الأختين إلى بر الأمان، حتي وصلو
إلى مقصدهم كان على عمر العدول والرجعة، رن هاتفه ليشغل باله
للحظات، زوجته نور، التي باتت تلوم تأخيرها لدقائق عدة، أخبرها أن
لديه نبطشية، كذبًا متعمد للخلاص من زن أنسوي مستمر، في تلك
الأيام حاول عمر تدوير موتور سيارته ولكن بلا جدوى، صمت
ماتوره يواكب هدوء المكان، انتظر قليلاً بعدما فتح كبوت الخردة البالية
كي تبرد، فمؤشر الحرارة صعد إلى أقصى درجاته، وعندما عاد عداد
الحرارة إلى صوابه بعد جنونه المتعمد، فتح الأربة ليجد أن المياة قد

نضبت، ولت هاربة من إحدي الأنفاق، قام بالاتصال بأية كي يستغيث بزجاجة مياة فالمياه الاحتياطية لديه قد نفذت

- معلىش إنى كلمتك تانى بس العربية عطلت ومحتاج إزازه مائة.
- طيب، أطلع وفاطمة هتديك إزازه مائة، ومعلىش مش هعرف أنزل أقابلك، أنت عارف إنى ببقى قاعدة فى الدور اللي فوق، ومارتينا مش معنا.
- لالا مفيش مشاكل.

صعد إلى الدور الثامن فطرق الباب، وجده مفتوح ويسمح لجزيئات الهواء فى التخلل الضعيف إلى الداخل، رن الجرس ولكن بلا صوت يذكر، طرق الباب فلم يجيب أحدًا على توتر استعجاله، تسلل إلى الشقة بدافع القلق الذي انتاب أوصاله، الظلام يحيط به ويعمي عينيه التي لم تعدت على البصيص من النور، وحيثما دلف، نادي بصوت خفيض حتى لا يزعجهم، لا أحد يجيب حتى لمس حذاه مياة أظهرت صوت ارتطامها طقطقة خافتة، تعثرت قدمه اليمنى فى شيء ما لا يدركه، أخرج من جيبه هاتفه لينير مصباحًا أقوى من البصيص المتسرب من باب الشقة الموارب، ليعي أن ما كان يدوس عليه هو دماء، وما تعثر به كان جسدًا ممهدًا على الأرض، حيثما اقترب من ملامحه كان الرعب يفيض بداخله بعنف سادي، ارتعدت فرائصه، ليواجه مخاوفًا تعيق تحركه، تعرف على تلك المقتولة التي تعلقت عيونها المفتوحة بالسقف، اقترب ليضع يده على رقبتها كي يتحسس نبضًا يحكي أو دماء تهيم، بلا فائدة، فى بادئ الأمر تشبثت قدماه بالأرض وتوقفت عن الحراك بعدما انزوي إلى جانب السلم المؤدي إلى الدور العلوي فى صدمة مبكية، تخيلات مربكة تؤدي إلى وفاة كل من فى البيت، ليست تخيلات إنها تحليل للمشهد الراهن، فاطمة جثة هامدة، فمشاهدة مثل ذلك المشهد قذف الرعب فى قلب عمر فانتابت رعدة من أول أطراف قدمه حتى

شعر رأسه المستيقظ، يبدي ارتعاد فرائسة الملحوظ ولكن بتوقعه لفقدان آية، حرك أنامله وأطبق قبضته توقعًا أن الجاني لا زال في الشقة وتحديداً بداخل غرفة حبيبته، بدأت قدميه في التسلل وما سلاحه إلا قبضته، خوفه لا يجعله جريئاً في أن يبحث عن سكين بالمطبخ الذي لا يعلم موقعه أصلاً، فجأة يتردد لحن النهاية باكياً في أذنا عمرية، صرخة آية المدوية ألماً، أخذت أرجل العاشق تحركاً ووثب وثباً على درجات السلم الخشبي، أضرم الغضب بداخله فضرب الباب الموارب بكتفه بعدما لاحظ من فتحة لا تتجاوز المليمترين وجود ملثم خلفه ويحمل مسدسه الممطوط المزود بكاتم للصوت، أندفع بكل قوة مما أدى إلى سقوطه أرضاً، أنحنى عمر كي يهيمن بقبضته عليه وسرعة رد فعل الجاني في تصويب المسدس نحوه أشعل ذهول عمر ولكنه استطاع الملاذ في اللحظة الأخيرة بعدما ركل يد ذلك الملثم، انكب عليه كي يذيقه لكمات جحيمية في وجهه البائس، ضربات وضربات حتي اضطربت تحركات الجاني وبدأ في فقدان وعيه، نزع القناع الخافي لملامحه فشخص النظر لوجهه المختزن بالندبات، جاحظ العينين، طويل الشعر، يملك تلك الأظافر الطويلة كقطة نوت اشتباكاً، نوت الأقدار مواجهة أئمة، ومقاومة فولاذية من إنسان مدرب عكس الوضع لصالحه فانهاك بقبضته على وجه عمر وتبدلت الأماكن، عمر يستلقي على الأرض مستقبلاً لكمات مميته استهدفت وجهه، مقاومة لا تجدي ففارق القوة متضح بينهما، وعندما يحاول تسديد أي لكمة لذلك الغول، كانت هنالك لكمات متعاقبة كإعصار فاني فتفقده صوابه وتركيزه حتى خارت قوى عمر المسكين، عيونه بالكاد تراقب اللحظات في تنهد مرضي، اندفعت عيونه نحو المسكينة الغارقة في دماءها تأن بلحظاتها الأخيرة، تلهج ببعض حروف من اسمه، في تلك اللحظات المصيريّة تلقى لكمات كادت تفقده وعيه، وبعد توقف تتابع الضربات المفنية، بالكاد يفتح عينيه فوجد فوهة مسدس صوبت نحوه، يشنق إلى ميتة

سريعة، إنها محض برائن وميضية سوف تنطلق إلى صدره تفني وجود
روحه المزروعة على أرضية خشبية، عيونہ النصف مغمضة تحكي
عن مدى الألم القاطن في أوصاله، في تلك اللحظات الفاصلة بين بقاء
إنسان وموته، انطلقت الرصاصات تحلق في هواء الغرفة المحبوس،
تلك المرة من يد مخضبة بالدماء إنها يد آية، أطلقت نيران الإنقاذ
والمفاجأة، برصاصه تنهي مراسم الحياة والموت، تفحص عمر جسده
بيده لم يكن يتدفق منها سيل دماءٍ عرم، فانتبه ليد آية التي انزلت
وفقدت الإطباق على مسدسها، حاول عمر الاستناد إلى الحوائط كي
يقيم صلبه، فصعوبة أن تحتل تلك الأرجل المرهقة أن تحمل هذا
الجسد الجريح، تحرك إلى محبوبته التي تلهث بنداء الرحمة، وتبتهل
إلى الله في نهاية مطاف حياتها، فيوقفها عمر مبعثاً للأمل.

- لا أنت مش هتموتي ... مش هسيبك تموتي.

خلع قميصه الذي يختبئ تحت معطفه، قام بربطه حول مكان نزيف
دماءها حيث يمنع غدقه ثم حملها بكلتا يديه، الصعاب تتشبث بأطرافه
كي توقفه غصباً، الإرهاق المحل لقدميه لا يغادره، قرر الاحتمال حتى
لو تفجرت عروقه دمًا، تحمل كل عقابات طريقه وواصل قدمًا حتى
وصل إلى جثة الأخت الهامدة، رمقها بنظرة كئيبة وعيون مدمعة،
لاحظ بجانبها زجاجة مياة بلاستيكية فأراح آية على الكنبه كي يلتقطتها
ثم انطلق ليحملها حتى وصل إلى سيارته فأسندها إلى وضعها الآمن،
ملاً أربة المياة إلى آخرها، لاحظ كم كان الريداتير متضرراً بثقب،
وهنالك السكون ولا يوجد تاكسي ولا يوجد متسع من الوقت، حاول
تدوير سيارته ولكنها تستجيب سريعاً، انطلق قبل أن تفرغ مياة التبريد
تأثراً لثقب الريداتير، نحو مستشفى القصر العيني أملاً في إنقاذها فإنها
على وشك أن تلفظ بأخر نفس لها.

- يارب ... يارب

لم يكن الأرتعاش يتكفل بأوصاله من قبل كتلك اللحظة، انفطار قلبه لم يكن هيناً، حاول التماسك بعد أن خدر مريضته، أجرى لها العملية فلم يكن صعوبة على جراح ماهر مثله أن ينتزع تلك الرصاصة المندثة وسط صدرها، وعلى إثره فقد عمر قدرته على الوقف فارتكز على ركبتيه أرضاً وأمسك يدها ونفخ بمقدار من الهواء ليشتت برودتهما، ويدلكهما ببعض من دفيئ يديه، جبهتها المتصببة عرقاً اشتاق إلى أن يمسحها بكلتا يديه بحنان عشقاً لم يعرف في زمان أو غاد متلصصة، إنه لمشهد يحن له قلب صلد، ويشهد عليه الثرى.

- أنا فين؟؟ ... قالتها بصوت متحشرج.

- ماتخافيش أنا جنبك.

- هو إيه اللي حصل؟

- ريحي نفسك وتمعرفي كل حاجة بعدين.

حضرت الشرطة إلى المستشفى كي يستجوب المجني عليه، ضابط مباحث يعقبه عسكري طويل القامة يحمل دفترًا عريض غلافه أحمر يحتضنه تحت إبطه، اتكأ الضابط على الحائط وأخرج ولاعة وأشعل سيجارته المارلبورو التي أخرجها في هدوء من وسط غياهب جيبيه الأيمن، شفت معظمها بغل بداخل رنتيه ليخرج دخاناً كثيفاً يكفي لصنع ضباب في جميع أرجاء المستشفى ليأتي عمر قائلاً في حده:

- حضرتك ممنوع السجاير.

أخذ الضابط نفساً أعمق من سابقه قبل أن يرمي السجارة ثم رمق عمر قائلاً في هدوء:

- تمام ... أنا المقدم أحمد توفيق.

مد يده كي يلاقيه التحية ...

- وأنا دكتور عمر.

- تمام.

- حضرتك أنا المسؤول عن حالة الدكتورة آية.

- تمام.

- وأنا كنت معاها في مسرح الجريمة.

- تمام.

- أحكي لحضرتك اللي حصل؟

- تمام.

ثم سكت الضابط قليلاً:

- أكيد مش هنحكي هنا ... تعالى شرفني دلوقتي في مكتبي

ونشرب قهوة ونحكي على رواقه.

وحيثما ذهبنا قسم قصر النيل.

- أحكي لي بالتفصيل إيه اللي حصل بالضبط يا دكتور.

وجه عمر بدا متأثراً بما يحكي ...

- هو أنا حضرتك كنت بوصل الدكتور آية للبيت هي وأختها

فاطمة، اللي حصل إن الريادتين بتاع العربية باظ والمية في الأربة

فضيت، الكلام ده حصل بعد لما كانوا طلغوا البيت، المهم كلمت

الدكتور آية قالتلي أطلع آخذ أزازة مائة عشان الماية اللي كانت

معايا خالصت، طلعت لقيت الباب موارب قعدت أخبط محدش رد

عليا فقلقت ودخلت أشوف إيه الموضوع، لقيت فاطمة غرقانة في

دمها، وبعد كده سمعت صرخة آية فجريت للدور الثاني، فلقيتها

مضروبة بالرصاص فاشتبكت مع الجاني وفي الآخر كان هيقتلني

لولا إنها أنفذتني لما ضربته بالمسدس ... بعدها أغمي عليها ونقلتها

المستشفى وعملتها اللازم.

- شوفت الجاني قبل كده؟

- لا، خالص.

- إيه طبيعة علاقتك بالمجني عليها؟

- صديقة.

- تمام، تعرف الدكتورة من أد إليه؟
- من زمان أوي، يعني يجي من حوالي عشرين سنة.
- وضع المقدم يده على ذقنه قائلاً:
- بس أنا معلوماتي بتقول إنها كانت عايشة في لندن يعني من وهي صغيرة، إزاي من عشرين سنة عارفها؟!!
- كنت عارفها من أيام المدرسة قبل ما تسافر، هو الأسئلة ديه معناها إنني أنا متوجهلي اتهام.
- لا يا دكتور عمر، أنت الشاهد الرئيسي في القضية فلازم أسئلك عن كل كبيرة وصغيرة، المهم التحريات اللي عملناها بتقول إن الجاني هو بلطجي من عين الصيرة، شغلته كلها إنه قاتل ماجور يعني الموضوع مكنش غرضه سرقة مثلاً، الموضوع دلوقتي إن في حد أجره عشان يقتل الدكتورة، تفكر مين ممكن يكون عمل كده؟
- لا معنديش أي فكرة.
- تفكر من طبيعة علاقتك بالدكتورة ... هل ممكن يكون ليها أي أعداء.
- معرفش.
- يعني محكتلكش قبل كده عن مشاكلها، عن حد ممكن يكون بيطاردها، حد ممكن يكون بيهددها، أي حاجة من ديه؟؟!
- لا، خالص.
- طب متعرفش حد تاني ممكن يساعدنا إننا نوصل لحاجة ... حد من قرابيها مثلاً
- تكلم عمر بعيون نصف مغمضة ووجهًا عابس:
- الدكتورة كان علاقاتها مش كبيرة، بحكم إنها كانت عايشة بره أكثر من عشرين سنة، واللي أعرفه دلوقتي إنها بقت زي ميقولوا

كده مقطوعة من شجرة، خلاص آخر حد من عليتها كان فاطمة الله
يرحمها.

دلك المقدم ذقنه بحدة قائلاً في هدوء ...

- يعني أنت متعرفش أي حاجة ممكن تساعدنا إننا نعرف مين ورا
الجناية ديه؟

- أنا قولتلك كل اللي أعرفه.

- تمام، تمام، بما إنك الطبيب المعالج للدكتورة ... هل حالتها تسمح
إننا نستجوبها؟

- لأ هي حضرتك دلوقتي في العناية المركزة، هو حالتها مستقرة،
ممكن كمان يومين تقدر تشرفنا وتستجوبها.

- ماشي شكرًا ليك يا دكتور، تقدر تتفضل.

لا تتغاضى في فعلاته البسيطة، قراراتها الانتقاد، والبعث بعد موت
الأحداث، لتخلق ثغرة تتحكم هي فيها بأهواءها، تلك كانت منهجية
نور وطريققتها المثالية في الإسكان الروحي، مما يزعج عمر دون أن
يفصح عن ذلك، أفكاره عن الزوجة المثالية، هي من تفهم دون تنويه،
من نظرة واحدة، فربما نظرتة تعني "أرحمي أهلي" أو نظرة تعني
أحبك، فالحاجز الترابي بينهما أشبه بخط برليف، فتقلبات نور لا تحتمل
في بعض الأحيان، خاصة في الأوقات الغير مناسبة، وقت خمول
لارتياح من إرهاق العمل الدؤوب وركوب خيل معركة الحياة، فهو
الفارس للتخلص من الركود المستमित، وقت زوال الوقت المحدود،
ساعة صفر، عندما يزهل الجيب من انقطاع رزقه، ونور واسعة
المطالب، تقسم ظهر البعير، فمستواها المادي السابق أعلى بكثير مما
هي عليه الآن، فمرتب زوجها لا يساوي مصروفها الشهري في بيت
أبيها، وهكذا كان الحال عندما جلس ليحتسي فنجان قهوته فور وصوله
للمنزل بعد يومين من الغياب بجانب أية حتى ارتاح تورم وجهه ونظرًا

للصداع الذي شطر رأسه لنصفين ملتهبين، هنا يأتي دور الصداع الآخر القاتل مطالباها المتجددة، التي يفتح لها الباب على مصرعيه والزوج يجب عليه المطاطية وإلا سوف يواجه شر البوز المعوج، وراثه الأجيال من الأمهات، وكالعادة لا تحترف المطالبة، فوجهها لم يجف من عرق حر المطبخ، ومريلتها لا تخلو من الندبات البالية، فيبدو أنها تمسك الأواني الساخنة بها فتصنع تلك الفتحات المحترقة فتذكر قول محمود "يابني نور ديه متنفعكش"، كان ذلك من مدة لا يتذكر لها تاريخ ولكن الموقف عندما شب الخلاف الغير محدود في وقت الصوبية، الذكريات لا تلوذ به للفرار، فهي تقف أمامه تخبره بمطالبها، تمسك بشوكة في يدها ينساب من أطرافها زيت رفيع، فنظر إليها عمر ثم أراح فنجان القهوة على المنضدة فقال بأبتسامة خافته ...

- عاوزة إيه يا حبيبتي؟

- مش قلت إنك هتجلبلي الميكرويف النهاردة؟

- معلش والله الفلوس مقصرة معايا ... العداد هيصفر.

- طب بصيت على أسعاره في المحل اللي جنب شغلك ولا نسيت؟

البرود يلتحم بلسانه ...

- لا نسيت؛ الزهايمر بقى عدوى في البلد على فكرة.

ردت في حده

- هو الزهايمر مبيجلكش إلا لما أطلب منك حاجة، أنت ليه ساعات

بحس إنك بتتفضلني، رغم إنك عارف إنني بمقدرش أستغنى عن

الميكرويف، وعلي حظي القديم باظ طب أعمل إيه أنا قلتي؟

يضرب كف على كف ...

- لا حول ولا قوة إلا بالله ... نسيت ياسستي أعمل إيه؟

- ماشي يا عمر، أنا عاوزك كده ناسي، برافو عليك.

مد عمر يده ليلتقط الجريدة التي تحملها له المنضدة في رضا وصمت،

فقال نور في حلق:

- ولا على بالك حاجة.

ضحك عمر قائلاً

- يابختك يا ياسر.

- ياسر مين؟

- ياسر صاحبي.

تستعجب نور من كلامه ...

- يابختو ليه بقى إن شاء الله؟!!

- اتجوز واحدة من البلد ومريحاه آخر راحة، واقع واقف.

- وأنت كنت عايش معاهم عشان تعرف إذا كانت مريحاه أو

قرفاه!!!

- والله من غير ما يقول واضح.

- إزاي بقى؟

- بيجي كده منشكح ومبسوط، مش زي الغلابة اللي زيي، الهم طایل

وششهم.

- والله!!

- أهي بقى البنات بتوع البلد دول بيبقوا مطعيين جداً ... يمين يمين

... شمال شمال ... مش بتوع القاهرة ياساتر.

- ما تروح اتجوز لك واحدة منهم طيب، مدام عجبينك أوي كده.

تتوالى ضحكات البرود ...

- هو اللي يتجوز مرة يفكر يتجنن تاني!!

- بجد أنت اللي هتجنني، ماشي يا عمر.

اتجهت إلى المطبخ لتكمل طبخها المعتاد، بعدما أبدت امتعاض يفوق

الخيال.

قدم المقدم أحمد وفي ذيله العسكري صاحب الشنب العريض، يجر معه
الدفتن المهترئ، ابتسم الضابط فور رؤية دكتور عمر، مد يده ليسلم
على عمر وقال في هدوء:

- إزيك يا دكتور عامل إيه؟

- الحمد لله.

- هنقدر نستجوبها دلوقتي؟

- أه تمام ممكن إن شاء الله.

- تمام.

أشعل الضابط سيجارة أخرى وعندما حاول شربها قال عمر في هدوء

...

- يا فندم أنت داخل للمريضة والسيجارة حضرتك.

- تمام.

دخل عمر إلى غرفتها بعد الاستجواب وشاطرها أحزانها فهمت بالبكاء
قائلة في صوت مبجوح ...

- شوفت يا عمر سابنتي وراحت.

- ده قدرها يا حبيبيتي.

في تلك الأثناء احتضنت أصابعه وأصابعها وهون عليها بقبلات تهوينيه
على كفها الحزين.

- أنا جنبك متقلقيش وفضل جنبك طول عمري.

- دي كانت كل اللي ليا يا عمر.

- أهدي أرجوكي.

وما إن هدأت قليلاً فسألها عمر في هدوء:

- أنتي قولتلهم إيه في التحقيق؟

- قولتلهم اللي حصل.

- أنتي عندك فكرة ممكن يكون مين اللي عمل كده؟

ردت آية بصوت يدعمه الأسّي:

- معرفش ... معرفش يا عمر.

- أهدي طبيب.

وأخيراً تستند على كرسيها لتخرج من المشفى، يساندها عمر بدفعات حنينية لكرسي له أزيز، ترقد عليه مبعثرة الشعر، فلم يلمس الاستشوار خصلاتها منذ فجر يوم قريب، وجهاً شاحب مبتأس، ترتدي ملابس قد أحضرتها لها مارتينا، فستاناً وردي اللون دون أي رسومات منقوشة، وعلى النقيض عمر الذي تفرج شفتاه بالابتسامة منذ أن غادر المكان، أركبها سيارته وانطلق بها إلى إحدى الفنادق كما طلبت، وفي طريق الذهاب لم يستطع عمر أن يحبس ذلك الفضول المترسب على لسانه فانطلق بأسئلته.

- بجد أنتي معندكيش شك في أي حد زي ما قولتي في المحضر.

- مش في دماغي حد معين ... بس ممكن يكون حد كان جاي يسرقنا وخلاص.

- لا لا المقدم أحمد قال إنه قاتل مأجور من عين الصيرة، يعني مش حادثة سرقة أصلاً، ده واحد قتال قتلة.
- أه.

- مين بقى اللي أنتي شاكة فيه.

نظرت إليه تلك النظرة الحزينة التي تفتقر قلبه

- مفيش حد.

- بس عنيكى بتقول غير كده، هو أنا لسا عارفك!! أنا بفهمك من قبل ما تتكلمي، ببيان عليكى.

- بجد مش عارفة.

- هنرجع لنظام الغموض تاني؟!!

- مش مخبية يا عمر حاجة.

امتعض عمر كثيراً ليفكر للحظات أثناء النظر لطريق سيره ثم يقول:

- ضميرك مبيوجعكيش من كتر التحوير اللي أنتي بتحوريه!! ...
قوليلي يمكن أقدر أساعدك.

نظرت له نظرة كئيبة ...

- أه ممكن يكون ناس كان بينهم وبين بابا خلافات زمان، خلاص
استريحت.

- مين همه الناس دول؟ وإيه الخلافات اللي ممكن توصل لكده؟
وبعدين أنتي ذنبك إيه؟!!

- معرفش بجد حاجة، وياريت الموضوع ده نتكلم فيه بعدين لأنني
مش قادرة أفكر.

قال عمر في امتعاض:

- أوك على راحتك يا حبييتي.

- عمر متهيألي أنا كده لازم أرجع لندن.

- لندن تاني ... ليه؟؟

- تجي معايا؟

استعجب قائلاً

- فين؟

- لندن.

كان الصمت يسرق لسان عمر للتتابع أية قائلة في حزن:

- عاوزة أغير جو، مش قادرة بجد.

رد عمر متعجباً:

- هو أنتي لما تكوني عاوزة تغيري جو تسافري لندن ليه تمشوري
نفسك كده؟ عندك شرم ولا الغردقة مثلاً.

- لا منا كنت هقابل دكتور ريتشارد.

- إشمعنا؟

- هسلمه حاجات كان سايبها معايا، أنت عارف إنني مش هدرس
تاني، وهستقر هنا في مصر فلازم أصفى كل حاجة.

- أه أكيد.
- تعالي معايا واعتبرها رحلة، يدوبك هنتقعد تلت أو أربع أيام،
وياسيدي for free ... أنا عزمك على الرحلة ديه.
- مش مسألة عزمك ... بس ...
قاطعته قائلة بصوت مخنوق:

- عمر أنا بقيت محتجك أكثر من الأول بكثير، أوعي تسبني ...
أرجوك ... أوعي بجد ياعمر ... PLEASE
أوقف عمر سيارته بجانب الطريق فقال بابتسامه هادئة، وفي تلك
اللحظات رفع يدها ليشملها بقبلة مغمضة العين حاملة ارتجافة العشق
...

- عمري مهسيك.
- مهما كان؟؟!
- مهما كان ... فشيلي القلق اللي تاعبك في دماغك ده.
في تلك اللحظات ابتسمت له، وحاولت أن تصل إلى يده الأخرى
فسلمها لها فأمسكتها برعشة خوف ممزوجة بحزن غريب، وامتدت
الأصابع للأصابع تعانقها.

يتصل بنور كي تستعد للخروج معه فطلب منها أن تلبس ذلك الفستان
الذي يروقه ويقضيا ليلة قرب هدوء الليل بعد أن تترك الولد الصغير
عند أمها، استجابت الفرحة لطلب الزوج، وذهبا إلى نفس المكان الذي
كان يلتقي مع خليلته الأخرى، ومعاملة مختلفة، سحب الكرسي من
تحت المنضدة وطلب لأميرته الجلوس في نظرات استحضارية، كعادة
تعشيقها الزوجة، إحساس خاص بات يسقي مشاعرها فتنبهت
لرومانسيته في ذلك اليوم بعد أن تخللت أصابعها أصابعه، فاصل من
المتعة القديمة، عادة عاشقين قبل الزواج.

- مالك متغير كده ليه النهاردة لأ أنا مش أد كل ده!!

رد عمر مماًزحاً

- هو لما أكون متوتر وفي مود وحش تضايقي ولما أكون رومانسي
تستعزبي ... أنتي مبيعجبكيش حاجة خالص.

- بحبك أوي يا عمر ...

كان يشعر حبها من ضغطات أصابعها على كف يده، فمشاعرها التي
لما تكتفي أن تأسر بداخل قلبها فقط بل فاضت من جميع أطرافها
ارتعاشاً.

- على فكرة الأكل هنا حلو أوي وأنا هموت من الجوع تطلبي
إيه؟؟؟

- أنا النهاردة ملكك مليش طلبات غير إني أبقى معاك.

- يعني تاكلي على زوقي المرة ديه؟

أومأت رأسها بالموافقة.

- مش هتقلي بقى أنت مالك النهاردة.

- حاسس إني مبسوط قلت أرجع أيام زمان ... هو ده مود
المسؤوليات ... شوية في الأرض وشوية في السما.

ابتسمت بفم سعيد ...

- وليه حياتنا متبقاش كلها زي أيام زمان ... أيام الخطوبة ... أيام
لما كنت بتقلي بحبك بدل المرة مليون.

- أوعدك إن شاء الله أول لما أرجع من لندن كل حاجة هتتغير.

- لندن؟؟!!!

تغيرت ملامح وجهها تحت الضوء الهادئ للمكان لتبدي رعباً أفسد
لحظتها.

لا يلوم نفسه كثيراً بما يفعله خلف عيون زوجته ليبدأ الكذب الذي اعتاد
عليه في الآونة الأخيرة.

- أه لندن ... متأسف أنا مكنتش عارف أقولك إزاي بس هو مؤتمر

جه فجأة، قلت لازم النهاردة نعمل يوم كده حلو تقتكريه وأنا هناك.

- وكنت مخبي ليه ... وعلى كده هتتعد هناك أد إيه؟؟
- هو أسبوع مش أكثر وعلى فكرة أنا مكنتش مخبي؛ هي جت كده.
- مش عارفة إيه حكاية المؤتمرات كل شوية ديه ... هو مفيش
دكاترة غيرك!!!
رد مماًزحاً:

- في غيري بس مفيش زيي.
قالت بشيء من الرجاء و عيون تستعطف الأحداث ...
- يعني مينفعش تعتذر عن السفرية ديه؟
الكذب لا يظهر على وجهه ليصبح ممثلاً واسع الشهرة.
- ياريت كنت أقدر، أكيد لو كان ينفع مكنتش هسيكو وأسافر.
أمسك يدها في رومانسية غير محدودة فقال:
- أنا عارف إنني مقصر في حقك الأيام ديه ... بس أوعدك إن كل
حاجة هترجع زي الأول وأحسن
- ...

قبل يدها في غرام فائض ثم ابتسم قائلاً:
- متخافيش كل يوم هكلمك على الإسكايب صوت وصورة ... كده
تمام!؟
- خلي بالك من نفسك هناك يا حبيبي.
وقالتها وهي تتجرع الأسى.
- إنتي بقى أقعدي عند حماتي زي كل مرة بسافر فيها ... أوك؟؟
- ...
- ها.
- ماشي يا حبيبي.

الثانية تربض بجانبه تحتضن كتفه وتميل بنصفها العلوي عليه بجانب
النافذة المطلة إلى العالم الآخر فوق الأرض بمئات الأمتار، وتهمس

في أذنه بعشق مكلوم، وتتوي أن تنطق بشيء، فتستكين أمام لمع
عيونه، استجمعت قوتها، شابت طرق صمتها وبدأت النطق ...
- في حاجة نفسي أقلك عليها يا عمر.
- قولي اللي أنت عاوزاه ... سامعك
- لا أنا خايفة إنك تضايق ... ساعتها هبقى SO SILLY ... المود
هيبوظ.

ضحك عمر قائلاً:

- طالما حاجة هتضايقتي تقوليها ليه بقی.
- خلاص مش هقول حاجة.
- أنتي مصدقتي!!!!
- لا خلاص خليها في وقتها.
- لا قولي في إيه؟
- لا خليها مفاجأة.

ابتسم عمر قائلاً:

- طب هي مفاجأة ولا حاجة تضايق ... مش فاهم !!؟
ترتبك كثيرًا تصمت لثواني ثم تتابع قائلة ...
- لا بس يعني حوار كده هبقى أحكهولك.
- أنتي عارفاني مبحبش أذن على حد ... لما تلاقي نفسك عاوزة
تقولي قولي.
- ماشي يا بيبي.

وفي لحظة مفاجأة وعناق أصابع نطقها سريعًا، بينما هي تنام مغمضة
الأعين على كتفه في راحة حبيبين ...

- تتجوزيني ...؟ قالها بصوت هادئ ونغمة مختلفة تنطلق من فمه.
الذهول تشبث بملامحها ليتخلل فرحتها شيئًا من إحساس مجهول، هل
هي مذهولة؟؟ أم أنها فرحة اخترقت ظلامها فجأة، فقامت من على
كتفه ناظرة إليه ...

- أنت بتكلم جد؟!!!
 ملامح الجدية جالية أمامها ...
 - أكيد مبهرش في حاجة زي كدة!
 - بس ...
 - بس إيه؟
 - لسا فاطمة ميتة ولازم أخذ القرار ده بعد فترة ... على الأقل أكون
 فقت من اللي أنا فيه.
 - مين قال دلوقتي؟؟
 قالت في تردد ...
 - أه بس أصبر عليا شوية.
 - هصبر بس شوية أد إيه؟
 ردت ممازحة ...
 - يعني شوية.
 - شوية أد إيه برضو؟
 فكرت للحظات ...
 - مممم ... شهرين تلاتة.
 رد ممتعضاً:
 - أربعة ... خمسة ... ستة ... سنة اتنين ... محستش إن
 الموضوع فرحك زي ما كنت متخيل!!
 تحاول أن تثبت ملامح الفرحة صوب وجهها ...
 - لا طبعاً فرحانة.
 - لا لا ده مش منظر واحدة فرحانة أبداً.
 - مين قال كده?!!!
 - شكلك اللي بيقول كده.
 - لا بالعكس أنا فرحانة أوي كمان ... بس الظروف مضيعة فرحتي
 شوية.

- يمكن ... بس حاسك بنتهربي مش بتأجلي.

تصتتع الاندهاش ...

- وأنا أتهرب من حاجة زي ديه ليه ما احنا بنحب بعض يا عمر!!

- معقول برضه ... خلاص يا حبيبيتي هسيبك ترتاحي وتخدي وقتك
قبل ما تاخدي الخطوة ديه.

- أوك.

في عيونها تبغي الإلاح للصمت، في صوتها تبغي المواساة، في
واقعها حزن مهترئ، في إحساسها مشاعر مسكوبة، في شفاهاها كلام
ينوي أن ينطق عنوة.

- دايمًا بخاف من فكرة الجواز.

- ليه؟!!

نظرت له تلك النظرة التعيسة التي اعتاد عليها ...

- علشان حالتني ... أنت مش شايف يا عمر!!! اللي هيتجوزني
هيتحرم من حاجات كتير.

- زي؟

- أنت عشان مجربتش فمممكن متحسش باللي هقوله.

- لا أنكلمي براحتك وأنا هفهمك.

أغمضت عينيها في حزن ولم تفتحها إلا عندما بدأت في الكلام مجددًا

...

- أنت متخيل إني هبقى عبء عليك ... دايمًا هبقى محتاجة مساعدة

... أنت اللي هتخدمني مش أنا اللي هخدمك ... مش هتاخذ راحتك

في الخروج معايا، مش هعرف أطبخك زي أي ست بيت، مش

هعرف أربيلك ولادك زي أي أم، صعب إني أساعد نفسي أصلًا،

دايمًا وجودي على كرسي هيمنعني من حاجات كتير وده اللي لازم

تحطه في اعتبارك.

باغتها عمر سريعًا في قوله ...

- ومن إمتى أنتي بتفكري كده، مش أنتي دايماً بتقولي مبحبش أحس بالعجز وبعمل كل حاجة بنفسى؟!!!
- كانت الجدية عنوان حديثها منذ تلك النقطة:
- خاينا واقعيين، عشان لو عاوز تتجوزني زي ما بتقول تكون حسبته كويس وفكرت في اللي قولتهولك.
- رد عمر في هدوء ...
- أنا مش شايفها مشكلة ... طالما معنا مارتينا.
- المهم أنت فاهمني يا عمر.
- أه فهمك.

الفصل الثالث عشر

وسط الرياح الباردة التي أقصت الستائر بعيداً عن فوهة الشباك، وتحت تلك النجفة الكريستالية متعددة الأدوار المهتزة جراء تلك الرياح، ترقد على ظهرها وتغطّ نومًا، تحت غطاء منقوش بالورود تمددت، أصوات الكلاب تعوي كذئاب جبلية على غير العادة في الخارج البعيد، وحتى سكنت أصوات الكلاب الجائلة، وتجلي شروق الشمس بعد تبدد غياهب الظلام، انتفضت جوارحها عندما استقيظت إثر حلم مريب، تمنّت أن تتجلي عنه بعد أن استحكمت قبضة ضروسها على ألم تدفق في أعصابها الحسية، تفاعل الهوس مع شرود يقظتها وظنّت أنها مازالت تجاور كابوساً ضغين، خوفها ظل مسكوناً في رعشة أناملها، تفتح عيونها لثلتهم النور المسقط من السقف، لم يسند إلى عقلها سبباً لقيء مستقم هيئته الكريهة، ولم تكن لديها المقدرّة في الإسراع إلى مرحاض جاور حجرتها مباشرة، لحسن الحظ كيس بلاستيكي تدلل أمامها بغية الاستعمال، استفراغها لم يكن عادياً لقد كان مصحوباً بمقدار ليس بقليل من الدماء، طبية تعرفت سبباً، هدأت قليلاً وتأمّلت منظرها عبر تلك المرأة المناظرة لسريرها، تحملت ماهي عليه حتى استندت إلى الكرسي، محاولة صعبة تمكنت في آخرها أن تتربع عرشها، توجهت إلى المرحاض، هل تباغت خوفها وتواجهه بحقيقة يدٍ مخضبة باللون الأحمر، أم تنزوي خلف حائط السكون المبطن بالتهرب والمشينة في الاختباء، وسط حملقتها للمرأة تباين الدمع في عيونها وفي لحظات استنادها على رأسها بكلتا يديها منكسة الرأس تساقط خصلات من شعرها كأوراق شجر خريفية لتعانق أرض المرحاض البراقة، احترق كل ما فيها وتشبّثت بالخصلات المفقودة، تصرخ في صمت، تتسائل عن أسباب لم تكن في الحسبان هل أصابها مرض ما فوق

عجزها، تصبر نفساً عجزت عن مواساة نفسها، لديها هدف أسمى وأبلغ، حتى لو فقدت كل خصلاتها فإنها على مقربة من الانتهاء.
في تلك اللحظات طرق عمر الباب لتطلب منه أن يدلف إلى الداخل، كعادته يقبل يد حبيبته عندما ينبغي قلبه عشقاً، لاحظ حينئذٍ أطرافاً تتلوى ارتعاشاً وبرودة غير مسبوقه فتنبه لغرابه ما تستكين إليه حالتها، فسألها عن أسباب ذلك بقلب فلق ...

- إيه مالك أنتي عيانه؟

- شوية أنفلونزا.

- لا لا مش الأنفلونزا اللي تعمل فيكي كده ... أنتي متبهدة على الآخر ووشك مخطوف.

- أنا عارفة أنا بقلك إيه.

نهرها عمر قائلاً:

- عارفة إيه مش فاهم؟ أنتي ليه بتكدي؟! ليه مبتقوليش كل حاجة على طول؟ أنا من حقي أعرف كل كبيرة وصغيرة عنك.

ردت بامتعاض ...

- بصفتك إيه؟؟

سكت عمر قليلاً كي يهدأ من روعة من واقع كلام استفزه، ثم نطق في هدوءٍ نسبي بعدما اتكأ على الكنبه التي تنتصف الغرفة ...

- بصفة اللي بينا يا آية.

ردت في امتعاض:

- ماشي وعشان اللي بينا سيبني براحتي، أنا مش قادرة أتكلم في حاجة دلوقتي.

عنفها لائماً ...

- حاجة إيه ... أستغفر الله العظيم يارب.

ردت في خنق:

- عمر في حاجات أنا مخبياها عليك أنا عارفة، بس الحاجات ديه مش ده الوقت اللي تعرفها فيه.
قال عمر في حدة:
- ليه بتخبي عني حاجة من أصله، في الآخر تقولي بتحبيني، ليه هه؟؟ ما تفهميني عشان أنا زهقت.
- انتاب آية سعالاً قوياً كاد أن تظهر عروق وجهها أثره، لذا فز عمر من موضعه ليمسك كتفيها، قائلاً بعدما هدأ سعالها.
- مالك يا آية في إيه ... أجبلك مايه؟
أشارت برأسها برفض.
- طب أنتي كويسة؟
شعوره بالقلق أز هق شعور الامتعاض لديه
- متقلقش عليا، المهم أنا عاوزة أقابل دكتور ريتشارد ضروري.
- أوك ... بس المهم طمنيني عليكي.
- مفيش حاجة يا عمر ... أنا كويسة مفيش حاجة.
لاحظ عمر تورم في وريد ذراعها، فأمسك ذراعها وسألها في هدوء
- ...
- إيه ده طيب؟!!!
- كنت واخدة حقنة vitamins لما لقيت نفسي عندي هبوط.
هدأ عمر قائلاً في هدوء:
- على العموم خلي بالك من نفسك وأنتي دكتورة وعارفة الأدوية اللي بتخديها.
وبدون أي مقدمات تخطف عقله بسؤال غريب ...
- حبتني ليه؟
- سؤال غريب!!
أخذت الجدية تنساب صوب ملامحها ...

- لا مش غريب؛ لأن وضعي بيخلي أي حد يشفق عليا ... جو الصعبانيات يعني.
تأملها قائلًا:

- دايماً في حاجة بتشدني ليكي، حاجة مش قادر أفهمها لحد دلوقتي،
تقدري تقولي مش عارف السبب، ورغم كل ده معرفش ليه مبعثش
أفهمك.

- ... !

- معرفش، بقيتي تخبي عليا كل حاجة.

...

حملق في عيونها واستكان العشق بداخله ...

- هي مش مخاطرة إنك تكشفني أوراقك قدامي، ولا هو فيلم خايفة
تحرقي لي نهايته، أكيد الموضوع أبسط من كده بكثير.
ابتسمت وسكتت للحظات، ثم نطقت:

- متقلش يا عمر هقلك كل حاجة في وقتها.

- طب وبما إننا بنحب بعض ليه متقوليش من دلوقتي؟!!

- طب هسألك سؤال، أنت مش ملاحظ إن في حاجات مبتدخلش فيها
بحس إنها private؟

تعجب قائلًا:

- يا سلام ... يعني إيه مش فاهمك؟

- يعني عمري ما سألتك عن ماضيك ولا عن تفاصيل حياتك اللي
فاتت قبل ما نتقابل.

- أه بس لو سألتيني هجاوبك عادي مفيش مشكلة يعني، عشان أنا
مش محتاج إني أخبي حاجة.

أمسكت أطراف أصابعه، وتأملت عيونه لتتطق بحب وعطف حاني ...

- كل اللي يهمني إني أشوفك جنبني يا عمر ... تبقى دايماً الضهر
اللي أسند عليه ساعة لما الدنيا تكثر في وشي، ساعة لما أحس إني

عاوزة أعيط تبقى أنت الحزن اللي أترمي فيه، تبقى الأيد الحنينة
اللي تططب عليا وتواسيني، فكوني إني مخبية حاجات كثير، ده
عشان في أسرار لو اتعرفت قبل أونها؛ بتعمل مشكلة.

- أسرار تجيب مشاكل ... إزاي؟؟!!

- هيجي يوم تفهم اللي أقصده، ساعتها هتعدرنى ... النهاية قربت
... قالتها بنظرة حزينة وكأنها تتكلم عن نهاية مؤسفة.

تعجب من كل كلمة تنطلق من شفيتها ...

- نهاية إيه؟! أنا مش قادر أستوعب اللي بتقوليه، نفسي مرة كلامك
يبقى دوغري، مفهوم

- مش مهم ... ، عيوناً دمعة تحكي عن واقع مأساوي مبهم.

- مالك يا حبيبتي؟

أخذ وضع القرفصاء كي يلاشى الدموع بأصابعه، ليبدد حزناً.

- عمر ممكن تحضنى ...

أمالت نصفها العلوي وغرقت وسط دفئه، تبكي في ارتجافة وصوت
منبوح ونفس متقطع.

- بس لو تقوليلي مالك ...

- أنا خايفة أوي يا عمر.

- خايفة من إيه بس أنا جنبك.

- خايفة إني أموت وأسيبك.

تأثر من واقع كلامها وظن أن حبه هو الرضا الكامل لها.

- إيه الكلام ده!!! بعد الشر عليكى، لو سمحتى مش عاوز أسمع

الكلام ده تانى، وبعدين متقلقنيش عليكى دنا حتى مسافر بعد بكرة.

ردت بحزن كامل ...

- على فكرة شكلي هنزل مصر معاك؛ مش هستحمل القعدة هنا.

- مش أنتي قولتي وراكي شوية حاجات هتخلصيها مع دكتور

ريتشارد!!!

- مهو مش هاخذ وقت.

- أنا شايف إنك المفروض تفضلي هنا أكبر فترة ممكنة، متنسش اللي حصل في مصر.

- أه ... بس مش هطيق إني هقعده هنا.

نطق لسانه نقلاً عن كلام قلبه ...

- بس أنتي لو جرالك حاجة أنا مش متخيل إيه اللي ممكن يحصلي، أنتي هنا في أمان أكثر.

- متقلقش عليا يا عمر.

هرش في فروة رأسه بشده ...

- موضوع إنك كنتي هتقتلي وكنتي هتضيعي من إيديا موضوع واكل دماغي وهيجتني، إيه اللي يخلي حد يعمل كده؟؟؟ والغريب إنها عملية مدبرة من الأول.

ردت في هدوء مثالي ...

- أنا عن نفسي مش عارفة ومستغربة من اللي بيحصل لإني دايمًا كويسة مع الناس، عمري ما أذيت حد.

- الحاجة اللي مستغربلها إني ساعات بحس إنك عارفة أو شاكة في حد بعينه.

ردت في هدوء

- معرفش حاجة يا عمر ... خلاص أقفل معلش السيرة ديه أنا لسا تعبانة أوي.

- سوري، كنت بتكلم في موضوع مينيمنيش من كتر التفكير.

ربت على كتفها مهدئًا دموعها، يفكر في عواقب ما حدث على نفسية محطة.

لم تكن العيون المباركة من قبل الدموع وارفة ليدنو العشاق منها، إنما

هي ديباجة ما بين ماض وحاضر، تقطن سرير شبه مخدرة رغم أنه كان تخديرًا موضعيًا، تناشز الذكريات البالية في عراك هالك وتبقى على سجيته الرقيقة بداخلها المهترئ، تستعر جبهتها بحمرة وردية، يجاور ساقها طبييًا لم يباعد الثلاثين عمرًا، يرتدي قفازين مطاطيين يخنقان يديه قسرًا، يخفي نصف وجهه كمامة تشاركه أكسجين أنفاسه، ونصف وجهه الآخر نظارة سميكة سوداء، تعصر يداه البدينة حقنة مغلقة مخنوقة، وما فك أسرها إلا عندما اخترقت عظمة حوضها ليسحب منها عينة من النخاع العظمي، لم تستغرق تلك العملية مدة طويلة، بعدها دلف ديريتشارد ليستلم تلك العينة المتباينة الألوان ويسلمها لقارورة زجاجية احتفظ بها بين أصابع يده، ليرفع النظارة من على مقدمة أنفه فيرجعها للخلف بسببأبته متفحصًا للعينة قائلًا في هدوء

...

- أوك كده تمام.

لترد آية في صوت مخمول:

- هستلم الخلايا إمتى؟

- بعد الفصل المعلمي على طول ... خلاص قررتي إنك تستقري

في مصر؟

أومأت آية برأسها الملتاع لجنون المحاولات ...

- بجد هفتقدك أوي، لأنني بعزك أوي.

- هظمن عليك من وقت للتاني على الإسكايب أو الفيس بوك.

- بالتوفيق يابنتي.

ابتسمت آية لتغطي ابتسامتنا كدر الأحزان ... لقد كانت تلك المرة الأولى التي يطلق عليها ابنته.

يتكلم مع فقراته بالتوجع، ويريح نصفه العلوي على فخذيهما الجريئتان،
تعبت في خصلات شعره على غير عاداتها، عودة حميدة، وقتها عقارب
الساعة تخبره بأنها بلغت العاشرة مساءً على عكس ما كان يتوقع، فرن
هاتف عمر برقم غريب، مما جعل ظهره يشفى كلياً وتندرج قدماه نحو
الشرقة التي تبتث هواء نصف بارد ...

- ألو ... مين معايا؟

- عمك وعم بلادك ...

- مين معايا إنجز بقي؟؟ مش فايفلك.

- صدق والله عيب عليك أوي متعرفش صوتي كده، هو السفر

بيغيرك!!

- والله مش واخد بالي.

- أنا محمود، محمود المنسي يا ندل.

ضحك عمر قائلاً:

- ياراجل الله يخربيتك، صوتك متغير كده ليه، هي الشبكة وحشة

عندك!!

اللوم بدا على صوت محمود ...

- كده يا عمر تسافر من غير ما تقولي زي ما يكون ولا صاحبك

ولا تعرفني، طب أعمل بأصلك وراعي العيش والملح، متخلنيش

أحطك في البلاك لست.

- ديه سفريّة جتلي فجأة.

- فجأة؟؟!!... فجأة إزاي يعني؟

انخفض صوت عمر ...

- هابقي أفهمك.

- طب ما تفهمني دلوقتي.

- شكلك معاك رصيد، مش كده!!

- وانت شكل الحكومة جنبك، مش كده!!

ضحك عمر قائلاً:

- أيوه عليك نور بالظبط كده، ما أنت بتفهم هوه.
- على العموم حسام عزمنا على الغدا بكرة، أتصل بيك عشان يعزمك كان تليفونك مقفول.
- وإيه المناسبة؟!!!
- بيقول عاوز يفتح المستشفى على أول الشهر، شوفت شكلها هتلعب معنا ولا إيه، المهم هتجيب مراتك معاك؟؟
- معرفش هتيجي ولا لأ ...
- طب شوف جاية ولا لأ بدل ما أروح لوحدي.
- لا روح أنت، كمان عندي مشوار صغير في المعادي قبل مجلكو.
- خلاص قشطة، يالا روح نام.
- قشطة سلام.
- أنهى تليفونه فسألته نور في غنج ...
- مين يا ميرو؟؟
- ده محمود.
- وبتقوله هتيجي ولا لأ على إيه؟
- حملق في عيونها متعجباً ...
- دانتي رامية ودانك معنا بقى.
- لأ أصل استغربت لما التليفون رن لقيتك قمت جري على البلكونة

...

- لم يتلجج كعادته فقد اعتاد التحوير منذ مدة
- افكرته تليفون من الشغل وصوت التلفزيون وكده ...
- مميمم ... المهم هتخدني معاك ولا لأ؟
- فين؟!!
- للمكان اللي هتروحوه.
- أه حسام عازمني على الغدا أنا ومحمود بكرة، تيجي معايا؟

ردت نور في أسف ...

- بجد، بس أنت عارف إني بعدي على ماما بكرة وبتتغدى سوا.
- برحتك شوفي كده.
- لأ ممكن ماما تزعل دي هتعملي مسقعة مخصوص، عارفة إني بحبها.
- خلاص الغدا الجاي.

ضحكت نور ...

- ده على أساس إن كل شوية هيعزمك!!
- الراجل تقريباً معاه قرش ومحيره ففاتحها سبيل.
- قالت ممازحة ...

- مبتبطلش قر على الناس أبداً!!
- لا متخافيش عيني مش مدورة.
- أنت أدري.
- أنتي عارفة إنه هيفتتح المستشفى خلاص؟
- بجد!!

- محمود اللي بيقلي.
- ما شاء الله بالسرعة ديه!!
- الفلوس تعمل كل حاجة.
- على رأيك.

في اليوم التالي ذو الزوابع الترايبية التي لامست جفونه قسراً، فارتضت أن تقاومها رموشه باقتدار، ينظر إلى صفرة السماء في يوم تخلت عن زيه الأزرق، ينحني قلبه إلى خالقها وواضع لها الأحوال، مخترقاً طريقه نحو الفيلا المقصودة، حيثما وصل، ركن سيارته وركب أقدامه، دلف عبر بواباتها الحديدية، فلامست قدميه كرة أطفال بلاستيكية ملونة يبدو أن الرياح عبثت بأشياء منة ابنة حسام، تنازل عن وقفته وارتضى أن يحمل الكرة ليضعها بين يدا الطفلة الجميلة القادمة نحوه بشذاها

العابق مع عقب أزهار المكان، أمسكت بكرتها بين أصابعها، جرت سريعًا إلى الأمام تنادي أباها وتخبره بصوت المرح عن قدوم الضيف، بعدها سحبت يد عمر قائلة ...

- عمر رسمت رسمة ... وبابا قالي حلوة.

- وريني يا حبيبتي.

تابعها عمر حتى وصلوا إلى ركن خاص بحديقة الفيلا أضافت فيه لوحاتها على الأرض الخضراء، أخذ وضع القرفصاء يتفحص فنائًا صغيرًا تجلى في ضربات خطوط يد ضئيلة، لوحتها ذات الألوان المزركشة، متابعًا ببصره منحيات وقلوب محشوة بالأسهم، تذكر حينما ود قلبه راحة في سن الصراحة، وأخذ يقلب بين صفحات ملونة، توقف فجأة على صورة أثارت الجدل في كيانه، إنها صورة لكرسيًا متحركًا تتكأ عليه امرأة غير واضحة المعالم، هدمت الدهشة معالم الارتياح وتباغت هدوء ملامحه، فجأة ارتعشت أصابعه توترًا لما أصاب أذنيه من صوت خلفه، صوت لطالما ينتظر سماعه، تسائل أهو صوت من الزمان السحيق أم أنه حاضر ملموس، تنبه لصوت منة الصغيرة تنادي وتقول "ماما"، نعم إنه أزيز كرسي معروف، لا يريد أن يلتف ليوافه مجهولًا قد يصدف مفهومًا خاطئًا بداخله، تحملت رقبتة الألم لتتحني مقاومة لتحجيم قلبه لها، بصره يكذب بصيرته وإحساسه، أنها آية التي يعرفها، قد تقع الأسئلة عليه فتسقطه إلى قعر الهاوية، أهو حلم أم كبوس مُعيي، ينبش من داخله أشلاء، وقف على قدميه و جاء إليه حسام ملقبًا عليه السلام ودافعًا أمامه شابة عاجزة، "المدام" هكذا أخبره، كلمة علمها ولم يود سماعها، نزلت على مسامعه كالسيل الجارف، ثم أخبرها أنه عمر الذي أنفذ ابنتهما من الموت المحتم.

علت الدهشة ملامح آية لدرجة قصوى وتبيست للحظات ثم مدت يدًا صفراء ذابلة ترتعش مزامنة للحدث، درجة انفراج عيونها باتت أوسع من حفرة خلفها صاروخ نووي، حتى لامست يده، كان الخوف ينساب

بقشعريرة من رأسها ليتخذ دربًا يفيق شلل ساقها، لتقول بشفاهاها الجافة:

- انتشرفنا بمعرفتك.

عمر رد بأنزان غير عادي في حدث مثل هذا، كأنما يحتسب حدوث ذلك، تبادلًا سلام الأيدي، تحجر الريق وصعب الابتلاع ...

- أهلاً وسهلاً يا مدام.

قال حسام بصوت هادئ بعدما وسع دائرة الكوفية المحبوكة حول رقبته

...

- أو مال المدام مجتث ليه؟

صدم عمر من واقع سؤاله، ولم يلمح ملامح استغراب على آية الرابضة على كرسيها في توتر، لذا لم يخبأ الحقيقة فرد قائلاً:

- أه ... لا هي مرهقة شوية.

ظل التساؤل يطعن عقله، أينبت من ظهر البراءة منبت الخيانة والخداع، تنتشق صدفة مخه، وانسحق القلب في قفصه، فزع من كل مشاعر الحب في لحظة استردادية بين الحقيقة والخيال، ربض بداخله الرهبة، بات مكلومًا مسدود الفاه، يرد على من يسأل ويغلق باب فمه بالأغلال، حتى طلب حسام قائلاً:

- يالا يا عمر محمود جوا والأكل هيبيرد

طريقًا من الحديقة إلى مدخل الفيلا كجهنم في شهر صيف، أشواكًا تعمدت أن تنتصب في طريقه، ليلاقي بكفوف قدميه جراحًا، حتى وصل مائدة لا يرى فيها إلا طعام من غسلين، تنتشق شفتاه عندما يحاول أن يثني على الأكل مبتسمًا، لم تكن مآدبة الطعام شهية بالنسبة له، كأكل مفروض عليه، لكن محمود أخذ يثني مع كل قضمة تذوقها، و فجأة غمز محمود قدم عمر هامسًا ...

- مرات حسام مبتفكر كرش بحد؟!!!

رد عمر بامتعاض وهمس:

- لا واسكت بقى.
- يا راجل ... مبتفكر كمش بأية.
- خلاص أكتم.
- إيه مالك يابني؟!
تعصب عمر ليرد بصوت خفيض ...
- قلتك أكتم مش نقصاك.
تحدث حسام عن زوجته فأشار بالشوكة التي يمسكها في يده اليسرى
...

- دي بقى زوجتي حبييتي وأم منة ربنا يخليها لي.
رد محمود في رضى:
- ربنا يخليكو لبعض.
مثل عمر الأندهاش ...
- مشفنهاش المرة اللي فاتت لما جتلك؟!
رد حسام معللاً:
- دايماً مسافرة أصلها دكتورة في جامعة كامبردج.
- أنتي تخصص إيه يا دكتورة؟
ردت آيه في صوتٍ مخذول ...
- مخ وأعصاب وأنت؟
- جراحة عامة.
قال حسام في هدوء:
- المدام كانت رئيسة مؤتمر لندن ... أنتو حضرتوه مش كده!
رد محمود بعدما انتزع المعلقة من فمه:
- أه حضرناه، أنا فعلاً بشبهه عليها.
بدا الذهول على وجه محمود الذي تشتت تركيزه عن الدجاجة المسحولة
بين يديه ...
فقال عمر ضاحكاً ...

- آية صدقي

تكلم حسام وبات يرمق زوجته في هدوء ...

- ذاكرتك حلوة، كويس لسا فاكر اسمها

رد عمر متابعًا ضحكاته ...

- مكنتش أعرف إن الدنيا صغيرة أوي كده، بقى رئيسة المؤتمر

اللي حضرته تبقى زوجة الأستاذ حسام، ولا كأني بحلم!!!

رد حسام قائلاً:

- الدنيا مهما تكون كبيرة بتجمعنا سوا تاني.

بينما ترقب عيون محمود الحدث في هدوء، رد عمر قائلاً:

- دنيا غريبة فعلاً يا أستاذ حسام وأنا مبسوط إننا اتجمعنا مع بعض،

متجمعين عند النبي إن شاء الله، قالها وانفلتت ضحكة طويلة من بين

شفاهه.

رد حسام في استعجاب:

- إن شاء الله ... كلوا يا جماعة متكسفوش البيت بتكو، أنا مش

بعرف أعزم، الأكل مش عجبكوا ولا إيه، لو مش عجبكوا أغير

stuff الطباخين على طول.

رد محمود متفاخرًا:

- يا حسام باشا كله تمام متقلقش شوية ومش هنلاقي فتقوته على

السفرة.

ابتسم حسام ممازحًا:

- دلوقتي بقى بنا عيش وملح ومستشفى ... صح يا دكتور عمر؟

رد عمر في هدوء:

- أكيد ... خيرك سابق يا ريس.

قال حسام في فيم ممتلئ:

- دايمًا نحمد ربنا على كل شيء ... منتبطرش على النعمة ...

نرضي بقدرنا واللي مكتوبلنا.

قال عمر في جدية مصطنعة بينما يحاول أن يلتقط المكرونة بشوكته

...

- ربنا يقوي إيمانك ... وإيمان المدام ... الزوج الصالح والزوجة الصالحة ربنا بيحفظهم حياتهم، ويطلعوا أجيال صالحة، والدنيا تبقى صلاح في صلاح وهداية، ربنا يحفظكم يارب.

جامله حسام قائلًا بينما تتابع عيون محمود الموقف دون الإدراك التام.

- ربنا يحفظك ... أنت راجل أخلاق.

ابتسم عمر ابتسامة عريض قبل أن يردف قائلًا في جدية مصطنعة:

- المدام بقى بسم الله ماانشاء الله عليها، هادية كده في نفسها، سماهم على وجوههم فعلاً، ربنا يحفظها لك يارب.

- آمين.

عم السكون للحظات بعدما تبادلوا الابتسامات بينهم، فجأة رن هاتف عمر، فضغط زرًا ليضعه في وضع الصامت ثم وضعه على أذنه، وبات يمثل صدمة فوجائية، قائلًا كلماتًا ارتعادية ...

- إزاي ده حصل وإمتى، طب أنا جاي حالًا.

فقال عمر في صوت مخضوض وأمسك منديلًا يمسح به فمه تنظيفًا سريعًا ...

- معلش يا أستاذ حسام أنا مضطر أمشي عندي مشكلة.

رد حسام:

-طب استنى أجي أوصلك.

مثل عمر الاستعجال ليوضح هول الأحداث.

- لا لا ربنا يخليك منا معايا العربية.

- إن شاء الله خير.

- مع السلامة يا أستاذ حسام، مع السلامة يا مدام أية، ثم انصرف

سريعًا.

فقال محمود في قلق واضح:

- أصبر طيب يا عمر فهمني يابني.
- مفيش وقت يا محمود.
- انصرف عمر ليقطع محمود غداءه ...
- معلش يا أستاذ حسام، أنا هروح بس أشوف ماله، أظمن
وراجعلك تاني.
- اتفضل.
- لحق محمود عمر بينما يفتح باب سيارته براحتيه المرتعشتان ...
- إيه اللي بيحصل ده يا عمر.
- ...
- فأمسك محمود بذراعه لإيقافه عندما كان يذلف داخلاً إلى السيارة ...
- أستنى بس فهمني هو مرات حسام هي البنت اللي بتحبها على
مراتك ولا أنا فاهم غلط؟!!
- لا فاهم صح وسبني أمشي بقى.
- طب في حاجة عندك في البيت؟!
- لا متفلقش.
- نتقابل بليل بقى
- ماشي ... هخلص مشوار في المعادي وبعد كده نتقابل في سلنترو
اللي في شارع النصر.
- خلاص قشطة على تسعة بليل تمام؟
- أوك يالا سلام.
- يشعر باختناق حجم قدرته على التنفس، يضرب على صدره طوال
مشيته المنكسرة، لعل رئتيه تنتفض بتنفس أقوى، يفتح أزرار قميصه
المحبوكه، ويفصح عن ضيق صدره قليلاً، يتذكر قبلة قد أخذها سرّاً أو
حزناً قد ارتوى به في أيامه السابقة فيسب طبيعة بشرية حقيرة، تعنفه
أفكاره ويدرك أن الحمد كان لا بد أن يملؤه، فينتهي به الأمر مملوءاً
بالحب المحلل لديه.

المكان امتلاً بدخان المدخنين، أصوات ارتطام الأكواب ببعضها قدم من المطبخ الخاص بالمكان، الإضاءة البرتقالية المنسدلة من الأسقف تدفئ القلب بعض الشيء، تلك الصورة المعلقة في أقصى الأركان كانت لفنائة جميلة تشغل الأبتسامة نصف وجهها، دعوة إلى التفاؤل والمرح، وعلي حسب الميعاد المتفق عليه، كان محمود يحتسي فنجان من القهوة ويرتشف رشفاته الحميمية العاشقة للفنجان في هدوء نفسي، حتى أنه لم يلحظ قدوم عمر إلا عندما سحب الكرسي الذي أمامه وعندما انتبه له قال:

- إيه يا بني قلفنتي عليك والله.

رد في يأس ...

- ليه يعني؟؟!

تعجب محمود قائلاً:

- إيه اللي ليه، انت شكاك كان متعصب، تقدر تقول شبه منهار ...

احكي لي احكي لي ... مش فاهم حاجة.

- أحكيك أيه بس!!!

سكت قليلاً ثم فك تحجر لسانه:

- أنا ذات نفسي مش فاهم حاجة.

- يعني إيه!!

- يعني أنا أصلاً مكنتش عارف إنها متجوزة من أساسه.

- يا ديني ... دي فشختك في أفكارك.

رقمه دون أن يتفوه بكلمة

- ...

- حوار غريب أوي.

- أنا بجد مكنتش قادر أصدق عيني.

- بجد أنا مستغرب أوي ...

- والله أنا زيك ... أنت لو شوفتها معايا وتشوف الحب والسهوكة
تقول عليا كداب.

- سبحان الله يا أخي ... لسا في بني أدمين كده!!!

ضحك عمر ضحكة حزينة قبل أن يتكلم في تعجب

- أنت عارف إني فاتحتها في موضوع الجواز؟

- وقالتك إيه؟

- قالتلي أصبر عشان ظروفني، واللي حصلي، أي هرتلة والسلام،

بجد أنا دماغي هتفرقع ... ومن ساعة ما روحت البيت نور قاعدة

تقولي مالك يا حبيبي في إيه وتزن لحد لما طلعت فيها قبل ما أنزلك.

رد محمود مشفقاً ...

- ياعم حرام عليك دي نور طيبة وبتحبك متعذبهاش معاك، كفاية

إنك كنت بتبقى معاها وعقلك في حد ثاني، يعني بدل ما تخذها في

حضنك وتعرف قيمتها تروح تتخانق معاها.

- منا متضايق ومش طايق نفسي، خلتنى مغفل وبريالة كمان.

- بص يابن الناس هقلك حاجة، أولاً أعتبر اللي أنت عشته الفترة

اللي فاتت كان لعبة، ثانيًا

قاطع عمر في غضب قائلاً:

- لعبة!!!

- منقطعش كلامي أصبر، ثانيًا أنت كمان زيها، قاعد تحب فيها

وأنت متجوز، أنا عارف إنك هتقولي أنا راجل ومحلل ليا أربعة،

بس أنت تختلف عنها في إيه، هي خاينة لمشاعرك مش كده؟!!

..وهي لو كانت اكتشفت أنك متجوز قبل منته متكشفها كانت هتقول

عليك خاين لمشاعرها، بصراحة المفروض إنك تنسى اللي حصل

وتنتبه لابنك ومراتك وخلص اعتبرها نزوة وعدت ياسيدي،

وبلاش نقول لعبة عشان متزعش

قال عمر في هم شديد:

- يمكن بس أنت متعرفش أنا حبتها أد إيه ...
 - وليكن، خلاص، أكيد مش هتعلق نفسك بواحدة خاينة.
 ... -
 - أنت يا بني تقوم من هنا على الست اللي في البيت وتبوس إيديها
 وش وظهر.
 ... -
 - وبعدين يا عمر مش دي نور اللي كنت دايمًا هتموت عليها، ولا
 البني آدم طبعه كده، يبقى هيموت على الحاجة وبعد لما يخذها ...
 بخ شكرًا
 - بقلك إيه أنا عاوز أقوم أتمشى شوية ... حاسب يالا ... مش
 طابق القعدة في الكتمة ديه.
 - خلاص أوك معنديش مانع.
 - ولو عندك مانع هقوم أتمشى أنا.
 - إهدى ياعم قايم معاك.

كان صراخه المبعوث من جوفه المريض، يحقن الدم في عروقة ويثخن
 الجرح الأليم، حبه لم يكن إحدى نزوات رجل ارتضى لذة الخيانة،
 انبعثت الصرخات خارج شفاهه قد يضحك البعض ويظن البعض
 الآخر أنه مشدوذ ثقلت عليه الدنيا فأفقدته صوابه، لا أحد يعلم ان صوته
 المنبوح خرج من داخل ثناياه وليس صوت زيح من على طرف لسانه
 إلى الهواء، عجبًا إذا وجدت عيونه تعي بنظراتها دليل المعرفة لحال
 العاشق، ترتجف أنامله ويحتضن الطيف المنبعث من نفس المواساة،
 تذرف العيون ودقًا، حاله المدون في الأوراق مكتوب بحبر طافح، يبدو
 أنه خالطه الدموع، حتى الصفحة زادت انكماش عن باقي الصفحات،
 تنهال عليه الطرائق وتخسف به الأرض حزنًا، يرفع يده لرب السماء
 طالبًا العون، يشهد على نفسه بالذنوب والآثام، صار هيكل داخله
 متصدعًا، ما من دموع تحكي عن أحزان محتشدة بداخله الكسير، فكل

ما حاول افتعاله بعد العاصفة الكمدة هو كبرياء النفس الهاوية، يصبر نفسه بزوجته، زوجته الوفية التي تتفانى في حياتها الزوجية، لتثبت إهمال زوجها المبرح، ففي بادئ الأمر حين رجوعه إلى البيت بعد يوم غادر، لم يجد نور تقبع في الحجرة المجاورة لباب الشقة كعادتها تشاهد التلفاز في انتظاره، وعندما ناداها لم تجب، ظل يبحث حتى وجدها تقطن سريرهما تمسك برواز صورة زواجهما وتتنظر فيها بعيون محتقنة بالاحمرار، عيون عقب بكاءٍ كثيف، أضرمت مشاعر عمر وما من عناق حاني حتى انسكبت الدموع من عيونه، وأطرافه تشبثت بظهرها كطفل لم يبلغ الثلاث سنوات، لاحظت ذلك، تعجبت لحاله الجديد، يمسح دموعه بأطراف أصابعه ليخفي لمع جفونه، سألته عن أسباب التغيير، لم يرد عليها إلا بقبلة نالتها في فمها بإحساس خفاق، بعدها شعر بأن حب نور يسري في أوصاله فنطق عن ما بداخل قلبه من عشق، أصبحت أميرته في ليلة هائلة يجمع شملهما الندم.

الفصل الرابع عشر

قرص الشتاء لقدميه الهاربة من تحت الغطاء جعله يستقيظ، يحاول أن يفتح عيناه المثقلتان بالنوم، أزاح النوم عن جفونه راجياً بالابتعاد عنه حتى يبتنى له تغطية كاحلة المرتجف، و في جزء من الثانية غفل عن مقصده وانتبه لزوجته التي ترتدي لوثاً مبهجاً لليلة أمس وتذكر أنه واجهها بظهره بدلاً من حضن حاني، وكعادة امرأة تزين جمالها لزوجها ثم لا يبتنه للتغيرات الطارئة على سجيته، يجعلها توهم الذل وتستنكر عشقاً، فهي من تنتظر أن يقطف من داخل قلبه نسمات كلامية تغنيها عن العالم بأسرة، بدلاً من وجه باهت يثير الجدل والسؤال، لم يسعه سوى أن يعم عليها بحبه، ربت على كتفها وأذاق رقبتها قبلات، تفيق من غفلتها وعندما شعرت بيديها التي تركز على كتفها قبلت أطراف أصابعه، لم يكن في مقدوره إلا أن يبقيها بين ذراعيه كنسج العنكبوت خيوطه على فريسته، يهمس في أذنيها بكلمات من العشق، يسمع تهدج نفسها، يشتد الشوق ويغلبه ليقبض عليها أكثر بداخله، لتنتطق بحبه في طور الصبا، كزوجين جديدين، يتبادلا عشقهما الحميمي لأول مرة، نفس اللهفة، نفس الإحساس الألماسي تنبه له حتى صعدت الشمس لمنتصف السماء، لتغرق الأرض دفناً بعدما نبش الصقيع سطحها، كانت ستنتهي كليلة رائعة لولا اتصال صباحي من رقم غير مسجل بهاتفه، فلم يستطع الرد خوفاً أن تكون الأخرى، لذا شح حبه فجأة، واندثر وراء الذكريات بعدما كان يملؤه.

يذهب إلى مياعده مع محمود مبكراً كي يحتسي فنجان قهوة ويعطي للموضوع حجمه المناسب، انتقل إلى سيارته كي يذهب للميعاد المتفق عليه بمزاجه المتقلب يدندن بكلمات من أغاني قد حفظها وأحياناً ما يغلبه السرحان، أحياناً ما يطغوا صوته على صوت كاسيت السيارة

الأهوج، يتناسى الماء، لو رآه أحد سيظن أنه في أسعد أيام حياته، فجأة باغتنه سيارة من الجهة اليمنى وأخرى من اليسرى، سيارتان سوداتان، تحملان رجلان يرتديا السواد فأخرج صاحب السيارة اليمنى مسدسًا يلحق آخره كاتم صوت، كي يسدد له رصاصة الرحمة، في تلك اللحظات ذعر عمر فزاد من سرعة سيارته، فضغط على دواسة البنزين كي يتدفق البنزين إلى الموتور ليفيق من كسله، يشد الشكمان هواءً، ترتضي السيارة المهترئة منافسة المرسيديس بجانبها، أملا في حياة أخيرة، لترتجي أن تقضي بعضًا من الكيلومترات، سائقها ينوي أن يعيش لأجل ابناً يود أن يتربى في كنفه، زوجة تنتظر وصوله إليها يوميًا، في تلك اللحظات الفاصلة، تمنى روحه ألا تغادره رغم أنه كان يلعن لحظات بقاءه حيًا، تشبثت الدموع برموشه، إمتن حزنه أمام نفسه، ولم يسع له القدر أن يمتد في الإمتنان، تركيزه على فراره، جعله بالكاد يتفادى أن يصطدم بسيارة على طريق الكورنيش أثناء محاولة هروبه، كي يواجه مصيره، ليصطدم في عمود الإنارة فأزاحه بعدما تجاوز الرصيف ونال اصطدامًا مبرحًا في السور الحديدي، حتى فقد الوعي إثر اصطدامه العنيف، لو رآه من يعرفه بهذا الدم الملطخ على جبينه، وقميصه المخضب، لأقسم بأن المنية قد نالت منه بالوعيد، لولا سيارة الأسعاف التي جاءت في الوقت المناسب وأنجده من السيارة التي رتعت من دمائه رتوعًا بعدما انطبقت مقدمتها عليه للقى حتفه في ذلك اليوم، فهناك من يوفرهم الله لكي ينتشلوا البعض من بين برائن الموت.

صوتًا أت من الخارج المجهول ...
- مش هسيبك تضيع مني، أنا بحبك يا عمر عشان خاطري فوق،
أتكلم حتي لو كلمة واحدة تظمني عليك

فتح عينيه ليجد من تمسك يده جمالاً خفاق، يعلوه شعراً حريري، عينان خضراوان، بياض الثلج، هي آية فلامس دموعها يده حين تقبيلها ليديه، فقالت بصوتٍ أجهش بكاءً ...

- أخيراً فوقت يا حبيبي.

رد عمر بصوتٍ متهدج:

- آية ... بحبك

- وأنا مقدرش أستغنى عنك، وكويس إنني اطمنت عليك، على العموم أنا لازم أمشي وهحاول أجيلك تاني أظمن عليك، الوقت أتأخر.

تمتم عمر بكلمات غير واضحة متأثراً بتعبه الراهن.

جاء المقدم المعهود ويلحقه نفس العسكري المعهود، ليستريحا أمام عمر منزلقان في كرسيان خشبيان، فيفتح العسكري دفتره المهترئ لكي يبدأ في اجتهاده، فيشعل المقدم سيجارته المرلبورو ويبدأ في شطف نفسٍ عميق، ليبدأ سعال عمر المتناوب في الصراخ ...

- أرجوك أظفي السيجارة.

- تمام.

ضغطها بغل تحت قدميه ليخفي لهيبتها تماماً.

- عامل إيه يا دكتور عمر؟

- أهوه ... زي محضرتك شايف.

- تمام ... هو الدكتور اللي متابع حالتك قالي إن حالتك مش خطر، شوية كدمات وارتجاج بس الحمد لله، واضح إنك من تاني يوم بومب.

- ربنا ببيسترها.

- أوك يا وحش، جاهز ناخذ أقوالك؟ متخفش همه كام سؤال على طول.

- أوك جاهز.
- مبدأياً كده تفكر مين له مصلحة بإنه يخلص منك؟؟
- سكت عمر للحظات ثم تابع قائلاً:
- معرفش بصراحة.
- تمام، طب أنت ليك أعداء؟ حد هددك الفترة اللي فاتت مثلاً؟
- يا باشا أنا حياتي مقفولة على بعض، مراتي وابني وصاحبني محمود معرفش حد تاني عشان أقول عليه أعداء.
- تفنكر الموضوع ده ليه علاقة بقضية الدكتوراة آية!!
- تلجج عمر قائلاً:
- لا أكيد.
- وإيه اللي أكدك.
- أنا خلاص قطعت علاقتي بالدكتوراة من فترة.
- وإيه اللي خلاك تقطع علاقتك بيها؟
- فكر للحظات قبل أن يجيب
- خلافات عادية بين أي اتنين صحاب، ومبقناش نتكلم.
- اللي هي إيه الخلافات ديه؟!
- خلافات عادية حضرتك.
- سكت قليلاً ليتابع المقدم قائلاً:
- تمام يظهر إن الموضوع شخصي جداً، بس أنا شايف إن حادثتك
- ليها علاقة بقضية الدكتوراة آية.
- مظنش ... لا ملهاش علاقة.
- مش أنت اللي تقول ليها علاقة أو ملهاش، أصل مهمتنا إننا نمسك
- أي طرف خيط يوصلنا، ممكن الطرف ده في وجهة نظر أي حد
- ملهوش لزمة، خيط مقطوع، إحنا اللي بنشوف ده في النهاية.
- ...
- امتعض المقدم ليسكن قليل ثم يتابع قائلاً:

- ممم ... بس أنا متأكد الموضوع واضح، أكيد في علاقة تربط موضوع الدكتوراة بحادثتك.
- منا قلت لحضرتك مظنش.
- يحاول المقدم المحافظة على هدوءه.
- مهو أنت كده مبتساعدناش، وأقوالك ديه مش هتفيدنا بأي حاجة.
- أنا لو كنت فاهم أو عارف كنت قلتلك.
- أصل بين حادثة الدكتوراة وحادثتك وقت قليل، أنت إيه علاقتك بالدكتوراة بالطبط؟
- تغيرت ملامح عمر للضيق ...
- قلتلك صديقة وبس.
- صديقة ... بس.
- أه بس.
- مقدرتش تلمح وشوش الناس اللي كانوا في العربيات اللي هاجمتك؟
- أنا كل اللي لمحته ... المسدس اللي كان هيقسم راسي نصين.
- عندك أي أقوال تانية ممكن تقولها، أي حاجة تضيفها.
- لا اللي أعرفه قلته.
- يظهر إنك مش عايز تساعدنا أو تساعد نفسك، طب يا أخي مش نفسك تاخذ حقك ولا إيه، على العموم لو في حاجة جديدة جدت تبقى تشرفني مكتبتي وأنا دلوقتي هاسيبك تستريح.
- قام المقدم من موضعه فأمسك مقبض الباب ثم التفت إلى عمر قائلاً:
- لو الدكتوراة بالنسبالك أكثر من صديقة ... يبقى لازم تعرف مين اللي عمل كده، أشوفك على خير.
- غادر ليزرع القلق في داخل عمر، بعدها بدقائق دخل الدكتور ليطنن على حالته ...
- إيه أخبارك يا دكتور عمر؟

- أنا الحمد لله، ممكن طلب؟

- أمرك

- مراتي هتيجي كمان شوية مش عاوز أي حد يعرف اللي حصل،
أكنا حادثة عادية، أوك.

- مفيش مشاكل، في جواب سابتهولك الأنسة اللي كانت موجودة
من شوية، تحب أجهولك ولو أني أفضل إنك متجهش نفسك في أي
حاجة دلوقتي حتي القراءة.

فكر عمر لثواني ...

- أوك خليه وأنا خارج.

جاء الطبيب في اليوم التالي حاملاً السماعه على عنقه، مستبشراً بحالته
الجيدة، فيعلو فمه العريض ابتسامه تبرز أسنانه العريضه، انحنى
ليفحص عمر في هدوء ثم قال:

- واضح إنك بقيت أحسن دلوقتي، على العموم حالتك مكنتش صعبة
من الأول متخافش، هو كان ارتجاج في المخ وراح لحاله وشوية
كدمات.

تسائلت نور في لهفة الجواب ...

- يعني الحمد لله مفيش خطر عليه؟

- لا هو أصلاً فقد شوية دم لما دماغه اتفتحت، وعنده شوية كدمات
هيفخفوا بسرعه إن شاء الله.

- إن شاء الله يا دكتور.

- بس بقى موصكيش يا مدام لما يخرج تديله العلاج في ميعاده، أو
حتى تفكره، أنتي عارفة إحنا كرجاله كل تفكيرنا في الشغل
وساعات بنهمل في صحتنا على الآخر.

- لا يادكتور متخافش.

رد عمر قائلاً في ضيق:

- يعني هخرج إمتى يا دكتور، أنا اتخنقت.
- يومين كده وهكتبك تصریح خروج، يالا أنا مضطر أمشي،
عندي شغل.
ردت نور قائلة:

- اتفضل يا دكتور.

- ماشي، سلام عليكم.

- وعليك السلام.

غادر غرفتهم لتبدأ نور مواستها الحانية.

- معلش يا ميرو يا حبيبي، إن شاء الله تبقى كويس، دنا راحت عليا
نومة، لما لقيتك اتأخرت دخلت الأوضة أريح شوية عبال متيجي،
قلقت عشرة الصبح لقيتك لسا مجتش اتخضيت ومكنتش قادرة أتلم
على أعصابي.

رد عمر بفخر ...

- متقلقيش، جوزك لسا بصحته، أسد زي منا.

- العربية طبعاً ادمرت.

- بقت مليون حنة.

قالت نور في غنج ...

- فداك مليون عربية، كده كده كنا بنفكر نغيرها ... عمر ... ممكن
أبوسك ولا هوجعك يا روجي.

مازحها عمر ...

- لا عندي كدمة في شفتي.

ضحكت نور ممازحة عمر ...

- طب خدك؟

- الاتنين بيوجعوني.

اقتحم محمود هدوء الغرفة والجو الرومانسي المنتشر عبر هواءها ...

- لا لا البرنس ... الوحش ... الجامد أوي ... يحصل فيه كده دانا
لما عرفت اللي حصل مصدقتش، بس قابلت الدكتور دلوقتي قالي
إنك بقيت كويس.

- برنس ووحش إيه بس مخلص، هو في حاجة جبنتي الأرض
غير قرأك.

- طب استنى أنا هشهد المدام.

ردت نور:

- نعم.

- بدمتك أنا عنيا مدورة؟ في مرة حالك إني قريت عليه؟

ردت نور ممازحة

- بصراحة لا.

- شوفت بقي أنت بجد ظالم، حتي وأنت عيان ظالم!!

ضحك عمر قائلاً:

- بطل الأفلام الهندي بتاعتك ديه.

- المهم أقبل مني شوية الورد دول.

- ورد ... من إمتي الإتيكيت اللي أنت فيه؟ أنا قلت هتجيب كيسي
برتقان معاك ولا حاجة.

- ليه بتكسفي قدام المدام ينفع كده!!

- شوفلك كرسي وتعالى أقعد.

- ديه آخرتها، دا أنت المفروض تشكرني، دانا مرضتتش أسيح
وأقول لحد على الخبر عشان مملكش القصر العيني بما فيهم هبة.

رد عمر في همس:

- الله يخربيتك ...

نظرت نور إلى عمر بحدة فائلة:

- مين هبة ديه؟؟

- ما تقولها يا محمود مين هبة.

قالت نور بعيون يلتهمها التساؤل ...
- مين هبة يمحمود؟؟
- دي ممرضة عادي.
- طب طالما عادي جبت سيرتها مخصوص ليه!!
فكر محمود سريعاً كي يجد ملاذاً من موقف كهذا ...
- أصلها كانت متخافقة مع عمر خناقفة كبيرة.
- مقتلش يعني يا عمر!!
- أصل ديه خناقات شغل بقى ... انا بحب لما بروح أنسى الشغل
بمشاكله وقرفه.

رد محمود:

- بسلاطاته ببابا غنوجة يعني.
- ابتمت نور ...
- مميم ماشي.
قال محمود بينما ينظر إلى نور نظرة ثقة ...
- وياستي متضايقيش نفسك عمر خد حقه وزيادة.

ولكن حينما تطأ قدميه على الأرض بعد الشفاء، يبغي أن تحمله قدماه جرياً إلى المكتب، امرأة تهتم لأمره وتسانده، يطلب منها أن تتركه فحاله ليست لتلك الدرجة المهيبية، يتماسك حتى يعاود خطواته في بطئ نسبي، تقف خلفه تخاف عليه الوقوع، نور، في حب الأمومة تجسدت وفي عشق الحبيبة تهاب، تنوي أن تنزح عنه العذاب، أو أقل الحالات تشاطره، تخفف عنه مرضه، حيثما انطلقا، توقف أمام مكتب الطبيب، طلب عمر من نور بأن تنتظره في مكانها، دلف إلى حجرة الطبيب ارتسمت على شفاهه الابتسامة، حياه ثم طلب منه الجلوس ليستريح، وفور جلوسه طلب إليه عمر بإيضاح الأمر، مد الطبيب يده إلى درج

مكتبه ساحبًا مظروفًا بداخله، قائلاً في ابتسامة هادئة ويمد يده مسلماً له ذلك المظروف:

- اتفضل يا دكتور.

رسالة من قلب صادق تعني الكثير ...
"عمر حبيبي ... أنا عارفة إنك دلوقتي بتقول عليا خاينة وكداية، بس أنا مش زي ما أنت فاكِر، ووجد أنا كنت قررت إني هبعد وأنساك زي ما أنت قررت ده وبعدت عني في وقت أنا كنت محتجالك فيه أوي، بس قبل ما أبعده، أنت لو عاوز تعرف الحقيقة، قابلني يوم ثمانية وعشرين يعني بعد أسبوع من تاريخ الرسالة في البيت بتاع إسكندرية القديم، بجد لازم تحط في دماغك حاجة واحدة بس، أنا عمري ما حبيت غيرك في حياتي"

تكررت أحر كلمات في رأسه، اتجه إلى المرحاض، يتأمل لمعان صنوبر المياه للحظات، فامتدت يده لتفصح مجالاً لمياه المواسير للهروب من أسرها، أغطس رأسه تحت موجات قطرات المياه المتساقطة، لا يلحظ شيئاً مما حوله حتى أنه استغرق عدة دقائق في هذا الوضع، فالأفكار تتزامن مع كل قطرة، حينما رفع رأسه من موضعها باتت أصابعه تتخلل خصلات شعره الناعم، ليصففها إلى الوراء، لتغرق المياه رقبتَه فيسحب الفوطة من أحضان حاملها، تصنع أزيزاً مع الماسورة الملتفة، لتذكره بذاك الكرسي، يجفف المياه عن جلده، توقف للحظات ينظر إلى وجهه في المرآة، فيجد أن جرحاً قد التصق بجبينه صار مخضباً بدمائه، فتذكر مشهداً قديماً، حتى أنه بالغ في التذكر، ولولا قطرة دماء سقطت في قعر عينه، لتجمد جسده في وقفة ذكرياته تلك لساعات أطول، لذا فر إلى المياه ليغسل عينه اليسرى، عندما رفع رأسه لكي يتأكد من تنظيف عينه، وقفت زوجته أمامه لتسأله إلى أي

وجهة قد يذهب، لم يكن سوا مدلغاً لذقنه أمام مرآة الحمام، يشغل بعضاً
من الوقت في البحث عن حجته، سرعان ما أخبرها عن مقصده فقال
في هدوء:

-هقابل محمود وهقضي اليوم معاه، مش هتأخر.

- أوك يا حبيبي.

الفصل الخامس عشر

... في البيت القديم بالإسكندرية

بعد مرور الوقت من التفكير يقف أمامها حاملاً ذهنًا مشتتًا، تتكأ على الكرسي تلبس فستان البالية الأبيض القصير، يكشف عن ساقها النحيلتان، يشهد بوجود ندبات صغيرة وبعض الأورام المتحجرة تحت جلدها، رغم هذا فإن لهما جمالاً خاص، يتضح نعمتهما دون لمسهما، ندبات مفتعلة بواسطة حقن، يتسائل هل مرت بمراحل علاجية خاصة، يتعجب من لبسها، زي البالية، مع شفافها المغطاه بلون الروج الأحمر اللامع وعيونها المكحلة ليظهر جمال لون حدقاتها، كأنها تستعد لاستعراض سوف تكشف الستائر عنه بعد قليل، شعرها المجدول في آخره وملفوف يعانق بعضه بعضًا، خصلات أخرى من شعرها تركت حرة لتغطي جبينها الأبيض، يخطو حديثاً مع نفسه يتسائل ما الحزن المرسوم على ذلك الوجه المبتسم، أين الجمال البراق الذي يضرم القلب إعجاباً من أول وهلة، وردة انقطع رحيقها وذبلت، تعرفت معنى الألم في أحداث قريبة، ذقت المشقة وطعنت في قلبها مرات عدة، أينوحت تتأملين كفيك وقدماكلي كل دقيقة، الرعشة تتحكم بمسار يديك وعندما تنوي أن ترفعها كي تمسحي جبينك تزداد رعشتك لمجهود زهيد، حتى خصلات شعرك بدت ملبدة عن ذي قبل وذلك الكحل قد يتفق مع الهالات السوداء حول عيونك، ألقى عليها السلام وبدت الدهشة تعلق وجهه فسألها:

- غريبة ... أنتي لابسه كده ليه!!؟

ابتسم وجهها بتلك الملامح المحملة بالأسى ...

- تقدر تقول برجع بالذكريات لميت سنة ورا.

نظر إليها بطرف عينه في اندهاش أثناء تجوله في أطراف المكان فهم قائلاً:

- مممم ...
- أمنية كان نفسي أحققها من وأنا طفلة، إنني أبقى أحسن راقصة بالية في العالم كله، ألف الدنيا مع فريق استعراضى، نعمل حفالات، نبهز الناس بفننا، بس مش كل حاجة بنتمناها بنلاقيها الدنيا علمتنا كده.
- ابنسم عمر لثناني ولم يكن يحمل في طياته كلمات مواساه فوجد فمه على لسانه، فابتسمت آية قائلة ...
- إيه مالك؟! -
- ممكن يكون كلامك أثر فيا.
- اقترب منها فمدت يدها المرتعشتان لتلمس أطراف أصابعه، فالتحمت كفوفهما معًا وشفاهها تحمل أرق الكلمات ...
- أنت طيب أوي يا عمر.
- أنا لازم أفهم اللي حصل ...
- هفهمك اللي حصل بس ...
- قطع كلامها سعالًا قويًا، يوحى بوعتها الصحية.
- مالك أنتي حالتك بتتأخر دايماً ... في إيه?!!!!
- أنا تعبانة أوي يا عمر ... حاسة إن مفضلش في عمري كثير.
- بدأت الدموع تحتقن قنواته الدمعية ...
- ليه بتقولى كده؟
- ابتسمت ابتسامتنا الهادئة ...
- خلاص يا عمر كل حاجة هتعرفها دلوقتي؛ هحكليك الحقيقة عشان تعرف إنى بريئة.
- وقعت كلمة بريئة على مسامعه كالصاعقة فغيرت إحساس الشفقة بداخله لشيء من الغضب فقال:
- أنا جيت هنا علشان حاجة واحدة بس ... جيت علشان بحبك بجد ... وأنا لحد دلوقتي مش قادر أستوعب اللي بتقوليه ... إيه ممكن

يكون حقيقة بعد اللي أنا شوفته، دانتي خلتيني في نص هدومي قدام حسام، أول مرة أتخط في موقف سخيف زي ده.

احتدم صراع السعال معها فجأة، تشنجت بشدة مفرطة، فقدت توازنها وتمايلت في كرسيها، قام عمر من موضعه ليحملها على ذراعيه، حتي يريحها على الفراش، كي تهدأ نوبتها، ذهب مسرعاً ليحضر كوباً من ماء الإنقاذ، وعندما حاول ان يسقيها، انتابت الرعشة عضلات وجهها، أغرقت المياه صدرها، وبانت له في حالة مزرية، أراحها حتى تنام، وعندما حاولت النطق وضع يديه على فمها طالباً منها ألا ترهق نفسها في الكلام، ولكنها أبت قائلة:

- أنا دكتورة زيي زيك، عارفة أنا حالتي عاملة إزاي، أرجوك متمنعيش إني أتكلم؛ لأن أنا عارفة إن وقتي في الدنيا بقى قليل أوي.

رد عمر بحزن:

- خلاص اتكلمي بس على مهلك ... متجهديش نفسك.

تحكي قصتها حاملة أوزارها على كتفها، وعقب الخيانة يفيض من أطرافها، قررت ألا تتوقف عن سرد آخر قصة قد يسمعها منها في صوت هادئ، وكلام بليغ مقنع، ودفئ حالم.

في يوم خريفي عاصف، يحمل ذرات التراب المدمعة للعيون، فكلما سرت يجب أن تضع يديك على عينك لتحميها من خدش الغبار، مارتينا مرافقتها تجد الصعوبة في الدفع بالكرسي إلى الأمام، حيث الكثافة الترابية تجبرها على تنظيف عيونها مراراً وتكراراً، حتى أرهقت وصارت الدموع تنتشبت بجفونها، لقد صارت آية حينئذ تسب وتلعن في حظها الذي أجبرها أن تدفع على كرسي كل تلك المسافة، ذلك بعد الظروف القهرية التي أجبرت "إدوارد" سائقها على الاعتذار لهذا اليوم لأن زوجته قد تضع حملها في مثل تلك الساعة، لم يكن لديها حق

الاعتراض والتبجح، تسكت طيلة الطريق، تنذمر بشدة بلغتها العربية، لا تفهم مارتينا سبها لحظها اللعين، مارتينا امرأة هادئة، دائماً ما تسبح في خيال من الهموم وتعنف زمانها الذي ألقاها في فقر معدوم، لا تصطنت إلى فهم أي معنى لما يقال، كل ما هو ملحوظ أن كل من حولها يحتمي بعربته ولا أحد يسير في الشارع، في تلك الدقائق توقفت سيارة أمامهما، لتوقفهما عن سيريهما، ففتح باب السيارة ونزل منها رجل يرتدي بدلة سوداء ويعلو شفتيه ابتسامة مشرقة ...
فتقدم إلى آية قائلاً بهدوء:

- أنا سمعتك قاعدة تتخانقي مع نفسك فوقفت.

غلبت الدهشة كل ملامح وجهها الغاضبة فقالت:

- إيه ده أنت مصري؟!!!

- أه أنا مصري، أنا حسام سعيد.

- أهلاً بيك وأنا آية.

- ممكن تتفضلي معايا بدل الشقى اللي أنتو فيه ده.

شاورت بالسبابة اليمني ...

-لا إحنا كنا هنوصل لل bus station اللي على أول الشارع،

هنركب من هناك، ميرسي أوي.

-لا ليه المصريين لبعضيهم، مينفعش ... اتفضلي اركبي معايا،

مفيش مشكلة.

لم ترفض آية عرض حسام فقد اعتبرته جاء من السماء ليخلصها من شقاء الغبار ذاك، فعلى الفور حملت "مارتينا" خفيفة الوزن، وأدخلتها إلى السيارة، تبين على وجه آية الارتياح، لكنها لامت نفسها بعدما تبين فضول حسام الشديد وثرثرته الباهته طوال الطريق، فقد داوم الكلام كل دقيقة بطريقة متزامنة كأنه يتكلم على حسب دقائق الساعة التي ينظر إليها في معصمه، لاحظت أنه يفصل بين سؤال وآخر حوالي عشر

ثواني، حتى أسئلته صارت رتيبة وأحياناً ما كانت تتجاوز تعارف أول مرة ...

- وأنتي بقي عايشة هنا بقالك كثير؟

- أه.

- من أد إيه.

- لا من وأنا صغيرة.

- منفسكيش ترجعي مصر؟

- أكيد طبعاً.

يتكلم بثقة ...

- وطبعاً المشكلة في الشغل اللي بيخلينا نفضل هنا ... أنتي بتشتغلي

إيه؟

- في جامعة كامبردج.

ابتسم قائلاً

- أنا بقولك بتشتغلي إيه مش فين ...

- دكتورة في جامعة كامبردج.

لم تبتسم آية طوال الطريق لتتابع بوجهها العابس، فحاول حسام تغيير

ملاحها ...

- واو ... رائع بجد، طيب ممكن أسأل سؤال سخيف شوية؟

- اتفضل.

- مرتبطة؟

سؤالاً يسبق أوانه بشهور ...

- لا ومبفكرش الأيام ديه.

- ليه واحدة جميلة زيك متفكرش في حاجة زي كده!!؟

تحاول خلق الابتسامة بلا جدوى

- في حاجات أهم بالنسبالي.

- أممم.

توالى الحوار وبعد مغادرته تربت اللفظة في فؤاده، فقد تربص خروجها دائماً من عملها، حيث انزلاق العجلات له أصداء تشغل الانتباه، مرة أخرى يطلب من سائقه الاقتراب كي يطرح عروضه بالتوصيل، وعندما اقترب أنزل زجاج سيارته أطل بجبينه إلى خارج النافذة، وعندما أثار انتباهها ونظرت إلى عيونه المشغفة، تغيرت قسماً وجهه وبدا عليه اللفظة، لاحظت آية ذلك ولكنها أضافت البسمة إلى تعابير وجهها مجاملة له، فهي لا تهيم له هائمة واحدة أو تطبيق كلماته، هي من لديها عقلاً نابيه وذوقاً محسوس، لا تفني أوقاتها سفاهة فلديها حلماً واضح المعالم، دروباً تلوح أمامها لوحاً، لذا الفرحة احتكمت عضلات وجهها حينما علمت أنه جاء حاملاً إليها دعوة قابلة للرفض بحجة دليوية ...

- ها تيجي أوصلك؟؟

- ربنا يخليك بس أنا معايا السواق ... أهوه.

رفعت يدها الضعيفة مشيرة إلى السيارة المركونة بجانب سور الجامعة في انتظارها، يقف على بابها السائق الذي يحجز لها الباب مفتوح، حينئذ بدا الامتعاض يسكنه فطلب إليها أن ترافقه العشاء اليوم، ووقع الطلب على مسامعها وقوع الصاعقة، فإنها أول وهلة لها تسمع تلك الكلمات من رجل ...

- امم طب إيه رأيك نتعشى سوا بليل!؟

سكنت آية لثواني ...

- مش عارفة.

- وراكي حاجة؟

- لا بس ...

قاطعها قائلاً:

- مفيش بس.

تطلب منه طلب غير مألوف:

- خلاص قول لبابا ولو وافق هاجي معاك.

يواجه طلبها بشيء من البساطة ...

- أوك معنديش مانع، هعدي عليه كمان شوية، أخلص كام مشوار بس.

تقف أمام المرأة وتظعن الدموع من عيونها، تجففها كي تبدأ في وضع كحلها الأسود لتحدد خضار عيونها، تنظر إلى عيونها بعد إضافة الإطار الأسود لهما، تتذكر كم لوثهما الكحل حين بكاء، كم من الوقت قد احتجزها الزمن، قرار فك أسرها تحكمت هي فيه وقرار جثوها امام أجزائها كان استسلام، جن جنونها اليوم في الموافقة على المرافقة، ضميرها اليوم لم يمسه الاستحياء قدر أنملة، حتى أنها قد رافقت المرأة لأكثر من ساعتين دون دراية، تجولها بالذكريات جعلها تلتخ شفاهها بأحمر الشفاه، عندما استفاقت تجاوزت مع ضحكات الهستيرية في جنون وحالة سيكولوجية غير منضبطة، يعقبها دموع تختلط بكحلها لتعاود فض زينتها من جديد، وبكل حرص تهون على نفسها وترسم كحلها في عيونها برفق، تضع أحمر الشفاه الذي ينادي فستانها الأحمر، تطلب من مارتينا لتساعدتها كي تسلم على أبيها قبل الذهاب، كان يلبس نظارة القراءة التي تستقر على آخر أنفه، منهمك مع الكلمات المرسومة على ذلك الورق الجرائدي الرديء، بجانبه فجان قهوة شرب معظمه، أبقى الباقي يزوره بعضًا من النسومات اللطيفة فتبرده، انقطع انسجامه مع صوت كرسي ابنته، لفت نظره ما كان بجديد، فنظر إليها نظرة اعتلت النظارة التي أزيحت إلى مقدمة أنفه بفعل الجاذبية الأرضية، ثم ابتسم إليها ابتسامة انبهارية تستخلص مدا إعجابه بابنته، فقال مندهشًا مازحًا:

- أنتي مين؟

ضحكت أية فقالت:

- أنا حبيبتك.
- لا لا مش أنتي ... هو في شبه بس.
- ردت ممازحة:
- أول مرة تشوفني كده ... أنا عارفة الصدمة كبيرة عليك.
- أقبل عليها فأمسك يدها وقبلها في حب، وارتسمت الدموع عيونه ولكنه حبسها كي لا يجرحها في يومها هذا.
- بحبك أوي يابنتي ... خلي بالك من نفسك.
- متخافش على بنتك أنا عارفة شخصية اللي قدامي كويس.
- منا موافقتش إلا لما جالي وطلب ياخذ الإذن ... شكلي هشوفك عروسة قبل ما أموت.
- بعد الشر عليك يا بابا يا حبيبي.
- ابتسم قائلاً ولمحاً لشيء تفهمه أي فتاة في مثل سنها ...
- أنا حاسه بني آدم كويس وناوي خير.
- حاضر يا بابا.

الفصل السادس عشر

كن حاملاً للبسمة مهما كانت الظروف، كمثلها عندما تلاقي أول ميعاد طرق باب دنيتها، فإن ملازمتها لكرسيها أن ذاك بدا كسراب قد تعمق ظهوره في يوم اشتدت فيه الحرارة على طريق ممهد، تلمح عيونها عزافي الموسيقى الذين يربضون خلف المرأة التي تغني أغاني الجاز الهادئة، تتراقص وتميل أمام المايك الطويل الذي نال معظم طولها، وعلى اليمين واليسار تستقر المقاعد والمنضدات لتتصنت على الأغاني اليومية، الإضاءة في المكان كانت هادئة ينبض القلب إثرها، ولكنها هي من حملت أمانى بأن تقضي يوماً ممتعاً وأن تسمح لقلبها في الخطو للخارج، في مواجهة الحب والتريث للقررات، بدت الجميلة في زيها الأحمر القصير، بعيد المنال عن كاحلها، يظهر رشاقة جسدها النحيل، جسدها البراق، عاتقها الذي غطى نوره على ضوء المكان، خصلات شعرها الداكنة والممشوقة على ظهرها، جمالها في تلك الليلة يجعل كل من يراها يشهد، فهي من التقطت أنظار من حولها كنجمة سينمائية ترقبها الحضور، حسام الذي بدا في حسن الطلعة، حيث البدلة السوداء والكرفتة التي تحسن الحكمة، بدت وسامتى في لقاءها، اقتربت منه فتقدم إليها وانحنى ظهره بزواية قائمة كي يقبل يدها ترحيباً وإجلالاً لأميرته، حينئذ شعر بارتعاشة أصابعها في باطن كفه، فاستنتج بأنه الخجل الذي يعانق وجنتيها بحمرته، نظر لعيونها لوهلات ثم قال في صوت هادئ

...

- لالا مش أنتي اللي قابلتها الصبح النهاردة ... أنتي دلوقتي أميرة
المكان كله.

أثار كلامه الحمرة الوردية التي لم تغادر وجنتيها..

- ميرسي.

- صدقيني مش مجاملة.

قابليته بابتسامة مرضية، يشغل بالها بعض هوس جنانها، تقابل شخصاً لا تطيقه بالأمس واليوم تخرج معه للعشاء، هذا لم يكن منطقي البيتة، قاطع تفكيرها قائلاً:

- على فكرة أنا مبسوط إنك معايا النهاردة.
قدم الجارسون إليهم متسائلاً عن الطلبات، فسألها حسام قائلاً:

- my queen تطلب إيه؟
- بصراحة أنا مش جعانة أوي دلوقتي.
- وأنا كمان على فكرة ... أنا هطلب wine أتسلى فيه عبال ما نجوع تحبي تاخدي معايا؟
تغيرت معالم ارتياح ملامحها ...

- لا مبشربش أي خمور على فكرة، ممكن أطلب orange juice
- جميل ... خلاص واحد vodka وواحد orange juice
- أنت متعود تشرب؟!
- أنا متعود أشرب في ثلاث حالات بس ...

فأشار بيده بثلاث أصابع، الوسطى والبنصر والخنصر ليتابع قائلاً في فخر:

- أول حالة لما يكون متضايق أوي ومخنوق، ثاني حالة لما بحتفل أنا وأصحابي بأي مناسبة حلوة يعني مثلاً لما بنكون حققنا target معين في الشركة، وآخر حالة لما يكون مع بنت جميلة زيك.
- بس أنا دكتورة وعارفة أضرارها.
- أنا مش مدمن، بس ممكن طبيعة المكان والجو العام بتشجعني إنني أشرب.

- أها.
- شكلك مش عاجبك كلامي.

- لا ... مش كده ... في الأول وفي الآخر حرية شخصية.
قاطعهم الجارسون محضراً طلباتهم.

- لما كنا مع بعض في العربية سألتك أنتي مرتبطة، قولتيلي في حاجات أهم، إيه اللي ممكن يكون أهم للبننت من إنها تكون أسرة ويبقى عندها أولاد تربيههم.
- أنا بالنسبالي فيه حاجات أهم في الوقت الحالي ... لازم تخلص ... ساعتها هتفرغ للحياة الأسرية.
- الحاجات ديه اللي هي إيه؟؟
- قالت بلطف كي لا تخرجه ...
- يعني ... حاجات شخصية.
- دائماً يسأل ويبتغي الإجابة دون جدوى
- ممكن تعتبرينا FRIENDS وتقوليلي.
- ابتسمت آية قائلة في استحياء ...
- لسا مخدناش على بعض ... يعني ...
- قاطعها قائلاً
- فاهم فاهم، المهم في سؤال بس خايف أسأله.
- لا اتفضل.
- تكلم بصوت هادئ في سؤاله ...
- أنتي إزاي بقيتي كده؟
- دائماً تبتغي الإجابة القصيرة ولا تستطرد للأحداث وصفاً
- حادثة من وأنا كان عندي حوالي أربعناشر سنة.
- شرد ذهنها فقاطعها ...
- إيه روحتي فين؟
- معاك.
- عارف إننا لسا منعرفش بعض كويس ومخدناش على بعض زي ما قولتلي.
- الموضوع ده هيجي مع الوقت.

ترتبك لمقابلتها الأولى معه، تقف حائرة أمام عاطفته وقلبه الملتاع ولهفته المستعرة، وعلى حسب كونها أول مرة تلاقي أحدهم في ميعاد عشاء، كان كلامها محكوم خشية وضوح ارتباكها، وأغلب الوقت تنظر إلى الطبق المسطح أمامها، حتى طريقة أكلها لم تكن تلك الرتيبة، لقد سادها البطئ المتحكم في جذور أعصابها، اعتمادها الأساسي في الشوكة والسكين في جميع مأكولاتها، فإنك عندما تلاحظها أو تراقبها تجد اللحم المشوي ينجو من اندثار الشوكة بداخله في كثير من المرات، لارتباكة واضحة على أناملها الضعيفة، فيلاحقها بنظراته ويهديها حسًا مرهفًا بجو من الغموض، وكلمات دافئة تجني من قلبها بعض المشاعر، ارتشف من كأسه قائلاً:

- قوليلي عمرك حبيتي قبل كده؟

- لأ.

- خالص؟؟؟!!

- وأنا صغيرة بس ... أكيد كان حب مرافقة.

- ممم ... مستغرب بجد.

ابتسمت آية قائلة:

- لا أنا بس طول الوقت مشغولة.

- بس أكيد في كثير حاولوا يقربوا من الجمال اللي قصادي ده.

أحمرت وجنتيها ونالت الحمرة أنفها، وضحكت ربع ضحكة مع ابتسامة خافتة ليتابع حسام هجومه الكاسح ...

- عارفة ليه أنا متأكد من كده؟

- ...!

- أنا ذات نفسي اتسحرت برقتك وجمالك من أول مرة شوفتك فيها،

ده اللي خلاني أقرب منك، عيونك الجذابة وابتسامتك الرقيقة همة مفتاح جمالك.

لم يكن في مقدورها إلا أن تركز في طبقها المنبسط على طاولتهما، مع الإطاحة بابتسامة هادئة للكلام الجميل، وبحثت في طياتها عن سؤال قد ينهي جو الإعجاب.

- قولي أنت بتشتغل إيه؟

- تقدري تقولي رجل أعمال على مهندس.

- يعني إيه؟

- أنا عندي مصنع لإنتاج آلات الرفع والجر كنت ورثته من أمي الإنجليزية ... وأنا في الأصل مهندس، بس ليا طبعًا في التسويق والإدارة والكلام ده بحكم إن المصنع بتاعي. بدا الذهول يكسو ملامحها، وبدا الشغف يحمق عيونها.

- رائع ... طب أفرض أنا عاوزة أعمل آلة معينة تقدر تصنعها؟

- يعني إيه؟

- يعني لو طلبت إنني أصنع آلة بمواصفات خاصة هتقدر تساعدني؟

- أه ... وعلى حسب برضو

- هي آلة بسيطة بس محتاجة أوريك الديزاين بتاعها، أنا كنت رسماها كروكي كده، بس للأسف الرسمة في البيت.

- خلاص لما أقابلك تاني تبقي وريني وأنا تحت أمرك.

أبيها ينتظرها على نفس حالته قبل الذهاب، ما زال فنجان القهوة يرافقه بجواره، والجريدة لم تغادر راحتيه، فابتسم الأب ابتسامة الحب الحانية، ثم قال في هدوء بصوت مأمول ...

- شكلك بيقول خير ...

- أيوة خير أووي يا بابا.

- ها أحكي لي.

- تقدر تقول جالي من السما.

- طب تمام يعني هشوفك عروسة قريب.

تغيرت ملامح آية قائلة:

- عروسة ... لا مش قصدي على كده.
- أو مال؟
- لا ده حوار تبع الشغل وهو هيساعدني فيه.
- ممم ... ربنا يوفك يا بنتي، المهم أحكي اللي حصل.
- تطير من الفرحة لسبب ما يسكن في ذهنها.
- رغم إنني مكنتش طايقاه في الأول بس حسيته إنه إنسان لطيف ...
- وتقدر تقول إنه ذكي وأخلاقه كويسة، بس كل ده ميهمنيش.
- او مال إيه اللي يهملك؟
- لا حاجة كده في بالي.
- يعني هتقولي لبابا على اللي في بالك؟
- هو بابا حبيبي وعمري ما بخبي عنه حاجة ... تقدر تقول إنها مفاجأة.

لقد تم عقد القران في النهاية بعد طول تفكير، دخلت بقدمها اليمنى إلى الفيلا الفسيحة، الأضواء كانت هادئة بفعل فاعل، الحوائط مختلفة الألوان والديكور مختلف وغير متداول، حتى النجف لم يكن نجفًا كريستاليًا لقد كان أشبه بذلك النجف الموجود في الحانات، الصالون أتخم بكثير من قطع الأثاث بشكل غير منتظم، حتى ألوان كسوة الأثاث تختلف عن بعضها البعض، فهناك الأحمر والأخضر والأزرق والأصفر كذلك وسائد الأثاث نفس النمط، وفي الحائط العريض خلف الكنبه تواجد برواز كبير يبلغ طوله أمتارًا وبه صورة لحسام بينما يحمل بندقية ويحاول صيد فريسته من السماء وسط غابات كثيفة الأشجار، حمل العروس وصعد بها إلى الدور العلوي عبر سلم خشبي له أزيز، وحتى وصلا إلى الغرفة ذات الإضاءة الخافتة، لاحظت تلك الملائات البنية التي تتناسب مع لون الحوائط الكاكاوي، لون أخشاب

السرير البني المحروق ويظهر تعرقات مفصلة عبر امتداده، وبجانب السرير كومودينو اراد أن يحمل زجاجة الخمر التي تتلأأ بفعل الإضاءة الخافتة، وفي مقابل الباب توارت شرفة خلف ستار بني داكن، أراح ظهرها على السرير، وقبل أن يخطو فمها بأدى كلمة، كان يتفجر من عيونه شهوة تنبثق من جميع حواسه، أغلق الباب عليهم، ليخلو إلى حلاله الرغيد، امتدت يديه فوراً إلى جسدها دون سابق إنذار، ارتعد جسدها وتحكم في نفسها الرعب، كان عليها أن توقفه بعدما طلبت منه ذلك هدأت قشعريرة بدنها التي انسابت من رقبتها حتى أطرافها، تمننت أن يقضي على تلك الأنفس الشاغرة، والقلوب الوهنة التي تحكم فيها الشبق ورتعت من الإحساس الرخيص بحور، لديه أنفاساً مخمورة، تعرفت إلى ذلك حينما حاول تقبيلها ...

- أنت شارب يا حسام صح؟؟

تناوب في تقبيلها ...

- يا حسام إحنا اتفقنا إن خلاص مفيش شرب؟

- مش قلتك إن في تلت حالات بشرب فيهم، دي حالة منهم، صح

ولا أنا غلطان!! وأنتي بصراحة جميلة أوي النهاردة.

ابتغى عنفاً في أول وهلات وحدثهم، حتى باتت يديه تنحس كل منطقة في جسدها، اعتبرها أداة يرضي بها ملذاته في غسق الليل، دون سابق كلمات، الشبق من تحكم في أفعاله حتى نال من دموعها نصيب ولم ينتبه، لا تستطيع المقاومة أو البعد عنه فقد كان ثقيلاً على ذراعها النحيلتين، خصوصاً في وقت انغماسه في تقبيلها، يقطن بجانبه زجاجة الخمر الذي اعتاد شرابها في أوقات نعاسه، تردخ يداه لجذبها ورفعها ليشرب فاهه القليل ثم يعاود افتراس زوجته بطرق العبودية، لقد ظنت أن تغفو غفوات فوق تلال الحب الكثيف، غريزته الحيوانية جردتها من ملابسها، فأسكب الخمر على فخذيها، بعدما أغرق عاتقها ومر مروراً على باقي جسدها العاري وانتحل يد الثائر بشهوته ليعم بفيض كثيف

عليها، تمدد لسانه للخارج كي يتذوق الخمر بعدما لمس جلدھا، طريقته جعلتها تنن بكاءً، المشكلة لديها ليس في طريقة المعاشرة أكثر من الاستهلال، فماذا عن كلام عشق قد كان يتقوه به مراراً، طفح الكيل حول جموح شهوته، تدفع ثمن قسوته عليها وآلام المعاشرة التي نالت هي منها طيلة الدجى، لقد أرهقت إرهاقاً شديداً حتى نالت من النوم الهزيمة.

في إحدى الأيام قدم حسام على وجهه الاستهلال بالتبشير، أخبرها أن اليوم قد أتم صنع الآلة وهي الآن في سيارة النقل ويقوم بإحضارها العمال، لم تكن الفرحة بأمر زهيد لا يمكن وصفه، بل ملأها السرور بشكل مبالغ فيه، لولا ما بها لأنحنت لرب السماء أرضاً، للتضرع إليه، شاكرة وارفة، تحمد ولا تتبطر، إنه أول الطريق، نظرتها المعبرة والمملوءة بالأمل تشعر من حولها بأن هنالك من لديه سعي لكي يقتل شعوراً رديم، فلمعان معدن الآلة لم يكن أشد بريقاً من لمعان عيونها، تشاهد العمال يرفعون هدفها على عواتقهم، ويسيرونها في خطى ثابتة، حتى وصلوا إلى الدور العلوي من الفيلا، حينئذ طلبت إلى مارتينا أن تلحقها حيث يقطن الجهاز الجديد، في ذلك الوقت طلبت إلى حسام بأن يتركها وحدها كي تختلي بآلاتها الجديدة، رافقتها مارتينا تلك الخلوة، شغف التجربة يباغتها، جربت كل ذر في الجهاز وأعدت كل المقاييس المبدئية، ولم تكن الآلة معقدة، فهي عبارة عن مقعد ومسند للظهر وثلاث مستودعات صغيرة لوضع الحقن متصل كل مستودع بذراع، تلك الأذرع يمكنها التحرك للأمام وإلى الخلف وإلى أعلى وأسفل على حسب وضع ذراع التحكم القريب من يد آية، ومسند الظهر له قابلية للانحناء حتى زاوية حادة ليقفوس ظهر المريض، ذلك المسند متصل بمقعد المريض وبه فتحة طولية يكشف منها ظهر المريض المسنود كي تتم عملية الحقن، تنشوق لتجربتها واللهفة تضرم أحشائها، لقد كان

خوف وهلتها الأولى يتطلب الجراءة، أخيراً تطلب من مارتينا أن تخلع لها ملابسها التي ترتديها لتبقيها شبه عارية، حملتها إلى الجهاز كما طلبت، ربطت أقدامها وساقها ووسطها بالأغلال المتدلية من الحامل بإحكام ووضعت الحقن في مكانها الصحيح، وهناك موتور يحرك الأذرع ومستودع الحقن، وموتور يرفع المقعد ومسند الظهر ليرتفع جسدها العلوي معه، كي تتفوس ويظهر الفرق بين فقرات ظهرها، كي يلقي حبلها الشوكي، ترتعد خوفاً ولكنها باتت تقبض عضلاتها ثم تبسطها سريعاً، طلبت من مارتينا أن تصنع ثلاث علامات بقلم أسود على ظهرها تلك العلامات اختارتها في ثلاث مواضع بعدما تلمست ظهرها بأصابعها، أول موضع هو قرب الرقبة، ثاني موضع كان في منتصف الظهر، ثالث موضع كان قرابة نهاية ظهرها أي قرابة الجزء المصاب من حبلها الشوكي، مع مراعاة أن تلك الحقن سوف تستقر بين فوارق عظام العمود الفقري أي في مكان وضع العلامات، وبمساعدة مارتينا تم وضع المقاييس الصحيحة لفعل تلك التجربة الجديدة، تلك المقاييس التي يبرمج عليها الجهاز لباقي التجارب المتبقية كي ينتهي لها فعلها بمفردها دون مساعدة من أحد، حتى بدأت الحقن في اختراق جلدها كرماحاً مسنونة اخترقت أحشاء مقاتلٍ روماني، وعندما تفوقت تلك الحقن في الوصول إلى الحبل الشوكي، ضغطت زر التلقيح الأحمر اللامع في نهاية زراع التحكم، ليفرغ ماتحويه الحقن من عقار، لقد كان ألماً صارخاً، تبوأ في أوصالها وحتم عليها الصراخ بأعلى صوت وإذا كنت تقف أمامها لشاهدت اللوزتان يقبعان عمق فمها يرتعشان، انتهى الحقن، أوقفت تلك اللعنة المقبضة، العرق يلتحم بجميع أطرافها المختلجة، الرعشة المفرطة انسابت كل عضلات جسدها، صرخت مارتينا بنداء استغاثة، ركض حسام مسرعاً إلى الهاتف كي يطلب طبيباً، بعدها بلحظات أعشي عليها بعد اهتياج جامح، أسرع مارتينا في رعب وأحضرت عطراً فواحاً كي تخلطه بأنفاسها استفاقت آية

طالبة منها بأن تلبسها ملابسها وتنقلها إلى سريرها، أجابت طلبها وأحضرت مائة وقطعة قماش قطنية وبللتها لتزيل العرق عن وجهها وتمنع الحرارة متعة الالتحام بجبينها، حينئذ استفاقت آية قائلة في صوت ضعيف ...

- مارتينا هو حسام فين؟؟

- راح يطلبك دكتور.

- متقلقوش عليا ده كده عادي ... قوليله ميحبش حد.

- عادي إزاي ده كان كل جسمك بيترعش!!!

سمع حسام صوت آية فالتحقت السرعة بقدميه ليطل لها بشوق وقلق في آن واحد، وعندما دخل عليها حجرتها وجد الابتسامة تحكمت في ملامح وجهها البريء، اطمأن لثواني فذهب إليها وضم كتفها إلى كفوفه متسائلاً عن حالتها ...

- أنا كويسة متقلقش وقول للدكتور اللي كلمته ميحبش ... متخافش عليا.

- أو مال إيه اللي حصل ده؟

ردت بصوت مبجوح:

-لا ده دي حاجة طبيعية.

- أنتي متأكدة من اللي بتعمليه؟

- أه وأسه في جلسات، متقلقش بقي.

قالتها بابتسامة مرضية.

- أنا خايف عليكي.

- لا متخافش عليا أنا كويسة وأكد أن مش هضر نفسي.

- ماشي على العموم كنت عاوز أقولك على موضوع كده ...

- قول عادي أنا كويسة دلوقتي.

- عاوزين ننزل يومين مصر بما إنك في إجازة.

- أو ك بس أستنى متحجزش تذاكر ... هقول لبابا الأول.

عنفها حسام قائلاً:

- بابا ... إيه يا هانم أنا جوزك يعني إيه أستنى هقول لبابا ديه؟!
أنتي على فكرة بتكرري الموضوع ده كثير، وأنتي عارفة إن
خلاص بباكي ملوش حكم عليكي بعد لما بقيتي في بيت جوزك.

تلومه قائلة:

- عادي يا حسام أنت عارف إن بابا بقى لواحد دلوقتي، ممكن
يكون محتاج مني حاجة فساعتها نأجل سافرنا ... الدنيا مش هطير،
أنا مش رافضة الفكرة بس زي ما فهمتك.
العند أحد وسائله لمعاملتها ...

- بس كده كده هننزل إن شاء الله، مش مشكلتي.

تتعجب قائلة:

- أنا مش فاهمة أنت اضايقت كده ليه؟!!

- أصل بكره الحوار ده فيكي.

- لا أنت بتقلب ساعات فجأة.

- أه أنا مجنون!!

ترد في خنق ...

- أوف يا حسام في إيه ... حرام عليك أنا تعبانة؟

- المهم خلي مارتينا تحضرلك الشنط وأنا هروح أحجز تذاكر
الطيران.

- طب من غير ما أقول لبابا حتي!!

- عندك تليفون كلميه عليه.

- حاضر ... طب هقله هنسافر إمتى.

- بكرة.

ترد في ضيق لتكاد الدموع أن تخطلت بدموعها ...

- إشمعنا المرة ديه مستعجل؟!!

تكلم بعنظرة ...

- مزاجي كده.
- تضايقت للتسائل من جديد ...
- في إيه يا حسام بجد مش فاهمك؟!!!
- يتكلم ببرود ...
- أنا نازل بقى عاوزة حاجة؟
- لا شكرًا.

الفصل السابع عشر

... حفلة ما بعد العودة إلى مصر

حفلة يدعو حسام فيها أصدقائه كي يسعد بصحبتهم، فلقد قضى معظم حياته بعيداً عنهم، وقتها طلبت إلى مارتينا أن تصحبها في رحلة تجولية لتختار فستاناً يشرف زوجها أمام أصدقائه، فهي لم تعهد إلى تلك الصحبة الكثيفة، وفي أول النهار أثناء مكوثها في الشرفة حيث تستمتع بنسيم الصباح، شاهدت صناديق كرتونية تحمل رمزاً معيناً يحملها عمال إلى داخل المخزن، طاف فضولها يحلق أمامها، وعند سكون الليل طلبت إلى مارتينا أن تنزلها إلى المخزن كي تستكشف ما بداخل تلك الصناديق، تهبط إلى المخزن ولا يتشفى القلق من ملامحها الصغيرة، وصلت إلى عمق المخزن، فضولها دفعها لفتح الصناديق دون أن ترى ما هو مكتوب عليها، قتلاًآت تلك الزجاجات الخضراء مع النور المنسدل من المصباح، يبدو أنها خمور لذة للشاربين، تباينت الرموز على الصناديق ولكنها لم تفتح الباقي، فاستنبتت أن الباقي نوعاً آخر من الخمور، وفي تلك اللحظات قدم حسام بعد اكتشافه لمتسلل إلى الداخل، وجهه تحكم فيه الغضب، فقال في نبرة حادة:

- أنتي إيه اللي دخلك هنا؟!!

قالت بصوت مخضوض ...

- عادي، حبيت أعرف إيه اللي هنا.

- وعرفتي صح، والأسطوانة المشروخة هتفتح تاني.

- مش فاهماك!!

قال في عند ...

- يعني أنا مش هبطل شرب، وأنتي عارفه إني بشرب تسلية مش

أكثر وعارفة برضو إن أنا مش مدمن ... صح؟

تتحدث إليه في هدوء ...

- ولزمته إيه الشرب يا حسام.

- مش هقول نفس الكلام اللي بقوله ميت مرة ...
- أنا بقى دكتورة وقتلك كثير قبل كده إني عارفة أضرار الهباب ده.
- ماشي يا ست الدكتورة بس اللي مخدتهوش في الطب إن ده علاج
لده، وأشار إلى رأسه بأصبع السبابة.
- وبيموت ده ... وأشارت إلى قلبها.
- بصي أنا خلاص بجد مش ناقصك.
- يعني إيه يا حسام؟!
- يعني أنا بجد محدش حاسس بيا، يا صاحبة المثل العليا.
تكلمت بصوت لطيف ...
- أنا مراتك يا حسام ولازم أبقى جنبك ... فهمني مالك بدل الشرب
والقرف ده ...
رد في استهزاء:

- جنبي ... أنتي تعرفي إيه عني؟ خليكي في اختراعاتك ولا
هتوصلي لحاجة ... متخلفة.
امتعضت كثيرًا فلا تعتاد على الإهانة فهي الملكة في بيت أبيها.
- شكرًا ... على العموم ... أعمل اللي أنت عاوزه.
انصرفت تحت ضوء الطاغية، وينظر لها هو نظرة مغالاة في الظلم،
وتشنت ذهنه كثيرًا حتى وقت الحفلة الذي شارف على البداية.

في السابعة مساءً تنافست الأضواء في إبداء لونها على الأرض،
وتشحمت الردهة بالزينة المتألأة، بعض فروع الشجر انحنى لتستقي
بالنظر إلى ما بداخل الحفل، وكل من في الحفل لا ينكر جمال نغمات
البيانو التي يعزفها هذا الملحن الرائع، كثيف الشعر، يلتحم بذقنه لحية
سوداء داكنة، ويرتدي بدلة سوداء وببيبونة، وجهة فنان، تنتسل تلك
النغمات في خفة إلى الدور الثاني لتناشد أذني آية اللتان اصتنطنا إلى
روعة ما يبدو، فرسم خيالها رقصة بالية تؤديها على تلك الألحان

الهادئة، للحظات جالت في شوق رهيب، وأضرم في خاطرها الحزن المهين، تشبثت أظافرها بساقيها، حتى جرحت ساقيها جرحًا هين، احتفت الدموع بداخل عروق عيونها، فتهافت تلك النفس الباكية من نعمة حانية، دخلت مارتينا غرفتها احتملت وبددت الدموع، لتخضع وتخدع نفسها بالسعادة، تمنّت أن يرافقها حسام تلك اللحظة حتى تنهي تحضيراتها ليحتضن ما بداخلها من معاني ويمدح جمالها المثقل لتلك الليلة، قرر المكوث مع أصدقائه ليضايقهم، ويزيل ريبة الابتعاد والسفر، وأصدقائه يلبون نداءه بالضحكات وحسن الصحبة، كان اللقاء ممجدًا، حيث تعالت الضحكات، ولكن هنالك ما أزعج حسام في بعض الكلمات أثناء تناوبهم على البار حيث شربهم المتداول للكؤوس، ف

"وجدي" سأله في فضول،

- حسام سمعت إنك اتجوزت يا برنس!!

- أه اتجوزت.

غمز وجدي بعينه اليسري

- أكيد زي القمر ... طول عمري عارف ذوقك.

خالط حسام الخوف وارتعد، فأصدقائه في أيام صباه يدركون اختيارته الأنثوية، واليوم سوف يقدم فتاة مهما كان جمالها فقد غدى في عقله أن كرسياً يزهق كل جمالها مهما كانت فننتها، وهذا أدعى إلى السكوت، فباغته أحد أصدقائه في القول:

- أو مال هي فين؟

فكر حسام لبرهة من الوقت فقال متلجلجًا:

- نايمة ... أصلها تعبانة.

رد وجدي مستفسرًا

- لا ألف سلامة ... إيه مالها؟

- عندها نزلة برد جامدة.

- يعني مش هنتورنا النهاردة؟!

- للأسف لأ ... مع إن نفسها تتعرف عليك بعد لما حكيتلها عنك،
على العموم ثواني هطلع أشوفها دلوقتي يمكن تقدر تنزل.
- لا متضغطش عليها لو لسا تعبانة.
- هشوفها وراجعلك.

انطلق حسام صوب آية التي تضع آخر زينتها أمام المرأة، وعندما
أردف إلى الغرفة، وجدها تزين شفاها في ابتسامة خافتة تكلل فستانها
اللامع القصير، وعندما لاحظته التفتت إليه قائلة:
- أنا جهزت يا حبيبي.

- مش هينفع تنزلي، جملة وقوع الصاعقة على أذنيها ...
- ليه؟!!

- يعني ... مش هنتبسطي بالجو.

- يعني إيه مش فاهمة؟!!

- جو كده كله بيبرا وخمور، وأنتي دكتورة وجو زي ده مش مناسب.
سكنت قليلاً ثم قالت:

- أه أه خلاص أنا فهمت ... قالتها بعيون تحتقنان الكمد، وتلمعان
بدر من الدمع.

- فهمتي إيه؟

ردت بحدة

- فهمت اللي فهمته بقى يا حسام.

- على العموم أنا نازل.

كأن عيونه تحتقران الذنب، شعوره بالضيق لقرار فعلته لم يكن يساوي
ذرة من جرح قلب زوجته، زوجته التي انتشلت مبرد الأظافر ودبته في
ساقها في حرقه المطعون، تناوبت في غرز طرفه المدبب حتى اخترق
جلدها مرات عدة، وفي كل طعنة تفجر الدم عيوناً، وسالت أطار
عيونها، نحبت بصراخات مرتعشة، ترتجف رجفة المحروق، تخلق
أطرافها بشيء من الريبة؛ خوفاً تراه عيونك حين مشاهدتها في حال

كهذا، فلم يكفها دمًا انتزع من ساقها، فضربت بنفس الطرف المدبب ذلك في ذراعها، لتفشع حنجرتها بالآلام، وبدأت في أقوال هستريا، وصرخت عاليًا قائلة في لهفة المضطرب، "همشي على رجلي، وعمري ما هتذل الذل ده تاني ... وهرجع أحسن من الأول" وتناوبت في قول هذا وهمت في إسالة الدماء من حولها بطعاناتها الجارحة، في جميع أرجاء جسمها، اندب الكرسي بها لتقع مذبوحة يخالط الدم دموعها، حتى شعرها المنسدل ابتل عرقًا ودموع، بدأت تتم في وضع القرفصاء طاعنة لساقها في بطيء، فهمست قائلة "بكرهه، بكرهه"، لولا تواجد مارتينا المفاجئ بعد انشغالها بخدمة الحاضرين ما توقفت آية عن هذا الانهيار، فتسائلت عن أسباب هذا، فصرخت آية قائلة "مكسوف مني، محرج يخلي أصحابه يشوفوا مراته العاجزة"، ولأول مرة تحتضن مارتينا آية، للأول مرة أيضا تتدخل مارتينا لتغير واقعًا أمامها، فأرجعتها إلى موضعها على الكرسي، فسحبته متجهة إلى الحفلة التي تقطن في الدور الأرضي، فهمت آية في نهرها وأمرها بالتوقف عن فعلتها، ولكن مارتينا سدت أذنيها عن الخضوع لطلبها، أمسكت آية بالسور الخشبي المثبت في الممر المؤدي إلى سلم الدور الأرضي، فقالت في تهديج ...

- عشان خاطري أسنتي..

ردت مارتينا في غضب ...

- لازم تحضري الحفلة زي كل اللي تحت.

- لا كفاية عليا أتفرج عليها من هنا.

لم يكن في وسع مارتينا إلا أن تلبى طلبها، الحزن انجرف من عيونها بكاءً، فلم تشاهد آية بذلك الانهيار من قبل، وقفت مارتينا تراقب الحنجرة المنحورة، العيون حاملة الشجن، الأوصال المرتعشة رعشة مضطرب، سرعان ما هبطت الجفون لتقف باب الرؤية عن المظلومة، يهفو قلب خادمته بالحنان، وتنام بية بعد ربع ساعة من المراقبة

اللبيقة لحسام، وتنسدل يديها بجانبها كانسدالة ستار، وينسدل شعرها على وجنتيها كسندس وهاج ليغطي عيون مرهقة، لكن ما زال فاهها يتمتم ببعض الكلمات المبهمة، كلمات الكراهية والجنون، وما يُدرك تمام الإدراك هو الرعشة المستبقية في شفاهها الحمراء، والسواد الملون لحول عيونها، ناتج الدموع مع ديباجة الكحل، مشهد قتيلة، هذا ما تبدو عليه هي، وعندما اقتربت مارتينا إليها نادتها بصوت ضعيف، فاستيقظت نصف استيقاظاً، ترحو أن تحملها إلى سريرها، فحملتها إلى ما هو مريح كي تنال نومة طويلة.

فتتسائل لما الحياة هكذا مثل تلك الزهور، تحمل عبيراً ولكن إذا لم تلاحظ أطرافها يؤذيك شوكتها، هكذا يتضح في أطراف أصابع الجنائني المشغول بري الزهور العطشة بجانب سور حديقة الفيلا، ينحني ليشم بعض العبير، ولكنه لا يلمس أطراف الزهور فتلك مهنته، فربما جرب ألم شوكتها، ولكن تبدو السعادة تشمل ملامحه، عجوز انحنى ظهره، تغدق عليه الابتسامة، ومن تصرفاته ضعيف النظر حيث أنه ينظر للأشياء عن كثب في تأمل ملحوظ، وعندما شاهدها اقترب أكثر كي يرى من يراقبه، اتضحت لديه الرؤية ثم القى السلام بابتسامة تجردت منها الأسنان، ورغم أن الأسنان هي ما تجعل للضحكة طابعها الخاص، إلا أنه تميز بصفاء الوجه حيث الابتسامة العريضة التي تخفي ملامح وجهه، ولا ترد إليه ابتسامتي خائبة بوجه عبوس، بل تحالفت ملامحها معه لتحييه بابتسامتها، فألقت عليه السلام.

- إزيك ياعم ربيع؟

نظر عم ربيع إلى الأعلى مع مراعاة وضع يده أعلى رأسه كي يطيح الشمس بعيداً عن عيونه.

- الحمد لله ياهانم، صباح الورد عليكى.

- صباح النور ياعم ربيع.

- النهاردة صوتك مش عاجبني، باين عليكى متبسطيش إمبراح.
- شوية.

- طب ثواني هديكي هدية على ذوقي.

التقط عم ربيع بعضًا من الأزهار التي تقتنص لها بيتًا في الأركان، فلا ينوي أن يهدر تناسق المنظر العام، فأزال شوك النهاية من الزهور، وطلب إلى عم عوضين البواب أن يحضر لها الورد في الدور العلوي، وعندما هل عليها عم عوضين، تهلل وجهها، باقة من الزهور شيء من اللطف، وإذا كانت من حسام سوف تكون من ترانيم العشق، لكنه أوصد باب النهاية في وجهها، فرار الانفصال عشتش في عقلها منذ أحداث الأمس المهيب، فقرارها يجب أن ينفذ قسرًا مهما كان الرفض، وعمق تفكيرها السحيق قاطعه حسام بدلوفه إلى حجرتها الملبدة بالأحزان، وبوجه بارد يبتسم إليها، وسرعان ما تبددت ابتسامتي حين وجد الجروح الملتحمة بعدة مناطق بجسمها، فسألها في قلق ودهشة ...
- إيه ده مالك ...؟ قالها بينما يتفحص بلاستر وضع ليخفي بعضًا من جروحها.

ابتسمت آية ابتسامة صفراء ...

- يعني يهملك تعرف أوي!!؟

- أكيد ... أنتي مراتي يا آية.

قالت في استهزاء

- واضح فعلاً.

- فهميني إيه اللي حصل؟

- حسام ... طلقني.

وضع يده خلف أذنه بطريقة الأصطناط، لكنها هنا للاستهزاء.

- نعم!!!

- زي ما سمعت يا حسام.

توالت ضحكات حسام المتتابعة بالسخرية.

- وده ليه إن شاء الله.
- أنا خلاص زهقت ... ممكن ننفصل بهدوء؟
- أنت متأكدة من اللي بتقوليه ده؟!!
- أه وده قراري النهائي.
- تغيرت ملامح حسام وعبست بالغضب ...
- يعني إيه قرارك النهائي ... قرار زي ده مش هتمشييه عليا،
والمفروض ياهانم، أسلوبك مبيقاش كده.
- علا صوت آية بارتعاشة المضطرب ...
- أنا خلاص مبقتش طايقة العيشة معاك.
- العيشة ... مالها العيشة؟! عندك كل حاجة، واللي أنتي عاوزاه
بيكون عندك أول ماتطلبيه، عاوزة إيه أكثر من كده.
- هيفضل تفكيرك سطحي وفاكر إن أهم حاجة في الدنيا الفلوس،
عمرك ما فهمت يعني إيه كلمة مشاعر ... يعني إيه كلمة إحساس،
يعني إيه ست تعيش من غير ما جوزها يحسها بدفا حبه.
- أم الاسطوانات ... أنا نازل أقعد تحت أنتي بقيتي مقرفة.
- غادر حسام غرفتها والغضب يشوب أعصابه، بعدها مباشرة نادى آية
مارتينا، طلبًا في إلحاقها بالمرحاض فهي على وشك الاستفراغ، وبعد
سعال مديد، رشقت كل ماتبقى في بطنها، وتعثر لسانها عن الكلام،
فأراحتها مارتينا إلى مخدعها، وتحسست بطنها المتقلبة، فابتسمت لها ثم
قالت:
- ربنا هيرزقك بطفل قريب.
- لحظات ذهول اندهاشية تكسو ملامح آية، ولم ترد بأي كلمة تذكر.
- أقول لأستاذ حسام ... أنا من رأيي نقوله علشان يخلي باله منك،
وصدقيني فرحته ممكن تغير حاجات كثير.
- مش عاوزة أفرحه ... لأن اللي حصل امبارح كان صعب أوي.
- أمرك.

وعندما نوت مارتينا المغادرة، استوقفها حسام الذي كان على مقربة من الباب فأمسكها من معصمها ...

- في إيه ... هي تعبت ولا إيه؟
صاحت آية قائلة:

- سبها تشوف شغلها.

تركها حسام تاركًا شرائط حمراء على ذراعها، أثار احتكام قبضته، فقال بابتسامة صفراء.

- ها في إيه بقي؟

- في إني تعبانة ومش طايقة العيشة معاك.

ابتسم مستهزئًا بكلامها ...

- بعد كل اللي عملته عشانك.

تقول باندهاشها:

- عملت إيه عشاني؟!!

- مش محتاج أقول ... أنتي بس بصي حواليك.

استنهضت نصفها العلوي كي يستجيب لحالها الغاضب ...

- إيه فلوس ... فيلا، قصر، منا ممكن كنت أعيش في شقة صغيرة

وأحس إني أسعد بني أدمة في الدنيا.

نهرها قائلاً:

- وإيه ناقصك مش فاهمك؟!!

- إيه اللي ناقصني؟!!

بعدها علت ضحكاتها كالمهوسة فتابعته كلامها في حالتها الهستيرية تلك

فبدت كأنها تهزي بملا تعي ...

- مجنون ... أنت أصلًا مجنون.

فاقترب حسام منها ليلطم خدها بعنف، لتحملق عيونها اندهاشًا ويسكت

حسام للحظات ...

- غبية ... وصلتيني إني أمد إيدي عليك.

- فهمني أنت عاوز إيه مني طلقني يا حسام.
 نهرها في عنف من القول ممسكًا بشعرها ليشد خصلاتها للأسفل ...
 - مش هطلقك، أنا مبيتلويش دراعي، فاهمة ولا لا؟
 لتنهار قائلة ...
 - أنت اتجوزتني ليه؟! عشان تذلني.
 ترك خصلات شعرها الملتوية ليقف بالقرب منها ناظرًا إليها بغل ...
 - مبتبصيش غير لنفسك أنانية، بتجري ورا أوهام، والأوهام ديه هي
 اللي مخلياكي دايماً ناسية جوزك.
 - أنت اللي دايماً سايبني وبتسهر مع أصحابك وبقيت تشرب كثير
 وخليت الحياة بقت مقرفة معاك.
 - مقرفة ...
 علت ضحكته لتدوي أرجاء الغرفة ثم تابع قائلاً:
 - لو عاوزة تعرفي القرف، بصي لنفسك.
 نبش كلامه جراحًا أخرى، ليشتد بكاؤها أكثر ...
 - أنتي اللي اخترتني رغم إنك عارف إنني كنت قافلة على قلبي،
 اتجوزتني ليه؛ عشان تعذبني، ولا عشان تستعر مني وتخاف
 صحابك يشوفوني، فاكرنني مش حاسة؟! لا أنا حاسة بكل حاجة،
 وأنت عمرك ما فهمت أد إيه كلمة عاجزة بتتعبني، وأنت في كل
 مرة بتقولها لي بمواقفك ... حسام خلاص أرجوك طلقني.
 سكن حسام للحظات ثم تابع قائلاً:
 - خلاص، زي متحبي يا دكتورة.
 - ههه، يبقى كل كلمة قلتها صح.
 - على العموم ورقتك هتجيبك بكرة، مش عاوز رغي كثير.
 التفت ليغادر غرفتها، فأوقفه كلامها ...
 - بس أحب أقلك حاجة صغيرة، أنا هتخلص من كل حاجة تخصك
 بما فيهم اللي في بطني.

- اللي في بطنك؟؟؟!!
التفتت عيونه إليها لتتابع حديثها ...
- أه أنا حامل يا حسام.
بدا الذهول يسرق ملامح الحزن من على وجهه ويحتل الاحتكام بعيونه

...

- حامل ... بجد الكلام ده ... ومقلتلش ليه من الأول!!?
- علشان أعرّفك بنفسك، لازم تعرف أنت عاملتني إزاي ولازم تفهم
إني كنت بحبك أوي، واللي لازم تعرفه دلوقتي إني بكرهك أكثر من
أي حد في الدنيا ديه؛ لأنك بجد جرحتني أوي.
اقترب حسام منها، والندم يحوم بعيونه كطائر مكسور الجناح، فيرتجي
العفو بشكله المكلوم، وارتكز على ركبتيه، فأمسك كفها المرتعش واللوم
يلتحق بصوته:

- يعني هيبقي عندنا ابن!!?

- لا.

- يعني إيه؟؟؟!!

- يعني أنا هنزله بعد لما تديني ورقة طلاقي.

- ويهون عليك ابنيك إنك تحكي عليه بالموت من قبل ما يتولد؟
فاحتضنها حضناً باهناً لا يقصي الجراح، قد يخفف وطأة الحزن،
حاولت دفعه بعيداً عنها، قاومها كي يلتحم بها، وبعد مقاومتها الغير
مجدية، ارتاحت أوصالها، فقد احتاجت هذا العناق كي يفني بعضاً من
تعب مضني، ليس معناه أنها رضيت عنه، ولكن تعبها هو الذي سبب
لها الاستسلام، وعندما استشعر الهدوء المناسب كالسيل في أنحاء
جسدها، نظر إلى عيونها فمسح الدموع عنهم، ثم قال بصوت هادئ
يملؤه الإحساس:

- بجد أنا بحبك أوي.

- بحبك ؟؟؟!!! أنا خلاص يا حسام مبقتش قادرة، كل معاني الحب
نحيتك انتهت.

- حتى لو حبك ليا انتهي لازم نتمسك ببعض ومنقاش أنانيين عشان
أبننا.

- أنت اللي طول عمرك أناني.

- أرجوكي متضيعيش فرحة إني بقيت أب، وأنا أوعدك إني
أعوضك عن كل اللي فات، إديني فرصة، كل حاجة هتبقى أحسن
من الأول.

البكاء انقطع عن عيونها لتقول بغل:

- عاوزاك تعرف إن الدنيا غيرتني مش أنا هي بتاعت زمان، الزمن
قواني أكثر بكثير، عرفني إزاي وإمتي أدوس على قلبي وإمتي
أخرج اللي جوايا، وانت كنت السبب في ده، شكرًا ليك، قدرت
تعلمني حاجة لو قعدت عمري كله مش هعرف أتعلمها، أرجوك
طلقني بقى يا حسام، متخافش مش هنزل ابننا لأنني عمري ما هبقى
زيك.

- أطلبي أي حاجة إلا الطلاق.

تنهدت لتخرج زفيرًا حارًا ...

- خلاص يا حسام سبني دلوقتي لوحدي عاوزة أرتاح.

رد في هدوء:

- زي ما تحبي أنا خارج بره هقعده في الجنية تحت لو احتجتي
حاجة نادي عليا من البلكونة.

لبي طلبها، وتركها لكي تسند رأسها إلى وسادتها، ويهدأ قلبها النابض
بقوة، تخدم النار المضرمة بقلبها، ترتاح عيونها بنومة طويلة، حتي
يأتي لها صباح جديد، غير مخضب باليأس وغير معتم كسابقه.

الفصل الثامن عشر

يتكأ دكتور ريتشارد على كرسيه منتفخاً من جراء أكلة دسمة، كرشه تمدد خمسة عشر متراً للأمام ليملاً الغرفة بأكملها، تجلس أمامه تلميذته النجيبه تسأله عن بعض المعلومات، كان ذلك في عهد الجامعة حيث تجالسه صاحبة الكرسي ترجو أن تقطف من علمه شيئاً.

- دكتور هو في أمل إني أرجع أمشي ثاني؟

فكر دكتور ريتشارد قبل أن يتفوه بأي كلمة

- مش عاوز أنافك، أنتي أملك ضعيف أوي، بس أنا ممكن أرشدك لطريق تمشي فيه.

- يعني إيه؟!

- في حاجة في إطارات بحثية الايام ديه ... أسمها الخلايا الجذعية.

- سمعت عنها بس ياريت تفهمني أكثر ...

- الخلايا الجذعية خلايا ممكن تتحور لأي نوع من الخلايا «قابلة للتشكل» وده على حسب البيئة اللي موجودة فيها، ودي بتبقي متواجدة في النخاع العظمي، خلينا متفقين إن طبعاً الخلايا العصبية عمرها ما بتتجدد، لكن آخر أبحاث نتائجها قالت إن ممكن النسيج العصبي يتجدد عن طريق التعويض بالخلايا الجذعية، وده عن طريق العوامل اللي بتوضع فيها الخلايا الجذعية، كمان في عوامل بتأثر زي growth factor اللي بيتضاف للخلايا بس خليكي فاكرة النتائج ضعيفة.

الحماسة جلية على وجهها ...

- طب إزاي ممكن أحصل على عينات خلايا جذعية، أنا عاوزة أفهم الموضوع أكثر.

- طالما مهتمة أوي كده هاتي ورقة وقلم واكتبي المعلومات اللي هقولها لك.

- ثواني وجاية على طول.

التجربة الخامسة عشر ..

تمتلاً الأنابيب بعينات من الخلايا الجذعية كي توصل عليها داخل ثلاث حقن، وحقنة أدرينالين تبغي استخدامها في غير أوانها نظراً لبعض اليأس المتجلي، والتحفيز للعضلات سوف يكون تلك الجرعة الزهيدة جداً من الأدرينالين، هل ستحظى بنصرٍ قريب على تلك الإهانة التعجيزية، سوف تشعر بالأدرينالين يتدفق إلى جميع خلايا الجسم، ليخرج تلك الطاقة الكامنة، وتقوم مؤخرة رأسها برعشة مقدسة، فتشعر بالقوة التي تلتحم بأرجاء أطرافها، هذا ما جال خاطرها، لتلتحق بالآلة الخاصة، تثبت الثلاث حقن كي يلقي حبلها الشوكي حقناً بالثلاث حقن معاً، وتحققت المحاولة، انتهت تلك التجربة الوطيدة، الذهول يقع في قاع عيونها، ويتضح لها غياهب الظلام لتصرخ ألماً، تتشقق نعومة وجهها بالعروق، فشلاً جديداً، رغم أن الرعشة تشبثت بساقها بشكل غير معهود، لكنه اعتبار الفشل رقم خمسة عشر، تصرخ وينسدل شعرها ليخفي قطرات الدموع المستكينة، تستكين وتنتظر إلى أطرافها الحزينة، تجرح حنجرتها صراخاً يدوي ليسمعه الفراغ ويمتصه، فكرة الخلايا الجذعية، إنها السبيل الوحيد لتجديد الخلايا العصبية، السبيل يبدو لها سداً عند مفترقات النهاية، دام جنونها يفعل حتى أفرز الأدرينالين الطبيعي ليلحق بالمحتقن في أوردتها، أدرينالين الغضب يلتحم بأدرينالين التجربة، ليعثر على دعم، ويطلق قوى من قواها الكامنة، تعلق صراخاتها، تمسك بقلبها المنتفض بقوة جهرية، لقد كان على وشك الفرار من قفص صدرها ليولي خارجاً كطائر طريد، تصرخ بكل ما أوتيت من قوة وينحر صوتها بقول واحد ...

- أنا غبية ... زهقت بجد ... زهقت.

فطلب مارتينا بصوتها الهادئ بأن تهدأ سيدتها ولكنها ترد بصوت أجش:

- مش هوقف اللي بعمله وهحاول، حتي لو كنت غيبية، حتي لو هموت أنتي فهمة.
- أه بس حرام عليكي نفسك.
- مش هياس، يارب.
- إهدي أرجوكي
- مش ههدى أبداً وهحاول مليون مرة.

توالت التجارب حتى التجربة التاسعة عشر، لقد تغيرت طريققتها منذ أن غادرت حسام في الأونة الأخيرة، قررت الهدوء في مكان بعيد تغفل فيه هواجسها وتبتعد عنها الظروف، سافرت إلى لندن حيث المؤتمر الطبي الذي سوف يعقد عما قريب في الخامس والعشرون من فبراير، أختيرت آية لتحظى بمكانة رفيعة، ويشهد العالم وجودها وتفوقها، لترأس المؤتمر الطبي المعقد في لندن بعد مبادرة قدمتها.

التجربة العشرون

"أنا الدكتور "أ" من معلمي الخاص ببيتي بالإسكندرية، هتكلم دلوقتي عن مجريات التجربة ... في التجربة اللي فاتت حسيت برعشة خفيفة ونبض في القدم لكن تنتهي بعد التجربة، يعني دلوقتي مش حاسة بأي حاجة، علشان كده باعتبار إن لحد دلوقتي التجارب فاشلة لإن الموضوع ده بيحصل بقالو كتير ومفيش تغيير، حاسة إنني يأس، لكن بحاول تطوير عينات الخلايا الجذعية، وأضفت بعض التركيبات الدوائية الخاصة، وبستخدم تركيبة بروتين "MG٥٣" اللي أثبتت فاعليتها ضد ضمور العضلات ولكن عضلاتي محصلهاش ضمور كامل لإنني اعتمدت على العلاج الطبيعي طول حياتي، كان بابا بيوهمني بالأمل عن طريق العلاج الطبيعي، بس بستخدم "MG٥٣" تحسباً لبعض الاليف النالفة، وهستخدم الأدرينالين المحفز ممكن يفني بالعرض، ورغم خطورة الأدرينالين فأنا مش هاخذ أكثر من نص سنتيمتر، عارفة

إن ده جنون، بس أنا عاوزة طاقة عاوزة POWER ... عاوزة
SUPER POWER بسرعة، ودلوقتي هنبداً عملية الحقن في النخاع
الشوكي"

توقف الكلام للحظات، لتبدأ في الكلام مجدد
"فشل جديد، يظهر إني هوقف التجارب دلوقتي لفترة غير محددة،
وهدرس آخر تجارب عشان أتحقق من شوية أمور مبهية"

اضطراب الحياة سبق العاصفة في مارثون ركض مسافات طويلة، عند
عودتها إلى القاهرة حيث حسام ومنة، بالتحديد الأمور، وتفهم الظل عن
تغطيتها من لهيب العيش، ونظرت بتفاني إلى وضعها المهترئ، فنية
الانفصال دامت تنبها بانتهاء المهلة.

تأملته لدقائق دون كلمة ودون أن يقطع صمتها، وأخيراً نطقت بغم
مرتعش ...

- فإكر يا عمر لما قولتلي إنك بتتناسي؟ الكلمة ديه مفارقتينش لحظة
لإنك مكديتتش، كانت هي ديه الحقيقة ... خلاص أنا قولت كل اللي
عندي.

قام عمر من موضعه قائلاً:

- يعني أنتي عملتي زي اللي رقصوا على السلم لا اللي فوق شافوهم
ولا اللي تحت سمعوهم، على العموم لسا في تفاصيل عاوز أسألك
عليها.

- اسألني على اللي أنت عاوزة.

- حسام كان عارف اللي بنا من الأول؟

- أه عارف ... كان بيعت ورايا ناس مشغلهم لمراقبتي، ومش بعيد
أنت كمان متراقب.

- يمكن، بس محستش بحد مراقبني، طب قوليلي برضو، ليه ساعات كنتي بترتيكي وبتسبيني وتمشي لما بنكون مع بعض.
- مارتينا كانت بتلاقي حسام نازل من البيت فكانت بتكلمني، فكنت بضطر أمشي ليكون حسام جاي علينا وساعاتها كانت هتبقى مصيبة.

- هو اللي قتل فاطمة مش كده؟؟

ردت في غضب وحزن مندمجان ...

- أه هو اللي قتلها.

قاطعها متعجباً

- مبلغتيش عليه ليه؟

- عشان هو اللي هيبقى باقي لمنة.

- يعني إيه!!

- متستغربش ... أستنى وهتفهم.

- طب حسام ليه حاول يقتلني رغم إني قطعت علاقتي بيكي بعد لما

عرفت إنك مراته.

ردت بصوتها المرهق:

- يمكن كان فاكرنني لسا على علاقة بيك، وممكن يكون لما اتخانقنا

سوا ساعاتها هددني أنه يخلص منك، أهو كان عاوز ينتقم وخلص،

أصل اللي يقتل مرة سهل عليه يقتل ألف مرة.

- بالسهولة ديه؟؟!!

- حسام يقدر يعمل أي حاجة.

- قصدك الفلوس تقدر تعمل أي حاجة.

تكلمت بعيون نصف مغلقة

- حسام بقى بني آدم معدوش قلب، الخمرة كلت عقله، حياته

مجهولة محدش بيقرّب منها، يوم يروح بيته تلاقية مهموم، اليوم

اللي بعده تلاقية بيضحك، سيكولوجية متخلفة ... تعبني ...

محسنينش إني بني أدمة، حرمني من مشاعر كثيرة، حسني
بعجزي دايماً، عمره ما حسني إني ست زي بقيت الستات، أنا
دلوقتي قدامك محطمة، عايشة علشان مستنية أموت.

ارتعشت للنتابع كلامها

- خلاني أتهور في حاجات كثير.

- تتهوري ... يعني إيه!!

- السؤال ده إجابته هتشفها بعنيك فمش محتاجة أجوابك دلوقتي.

تأملها للحظات ثم قال:

- هو أنتي إيه بقى لابسه كده؟!!

- تقدر تقول إني نفسي أرجع طفلة تاني في آخر شوية ليا في الدنيا.

اقترب منها وارتكز على قدميه في وضع القرفصاء، فشبك يده بيدها في

تلاحم العشق، فقال في صوت هادئ

- إيه بتقولي كده ...؟!!

ذلك يدها في عشق ليتابع قائلاً:

- أنتي هتعيشي وهنتجوز، وهيبقي عندنا أولاد، ومنة هتبقى بنتي،

هحافظ عليك، عمري ما هوجعك زي ما عمل حسام، هراعي

مشاعرك، هقف معاك في أي حاجة أنتي محتجاني فيها جنبك،

هبقي سندك وضهرك

تتحدث في استعطاف ...

- فعلاً هتقف جنبي ولا كلام، لإني سمعت ده كثير من حسام،

تصرفاته شيء وكلامه كان شيء تاني خالص.

- عمري ما هبعد عنك؛ البعد عنك هو موت بالنسبالي.

تجهم وجهها بحزن عميق ...

- بس أنا لسا خاينة في نظرك ... مش كده؟!؟!!

- هتفضلي طول عمرك أجمل ملاك في الدنيا.

وشاءت أصابعه أن تجفف دمعاً قد فر من عيونها غصباً.

- دلوقتي أنتي حالتك أدهورت جامد، يالا هنروح أقرب مستشفى
وهعملك الفوحصات والتحليل اللازمة.

- أنا فعلاً مش قادرة ... أه ... على فكرة في موضوع مهم هبقى
أقلهولك بس بعد لما نرجع.

- نرجع فين ... إحنا هنرجع تاني هنا؟؟؟

- أه ... لازم نرجع تاني يا عمر.

- أوك ... يالا المهم نطمن عليك.

خلع عمر الجاكيت الذي يرتديه ليخفي ذراعي آية عن مطاردة البرودة،
أمسك مقبضي الكرسي وتحرك صوب الباب، نية المغادرة، عندما فتحه
هبت النسومات الباردة اليهم، وما تشتت إحساس البرودة لديهم إلا بعد
اتصال هاتفني من مارتينا، جال الرعب بداخلها، لتشهد أكبر لحظات
الارتعاد الحميمي، تسرق الحيلة جميع أحاسيس الاتزان، أخبرتها
مارتينا بما هو يشرد الذهن، تحقق ما خافت، حسام ينوي أن يرسم
النهاية بيده.

- حسام جاي هنا يا عمر.

توتر عمر دون أن ينطق بكلمة ...

- جاي ومعاه مسدس.

- مين اللي قالك؟؟؟

- مارتينا كلمتني وقالتلي إن جاله تليفون بعدها خد مسدس ونزل من
البيت متنرفز، يظهر فعلاً إنك كنت مترقب.

حينئذا تخيلت آية بما سوف يقع، تنفوه الكلام في شكل هستري مثير
للريبة، وقف عمر مندهشاً لحالها، حركت الكرسي بسرعة نحو آخر
غرفة في الممر المنقوع في آخر البيت، توجهت إلى الدولاب كي تخرج
سلسلة مفاتيح كبيرة لها هيئة أثرية الملمح، توجهت نحو باب حديدي
مزخرف بحلي فضية، مغلق بعدة أقفال فقصدت فتحها جميعاً، ارتعاشة

يدها مثلت حائلاً وهو من أمسك بأطراف أصابعها كي يفتحه معها دون علمه بنيتها، لكن الاندهاش صار رفيقه دون كلام.

في اعتقاده تلك الردهة الواسعة المخفية وراء ذلك الباب سوا للاستجمام، لكنه عندما وجد الألة التي تقطن في نهاية إحدى الممرات علم أن ذلك هو مكانها الجديد للتجربة، مكاناً واسعاً يستحق العناية الدائمة، تحفه الأزهار من جوانبه وأركانه، وفيه تستقل نافورة رخامية في منتصف المكان، تتسدل الشمس انهماكاً في التدفئة من السقف المفتوح، الأرضية صلدة حجرية والجدران حجرية رمادية من نفس نوع أحجار الأرضيات، يتخللها نوافذ مربعة مغلقة بأسياخ حديدية لها نهايات مطلية بالذهب، يبتعد كل نافذة عن أخرى حوالي مترين في ترتيب منتظم، يتأمل عمر منظر ترتعش له الأوصال انبهاراً، طلبت إليه أن يساعدها في بلوغ آلتها كي تصنع تجربتها في ذلك الوقت، لقد كان طلباً مشدوه في وقت يحير فيه الفعل، تضارب ما كان في ذهنه حينما طلبت منه أن يعطيها بعضاً من المحاليل المعلقة في الدولاب الزجاجي، ناولها تلك المحاليل دون العلم بمهيتها فقال في دهشة:

- أنا مش فاهم حاجة.

- أصبر.

- معلش فهميني يا آية.

- التجربة الأخيرة ...

فرغت من مليء الحقن بالمحلول، طلبت منه أن يضعها في المستودع، في تلك اللحظات امتدت يدها إلى سوستة ظهرها كي تفتحها لنفسها فمرونتها تمكنها من ذلك، حتى تعرى نصف جسدها من ناحية ظهرها كي يلقى مصيره في الحقن بعد الضغط على الزر الأحمر، لكنها تلك المرة ربطت اقدامها ويديها تباعاً، خوفاً من رعشة تقسوا عليها، من الملاحظ أن هنالك حقنة قد امتلأت على آخرها عكس الأخريات فلا يعي سبباً، ولكنه قال لها في صوت مشؤوم:

- أنتي متأكدة من اللي بتعمله ده؟؟!
- ماتخافش يا عمر لإن اللي بعمله دلوقتي أهم شيء في حياتي، ركز واتفرج عليا.
- أنا خايف لتأذي نفسك أكثر من كده.
- حتي لو ... حسام جاي دلوقتي عشان يقتلني يا عمر؟
- بعدها حقنت وريدها بحقنة لا يعلم فحواها.
- هي إيه الحقنة اللي بتخديها ديه؟؟
- أدرينا لين.
- عنفها عمر بقوة ...
- أنتي مجنونة!!! أنتي عارفة كمية الأدرينالين اللي أخذتها ممكن تعمل فيكي إيه؟
- ردت في هدوء ...
- عارفه بس لازم أكّد تجربتي.
- أراحت جسدها كي يشغل الآلة ...
- قوليلي إيه الحقن اللي أنا هحطها في الجهاز ديه؟
- خلايا جذعية مخلوطة بأدوية ثانية.
- أدوية إيه؟
- كله هتعرفه من التقارير، معلش مفيش وقت أشرح كل حاجة ...
- المهم شوفني أنا بعمل إيه كويس، لازم تركّز معايا ... شغل يالا ... دوس على الزرار ده.
- قام بتشغيل آلة الحقن لتستقر الحقنة في عمودها الفقري كي تلقى ارتعاشة مهيبية، وبعد انتهاء عملية الحقن، ارتعش ذلك الجسد النحيف كأن البرودة التجمت به في شتاء فبراير، حبات الكريستال ارتسمت حدقات عيونها، في تلك اللحظات لم يقف هكذا يشاهد، أطلق ساقية باحثاً عن غطاء ثقيل، يحاول أن يضمها إليه وباله مشغول بما تردد

على مسامعه "هي فعلاً حاسة بالبرد زي ما قالت" هذا ما تمت به في خاطره.

بالفعل وجد غطاءً مكوم في غرفة متفرعة من الردهة الرئيسية، ذهب إليها كي يربحها من برد قارص، لكنه يصتدم بكبرى مفاجآته، مفاجأة لم تكن على باله، ليسقط من يديه الغطاء المنشود، بعدما فقدت قبضته على التشبث به، ليرى ما حلمت به يتجسد أمامه، لم يكن الفارق بينه و بينها سوى أمتار، لكنه لاحظ كم رتعت الفرحة من شفيتها حينما حاولت أن تمتد بخطواتها الأولى مستنده إلى كرسيها، كطفل يتعلم المشي يضحك لفرحته بأنه خطى أولى خطواته، أضرَم السرور بداخلها لتلاحظه من عيونها اللامعه، من صوتها المتعاني باللهفة، تتمايل في أولى خطواتها في شكل غير محترف، تناشده بأن يظل مرتكزا بعيونه نحوها، وتفوهت بكلمات علم منها كيف وصلت إلى مرحلتها تلك.

- التجربة خمسة وعشرين فاشلة بس قدرت إني أوصل منها لحاجات مهمة أوي ... التجربة ثمانية وعشرين ابندت رجلي تتحرك على خفيف أوي ... وفي التجربة الثلاثين رجلي بقت تتحرك بس كانت ضعيفة إنها تشيل جسمي، وفي التجربة الاتنين وتلاتين ابتديت أمشي وأنا مسنودة على الحيطه ... وفي التجربة خمسة وتلاتين قدرت أمشي براحه بس مسنودة على عصايا ... وفي التجربة سبعة وتلاتين بقيت أمشي بدون حاجة، والتجربة ثمانية وتلاتين بقيت أمشي بس بتعب بسرعة يعني مش بقدر أمشي خمس دقائق على بعض وفي التجربة تسعة وتلاتين بقيت أقدر أبقي طبيعية، عضلاتي كانت ضعيفة، كان نفسي أرقص وديه التجربة الأربعين اللي هقدر أرقص فيها ياعمر وابقى طبيعية وأوريك أنا أد إيه كنت أحسن راقصة باليه.

ارتبك عمر بتعجبه قائلاً:

- أنا مش قادر أصدق إنك حققتي المستحيل، أنتي عارفة بابتكارك ده هتقدري تعملي إيه، أنتي عبقرية بجد، استني هفلك، لا مش هقول، أنا دلوقتي هقعد على الكرسي ده وهتفرج على أحلى راقصة باليه في العالم.

- لو كنت صارحتك من الأول على اللي بعمله مكنتش صدقتني، كنت هتقول عليا مجنونة زي ما حسام قال عليا؛ عشان كده خبيت عليك.

اتجهت للجرامافون المهترئ الموضوع في أحد أركان الساحة التي يرتكز بمركزها النافورة، يبدو بأنه يسكن الحجرة منذ عدة عقود، وفي منتصفه اسطوانة سوداء يحتضنها التراب، لتذيله بنفسها وتتابع الاسطوانة عملها.

- هفرجك على رقصة اخترعتها وأنا صغيرة، رقصة فراشة، قالتها آية بعين الفرحة.

وسط صوت الرعود هل تمنيت أن ترقصين ... تغدين ولا تكتمين ...
يقشع بدنك للمسمة يدي ... وتنحب عينيكي نحوب العاشقين ... هل رقصتك تلك تعبر عن هجاء أم انتقام لزم من المكوث ... حركات يدك ... انقضاض قدميك بالأرض التي تتشقق لجمال رونق بعوثك حية من جديد ... وسط أحلامك تتهدجين بصوت تفنى معه الأصداء ... وتلاقي نهيجًا مع صوت أمطار السماء ... تخطين خطواتك وتعيثين بواقعك ... وإذا كان لكي ذلة التمسى مابقى من وجودي معك ... فذلتك تنقيها بداخل أحضاني ... تبديين ما تبقى من ذنوب طرفك ... وتشكي على واقعك المر ... وإذا تفانيتي في أداءك فإن عيونني تلحظك تبقى مسلطة عليك ... تغمرك بعشق العيون ... تلحظ كل لياقتك ومرورتك بعدما تفنن الزمان في طمسها.

يتسرب الهواء البارد إلى الدخل، فالسمااء على وشك أن تمطر، وفجأة خلعت ذلك الحذاء من قدمها، وبمحاولة للوقوف على أطراف أصابعها

التي لم تعدها منذ سنين مضت، فهي من خلعت نعليها وتبنت فكرة أن تثبت على تلك الأرض الحجرية وأصابعها تتحسس التراب الملتصق، تخطو خطواتها الأولى في تلك الرقصة المتناهية الروعة، تثبت على أطراف أصابعها المتورمة، يتباين الخوف مع خفقات قلبها المتزايدة، لا تعبر عن ألم، وابتسامه قسمت صخور اليأس وحطمت تلال المعناة، أخيراً صارت فراشة تخطو بخطوات سريعة مع إيقاع يتنفسه هواء المكان، أغمضت عينها متذكراً دروس رقص افتقدت معانيها منذ سنوات، بفمها تكلمت عن أسرار عشق قديم، باتت وهلاتها تتاجي عن صدق مشاعر، وبضربات قدميها انتفضت معها قطرات أمطار سماء بكت معبرة عن كينونة الخلاص، ولكنها شعرت بالغثيان تملكها فجأة، فاحتقنته بداخلها المبتور، كي تكمل رقصتها، حتي تفجر الألم في باقي أوصالها، تؤدي رقصتها على سطح مياه أفاضتها السماء، فسطعت الشمس في حين أمطار لتنتصف "أينوجت" قوس قزح رضاً بانسدال ألوانه المتدرجة حولها، تخللها النور من بين أصابعها، من بين ذراعيها، من بين ساقها، وهكذا كانت تبدو عندما تتحرك ملاشية لحواجزها، لم تكن اسم الرقصة رقصة فراشة بل أنتي هي الفراشة نفسها، تنوي انغماساً وسط زهور المكان متخذة موسيقى الدنيا صوب قلبها، تهيم على عبير كل ما أحاط بها، فيسري الشوق في أطرافها متى ذاقت، وتلبدت في وقت الصباح، فتلاقي ندي فتنفج شفاتها له شرباً، وما هو الفرق بينك وبين مخلوق رقيق ذو أجنحة جميلة، فأنتي ترسمين فرحتك أجنحة لكي فتبدلي السير إلى طفو في الهواء.

و بعدما دارت عدة لفات حول نفسها في شكل مبهر، خصوصاً عندما انتصف جسدها للنتورة البيضاء التي ارتفعت لتكفل وسطها، لقد تناوبت في الالتفاف مع الحركة الدائرية لجسمها حول تلك النافورة التي تزين رقصتها، وفي نهاية تلك الرقصة انخفضت إلى الأسفل بنصف جسدها

العلوي كي تنهي رقصتها بشكل رائع، ولم تتوقف يدا عمر عن التصفيق، فقالت له في صوتها الحاني ...

- تجي نرقص سوا؟

- أكيدأتمنى أرقص مع أجمل بني أدمة عرفها قلبي.

واراحت ذرعها لتلتف حول رقبتة، وأمسك هو وسطها بدوره، ومع دقات البيانو الهادئة تحركا في خفة ورشاقة، فقال عمر في صوت مدهوش:

- أنتي كنتي بتقدري تمشي وبتمثلي عليا السنين دي كلها؟!!!

تجردت من مشاعر الحزن وابتهجت ملامحها لتضحك قائلة:

- أكيد لأ.

- بجد أنتي رائعة.

وضمها إلى صدره أثناء رقصتهما الهادئة

- نفسي يا عمر أفضل كده في حضنك على طول.

قال عمر ممازحًا:

- على طول على طول؟؟!!

ردت ممازحة:

- أه.

يمازحها عمر ...

- طب أشتغل كده إزاي، وأجيب فلوس إزاي؟

- مش عاوزة فلوس، حضنك وبس.

سكن عمر قليلاً ليقبل يدها في حب وفيض

- دلوقتي عرفت ... من الأسباب اللي اتخلقت علشانها إني أعرف

قيمتك وجمالك؛ لإنك متتوصفيش في مليون سنة، سنين الكون كلها

متكفيش، جنونك مع إيمانك باللي بتعمليه، طريقة تفكيرك، مش قادر

استوعب أنتي وصلتي لكده إزاي.

نظرت إلى عينيه قائلة في هدوء:

- في منا الظروف بتقويه، وفي منا اللي بيضعف وبيستسلم للواقع
لحد لما يموت فيه الإحساس، وكلمة مش فارقة تبقى زي اللبانة في
بقه، عشان كده أنا كنت النوع الأول اللي مبيستسلمش بسهولة،
- مش عارف أقول إيه ولا إيه.
أغمضت عيونها وتابعت المكوث وسط أحضانه ...

- مكنتش ناوية أبقى ذكرى في عقل كام واحد من اللي حواليا
يا عمر، الذكريات بنتنسي مع السنين، كنت نفسي أبقى ذكرى للدنيا
كلها، حتي يوم لما أموت ألاقي كتير فاكربي، اسمي يفضل محفور.
- أنا عمري ماهسيبك أو اتخلي عنك.
وفي تلك اللحظات تخلت موسيقى الكمان وسط موسيقى البيانو، لتصنع
جواً غير اعتيادي.
- موسيقى تحفة.

- بحس إنها بتخرج كل المعاني الحلوة من قلبي، ومع حضنك
الدافي، أنا دلوقتي في الجنة.
قالتها لتتشبث بأطرافها بظهره ثم سكنت للحظات للتابع كلامها في
هدوء:

- هي الموسيقى ليه بتخطفني ليها ... ولا أنا حساسة بزيادة!
- دايماً الملايكة هما اللي بيحسوا بده، مش كل الناس ملايكة؛ عشان
كده مش كتير عندهم نفس إحساسك.
-تعرف إن كان نفسي أتعلم بيانو، وأفهم النوتات المعقدة اللي
بيحطوها قدامهم وهما بيعزفوا.
كانت قهقهة عمر يعقبها تقبيل يدها الباردة
- هنتعلمها سوا.

هدأوا للحظات للتتابع كلامها:
- الموسيقى بتفشعري كل ملي في جسمي، وكل لما تكون أحلي،
بترعش

قال متعجبًا:

- هو أنتي كدة عشان عشتي في لندن ولا ديه طبيعتك.
ابتسمت بفمها المرتعش ...

- مش عارفة ... بس أكيد مش هيفرق.

- عمري ما تخيلت إن ممكن أحب حد قدك.

- طب ومراتك؟!!

- حياتي مع نور كانت ملخبطة، مليانة خناقات ومفيش تفاهم،
شخصيتنا مش راكبة على بعض، أنا في وادي وهي في وادي تاني
خالص.

عم السكون بينما يغرقهما ماء المطر الذي يكلل رقصتهم، لم يحتموا
بسقف أو تجري أرجلهم اجتنابا لها، استقبلا أمطار السماء في حب، في
أمل، في عشق لا ينتهي، لتتكلم هي في همس ...

- ممم ... أنت عارف أجمل حاجة إننا بنرقص تحت المطر، كنت
دايمًا بتخيل المشهد ده في خيالي كتير، ودي من أول الحاجات اللي
كان نفسي أعملها أول لما أمشي على رجلي من تاني، أرقص مع
حبيبي تحت المطر، تنفع اسم رواية مش كده؟ ولا أقولك ... رقصة
تحت المطر، كده أظرف، ينفع أكثر البطل يحضن البطلة ويرقصوا
لحد نهاية الرواية.

ابتسم من واقع كلامها لتتابع في صوت هادئ ...

- رغم إنني كنت حاسة بالصعقة من شوية بس دلوقتي حاسة بدفا
عمري ما حسيت بيه قبل كده.

دقات الساعة بدأت في الانبعاث بصوتها الأجنس، رفعت يدها جهة قلبها
وأمسكت بفتانها متألّمة، والتوازن في طريقه إلى اضمحلال، حتى
سقطت أرضًا، ليلتقطها عمر بين ذراعيه، لقد كانت تعلم، وقد علم بذلك
عمر، أن تلك الجرعة لم تكن بعادية فقد قفزت حواجز المعافاة إلى

حواجز أبعد من ذلك، ترنحها هوى بها وسط أحضانة لتلتحم أكثر من ذلك، وبدأت شفتاها بالحديث عن طلب وليس للغوث.

وهي من توجه وجهها إلى تلك الطرائق حتى تختفي دموعها وسط الودق، خوف شديد يتجهمها، دفى قليل يلتحم بأصابعها من أصابعه، فكفوف أيديهم تلاقيا حباً، يستنتط إلى همساتها، يميزها عن صوت المطر، ويرتجي أن يبقيها الإله بين ذراعيه، فلا ينتزع ملك الموت روحها في هذا الأوان، فليبقها ولو للقليل، وسط الارتعاشة وطلب الخلود، تنتفض بين ذراعيه، تواجه شيئاً عصياً، حتى تبين له ألوان عروقتها المنبسطة في رقبته، كتفرعات شجرية باتت تتمدد تنافساً مع فروعها الأخرى، لكنها استبقت ألمها ينن بداخلها.

فالخوف والرعب التحما بلسانه فقال في دعر:

- مالك في أيه؟

- يظهر أنه الأدرينالين ... مكنش في وقت.

وأبقت على لسانها أن يحكي بعدما استغل الارتعاش أطرافها ...

- عمر لازم تكمل التجارب اللي عملتها لإن محدش يعرف

الموضوع ده غيرك أنت، ولازم طريقة العلاج ديه تتجرب قبل ما

تصلح للمرضى، وأنت اللي هتكملها ... اتفقنا؟؟

- هوصل صوتك للعالم كله.

احتضنها بقوة، متألماً بجرح عميق لم يتختر، لكنها قاطعته مجدداً

بصوتها المبحوح

- هتلاقي عندك في الخزنة كل التقارير والتسجيلات في فيلا حسام،

هي خزنة صغيرة برقم سري موجودة في أوضتي في الدولاب.

- كام هو الرقم السري؟

- ٩١١١٦ ... مبيفكرش بحاجة الرقم ده؟

- أكيد بيفكرني.

ابتسمت ابتسامة هادئة وارتخت كل أعصابها، وهدأت ارتعاشتها،
وشحب الجسد النحيل، يبدو أنه الأوان،

- شاييف الفرشات ديه يا عمر، دي نفس الفراشات اللي شوفتها وأنا
صغيرة.

لم يستطع عمر سوى أن يواكب تخيلاتها ...
- أه شاييفها.

فقال ذلك إرضاءً لها.

- هي ديه اللي جاتلي قبل كده ... ساعة الحادثة.

...

- عمر حافظ على مراتك وابنك، أوك يا حبيبي، متعلمهمش زي
حسام ما عاملني.

- أوك ... متقلقيش.

- بحبك.

- وأنا كمان بحبك أوي ... قالها بينما يقبل كفها.

هدأ صوتها بعد تلك الكلمات، أحاط بها العذاب وارتجت من الله عفوًا
لها، وتمنت بأن تنتهي حياتها على وتيرة التائبين، فابتهل لسانها بالدعاء
في آخر لحظاتها، وتمنت الرضا من القدير، وأغمضت تلك العينان
الخضراوتان اللامعتان تحت بريق أشعة الشمس المخترقة لزجاج البيت
والسقف المفتوح، بدأ الجسد بين يديه يخدره البرودة، ولم يخضع لبعض
الدفئ المنسكب من دموع عمر، وفجأة تجمد جسدها عن الحركة تمامًا.

الفصل التاسع عشر

... نهاية مجيدة

يا سحب التي تأوي في بطن السماء، أغدقي بأمطارك على وجهي
لتخفي دموعي فأني رجلاً أخجل بأن يرى دموعي غيري، ويا عطف
إلهي هلم على بالرضا والحمد فإن جوفي يغلي، ويا ظلمة داكنة
بأرجائي انقشعي عني، يكفيني أنني علمت الغياهب، وأدركت الموازين
كيف تزن، وعشقت من العشق من لا يوزن، ورفضت عن ملابسي
التراب من ارتكازة ركبتي أرضاً، وعلمت للحزن مرّاً لاذعاً، أخفي
دموعي أمطار السماء، فإن القلب لن يحتمل، وإن الجرح لن يندمل،
وإن الشوق في ريعانه، دعني وحيداً أيها الزمان ململاً أشلائي،
أضرب على صدري بيدي فأنتكس، فإن الوحدة هي عنواني، ومهما
يدق بابي فسوف أظل أصم لا أميل لما هو آني.

تفوح رائحة الجثث العفنة، وصوت الكلاب يعوي بالقرب من
المشرحة، يبدو أنها ترى أطيايف القتلى المستباح دمهم، لقد ازدحمت
أروقة المكان بالأطباء رغم سكون الليل، عمر يقف يراقب تحركات من
حوله، فكانوا يتجولون في الممرات على وتيرة واحدة، في استكانة
النعاس يتهاوون، هؤلاء هم أطباء النبطشية، ينظرون إلى جميع
الساعات المغروزة على الحوائظ البيضاء، وتبدو عقارب الساعة
لادغة، فالوقت لا يستمد منه الطاقة، فعندما تنتظر شئ إما أن تخور
قواك أو تتدرج تحت طاولة من هب عليهم الجنون، ومع هذا كله وفي
لحظة تذكريه لاحظ عمر تجلط بعضاً من الدماء على يده، إنها دماء
حبيبته الهامدة، لا يعلم متى التصقت به الدماء، وأثناء تفقده لأنامله
المرتعدة، قدم إليه شخص أصلع لم يستدم شعره على رأسه، ولا حتى
النظارة على أنفة، لقد كانت تتركز على أنفه المدبب ولولا أنه مدبب
لوقعت النظارة ولأصبحت ذكرى منسية، وفي أول وهلة كان يهرش

في شاربته الكثيف الذي غطى على معظم فمه، ولكن سريعًا ما تكلم قائلاً:

- أنت عمر؟

- أه.

- اتفضل يا دكتور عمر.

لمبة تستقر في منتصف السقف تتكاسل عن دورها، فإضاءة خافتة سببًا في لمعان الأدراج المعدنية، أرضية سيراميكية بيضاء لا نفوش تتباهى بها، رائحة عطنة تصيب الغرفة، احتبس عمر دموعه، يبدو ذلك في تشابك العروق الحمراء بداخل عينه، يرافق الطبيب الشرعي لكي يرى الجثة للوهلة الأخيرة، كي ينشد أنشودة الحب الضائع، لقد كان لأزيز أدراج التلاجة أزيزًا مثل أزيز كرسيها المتحرك، حينئذ وقف عمر يتأمل حال الإنسان النهائي، مرحلة النهاية المقبضة حين سماع سيرتها، حينئذ أزهق كل محاولات الكتمان وانفصلت الدموع عن رموش عينه، أينوجت أصبحت جثة، وما للجثة من دم مرشوش أو دفيء مستحکم، إنها فقط البرودة تشق أطرافها دون شعور، مكسية باللون الأزرق دون الوردي، لقد كان عملاً مرهقًا على الطبيب الشرعي، فما حاله عندما يشاهد عين جنمان مفتوحة وسط الدجي، أينا م سعيدًا في مرقد، أم هنالك حضنًا دافئًا يغدق عليه مصالحة مع الخوف، أم هذا مرهون على صلابة أعماقه، وليست تلك القضية بالهامة هنا، فكل ما يهم عمر هو أن يأخذ ملف بتقارير أسباب الوفاة وعينة من تحاليل الدم كي يتم هو دراسته، فالابتعاد عنها الآن أولى، حتى يختلي بدموعه ولا يشاطر رؤيتها سواه، والأهم هو أن يكمل مشوارها، لكن بالتفكير العميق المشكلة هنا في إيجاد متطوع التجارب كي يكمل ما قد بدأت آية، فإن هنالك من الحواجز ما قد تعلق ومن الغياهب ما قد يجهل، ومن الظروف ما قد يسير عليها هو.

يستريح على الكنبه في استراحة الاستقبال داخل الفيلا، لينزل حسام بعينان حمران شحبت بالدموع، يبدو أن البؤس نال منه في نزال ملاكمة عنيف، يرتدي روبا نبيتي حريري، وفي يده اليمنى كأسا يحوي الخمر، وما إن التقى وجهيهما، نال عمر انهزاما قائما في ملامحه، ففتح حسام كلماته الأولى بينما اكتفى بمكوته على السلم:

- نعم قول عاوز إيه من الآخر

قام عمر من موضعه قائلاً:

- أنا عاوز أتكلم معاك في موضوع مهم جداً.

علت قهقهة حسام ليبدو في حالة هسترية مختلفة

- إيه ممكن يكون مهم بنا؟!!!

- في حاجة مهمة لازم تعرفها ...

قاطعته حسام بأسلوب حازم

- وأنت برضو في حاجة مهمة لازم تعرفها

سكت حسام قليلاً ثم تابع قائلاً:

- أحمد ربنا إنك لحد دلوقتي لسا عايش، أنا قدرت إنك أنقذت بنتي،

كنت عندي يقين إنك متعرفش إنها مراتي، فعزمتك على الغدا

وجمعتمك عشان تعرف وساعاتها محسش بالذنب لما أقتلك، وأنت

كنت مصمم تقضي يومك مع مراتي، وكنت جايلكو من القاهرة

مخصوص عشان تكون نهايتكم على إيدي ...

- وتهديدك الأول إنك قتلت فاطمة ... مش كده؟

رد في تبجح قائلاً بعيون لا تحمل الذنب

- أه أنا اللي قتلتها وهي كانت فاهمة كده كويس، وعلى الرغم من ده

محاولتش تخاف عليك وتبعدك عنها، ومبلغتش عني، عارفة إنها

كانت هتموت، ومحبتش منة تتربى بعيد عن حد من أهلها، عندك

أسئلة تانية قبل ما أطلع أنام ... منمتش طول الليل.

- أه عندي.

- ها

قال عمر في استهزاء

- أنت حبتها؟

- أظن حاجة زي كده ملكش دخل فيها، وكوني إني اتكلمت معاك
خلاك تسأل أسئلة متخصكش، وقتك خلاص خلص.

- أستاذ حسام، لازم تفهم إن آية قدرت تحقق اللي حلمت بيه.

توقف حسام بعدما أدار ظهره له كي يصعد إلى الدور العلوي، ليتابع
عمر كلامه ...

- أيوة حققت حلمها و قدرت تمشي على رجليها من جديد، بجد أنا
أتفاجئت، كان شيء مستحيل قدرت تحققه.

نظر حسام إلى عمر بعيون حزينة ليتابع عمر كلامه ...

- وهي ديه الحاجة المهمة اللي جايلك فيها.

استقر الأمر وحقق نصف الوصية، فاقشعر بدن عمر حينما سمع
التسجيلات الصوتية، و رغم الحزن المنسوب إلى صوتها، إلا أن الأمل
تشبث به، والحماسة لا ترضى عن الابتعاد، وهذا يمكنه بسهولة
الاعتراف به، فلا يفقد تركيزه فنجان القهوة الذي يرتشف منه القليل،
ولا التقارير الطبية المنبسطة أمامه على مكتبه، لكنه اندمج مع كل
حرف قالته، مع دفئ صوتها الحاني، حتى أنه كان يعيد الاستماع إلى
الشريط كي يركز في المعلومات الطبية بدلاً من العشق المتسرب إلى
قلبه نتيجة صوتها، فأخرج ورقة وقلم وبدأ في تدوين أفكاره وشعوره
وليس تدويناً علمياً.

"لقد تهياً البعض بأنني فارقت الحياة ولكنني اعتذلت عن الكون الفسيح
بكواكبه، ونثرت من عيوني العبرات على فقدانى لشخص عزيز،
شخصاً لطالما رسمت صورته بداخل قلبي، واستجمع عقلي ملامحه
الجالية في ذهني، وشهدت بمكوثي خلف أحزاني، أعاتب نفسي كثيراً،

حتى شهد ابني الصغير الذي لم يبحر في السنوات عمرًا، يقف بجانبني يشاهد ضربات قلبي المنحوتة على ورق مهترئ مصفر، ولكني التزمت المكوث مليدًا بكرسي أرحت عليه ظهري، محتسبًا قهوتي، غير مبالي بمن حولي، حتى ابني، مندمجًا لما أصنع فلا ملاذ من اكتئاب، إلا بأصابع ابني الوردية تسرقني حينما التحمت بكفوفي، كأنها المواساة دون إدراك، فهو مازال لا يعي معناها، ولكن سجيته الصافيته تكشف ما أخفي من الدروب"

أوقفه ابنه عن الكتابة باحتضان، فبات يقبل رأسه ويحتضنه بلهفة ملحوظة، وفي نهاية ما أراد، احتكمت قبضته للورقة فيكورها ويرميها بسلة القمامة.

لاحظت زوجته أمرًا كهذا فبعد اندماجه لدقائق، يرمي الورقة بتلك السهولة، فاعتلي الفضول شعورها، فذهبت كي تحضر الورقة المنفوية، قرأت ما تبين فيها، فأصابتها الدهشة المفرطة، فلم تسمع بفقدانه أحد أصدقائه، فتسائلها عن الأسباب في عقلها، أسباب ضيقه الممتد لبضعة أيام ...

- عمر أنت في حد من أصحابك جراه حاجة؟

مثل عمر الاندهاش الممزوج بالخوف قائلًا:

- لأليه في حاجة؟!!

تفحصت الورقة الصفراء، وقلبتها بين يديها

- أصل لقيت الورقة ديه مرمية في السلة.

- أه الورقة ديه لأ عادي ... كنت قاعد بشخبط بس.

- على فكرة أنت بتكتب كويس.

- بجد؟

- أه بجد ... أنت كنت بتألف قصة ولا إيه؟

- أه كنت بجرب التأليف.

- ماشي يعني عاوز الورقة ولا أرميها؟

- لالا حطيهما على المكتب.

انصرفت نور تاركة أثراً هاماً، فكرة رائعة، فكرة أن يكتب قصة حياة أينوجت ليرويها للناس، لذا داوم عمر كتابة القصة باستمرار، يتسم بالأسى منذ بداية التدوين حتى نهايته، لا يخالطه التبسم ولو للحظة واحدة من أول الولوج حتى الانتهاء، زوجته تراقب ذلك دون أن تقطع أفكاره، تكتفي بالمراقبة البعيدة من حين إلى آخر، ابنه كثيراً ما يقف بجانبه ليشب بقدميه كي يعبث بما على المكتب، يقاطع أفكاره أحياناً ولكنه لا يزعج من ذلك، كل ما يفعله هو أن يعانق الصغير تاركاً قبلاته على جبينه وخديه.

وفي نفس تلك الأوقات كان يراقب قسم المخ والأعصاب بالمستشفى كي يجد متطوعاً لتجربة العقار، إرث أينوجت، يود شخصاً كاتماً لسر التجربة، يحمل الجراءة ليخوضها، لكن ذلك الشخص لم يلحظ له طلعة، ولمدة أسابيع داوم البحث، بلا جدوى، فلعل الحظ يرسل له شخصاً يحمل العلة ويبيغي العلاج.

في آخر الشتاء الحالي، حيث الأمطار الغزيرة، والطرق المعبأة بالمياه، حيث استقل سيارته الداكنة الجديدة، متجهاً إلى حيث مكان عمله، سمع صوتاً حتم عليه التريث لبرهة مع عقله، صوتاً لطالما حلم بقدمه يوماً إلى أحلامه، صوت الأزيز، تبحث عينيه عن الموقع تلهفاً، فتح زجاج السيارة ليطل برأسه إلى الخارج كي يرى مصدر الصوت، غدقت رأسه بللاً بالأمطار الكثيفة، لم تسلم إحدي شعراته من المياه، عيونه تابعت شخصاً ما يريح ظهره على كرسي متحرك، وفي خلفه شخصاً يدفعه إلى الأمام، يبعد عنهم كل تلك الأمطار شمسية سوداء تسمع لصوت صراخها صدى من الصقيع، بات يدقق النظر أكثر فلمح يداً بيضاء يلعب في وسط أصابعها خاتم ذهبي، انطلق عقله نحو الجنون، نفس لون البشرة المشع، يتساءل مشدوهاً، هل هذه حبيبته

المتوفاه؟؟ هل هذه من دفنت أمامه؟؟ هل هذه التي توقف قلبها أمام عيونه، على حسب ما يروي، يقول في أواخر صفحات روايته التي شغل بتدوينها وتأليفها ...

"لقد نال مني الزمن وطفق على بالتمني، شاهدت من كان يهيم قلبي لها، تستند على نفس الكرسي ويشهد من يراني أنني جننت، بات قلبي المجزوع مهلاً ونبت في أشلائي السبب في البكاء فرحاً، تلهفت حواسي كي ترى وجهها، وتمنى الزمن لو ينفلني أمامها غصباً، انتقالاً، أني، بفعل السحر، بفعل المعجزات، همت قلمي بعيداً عن سيارتي، وتركتها مفتوحة دون ملاحظة ما أفعل، كي أُنقل سريعاً وأقف أمامها، تحتمي تحت الشمسية خوفاً من قطرات المطر، ولكن على حسب ما أذكر ان المطر لم يكن سوا فرحتها، وعلى حسب ما أذكر في بحر لحظاتها طلبت من قدميها عوناً، ونالت ماتريد، رقصت أمامي انبهاراً وتباهياً، الآن لما هي جليسة الكرسي، تسأل العون من من يدفع كرسيها إلى الأمام، ومع تلك الأفكار المتضاربة تباطأت قدمي الملهوفة، واجتذبني العقل لكي أثبت أكثر حتى يسع لي الحظ في أن أراها وأتحقق من هي، وعندما وصلت إلى الهدف المنشود، تحملت عيناى دهشة، نعم نفس العيون الخضراء، نفس البشرة البيضاء، نفس النحافة الجسمانية، لكنها ليست هي، حتي أنها تبدو أصغر منها بعقد كامل، لقد لعب بي الحظ وعندما انتهت لحالي وثبت قدمي حيث السيارة المتروكة وسط الشارع باكية، ولم أبه بمقدار السب واللعن الذين لحقوا بي من سائقي السيارات من حولي، لكنني عدت أدراجي، كي أركن سيارتي، وأعود إلى شببتها كي تتأكد عيناى بأنها ليست هي"

لقد كان الرجل كثيف اللحية هو أباه، لا يفر الأمل بعيداً عن عقله وقلبه، قعيده الكرسي كان لا ينبعث من وجهها بصيص أمل حتى، فربما تجربة تقلب لديها الموازين، ومع هذا كله كان قلقاً في أن يصبح السر

مذاعًا، عليه التفكير لبعض الوقت حتى تنهي كشفها في عيادة المخ والأعصاب، وعندما خرج الأب كان بحوزته مظروف الأشعة والحزن يتحلق في عيونه وابنته على نفس شاكلته، وعمر عليه التدخل فربما يكسر تلك اللعنة، نادى على أباها وطلب إليهما أن يشرفاه في مكتبه، تقبل الأب طلبه، وتقدم إلى مكتبه، فكان عيون عمر تشخص النظر إلى وجه الفتاة، وقلبه يخفق لتذكره أينوجت التي كان يراها بداخل شبهتها، فما بدأ في التكلم إلا عندما استغرق الصمت وقتًا طويلاً.

- ها تشربوا إيه؟

رد الأب في سماحة :

- ربنا يكرمك يا بني.

- لا مينفعش لازم تشربوا حاجة.

نادى عمر على سعيد الساعي ...

- ها تشربوا إيه يا جماعة؟

رد الوالد:

- خلاص ماشي شاي سكر زيادة، تشربي إيه يا مي.

ردت مي ببرود:

- لا مش عاوزة حاجة.

رد الوالد:

- خلاص خليها على راحتها.

طلب عمر من عم سعيد الساعي المطيع الذي يقف عند فوهة الباب ...

- هات ٢ شاي سكر زيادة يا عم سعيد.

تتسائل عيون الوالد قبل لسانه

- ها يا بني خير؟

- أحكي لي بالظبط إيه اللي حصل لبنتك.

- حادثة ميكروباص من خمس شهور كده وأنا داخ معاها والله

وزي ما أنت شايف حالتها.

- اه يعني اللي حصلها ده حصلها من قريب، طب تمام، والدكاتره قالوك ايه؟؟

- والله مهما قالوا الواحد بيبقى عندو أمل في ربنا ... ربك كبير يابني.

- هو قطع في الحبل الشوكي ... صح؟

أجابه بحزن شديد:

- أه يابني.

- بصراحة أنا مش عارف أبداً منين؟

انتبهت مي إلى عمر بعدما كانت لا تنقل عيونها عن الأرض.

- بصوا ياجماعة الموضوع اللي جايبكو عشانه ... عندي شرط قبل

ما أبداً في الكلام عنه، إنه بيبقى سر ما بينا إحنا الثلاثة.

- متقلقش يابني.

- من شهور فانت أنا كنت ببحث عن متطوع لتجربة، وشكل بنتك

هيكون ليها النصيب ده إن شاء الله، الفكرة كلها إن في شخص

اخترع علاج نهائي للشلل، وجربه مرة واحدة بس، واستوصاني

قبل ما يموت إنني أحاول إنني أوصل العلاج ده لكل المرضى اللي

عانوا زيه، أوصله لكل اللي عنده أمل أنه يمشي ويقدر يرجع للدنيا

ولحياته الطبيعية تاني، وطبعاً المفروض العلاج ده ياخذ فترة

يتجرب على البشر قبل ما يتداول في المستشفيات، بس أنا لازم

أحاول أعمل عليه دراسات، وبعد لما نتأكد من صلاحيته، هيقدر

يوصل للدنيا كلها إن شاء الله، ويبقى حققت أمنية شخص عاش

حياته كلها عشان يوصل للعلاج ده.

- سامعة يا مي ... يعني في أمل ... شوفتي إنني مبقولش أي كلام.

كان الاندهاش يعلوان وجه مي والفرحة ترسم طريقها على ملامحها.

- أوضح الموضوع أكثر ... اللي اخترع طريقة العلاج ديه، كان

واحدة عاشت طول حياتها على كرسي متحرك، وقبل ما تموت

قدرت توصل للعلاج اللي قضى على شللها ومشيت قدام عنيا زي
أي إنسان طبيعي، يعني ديه تجربة شوقتها بعيني، لكن للأمانة
العلمية، موضوع العلاج ده ممكن يكون في ضرر على صحة بنتك
بس إحنا إن شاء الله هناخد احتياطنا، وهنحلها وظايف كبد وكلى
وشوية تحاليل تانية بصفة دورية عشان نتأكد من صحتها وهي
بتخضع للتجارب ديه، ها تحبوا تبدأوا من إمتي؟؟
- من بكرة يادكتور ... مش كده يا مي؟
ابتسمت مي ابتسامة منكسرة ونطقت بصوتها الرقيق ...
- أه يا دكتور.

الجلسة الاولي

جاء الأب وابنته لنتلقى الجلسة الأولى المتفق عليها، الأب ترك ابنته
مغادراً لظروفه الخاصة مستأماً عمر عليها، ومع التدقيق لم تكن مي
كما كانت في آخر مرة، التفاؤل زادها جمالاً، الأمل شُهد بعيونها،
الدرب المجهول تجلى بعض الشيء، والكحل في عيونها عمق لدى
عمر إحساساً بالوصال القديم، فنظرة لامعة يغار منها القمر، ولكن مهما
كان جمالها ليس كما كانت عليه حبيبته، فإن رقة أينوحت فاقت جمال
نساء العالم، ابتسامتنا المشبعة بالأمل هي ما كانت تنسيه كونه طبيباً
وتنقله إلى عالم من الغرام العفوي، هذا ما جعله يسرح في وجه مي
تذكرًا وليس مشاهدة جمالها، تذكرًا لما كانت تبدو عليه العيون
الساحرة، حتى أن عمر أصبح مجمدًا في ثلاجة تخزين بشكل غير لائق
مما جعل مي تضطر إلى تنبيهه قائلة:

- دكتور في حاجة ولا إيه؟

استفاق عمر محرّجًا قائلاً:

- لا سوري جدًا.

- ها هنبدأ إمتي؟

- مالك يا دكتور؟؟
- حاجة بتجيلي لما بتضايق.
- سكنت مي بعض الوقت ثم قالت في هدوء:
- ممكن سؤال؟
- اتفضلي.
- أنت كنت بتحبها؟؟!!
- سكت عمر قليلاً ثم أجابها:
- أه.
- مممم ...
- قالتها بابتسامة مواساة ثم سكنت وقالت:
- بس أنت طالما بتحبها لازم تكمل مشوارها وأنا هكون معاك ...
- هي كان اسمها إيه صح؟
- هي كان ليها أسمين، اسم مسميهوهلها وكان أينوچت، والتاني الحقيقي آية.
- طب يعني إيه أينوچت؟
- لف الكرسي ليتكأ عليه ويقابل صدره ظهر الكرسي ويجلس في وضعية مريحة ...
- ياااا أنتي كده هترجعيني ميت سنة ورا، بصي ياستي أنا من وأنا أد كده هوه، كنت بحبها وفي نفس الوقت معرفش اسمها إيه أصلها مكنتش في نفس فصلي، هي كانت في نفس مدرستي بس أكبر مني، وفي الفترة ديه كنت بتفرج على مسلسل كارتون كان البطلة بتاعته اسمها أينوچت فسمتها الاسم ده.
- طب وبعد لما كبرتو عرفت إنك كنت مسميها كده؟
- أه ياستي.
- أسئلتها المراهقة لا تنتهي ...
- أنتو كنتوا مرتبطين من وانتو صغيرين؟؟

- لا مش كده خالص ... تعالي نروح الكافتيريا تحت نطلب حاجة نشربها ونحكي على رواقه القصة كلها من الأول للآخر.
- خلاص أوك.

بدأ القصة بابتسامه مشرقة مع ذكريات لديه ممجدة، يحكي عن ما يقول عنها أسطورة، يهفو قلبه مع أطراف القصة، ينبش الحزن ضلوعه مع كل اقتراب من النهاية، بدا متماسكاً حتى إذا تشفت الدموع من عيونه فإنها تلمع فقط ولا تنال مخرجاً من جفونه، لكن مع النهاية كان التماسك أصعب فأصعب، فلولا رجولته لصار مولولاً وصرخ صراخ النساء، وطالما أبقى على دموعه في جعبتها فإنه عنواناً للصدود، والغريب في الأمر أن مي هي من سكبت من عيونها الكثير، فحَقاً ما أصعب لحظات فراقها وما أصعب أن تنال حلاً ولم تهناً به إلا للحظات، وهكذا هي أينويجت ذهبت ولكن اسمها يود أن يبقى عالياً خفاً ينال العالم معرفته ويخرج من حيز الغمور.

في السابع والعشرون من ديسمبر، حيث أن الهواء أصبح دافئ من أنفاس التجمع الكثيف، يقف أمام الكثيرين مما ينتظرون حركة من شفاهه كي يلاقوا سمعاً لما سوف يحكي عنه، التوتر يشوب أفكاره وحده، شيئاً من اللجاجة قد تتشبهت بلسانه فترهبه، إنه اليوم المنتظر حيث كان ينتظره بفارغ صبره، وفي لحظات قليلة، الثبات عنوانه، الثقة تدعمه، الخوف يحترق ولا يبقى رماده، ليبدأ في تحريك شفاهه المنغلقة، ليروي قصة لا يعلمها أحد، قصة من أجلها يعقد هذا المؤتمر، لم يكن أمامه ورقات مكتوبة، إنما قصص ما يريد ارتجالاً، فكان من ضمن الحضور زوجته التي تفخر بزوجها، ومحمود يقطن الصفوف الأولى بجانب حسام الذي يبدو عليه الحزن الوفير، وما إن دلف الكلام خارج شفثيه تنبه الجميع ...

- النهاردة يوم مميز ومشرق الحمد لله ... عيد ميلاد شخص مهم جداً ... أنا طلبت المؤتمر يكون النهاردة بالذات احتفالاً بيه، شخص أنا احترمته، وقدرته، شخص إنتمني على أثن شيء في حياته، أنا النهاردة جيت أحكي عن تجربة فريدة، تجربة مختلفة ... في البداية أحب أقدملكم شخصية رائعة، شخصية جميلة، شخصية شاركت في الحدث ده، رحبوا معايا بالأنسة مي.

قدمت مي تخطو بأقدامها بكل وثوق، كأنها لم تعجز من قبل، لتحمل جسدها الممشوق على حذاء بكعب عالي، عندما ظهرت أمام الجميع علا التصفيق أرجاء المكان، فأخذت بجانب عمر مكانها الذي تلالاً وسط أنظار الناس، فاعتصرت المايك بين يديها وبدأت في الكلام بابتسامة متجلي فيها الفرح العارم.

- النهاردة أنا مبسوفة جداً ... لا بقالي كذا يوم مبسوفة؛ لأنني أخيراً قدرت أمشي على رجلي، بعد لما قعدت حوالي ست أو سبع شهور مش بقدر أمشي، وده بفضل ربنا ثم الدكتور عمر ... دكتور عمر اللي وقف جنبي لحد لما خطيت أول خطوات ليا بعد الإصابة. ليعلو التصفيق مرة أخرى أرجاء القاعة، ويعاود عمر الحديث مجدداً:

- الأنسة مي كانت عندها قطع في الحبل الشوكي؛ أدي إلى شلل النصف السفلي، والحمد لله استجابت لطريقة العلاج، وللعلم منهجية العلاج ده مش أول مرة تتجرب، ديه ثاني مرة، والحمد لله العلاج آمن من خلال الأبحاث اللي أجريتها عليه من خلال التحاليل الدورية اللي كنت بعملها للأنسة مي، والحمد لله اتعمل عليه دراسات وأبحاث من فريق طبي كامل من مستشفى القصر العيني وأثبتت إن طريقة العلاج آمنة مية في المية، ودلوقتي هعرض على سيادتكم بعض الفيديوهات من تجربة الأنسة مي سجلناها من أول المراحل العلاجية

شغل "الداتا شو" لتوضح بعضاً من الصور لمي وبعض تسجيلات الفيديو، التي توضح المراحل العلاجية وتوضح كيف كانت تجربة مي الأولى في الوقوف على أقدامها لأول مرة بعد الحادثة، وعمر يشعر بالامتنان ويذكر وجه حبيبته التي تفانت كي تصنع البسمة والأمل لكل فاقد أمل، وبعد الانتهاء، بدأ في حديثه مجدداً، ليتبدل لسان عقله بلسان قلبه ...

- بعد اللي شوفتوه ... أحب أتكلم عن اللي صنع أسلوب العلاج ده، هي بني أدمة كانت طموحة جداً، كانت قريبة مني على المستوى الشخصي، وأنا حضرت أول تجربة للعلاج، هي كانت حالتها زي مي ... بس هي قعدت فترة أطول على الكرسي وبعد حوالي عشرين سنة قدرت تتحرر منه، ودلوقتي هوريكو حاجة جميلة مبتكراها.

تحرك عمر بخطوات هادئة تشير إلى حزن شاب أجزاءً من صدره، إلى الركن الأيمن من الساحة، اقترب من جسم مغطى بغطاء مصنوع من الكتان، ليتبعه أنظار الحاضرين، ليزيل الغطاء كساحر مفعم ويكشف عن الآلة المخصصة التي ابتكرتها آية، ليتابع كلامه الممجد لها ...

- دي بقى آلة بسيطة زي ما أنتو شايفين ... ديه الآلة اللي استخدمتها صاحبة العلاج.

جلس عمر على الآلة كي يختبرها أمام المدعويين، دون أن يملأ مستودع الحقن، دون أن يزيل ملابسه، فيضغط على زر التشغيل، فيرفع نصفه العلوي، كي يري الجميع كيف كانت تتم عملية الحقن.

- وبكده تتم عملية الحقن وتلقيح النخاع الشوكي ... طبعاً الآلة ديه ابتكرتها صاحبة العلاج، وأشرف على صنعها المهندس حسام سعيد

...

لم يرد حسام في أن يظهر في الساحة فإنه يعي أنه لا يستحق مكاناً في ذلك المؤتمر، فذكر عمر اسمه دون أن يشير إليه بالبنان. سكن قليلاً ثم تابع قائلاً:

- عمرها ما يأس، قعدت سنين من حياتها تدرس وتحاول لحد لما قدرت توصل، هي دكتورة في جامعة كامبردج، مصرية عبقرية قدرت تدرس في أكبر جامعات العالم، وده لإن طموحها كان كبير هي اللي كانت بت رأس المؤتمر العالمي لدراسة المشاكل الصحية للعالم النامي ... في مننا عارفها وفي ميعرفهاش الدكتورة «أية صدقي» دكتورة المخ والأعصاب ... نجحت في ابتكار طريقة علاجية بواسطة الخلايا الجذعية ... برتكول علاجي مختلف قدرت تنجح بعد سنين من البحث والتطوير، لكن في النهاية الظروف أجبرتها بتجربة أخيرة في آخر لحظات عمرها ... توقف للحظات ليغمض عيونه متذكراً ما كان، ثم تابع بصوت حزين

...

- قدرت تمشي على رجليها بس بعدها فارقت الحياة قبل ماتحتفل ... قبل ماتفرحلها حتي يوم واحد ... بس عشان كل اللي عنده أمل يفرح فرحة مي ... كل اللي مبيقدرش يمشي ... يقدر بيتسم تاني.

"في مضيك ورحيلك عني، ألتمس بعض الأفكار التي تجاور ذهني، أفكار تشابكت في ظل أحداث متضاربة، كل ما استخلصته منها هي تلك المعاني التي أفصلها عن حزن مفعج، فإن سيطر على الحزن فإن قرأة أحدهم لما كتبت لن يصدق ما رأته عيناوي وسمعه قلبي في رحلة الحياة تلك، سوف أكتب عنك بعض الكلمات الملفتة بدون مبالغات ولا اتهامات، أجعل من صفو داخلي كاتباً رقيقاً يعلو ويهبط بالتعابير ويشير لك بكلام جميل، بحذر حتى لا يعلم أحد عشقي، إذاً ماذا أروي؟ أبدأ بوصف أحلاماً متلاحقة أم الأم طاحنة، صراعاً مع مرض أم مقاومة

عجز، نعم أكثر ما أؤمن به أنكِ غدوتي بريئة، وأنا في داخل عقلك حبيس الخطى، وحتى لو جردوني أنامي، فسوف أزهر الكسل والجبن، هذا الوعد المنجي لفؤادي الباكي، وحتى إذا تجرعت الكمد قناطير، فهل تذوقت مما تذوقتيه شيئاً؟! فأنتِ مثلاً للعالم أجمع وسوف أخبر كل من أراه أسطورة من أساطير الحياة، حتى يعلم العالم من تربي بكيونونة الكفاح ومن مات دون أن يدري ماذا يكون طعم النجاح"

كانت تلك الكلمات في روايته المنشورة "رقصة تحت المطر"

تعجب من سطوع الشمس في فصل الشتاء هكذا، لتسطوا ظلمات جدران حجراته، يبتسم محملاً بالأسى، فبعد مرور أعوام كثيرة هكذا يقف وحيداً، ملبداً في ركن الشرفة المطلة على الشارع، يرمق فنجان قهوته البارد، لعل النسيان ضغط على عقله، أو أن التفكير أجرم عليه، فبعد أن خبا أسراره في جعبته، نال منه الزمان وطفح بئر مصائبه، فأغرق حياته بالنهاية، فلولا أجندة مذكراته التي تحولت إلى رواية ما لبس لباس الضيق ذو الأزوار المحبوكة، وما نوى أن يهيم بالشرفة على ماض لا تتلاشى معالمه، وأصعب شعور نال منه، عندما أمسك مقبض باب شرفته، متجهاً إلى غرفته، حاملاً في صوته النداء عليها، فلم يسمع لها رداً، وأخيراً قرر أن يقطن داخل القارورة الزجاجية، لا يبغى نقر أحد من الخارج، تمنى لو يخطف سمعه بعضاً من الموسيقي الهادئة التي يهوى لها قلبه، تجربة حياتية جديدة أن يبتعد عن العالم ويشغل صدره الشاعر بحب جديد، حب نفسه وعشق أحلامه، حتى لا يلقي مصيراً مؤلماً في غياهب المستقبل، فصارت حياته على وتيرة واحدة، تلك الوتيرة الرتيبة، نفس اليوم يتكرر، نفس الذكريات المحتره تجاور عقله، ينتظر ذلك المسافر الذي لم يحضر إلى مرقد هذا ولم يطرق باب بيته من قبل، وبأطراف منتفضة وبألم دفين ينظر إلى الشرفة في يوم آخر ولا ينوي دخولها حتى لا تشتاق قدماه إلى الشارع، أو يطمح جلده إلى ثرى متسرب إلى قدمه، إذاً فلينتظر المسافر ليحمل إليه نهايته المرغوبة، وليترك القارورة مودعاً وملوحاً بيديه ولينتهي ما كان يتمنى أو ما طغى على فكره لسنوات.

"هل تودي أن ترقصين فارقصي واعلمي أن عيوني تشاهدك وأن
جفوني ستظل ساكنة رغم الدموع حتى لا تغفل عنكي برهة واحدة،
فأذهبي بخطاكي إلى حيث لا تدري وانهمكي فيما تؤدين حتى تملي"
أينوچت

شكر خاص
أ.م. مصطفى عبد الحليم سعيد
رحمة عبد الحليم
أحمد عاصم
د. محمد سويدان
أ.د. عمرو حسن الحسني "أستاذ المخ والأعصاب جامعة القاهرة"
د. أحمد جمال أحمد سلام
م. أحمد رأفت الجمل
م. ياسر محمد صلاح زهران

شكر خاص لوالدي
عبد الحليم سعيد

إسلام عبد الحليم سعيد

كاتب ومهندس ومصمم جرافيك، ولد في القاهرة عام ١٩٩٠، درس الهندسة بجامعة القاهرة قسم كهرباء قوى، احترف تصميم الجرافيك منذ أن كان في الجامعة وتخصص في مجال الرسوم المتحركة ثلاثية الأبعاد، له عدة قصص قصيرة على صفحات الفيس بوك التي لاقت إعجاب القراء، وتلك الرواية التي بين أيديكم هي أولى رواياته التي استغرقت ثلاثة أعوام من الدراسة والكتابة.

الصفحة الرئيسية للرواية على الفيس بوك

<https://www.facebook.com/enojaet>